


宸垣識畧 卷一卷二

居

110  
934  
3/28

113.1





乾隆戊申冬

宸垣識略

池北草堂開彫



序

粵在成周初經洛邑作誥曰自服于土中周起豐鎬肇九州職方所隸不克盡禹貢梁州揚州之舊境規度偏陝故以洛邑為天中據當日版章言之也洪維

聖朝光宅區寓聲暨文敷東起長白包肅慎外境屯牧相望西達於天山月竈東南跨漲

序

海闊曠古未闢之版圖度經緯測廣輪維京師實為四方之中周官稱天地之所合四時之所交風雨之所會陰陽之所和維今京師克臻其盛建極以馭八埏若辰樞之運乎中央而二十八舍十二分野俱為之環拱也律歟盛哉曩時秀水朱檢討嘗述日下舊聞徵引諛博仰邀



睿鑒命儒臣重為考正條例之精制度之備  
辨証之確而覈古今地理書胥莫出其範圍  
矣仁和吳君太初久客都下雅才洽聞公卿  
士大夫爭招致讎校藝文益充拓其識博觀  
而約取以身所涉歷融洽前言編纂成書題  
曰宸垣識畧其叙載必有依据語尚雅馴見  
者嘉其用心之密而君顧嘆然曰此書祇以

序

備游覽之資而已夫游覽之書亦豈綴學所  
能為哉遊山必喬嶽觀水必滄瀛而觀星者  
必於辰極四方所仰止必于邦畿民止之區  
崇規大起樂利延庥未易得其崖畧也然前  
人撰著若洛陽名園記長安可游記識載至  
纖悉矣考証者猶有所取資矧吳君沐浴  
雅化親見輦轂聲華之盛卿雲賡和協以衢



歌翔和輯慶之景象薈萃簡編俾觀光日下  
者皆得按籍循途矚瞻斗極流傳及遠將使  
四方萬國俱得望光耀之遠躔戴景承暉以  
伸其莫不尊親之慕是豈特為操觚者慶遭  
遇乎此時哉是為序餘姚邵晉涵撰

序



序

太初氏客京師十餘載以著述自娛屢爲縉紳先生讎校秘冊輒採錄藏于篋行曰天厨雜嚼大而典章經術細而名物象數靡不賅備積帙盈尺未暇編次也又留心掌故卽經一坊巷一梵刹亦必詢其所自將擬爲帝京景物長安可游之續會有

詔修朱氏日下舊聞爲日下舊聞考書成得讀之乃綜括其大綱參之以所掇拾上自官府下迄郊坰爲宸垣識畧十六卷客有議者曰京師自遼金元明以至我

宸垣識畧

序

朝營都建域至宏且鉅形勢之正氣運之隆亘古莫儷朱氏旣薈其全今

欽定本復徵其實美矣備矣固竇問之所不能窮亦廣輪之所未易括也太初氏以抄撮之力攬片羽于吉光拾董蒙之香草不已隘乎余曰不然凡書取其博且大者而已足矣地志則瑣言綴說皆識小之助也秀水之輯舊聞搜羣籍至于餘家而猶以未見元建都記蕭訥故宮遺錄爲憾事其明徵矣舊聞考爲

朝廷著作卷帙宏富鏤版祕館非窮陬僻壤謾聞淺識



所能先覩而太初是編譬之挹涓滴于東瀛分尺塊于  
嵩岱雖未盡窮其源升其巔而海嶽之全體則已具矣  
而又何歉焉且其紀述 大內宮苑則宮殿考掖庭記  
禁扁之屬也其臚列城市條析坊巷則長安志衢術志  
之屬也其雜載寺院則名山志伽藍記之屬也其援据  
典禮則會典通禮之屬也其間徵軼事雜錄歌詩則風  
俗記游覽志之屬也其畧附圖說則又圖經圖志之例  
也晉人將有事于河必先有事于惡池齊人將有事于  
泰山必先有事于配林請以是編爲舊聞考之惡池配  
宸垣識畧

序

二

林也可容曰善遂書以爲序戊申涂月秋室余集撰



宸垣識畧例言

一是書依據

欽定日下舊聞考朱氏日下舊聞編輯二書該載順天全屬卷帙浩繁茲自 官苑以迄郊坰採掇大綱事詳語畧凡十六卷做巾箱本以便行篋

一三朝

御製碑文暨

皇上御製題咏舊聞考敬謹詳載而

聖藻

宸垣識畧

例言

天葩昭垂海寓久爲士林所誦法茲局于篇帙恭就已勒石者敬識其目云

一

郊壇 太廟 三殿等謹據會典詳錄其

特行曠典如千叟宴九老圖辟雍四庫全書恭識于按語用彰 本朝典章制度之隆

一城市敘次朱氏據明代五城編列坊巷尚屬整齊舊聞考據 本朝定制合內外城通編五城則犬牙參錯于游覽之例未符今內城據八旗居址分



八段外城分四段俱繪圖于首庶展卷瞭然

一是編爲游覽而設故官署依朱氏原書散入城市中  
禁苑則依舊聞考另爲一卷尊

皇居也而苑名仍于郊坳道里列之

一內城王侯甲第前考未載茲錄親王以至貝子皆  
從始封之爵其貝勒貝子向無封號凡初封有諡  
者書諡無諡者冠以本藩之號以別支派間有諡  
號俱無則謹書其諱罪廢無襲者畧焉

一八旗公侯 賜第承襲更換不能遍考先就所知

宸垣識畧

例言

二

書之凡承襲者書爵現膺 錫命者兼書銜餘俟  
訪明補後

一京官 賜廬邸寓更易無常概從其畧間有地已  
易主而當年

宸翰猶懸屋已傾廢而前人題咏可考錄之以識一時  
鴻雪若坊巷無稽其名雅而事資吟助者亦採錄  
于識餘焉

一外城各省會館近年創建日繁此正邦畿民止于  
以壯 皇都敦梓誼意良厚焉彙錄卷末庶征車



戾止不迷于所往

一寺觀存廢以舊聞考爲主其紀載詳畧合二書而增損之或爲游歷所經或見前人題咏可以補入者亦統載焉

一詩詞題咏朱氏祇載前人茲兼採 本朝名家惟以賦體入選惜謏陋寡交搜羅未廣閱者諒之

一繪圖悉有藍本因篇幅狹小省胡同二字祇書某名某條郊坰詳順天志圖以非所重故畧之

一每事首行頂格次行低一格以分眉目一事數條

宸垣識畧

例言

三

者低一格另行古蹟已廢者于低格上加圈別之又詩詞按語俱低二格舊聞書原按補遺書補按舊聞考書考按間有愚見則書某按附後

例言畢



宸垣識畧目錄

卷一

天文 形勢 水利 建置 圖一

卷二

大內 圖一

卷三

皇城一 圖一

卷四

皇城二

宸垣識畧

目錄

卷五

內城一 東南 總圖一分圖一  
東中南

卷六

內城二 東中北 分圖一  
東北

卷七

內城三 西南 分圖二  
西中南

卷八

內城四 西中北 分圖二  
西北

卷九





外城一 東 總圖一分圖二

卷十

外城二 西 分圖二

卷十一

苑囿 西山圖一

卷十二

郊坳一

卷十三

郊坳二

宸垣識畧

卷十四

郊坳三

卷十五

郊坳四

卷十六

識餘

目錄畢

目錄



宸垣識畧卷一

仁和吳長元

太初氏輯



天文

京師北極高三十九度五十五分夏至晝冬至晝冬至夜五十九刻五分冬至晝夏至夜三十六刻十分節氣時刻依中星推算

北斗七星是謂帝車運乎中央而臨制四方六曰開陽亦曰應星主木主燕

劉向言地分燕地箕尾之分野也自危四度至斗六度宸垣識畧

卷一

一

謂之析木之次燕之分也

尾箕星曰析木宮曰人馬時曰寅州曰幽

析木之津劉炫謂是天漢卽天河也在箕斗二星之間箕在東方木位斗在北方水位分析水木以箕星爲隔隔河須津梁以渡故謂此次爲析木之津也

星度分野十二次東西南北相反者四疑似者七所可據者其惟析木乎其宿尾箕亦艮之維燕可以言東北也

辰星主幽州



燕齊之疆候辰星占虛危

玉衡第八星主幽州常以五寅日候之

景星見箕尾而慕容德復燕此分野之驗也

長元按星土之文見于周禮雜出于內外傳諸書其說茫昧不可究窮 本朝所用西歷專測北極高度偏度以推晝夜長短節氣早遲其分野占候斥而不講今謹錄

京師北極高度于首而舊聞所引各書星土之文撮舉大畧以資數典而已

宸垣識畧

卷一

二

形勝

燕亦勃碣之間一都會也南通齊趙東北邊上谷至遼東北隣烏桓夫餘東綰穢貉朝鮮真番之利

冀都山脉從雲中發來前則黃河環繞泰山聳左爲龍華山聳右爲虎嵩爲前案淮南諸山爲第二重案江南五嶺諸山爲第三重案故古今建都之地莫過于冀所謂無風以散之有水以界之也

范鎮之賦幽州也曰繩直砥平形勝爽塏木華黎之傳幽燕也曰虎踞龍盤形勢雄偉以今考之是邦之地



左環滄海右擁太行北枕居庸南襟河濟形勝甲于天下誠天府之國也究其沿革唐虞則爲幽都夏殷皆入于冀地周封堯後于薊封召公于燕正此地也厥後漢曰廣陽晉曰范陽宋曰燕山元曰大興明初謂之北平而爲燕府龍潛之地尋建爲北京而謂之順天焉

太行自西來演迤而北縣亘魏晉燕趙之境東極于醫巫閭重岡疊阜擁護而圍繞之不知其幾千里也其東則汪洋大海稍北乃古碣石稍南則九河故道浴

宸垣識畧

卷一

三

日月而浸乾坤所以界之者又如此其直截而廣大也况居直北之地上應天垣之紫微其對面之案以地度之則秦岱萬山之宗正當其前夫天之象以北爲極則地之勢亦當以北爲極易曰艮者東北之卦也萬物之所成終而成始也離萬物皆相見南方之卦也聖人南面而聽天下嚮明而治孔子曰爲政以德譬如北辰居其所而衆星共之今之京師居乎艮位成始成終之地介乎震坎之間出乎震而勞乎坎以受萬物之所歸體乎北極之尊嚮乎離明之光使



萬物之廣億兆之多莫不面焉以相見則凡舟車所至人力所通者莫不在照臨之下自古建都之地上得天時下得地勢中得人心未有過於此者也

北京青龍水爲白河出密雲南流至通州城白虎水爲玉河出玉泉山經大內出都城注通惠河與白河合朱雀水爲盧溝河出大同桑乾入宛平界元武水爲濕餘高粱黃花鎮川榆河俱繞京師之北而東與白河合

西山神京右臂太行山第八徑圖經亦名小清凉也

宸垣識畧

卷一

四

太行首于三危伏于河折北而尊爲恒山支巒複岡畢赴于燕秩秩然復纒屬以東數十百里入于海上土人以其西來號曰西山

長元按此海上指城西海淀

西山內接太行外屬諸邊磅礴數千里林麓蒼莽谿澗鏤錯其物產甚饒古稱神臯輿區也盧溝琉璃胡良三河山水所洩多歸其中其水皆蒸綠異常風日蕩漾水葉遞映倚闌流覽令人欣然欲賦

京師形勝以堪輿家論之玉河之水當直出會南海子



從天地壇前轉東入潞河方爲自然崇文門外開河  
宜塞之庶幾左臂不斷此乃帝王建都萬代之計也  
京師前挹九河後拱萬山正中表宅水隨龍下自辛而  
庚環注皇城繞巽而出天造地設

元郝經入燕行南風綠盡燕南草一桁青山翠如  
掃驪珠晝擘滄海門王氣夜寒居庸道魚龍萬里  
入都會瀕洞合沓何擾擾黃金臺邊布衣客拊脾  
激歎肝膽裂塵埃滿面人不識骯髒偃蹇虹蜺結  
九原喚起燕太子一樽快與澆明月英雄豈以成

宸垣識畧

卷一

五

敗論千古志士推奇節荆卿雖云事不就氣壓咸  
陽與俱滅何如石晉割燕雲呼人作父爲人臣偷  
生一時快一已遂使王氣南北分天王幾度作降  
虜禍亂衮衮開其源誰能倒挽析津水與洗當世  
晉人耻崑崙直上尋田疇漠漠丹霄跨箕尾

明吳國倫燕京篇擬賦燕京勝三都未足誇霸圖  
雄雁塞古戍扼龍沙北谷回陽令西山擁帝家天  
平恒嶽迴地險薊門賒秦楚慚雞口侯王屬犬牙  
重城開御氣雙闕倚明霞芳樹華陽館高臺易水



涯談天曾碣石望海卽瑯琊帶甲環三輔梯航走  
八遐風雲森劍佩雨露足桑麻紫陌新豐酒紅樓  
宛落花輕塵飛白練旭日麗青驕雪色并兒劍星  
杓漢使槎羽林矜節俠戚里競紛奢接軫趨長樂  
揚鞭過狹斜悲歌逢擊筑斥堠警鳴笳七校傳清  
蹕諸陵望翠華豎儒何寂寞抱影獨長嗟

明孟思詩箕尾分星野軒轅肇帝墟燕山蟠王氣  
瀛海帶宸居西北饒兵馬東南富國儲太平茲樂  
土非夢亦華胥

宸垣識畧

卷一

六

長元按朱子論燕都形勢以泰華二山爲龍虎似  
矣然泰山之脉倘如前人所云自函谷西來盡于  
東海川山水俱順其氣不能疑聚伏讀

聖祖文集言泰山脉絡自盛京長白山分支至金州  
之旅順口入海海中磯島十數皆其發露處至山東  
登州之福山丹崖山起陸西南行八百餘里結而爲  
泰山穹崇盤屈爲五嶽首云云則濟水順趨岱脉逆  
峙磅礴乎青徐二州與華山支絡相接中原之形  
勢團結甚固而燕都包藏右山左海之間更爲奧



區矣此朱子之所未知者因恭錄于此

金明昌逸事有燕京八景曰居庸疊翠玉泉垂虹太液秋風瓊島春陰薊門飛雨西山積雪盧溝曉月金臺夕照元明人多詠之永樂間館閣諸公更薊門飛雨爲薊門烟樹或又增益二題爲十景和者相屬

長元按乾隆十六年

御書八景改垂虹曰趵突積雪曰晴雪其烟樹則仍明舊皆勒石又

御製小序并詩

宸垣識畧

卷一

七

水利

明謝肇淛云燕都稱百二山河天府之國但有少不便者漕粟仰給東南耳運河自江而淮自淮而黃自黃而汶自汶而衛盈盈衣帶不絕如綫河流一涸則西北之腹盡竭矣元時亦輸粟以供上都其後兼之海運然當羣雄干命時烽烟四起運道梗絕惟有束手就困此京師之第一當慮者也

京東負山控海負山則泉深而土澤控海則潮淤而壤沃諸州邑泉從地涌一決而通水與田平一引而至



如密雲之燕樂莊平谷之水峪寺龍家務莊三河之唐會莊順慶屯地薊州城北則有黃崖營城西則有白馬泉鎮國莊城東則有馬伸橋夾林河而下河南則有別山鋪及夾陰流河而下至于陰流淀疏渠皆田也遵化西南平安城夾運河而下及沙河鋪地方又鐵廠涌珠湖以下至韭菜溝上素河下素河百餘里夾河皆可成田豐潤南則大寨及刺榆坨史家河大王莊之地東則榛子鎮西則鴉洪橋夾河五十餘里皆可田玉田之青莊塢導河可田後湖莊疏河可

田三里屯及大泉小泉引泉可田至于瀕海自水道沽關黑岩子墩起至開平衛南宋家營之地東西度之百餘里南北度之百八十里皆隸豐潤其地與吳越瀕海之沃區相等昔虞文靖公之議東極遼海南濱青徐瀕海皆可田之地今豐潤實其中境欲舉其議行之茲非其先當致力者乎蓋先之京東數處而畿內列郡皆可漸而行也先之畿內而西北之地皆可漸而行也在邊陲則先之薊鎮而諸鎮皆可漸而行也至于瀕海則先之豐潤而遼海以東青徐以南



皆可漸而行也

明林環云北平古爲燕國燕自文公以後立于強國之間北迫戎貊內控齊晉又嘗帥師馳逐中原千里之外此其爲費不少矣蘇秦謂燕東有朝鮮北有林胡樓煩西有雲中九原南有滹沱易水卽今畿內東西所至視昔雖狹而南有渤海鉅鹿至于鄆邯濮陽蓋兼齊趙之地長短相互實亦當之昔者織悉出于其國而今盡仰給于東南非所以富國息民也往時何承矩耕水田于河北虞集議海田于京東脫脫大興

宸垣識畧

卷一

九

營田西自西山東至遷民鎮南起保定河間北抵檀順皆從佃種水泉陂塘之迹門堰捍築之方召募敕授之法器具工作之資蜃蛤粟米之富可以按成式法往智數歲之後其效立見此與轉吳會漕潞渚功相十利相百矣

明魏呈濶疏燕都幽冀爲畿輔負重山面平陸輿衍之利甲于東南若疏其上原自涓滴傳而致之何田不克何漕不裕惟北方不知蓄水聽其自旱自雨自盈自涸故潦則遍地巨浸旱則滿眼砂礫一遇饑歲比



屋倒懸民之凋敝極矣誠于此時舉地利而經理之富民不能供役者必轉募貧民則窘者得食一利也旱則蓄其流澇則宣其溢則瘠產皆化爲沃土二利也水道與田疇相通譬咽喉之氣達于肺臟靡所不通漕可速濟三利也北地種植旣多卽粟米芻藁俱將輸于天府遠可省額外之征近可蠲召買之役四利也原野有溝有防高下成塹盜不敢援弓馳馬五利也夫不費太倉之金錢而坐獲此五利亦何憚而不爲乎

宸垣識畧

卷一

十

長元按燕都漕運仰給東南恃運河一衣帶水誠爲可慮元季佐以海運明時亦議及此然譬之臨渴掘井所謂鞭長莫及也虞文靖議開水田洵爲良策明時曾有行之者惜爲宵小所阻未竟其效我朝關東饒衍儲粟可以協濟而

皇上睿謀獨斷命臣工疏濬西山諸泉與通惠永定等河自近郊以迄畿甸旱潦無虞稻畦彌望有非前代專藉南漕之可比矣

建置



京城周四十里高三丈五尺五寸門九南曰正陽南之  
左曰崇文南之右曰宣武北之東曰安定北之西曰  
德勝東之北曰東直東之南曰朝陽西之北曰西直  
西之南曰阜成明永樂七年爲北京城十九年乃拓  
其城

本朝鼎建以來修整壯麗其九門之名則仍舊焉

外城包 京城南面抱東西角樓計長二十八里高二  
丈亦曰外羅城門七南曰永定南之東曰左安南之  
西曰右安東曰廣渠西曰廣寧在東北隅者曰東便  
宸垣識畧

卷一

十一

在西北隅者曰西便皆北向

遼太宗會同元年以幽州爲南京析津府城方三十六  
里崇三丈衡廣一丈五尺敵樓戰櫓具八門東曰安  
東迎春南曰開陽丹鳳西曰顯西清普北曰通天拱  
辰大內在西南隅皇城內有景宗聖宗御容殿殿東  
曰宣和南曰大內內門曰宣教外三門曰南端左掖  
右掖門有樓閣球場在其南東爲永平館皇城西門  
曰顯西設而不開北曰子北西城巔有涼殿東北隅  
有燕角樓聖宗統和中改宣教門爲元和  
左掖門爲萬春右掖門爲千秋



度盧溝河六十里至幽州號燕京子城就羅郭西南爲之正南曰啟夏門內有元和殿東門曰宣和城中坊閤皆有樓

宋燕山府城周迴二十七里樓臺高四十尺樓計九百一十座池塹三重城開八門

考按此條燕京舊城周二十七里至金天德三年展築三里見析津志所引金蔡珪大覺寺記合計之共周三十里此皆指都城言之至大金國志所稱之七十五里者則指外郭而言猶今外城之制也

宸垣識畧

卷一

三

長元按燕山府之名係宋宣和五年金人來歸燕京六州時所改遼析津府城三十六里此云二十七里豈去其西南之大內而言耶遼城門八又大內門三今祇言八門其無大內可知

金貞元四年金主亮幸燕遂以爲中都府曰大興定京邑焉都城周圍凡七十五里城門十二每一面分三門其正門四傍又設兩門正東曰宣耀陽春施仁正西曰灝華麗澤彰義正南曰豐宜景風端禮正北曰



通元會城崇智此四城十二門也其正門常不開出入悉由旁兩門內城門曰左掖右掖宣陽又在外焉原按金史城門十三北有四門一曰光泰當以史爲正

考按光泰或會城崇智之別稱析津志又有清怡門在南城疑卽通元別稱大金國志金國圖經俱十二門也

金忠獻王粘罕有志都燕因遼人宮闕于內城外築四城每城各三里前後各一門樓櫓池塹一如邊城

宸垣識畧

卷一

三

每城之內立倉廩甲仗庫各穿複道與內城通時陳王兀室將軍韓常婁宿皆笑其過計忠獻曰百年間當以吾言爲信及海陵煬王定都旣營宮室欲撤其城翟天祺曰忠獻開國元勳措置必有說乃止

燕展築南城係金海陵天德二年

入豐宜門過龍津橋橋分三道通用奪玉石扶闌上琢爲嬰兒狀極工巧

宮城四圍凡九里三十步自天津橋之北曰宣陽門內城之南門也門分三中繪龍兩偏繪鳳中常不開



惟車駕出入兩邊分雙隻日開兩樓曰文曰武自文轉東曰來寧館自武轉西曰會同館皆爲宋使設正北曰千步廊東西對兩廊之半各有偏門向東曰太廟向西曰尚書省又北曰應天門初名通天門觀高八丈朱門五飾以金釘東西相去里餘又設一門左曰左掖右曰右掖內城之正東曰宣華西曰玉華北曰拱辰門內殿凡九重殿三十有六門閣倍之正中位曰皇帝正位後曰皇后正位位之東曰內省西曰十六位乃妃嬪所居之地也西出玉華門爲同樂園瑤池

宸垣識畧

卷一

十四

蓬瀛柳莊杏村盡在于是

金正殿曰大安常朝殿曰仁政

係遼舊殿

曰元和曰神龍

曰泰和曰常武皆召見奏事錫宴觀射之所

宋范成大龍津橋詩燕石扶闌玉雪堆柳塘南北抱城迴西山剩放龍津水留待官軍飲馬來

金元好問麗澤門詩雙鳳簫聲隔綵霞宮鶯催賞玉谿花誰憐麗澤門邊柳瘦倚東風望翠華

金師拓同樂園詩晴日明華構繁陰蕩綠波蓬邱滄海近春色上林多流水時雖逝遷鶯暖自歌可



憐歡樂地鉦鼓散雲和

金元好問出都作漢宮曾動伯鸞歌事去英雄可  
奈何但見觚稜上金爵豈知荆棘卧銅駝神仙不  
到秋風客富貴空悲春夢婆行過盧溝重回首鳳  
城平日五雲多 歷歷興亡敗局碁登臨疑夢復  
疑非斷霞落日天無盡老樹遺臺秋更悲滄海忽  
驚龍穴露廣寒猶想鳳笙歸從教剗盡瓊華了遙  
望西山儘淚垂

元世祖至元四年始定鼎于中都之北三里築城圍六  
里九年改爲大都

宸垣識畧

卷一

五

京城方六十里里二百四十步分十二門正南曰麗  
正左曰文明右曰順承正東曰崇仁東之南曰齊化  
東之北曰光熙正西曰和義西之南曰平則西之北  
曰肅清北之西曰健德北之東曰安貞九年二月建  
鐘鼓樓于城中

南城在今城西南唐幽州藩鎮城及金遼故都城也  
隋之天寧寺舊在城中今在城外矣憫忠寺有唐景  
福元年重藏舍利記其銘曰大燕城內地東南隅有



憫忠寺門臨康衢憫忠寺舊在城中今在城外僻境  
矣

原按隋之幽州洪業寺在城內唐之憫忠寺在城  
東南隅遼之南京因之康熙辛酉西安門內有中  
官治宅掘地得卞氏墓誌刻十二辰相皆獸首人  
身題曰大唐故濮陽卞氏墓誌文曰貞元十五年  
歲次己卯七月夫人卒于幽州薊縣薊北坊以其  
年權窆于幽州幽都東北五里禮賢鄉之平原是  
今之西安門去唐幽州城東北五里而遙矣金拓

南城時粧臺在城之東北至于元之中都則今德  
勝安定東直三門外皆城中地而白馬廟瓊華島  
粧臺太液池柴市憫忠寺大悲閣咸在南城迨徐  
武寧又改築縮其北五里廢光熙肅清二門規制  
差隘永樂中重拓南城然憫忠寺大悲閣仍限門  
外蓋都城凡數徙坊市變置代有不同今博訪金  
元之遺跡遂多湮沒而無徵矣

考按朱稱瓊華島太液池在南城者乃指金時七  
十五里之外城非金都三十里之內城也元改建



開都城去都東北三里則指金之內城東北若外城之瓊華島太液池元人卽于此營建大內並未嘗全棄其地

考又按遼金故都在今都城南面元代尚有遺址當時謂之南城而稱新都爲北城自明嘉靖間興築外羅城而故迹遂湮廢其四至已不可辨今卽前人志乘文集碑刻所記準以現在地面叅稽互審如憫忠寺昊天寺在今宣武門南與廣寧門相近而元人皆稱爲南城古蹟又今城外白雲觀西

南有廣恩寺卽遼金奉福寺距西便門尚遠而金泰和中曹謙碑記謂寺在都城内又金天王寺卽今天寧在廣寧門外稍北而元一統志謂在舊城延慶坊內又今琉璃廠在正陽門外而近得遼時墓碑稱其地爲燕京東門外之海王村又今黑窯廠在永定門內先農壇西而其地有遼壽昌中慈智大師石幢亦稱爲京東又圖經志書載都土地廟在舊城通元門內路西通元乃金都城北門而都土地廟今在宣武門外西南土地廟斜街由是



觀之則遼金故都當在今外城迤西以至郊外之地其東北隅約當與今都城西南隅相接又考元王暉中堂事記載中統元年赴開平三月五日發燕京宿通元北郭六日午憇海店距京城廿里海店卽今海淀據暉所言以道里核計則金時外郭七十五里之方位不難約畧而知之矣

考又按元張養浩登憫忠寺閣詩注云閣北三十里爲元大內與析津志北京志及元李洵孫大都賦所記皆不合此三十里當是三里之訛耳據唐

景福中重藏舍利記燕城東南隅爲憫忠寺又北京志至元四年始定鼎于中都之東北三里夫中都本唐舊城遼金展拓不過數里見金蔡珪大覺寺記當時憫忠寺之在城東南隅如故也元都城周六十里以圍三徑一衡之城中南北相直應二十里加以新舊都城相去三里則憫忠寺距元之安貞門不過二十三里焉有大內而轉遠隔三十里者乎且夫大內在太液池東爲金萬寧宮苑地此外更別無大內李洵孫賦曰揭五雲于春路迓



萬寶于秋方則崇天門外東西坊也曰山萬歲之  
嶙峋冠廣寒之崢嶸池太液之浩蕩此則瓊華島  
也曰麗正之所包羅崇仁之所聯絡則指都城各  
門也合城坊門囿以觀則元大內卽近掖池益信  
而揆以閔忠閣北三里約畧相符矣李洎孫賦彝  
尊未之見今從永樂大典錄出載形勝門

元宋本燕都詩拋却漁竿滄海邊拂衣來看九重  
天畫闌幾曲橋如月綠樹千門雨似烟南國佳人  
王幼玉中州才子杜樊川紫雲樓上如澠酒孤負

宸垣識畧

卷一

春風二十年 繡錯繁華遍九衢上林初賦漢西  
都朱門細婢金條脫紫禁材官玉鞭轡萬里星辰  
開上界四朝冠蓋翌皇圖東隣白面生紈綺笑殺  
揚雄卧一區 盧溝曉月墮蒼烟十二門開日色  
鮮海上神山無弱水人間平地有鈞天寶幢珠絡  
瞿曇寺豪竹哀絲玳瑁筵春雨如膏三萬里盡將  
嵩呼祝堯年 形勢全燕擁地靈梯航萬國走王  
城狗屠已仕明天子牛相寧知別太平元武鈞陳  
騰王氣白麟赤雁入新聲近來朝報多如雨不見



河南召賈生

元宋娶燕都詩萬戶千門氣鬱葱漢家城闕畫圖  
中九關上徹星辰界三市橫陳錦繡叢玉盃金杯  
丞相府珠幢寶刹梵王宮遠人縱睹爭修貢不用  
雕戈塞徼通 豪傑紛紛白玉京汗顏血指戰功  
名九重見帝多因鬼萬里封侯不用兵肥馬塵深  
心獨苦鮒魚波涸事難平西山小隱烟蘿暗依舊  
春犁趁雨耕 風物鮮妍飾禁城豪家戚里競留  
情花圍錦幄清明宴香擁珠樓乞巧棚叱撥馬搖

宸垣識畧

卷一

金轡具幘蒙車颺繡簾旌他年定擬持鉛槧細數  
繁華紀太平 流珠聲調錦琵琶韋曲池臺似館  
娃羅袖舞低楊柳月玉笙吹綻牡丹芽龍頭瀉酒  
紅雲艷象口吹香綠霧斜卻笑西隣蠹書客牙籤  
緗帙費年華

宮城周九里三十步甃甃分六門正南曰崇天門崇  
天之左曰星拱門右曰雲從門東曰東華西曰西華  
北曰厚載崇天門內有白玉石橋三虹中爲御道星  
拱門南有拱宸堂爲百官會集之所崇天門內曰大



明門大明殿之正門也旁建掖門繞爲長廡與左右  
文武樓相接大明門左曰日精門右曰月華門大明  
殿十一間高九十尺柱廊七間高五十八寢室五間  
東西夾六間後連香閣三間高七十尺中設七寶雲  
龍御榻并設后位寢室後爲寶雲殿東廡中曰鳳儀  
門西廡中曰麟瑞門周廡一百二十間寶雲殿後曰  
延春門內爲延春閣閣左曰懿範門右曰嘉則門延  
春閣九間後寢殿七間東西夾四間後香閣一間大  
明寢殿東曰文思殿西曰紫檀殿慈福殿在寢殿東

宸垣識畧

卷一

三

明仁殿在寢殿西左廡中曰景耀門南爲鐘樓右廡  
中曰清灑門南爲鼓樓玉德殿在清灑門外東西有  
香殿宸慶殿在玉德殿後左右有更衣殿

隆福殿在大內之西興聖之前南紅門三東西紅門  
宮各一繚以甄垣南紅門一東紅門一後紅門一  
光天殿前爲光天門左爲崇華門右爲膺福門殿後  
寢殿五間左青陽門右明暉門青陽門南爲翥鳳樓  
明暉門南爲驂龍樓寢殿東曰壽昌殿西曰嘉禧殿  
針線殿在寢殿後周廡一百七十二間後侍女直廬



五所及左右浴室文德殿在明暉門外又曰楠木殿  
盞頂殿在光天殿西北香殿在宮垣西北隅前後有  
寢殿文宸庫在宮垣西南隅酒房在宮垣東南隅  
興聖宮在大內西北萬壽山之正西周以甃垣南紅  
門三東西北紅門各一興聖門內爲興聖殿七間左  
明華門右肅章門寢殿五間後香閣三間東廡中弘  
慶門西廡中宣則門凝暉樓在弘慶南延影樓在宣  
則南嘉德殿在寢殿東寶慈殿在寢殿西興聖宮後  
爲延華閣閣右爲畏吾兒殿後爲如嬪院

宸垣識畧

卷一

三

奎章閣在興聖殿西廊至正間改爲宣文閣後又改  
爲端本堂爲皇子肄學之所旁有秘密室

元宋褰晚晴出麗正門詩團團碧樹壓宮城白鳳  
門楣澹日明回首瓊華仙島上片雲猶欲妬新晴  
元歐陽原功詩麗正門當千步街九重深處五雲  
開雞人三唱萬官集應制須迎學士來

明周憲王元宮詞雨潤風調四海寧丹墀大樂列  
優伶年年正旦將朝會殿內先觀玉海青 健兒  
千隊足如飛隨從南郊露未晞鼓吹聲中春日曉



御前咸着只孫衣 盤頂殿中逢七夕遙瞻牛女  
列珍羞明朝看巧開金台喜得蛛絲笑未休 興  
聖宮中侍女皇十三初到捧爐香如今白髮成衰  
老四十年如夢一場 奎章閣下文辭盛太液池  
邊游幸多南國女官能翰墨外間抄得竹枝歌  
安息薰壇建衆魔聽傳秘密許宮娥自從受得毘  
盧呪日日持珠念那摩 瑞氣氤氳萬歲山碧池  
一帶水潺潺殿傍種得青青豆要識民生稼穡難  
月宮小殿賞中秋玉宇銀蟾素色浮宮裡猶思

宸垣識畧

卷一

三

舊風俗鷓鴣長笛序梁州 合香殿倚翠峯頭太  
液涼澄暑雨收兩岸垂楊千百尺荷花深處戲龍  
舟 樓殿巍巍西內中御筵簫鼓奏薰風諸王駙  
馬咸稱壽滿酌葡萄獻玉鍾

長元按金元宮室與今 大內不同因節大概錄  
于城郭之後其題咏亦惟典實者採焉

明洪武初改大都路爲北平府縮其城之北五里廢東  
西之北光熙肅清二門其九門俱仍舊

舊土城一座周六十里克復後以城圍太廣乃城其



東西迤北之半創包輒甃周圍四十里其東南西三面各高三丈有餘上濶二丈北面高四丈有奇濶五丈濠池各深濶不等深至一丈有奇濶至十八丈有奇爲門九

大將軍徐達命指揮華雲龍經理故元都新築城垣南北取徑直東西長一千八百九十丈又令指揮張煥計度故元皇城周圍一千二百六丈又令指揮葉國珍計度南城周圍凡五千三百二十八丈南城故金時舊基也改故元都安貞門爲安定門健德門爲

宸垣識畧

卷一

十四

德勝門

永樂中定都北京改北平爲順天府建築京城周圍四十里爲九門南曰麗正文明順承東曰齊化東直西曰平則西直北曰安定德勝正統初更名麗正爲正陽文明爲崇文順承爲宣武齊化爲朝陽平則爲阜成餘四門仍舊城南一面長一千二百九十五丈九尺三寸北一千二百三十二丈四尺五寸東一千七百八十六丈九尺三寸西一千五百六十四丈五尺二寸高三丈五尺五寸堦口五尺八寸基厚六丈



二尺頂收五丈

考按元時都城本廣六十里明初徐達營建北平乃減其東西迤北之半故今德勝門外土城關一帶高阜聯屬皆元代北城故址也至城南一面史傳不言有所更改然考元一統志析津志皆謂元城京師有司定基正直慶壽寺海雲可菴二師塔勅命遠三十步許環而築之慶壽寺今爲雙塔寺二塔屹然尚存在西長安街之北距宣武門幾及二里由是核之則今都城南面亦與元時舊基不

宸垣識畧

卷一

五

甚相合蓋明初既縮其北面故又稍廓其南面耳長元按元吳師道城外紀遊詩考之觀象臺泡子河俱在文明門外則元時南面城根去東西長安街不遠是可以證今宣武門距雙塔寺約二里蓋永樂十七年拓北京南城計二千七百餘丈又非徐武寧之舊也

嘉靖二十三年築重城包京城南面轉抱東西角樓止長二十八里爲七門南曰永定左安右安東曰廣渠東便西曰廣寧西便城南一面長二千四百五十



四丈四尺七寸東一千八十五丈一尺西一千九十  
三丈二尺各高二丈塼口四尺基厚二丈頂收一丈  
四尺四十二年增修各門甕城

嘉靖三十二年給事中朱伯辰言城外居民繁夥不  
宜無以圍之臣嘗履行四郊咸有土城故址環繞如  
規周可百二十餘里若仍其舊貫增卑補薄培缺續  
斷可事半功倍乃命兵部尚書聶豹等相度京城  
外四面宜築外約七十餘里自正陽門外東馬道口  
起經天壇南牆外及李興王金箔等園地至蔭水菴

宸垣識畧

卷一

三

牆東止約計九里轉北經神木廠獐鹿房小窰口等  
處斜接土城舊廣禧門基止約計一十八里自廣禧  
門起轉北而西至土城小西門舊基約計一十九里  
自小西門起經三虎橋村東馬家廟等處接土城舊  
基包過彰義門至西南直對新堡北牆止約計一十  
五里自西南舊土城轉東由新堡及黑窰廠經神祇  
壇南牆外至正陽門外西馬道口止約計九里大約  
南一面計一十八里東一面計一十七里北一面勢  
如倚屏計一十八里西一面計一十七里周圍共計



七十餘里內有舊址堪因者約二十二里無舊址應  
新築者約四十八里其規制俱有成議因經費不敷  
事遂寢

考按金都外郭在今城西南凡七十五里元徙而  
東北凡六十里共應周一百三十五里今朱伯辰  
僅云百二十餘里則所縮者約十五里準以圍三  
徑一南北相直約縮五里此五里卽金元城界交  
會互入之處金之外城包入元城內約有五里從  
可推也

明程文德登五鳳樓詩六月六日天晶明九重廣  
內暴干旌金鎖朱扉開鳳閣禁籞偶隨仙侶行複  
道岿巖登且止俯視恍入青冥裏金鐘鼉鼓大十  
圍震擊元來聞百里紫電清霜森武庫高幢大纛  
紛無數中有神祖手執戈摩挲黯黯生雲霧赤纓  
玉勒間駝鞍歲久神物何嬰跚傳是文皇渡江日  
萬斛載寶來長安祖宗英謨久不滅輝煌重器遺  
宮闕千秋萬代付神孫張皇廟算恢光烈平生浪  
說騎鳳遊吾今真上鳳皇樓直須彤管紀勝事天



風吹骨寒於秋

明陸粲內閣芍藥詩金門柳色縈深綠上苑春餘  
雜花撲天桃已歇穠李衰紅藥翻堦正芬郁此花  
初種自宣皇百曲雕闌七寶妝融光窈窕昭陽殿  
暖日輕盈白玉堂玉堂學士看花早賦成芸閣留  
詩草卷慢頻看碧霧流揮毫正耐紅雲繞憶昨宣  
皇居法宮太平樂事君臣同宸遊每出濯龍裡曲  
宴偏臨翔鳳中沉吟此事六十載當日繁華宛然  
在紺幘金輿絕幸臨黃扉紫禁留風采不羨揚州

宸垣識畧

卷一

三

寶帶圍長安紅紫競芳菲五侯七貴同邀賞寶馬  
香車疾若飛爭似名花出天上霧閣芸牕儼相向  
浪蝶游蜂未許窺酒徒詞客空惆悵江南三月足  
豪華繡幕圍香富貴家亦有幽姿在空谷風雨懽  
悴天之涯燕山遊子江南客獨對名花感今昔草  
木何知人自憐逢時亦復升沉隔世間榮辱偶然  
事不獨此花堪嘆息

國家定鼎燕京分列八旗拱衛皇居鑲黃旗居安定門  
內正黃旗居德勝門內並在北方正白旗居東直門



內鑲白旗居朝陽門內並在東方正紅旗居西直門  
內鑲紅旗居阜成門內並在西方正藍旗居崇文門  
內鑲藍旗居宣武門內並在南方蓋八旗方位相勝  
之義

按無黑旗兩藍旗卽黑旗也其  
東方色則以漢兵綠旗補之

京師雖設順天府大興宛平兩縣而地方分屬五城每  
城有坊中城曰南薰坊澄清坊仁壽坊明照坊保泰  
坊大時雍坊小時雍坊安福坊積慶坊東城曰明時  
坊黃華坊思誠坊居賢坊朝陽坊南城曰正東坊正  
西坊正南坊宣南坊宣北坊崇南坊崇北坊西城曰

宸垣識畧

卷一

五

阜財坊金城坊鳴玉坊朝天坊河漕西坊關外坊北  
城曰崇教坊昭回坊靖恭坊靈椿坊發祥坊金臺坊  
教忠坊日中坊關外坊每城設御史巡視所轄有兵  
馬使指揮副指揮吏目昔宋以四廂都指揮巡警京  
城民間謂之都廂元設巡警院分領坊市民事卽今  
巡城察院也

長元按此五城分坊係明舊制明時內城隸中東  
西北四城外城隸南城 本朝五城合內外城通  
分內城割中城之東長安街迤南沿城至西長安



街路南割東城之泡子街迤南沿城至王府大街  
路東割西城之抱子街迤南西至城隍廟城根隸  
南城割中城之東單牌樓西至長安街北沿王府  
大街至崇文街割北城之東四牌樓路西至東直  
門大街交道口以南隸東城割北城之護國寺街  
路北至德勝門街西城牆止隸西城外城割南城  
之東河沿蕭公堂起出南北蘆草園三里河橋以  
西至猪市口遶先農壇北經石頭胡同至西河沿  
萬壽關廟止隸中城崇文門外大街迤東出蒜市

宸垣識畧

卷一

三


口東南至左安門轉廣渠門東便門隸東城西河  
沿關帝廟起至宣武門大街路東經菜市口出橫  
街中南抵城牆北轉石頭胡同西隸北城宣武門  
外大街迤西南至橫街西抵右安門轉廣寧門西  
便門隸西城其蕭公堂東至崇文門外大街路西  
南遶天壇永定門北轉三里河橋東仍隸南城其  
坊巷間有兩城所共不能明晰也

宸垣識畧卷一



城址全圖  
內分五城

卷一











大內圖卷三

北連房

北連房

城內廟



西華門

南薰殿

武英殿

東華門

西華門

東華門

內閣

西華門

內庫



宸垣識畧卷二

仁和吳長元太初氏輯

大內

紫禁城在皇城中南北各二百三十六丈二尺東西各三百二丈九尺五寸凡四門南曰午門北曰神武東曰東華西曰西華四維皆有角樓午門前接皇城之端門

考按明初燕邸卽元隆福興聖諸宮遺址在太液池西元舊內在太液池東其後永樂間改建都城

宸垣識畧

卷二

則燕邸及元舊內並爲西苑而官城則徙而之東我朝定鼎因之

午門爲紫禁城正門三闕上覆重樓九間門前左設嘉量右設日圭左右各一闕西向者曰左掖東向者曰右掖上覆鐘鼓明廊翼以兩觀傑閣四聳與中相輔俗稱五鳳樓

凡文武官出入由左其右門惟宗室得行之左右掖門各折而北不常啓惟視朝百官各以東西班次由掖門入殿試中式貢士按名次奇名由左偶名由右



餘倣此

凡視朝則鳴鐘鼓于樓上

駕出入午門鳴鐘祭享 太廟則以鼓凱旋獻俘

御午門樓行受俘禮每歲十月朔頒時憲書于午門外

毛奇齡午門謝 恩詩峩峩闐闐啓雙鑲 帝闕

遙看綵仗班伏地敢違堦咫尺瞻天只在殿中間

楓門劔佩朝方啓草野衣冠拜未嫻但愧 聖恩

無可報遙呼萬壽指南山

門內東西兩廡各二十二間皆崇基東廡之中爲

宸垣識畧

卷二

二

協和門西廡之中爲 熙和門兩廡之北正中者爲

太和門九間三門前後陞各三出左右陞各一出前列

銅獅二環以金水河跨石梁五卽內金水橋左右各

一門皆南向左曰 昭德右曰 貞度兩廡爲領侍

衛檔房

朱彝尊元日 賜宴太和門詩垂衣逢盛際輯玉

盡來庭白醞三光酒青歸一葉萸新年 恩較渥

昨日醉初醒九奏鈞天曲風飄次第聽

門之內東西廡各三十二間東廡中爲



體仁閣西廡中爲

弘義閣皆東西向其兩廡爲

內府銀皮緞衣瓷茶六庫東廡之北爲左翼門西廡之北爲右翼門各五間俱東西向今呼阿思哈門正中南向者爲

太和殿基高二丈殿高十一丈廣十有一間縱五間上爲重檐脊四垂

御題額曰建極綏猷殿前丹陛環以白石闌陛五出各三成陛間共列鼎十八銅龜銅鶴各二日圭嘉量各

宸垣識畧

卷二

三

一

每歲元旦冬至萬壽三大節及國家有大慶典則

御殿受賀凡大朝會燕饗 命將出師 臨軒策士及百僚除授謝 恩皆御焉

丹墀內爲文武官行禮位範銅爲山形鑄正從一品至九品東西各二行行十有八列于 御道旁

施闈章元旦早朝詩丹闕晨開敞御筵朝元會好傍爐烟春回曉日螭廷暖風細卿雲鳳閣懸宵旰勤思荒服外衣冠拜舞 聖人前稱觴進璧渾閒



事共擬南征奏凱篇

陳廷敬長至朝賀詩昨夜陽回曉仗過天門鐘鼓  
競鳴珂朝衣舊惹爐烟重官日新移扇影多雲物  
編年書鳳簡歲華簪筆在 鑾坡亦知詞賦工無  
益若爲昇平許載歌

毛奇齡早朝詩端門高啓傍青霄待漏初迴金水  
橋綵仗暗排雙闕麗玉堦徐引一燈遙風飄御琯  
疑鳴鳳寒動朝衫許覆貂只愧仙盤頻 賜露侍

臣有渴未曾消 每朝賜酪

宸垣識畧

卷二

四

殿左右各一門左曰中左右曰中右皆三間南向殿  
之後東西兩廡各三十間正中南向者爲

中和殿縱廣各三間方檐圓頂

御題額曰允執厥中南北陛各三出東西陛各一出西  
廡第二連房爲銅器庫

凡祭祀視祝版及耕藉視五穀農器于此 玉牒告  
成恭進于中和殿殿後爲

保和殿九間重檐垂脊

御題額曰皇建有極前陛各三出與太和殿丹陛相屬



殿後陞三成三出北向 殿左右各一門左曰後左  
右曰後右皆三間南向前後出陞

每歲除夕筵宴外籓每科朝考新進士皆御焉凡

列祖寶訓 實錄告成備儀仗陳設纂修官恭進于此

朱彝尊除日 保和殿侍宴詩珮結緋魚後樽開

白獸先呈能勾樂隊密坐潤爐烟紫路頻除夕青

燈異往年誰當頌椒會猶侍 聖人前

朱彝尊十五日 保和殿侍宴詩露草詩歌雅雲

天易象需不圖大舖樂獨許小臣俱注盃茶膏滑

宸垣識畧

卷二

五

堆盤菜甲殊歲除曾幾日四度飫 堯廚

長元按明宮室後右門亦曰平臺爲召對之所

殿後迤北十餘武崇基列陞其北東爲 景運門西

爲 隆宗門中南向者爲

乾清門

長元按太和門殿明皆曰皇極殿又曰奉天中和

殿明曰中極又曰華蓋保和殿明曰建極又曰謹

身所謂三大殿也昭德貞度二門明曰弘政宣治

協和熙和二門明曰會極歸極體仁弘義二閣明



曰文昭武成今皆更易其名

稽察 上諭處

內閣 誥敕房皆在午門內東廡

起居注公署

繙書房皆在午門內西廡

內閣爲大學士直舍在昭德門東南隅門西向閣南向

今于閣東北開正門與 文華殿相對

沈德潛夜宿中書省詩獨宿絲綸閣虛堂鐙火清

窺檐星漢影記夜柝鈴聲報稱慚須髻踈慵負

宸垣識畧

卷二

六

聖明家園通夢寐游釣憶平生

長元按內閣二瓷缸明憲廟所賜種蘭者

文華殿在協和門東南向崇階九級前爲門三間後爲

主敬殿每歲二月

御經筵于此

陳廷敬講筵紀事詩崇政經帷秘延英玉陛高聲

容肅中禁寵渥厚詞曹 天語開黃卷乾文上彩

毫萬言親講誦或恐 聖躬勞

沈荃經筵恭紀詩蓬萊紫氣繞氤氳此日虞廷奏



縵雲侍從儒臣咸舊學太平 天子況能文西清  
窈窕聞鐘鼓東壁輝煌列典墳精一心傳親紹述  
五經無事析紛紜

傳心殿在 文華殿之東前爲景行門祀 皇師 帝  
師 王師 先聖 先師之位院東有大庖井上覆  
以亭

明黃建京師泉品謂玉泉第一大庖井第二

文淵閣在 文華殿之後凡三重上下各六楹層階兩  
折而上青綠瓦前甃方池跨石梁一引玉河水注之  
宸垣識畧 卷二 七  
貯四庫全書于內有

御製碑記自乾隆辛丑以後 經筵畢賜講官茶于此  
長元按文淵閣之名始于前明今無其處嘉靖中  
作聖濟殿于文華殿後以祀先醫今文淵閣卽其  
遺址也閣制倣浙江鄞縣范氏天一閣取天一生  
水地六成之之義此外 圓明園有文源閣 熱  
河避暑山莊有文津閣 奉天有文溯閣皆倣式  
建造以貯四庫全書俱有 御製記勒石

上駟院署在 文華殿後西向



箭亭在 上駟院北南向有

御書

太宗文皇帝諭旨卧碑并跋

御茶膳房在箭亭東外庫東向

文華殿東北度石橋爲三座門東爲鷹房爲狗房西屬之 文淵閣

擷芳殿在三座門北殿宇三所稍西夾道爲茶膳房庫宇其東南一帶爲花馬廐藥房等處

長元按三座門北殿宇明曰端本官光宗青宮也

宸垣識畧

卷二

八

今改建三所爲 皇子所居

御藥庫在東華門內東三所之東東向

國史館在東華門內稍北倚城南向

毛奇齡雪中入直史館詩朔風吹捲玉河沙早見  
天街散雪花苑外撲將千片蝶壇深噪過幾羣鴉  
遮成翠幃疑朝雨望去紅墻似曉霞誰賜錦貂還  
左掖獨騎羸馬上東華人逢玉署忻投壁身在銀  
河未汎槎隔院冰敲懸幕鐸傍檐糝落濕窻紗驚  
心鎖自燒青簡呵指真難草白麻渴至未傾杯底



酪寒多先結研頭窪宮臺截業依天近輦道迴環  
歸路賒一望蒼茫愁思遠東安門外卽天涯

汪師韓史局卽事詩國史明失得取法質不俚亶  
亶一代詳大筆皇太史秘書領著作慎選有所以  
焯煌 五朝業撰述肇本紀惟筆到史難臆說薄  
文士立言師專門失已遷固始黽勉同局事其何  
稱 盛旨

鑾駕內庫 戶部內庫俱在內閣之東面城南向稍北  
卽 東華門爲紫禁城之東門也

宸垣識畧

卷二

九

侍衛直宿處在貞度門外西廡

武英殿在熙和門西南向崇階九級環繞御河跨石橋  
三前爲門三間內殿宇前後二重皆貯書版北爲  
浴德堂卽修書處其後西爲井亭

尙衣監在 武英殿之西內殿宇二層今爲 清字經  
館再西爲器皿庫

汪師韓龍書篇龍書稽木皇鳥跡溯蒼帝披圖穗  
薤垂瞻穹瓔珞繫孳乳生篆文捷約趨楷隸歷漢  
百三章盡削重複字流傳變若雲俗書逞姿媚樊



然別形聲猶未求所自吾聞造字初史皇特少稗  
體殊左右行梵長佉盧次偏纏蓮葉奇屈略驢唇  
異代有大鴻臚耳根證真諦軍容錄本言國語傳  
後魏號令雜物名大小遼金例遼近奚室韋神冊  
初定制鐸亥及信寧贊成功罔替銘勳兼突厥是  
偶確鼯屬金行葉魯業御撰成次第婁室紹谷神  
後先推國器笑彼嵬理書粗具八分致有元班彌  
怛新字奉敕製四十一母音語韻韻關備仿佛婆  
羅門二七貫一切同時畏兀兒並用體橫施三朝

宸垣識畧

卷二

十

史紛綸附解無三四洎明火翰林猶命譯書契

皇朝文命敷紉縵光華被垂訓肇

龍興 太祖肇造清

書承基纘 聖世自兩文成來

大海額爾德宜俱謚文成詞臣

所專肄經大義微言史編年紀事各各窮幹支往

往破疑貳綜博定清文瞭如寶鑑對

清文鑑分三十六部二百

八十類綱領三十餘毛目二百類蟻磨運左旋龍賓

呼十二弩礫助形模點圍循位置四聲該仄平萬

物括開閉約之宗諧聲衍之蘊六義小臣目耕人

計偕挈敝笥讀莊強舌神傲陸苦思瘁偏旁元包



經依附虞衡志平生奇字多陋矣一小技粵從步  
環洲墳典窺中秘豈殊高麗童學語已經歲爭如  
字學生五百應廷試當其發憤爲有時或吟嚙開  
口忽齟齬把卷常睥眄雖漸識之無亦太性禱味  
還瞻同輩流幾月通精意惟業進於勤不肖仰而  
企明昌弘文院延祐貢物使何若履 帝廷載筆  
言動記上追羲軒風民察官先治

長元按烏思藏梵唄從天竺譯來卽唐古忒字也

元初用唐古忒字

史名畏吾兒  
卽高昌國

後師其意製爲蒙

宸垣識畧

卷二

十一

古 本朝國書以二合三合成音與蒙古同今經  
館先以蒙古譯唐古忒復以清文譯蒙古其源流  
可見此詩敘述頗明故錄于清字經館之後

咸安宮在器皿庫西爲教習八旗大臣子弟肄業處

其北有河流自西北而東南爲內金水橋之經流俗  
名筍子河

三通館在筍子河東牆門內

方畧館在三通館東當 武英殿後南向

回子館學在右翼門外東向



緬子館學在右翼門外造辦處南

造辦處在白虎殿後房

長元按白虎殿係明仁智殿俗稱爲辦機密之所  
今內務府官署卽其舊址

內務府署在西華門內循墻第四門東向

世宗御書堂額曰職司綜理

凡三院七司掌內府財用出入及祭祀燕饗膳羞衣服賜予刑罰工作教習諸事有

世祖嚴禁中官鐵牌

宸垣識畧

卷二

十一

車庫在甯子河西連房

廣儲司署在西華門內酒醋房之南墻門內所屬銀皮  
緞衣瓷茶六庫爲內府庫藏總滙之所

御書處在西華門內稍北專管恭刻

御製詩文法帖之屬

磁器庫在 武英殿南

南薰殿在 武英殿南藏歷代帝后圖像有

御製記并詩勒于卧榻

長元按列代帝后圖像前明貯于內庫乾隆十四



年 命工重加裝潢移藏于南薰殿自太皞伏羲氏而下爲軸者六十有八爲冊者七爲卷者三先聖先賢圖冊五詳定位置次第甲乙歲以盛夏曝而皮之扇鑰惟謹又明諸帝玉冊向貯工部外庫今附藏殿之西室仰見我

皇上優禮先朝隨在盡其誠敬如天之量真超越百王矣

南薰殿稍北卽 西華門爲紫禁城之西門也

乾清門五楹中三門前陛三出各九級陛前列金獅二

宸垣識畧

卷二

三

凡

御門聽政于此左旁爲內左門右旁爲內右門墀下東出者爲 景運門西出者爲 隆宗門皆五楹內左門之東右門之西周廬各十二楹東爲文武大臣奏事待漏之所西爲侍衛房及內務府軍機處直舍皆南向其相對周廬爲宗室王公待漏之所

凡軍機處 南書房 上書房等官皆由右門出入

施閏章 召見乾清門詩入直長趨丹鳳樓忽驚咫尺覲 宸旒未遑宮扇瞻 天近不散卿雲繞



日浮 帝德難名深氣象 主恩蓄意待咨諏心  
懷董買才何有奏對誰當第一流

門內爲

乾清宮廣九楹深五楹

世祖御書額曰正大光明凡

召對臣工引 見庶僚御焉每歲元旦宴諸王于此

朱彝尊十三日乾清宮 賜宴詩詔許官門入人

隨 陸載移江梅低壓帽火樹密交枝既醉盈觴

酒無疆萬壽詩夢游真不到今夕奉 恩私

宸垣識畧

卷二

十四

福敏乾清宮侍宴詩開年嘉會集班聯泰運欣逢  
雲日鮮遐邇蒸黎登壽域融和淑氣應鳴弦青陽  
令節方三始黃耆耆英在四筵一德從來能致瑞  
好將大有紀芸編

長元按康熙五十年

特恩開千叟宴自王大臣以至士庶年六十以上者皆  
預是日于 乾清宮丹墀設幕與宴凡若干人  
諸皇子 皇孫周行視膳以致優渥宴畢各頒賚  
有差乾隆五十年



皇上復舉行曠典與宴人數視昔加倍年九十者

召至御前侍食 天顏和煦 恩賚優隆一時杖朝而  
出感頌

皇仁歡騰閭巷又乾隆四十八年普宴宗室于 乾清

宮自王貝勒至四品頂戴者一千三百八人有事  
不與宴者五百六十九人各頒賜如意朝珠文玩  
綺帛銀兩等 國家養老親親至意實爲曠古所  
未有無疆惟恤綿億萬年無疆惟休矣

宮之左爲

宸垣識畧

卷二

五

昭仁殿貯宋金元明舊版書籍四百部名天祿琳琅殿  
後楹爲五經萃室藏岳珂刊板五經 宮之右爲

弘德殿東廡爲 御茶房內直廬稍南爲

端凝殿殿南爲舊設自鳴鐘處

又南東出者爲 日精門門之南爲 御藥房南一  
室奉

至聖先師及 先賢先儒神位又南轉向北者爲

上書房 皇子肄業處

端凝殿相對爲



懋勤殿凡圖史翰墨之具皆貯焉殿南爲批本處

張英 懋勤殿古梅詩秘閣寒香舊賦詩春風又  
見上林枝年華愈覺 君恩重常藉梅花記歲時  
法海侍直 懋勤殿詩每有微風到玉墀 九重  
廣達四聰時間閤莫謂君門隔民隱深宮盡得知  
又南西出者爲 月華門門之南爲奏事房轉南向  
北者爲

南書房爲內廷詞臣直廬

朱彝尊蒙 召入南書房供奉詩本作漁樵侶翻

宸垣識畧

卷二

六

聯侍從臣迂踈人事減出入 主恩頻短袂紅塵

少晴牕綠字勻願爲溫室樹相映上林春

蔡升元蒙 恩入直南書房詩蓬壺方丈迴難攀

特詔趨陪供奉班豈有寸長窺 聖藻常教尺五

近 天顏尙方給札雲牕靜秘閣繡書晝漏閒從

此朝昏依日月更無塵夢到家山

東爲官監辦事處有

聖祖御書敬事房

昭仁殿之左東出者爲龍光門 弘德殿之右西出



者為鳳彩門

交泰殿在 乾清宮後制如中和殿藏 御用寶璽于此凡二十有五兩廡左出者為景和門右出者為隆福門後為

坤寧宮廣九楹左為東暖殿右為西暖殿 東暖殿之東為永祥門稍北為基化門俱東出 西暖殿之西為增福門稍北為端則門俱西出 坤寧宮之後正中為坤寧門外為

宸垣識畧

卷二

十一

御花園左曰瓊苑東門右曰瓊苑西門正中為 天一門前列金麟二門北為

欽安殿南向奉 玄武神

殿東稍北疊石為崇山中有石洞

御書雲根二字山上有御景亭亭之東為 摘藻堂藏四庫全書薈要于此堂東為凝香亭堂前有池池上為浮碧亭南為萬春亭再南為 絳雪軒西向軒前多植海棠南即瓊苑東門

殿西稍北為 延暉閣額曰凝清室閣相對為 四



神祠閣西爲 位育齋齋西爲毓翠亭齋前有池池  
上爲澄瑞亭卽亭爲斗壇南爲千秋亭又南爲 養性齋  
東向者七楹南北向相接者各三楹皆有樓齋南卽  
瓊苑西門

殿後爲 承光門北向列金象二左爲延和門右爲  
集福門東西向正中爲 順貞門其北爲  
神武門紫禁城之北門也

長元按明官室坤寧宮北有圍廊曰游藝齋與御  
園相接其欽安殿後順貞門卽坤寧門今改圍廊  
更爲嚴肅矣

宸垣識畧 卷二 六

爲坤寧門而界御園于外則欽安之奉 玄武神  
日精門東爲東一長街有

景仁宮前爲景仁門  
承乾宮前爲承乾門

鍾粹宮前爲鍾粹門俱南向  
長元按承乾宮明爲東宮貴妃所居

鍾粹宮之東爲東二長街有  
延禧宮前爲延禧門



永和宮前爲永和門俱南向

東二長街之東有

景陽宮前爲景陽門宮內

御題額曰學詩堂藏宋高孝兩朝御書詩經真蹟及馬和之所繪毛詩圖共十二卷有

御製記并詩

景陽宮之東有小長街街西向東直出者爲蒼震門街東爲內庫房街北向西者爲欽昊門內爲

天穹寶殿祀

宸垣識畧

卷二

九

昊天上帝

東二長街之北爲千嬰門門之北有

殿宇五所謂乾東五所也

日精門長街之南向東爲仁祥門內爲

齋宮凡大祀致齋于此有東西暖閣後殿及東西室

西室爲寢宮

再東爲陽曜門齋宮之東爲

毓慶宮南爲

敦本殿諸皇子所居



考按齋宮毓慶宮爲明宏孝神霄二殿所改  
月華門西爲西一長街有

永壽宮前爲永壽門

翊坤宮前爲翊坤門

儲秀宮前爲儲秀門

長元按翊坤宮明爲西宮貴妃所居

儲秀宮之西爲西二長街有

啓祥宮前爲啓祥門

長春宮前爲長春門

宸垣識畧

卷二

二十

咸福宮前爲咸福門俱南向

西二長街之北爲百子門門之北有

殿宇五所謂乾西五所也近東者今爲

重華宮

皇上龍潛舊邸也前爲 崇敬殿

御書樂善堂 東西暖閣俱供佛像後爲重華宮行

世宗暨

皇上御書每歲新正賜內廷詞臣茶宴于此

沈德潛恭和 御製正月十日小宴重華宮示大



學士內廷諸臣元韻詩重來瑤席從羣仙瑞雪初  
消景物鮮歌誦唐虞真幸矣班聯風雅亦欣然魚  
旗牧夢占豐歲松鶴天書賜老年林壑已安仍戀  
主潞河歸棹敢云過

日麗風和是令辰 賜來珍饌命重申 宸章紀

盛高唐律樂府聯吟見漢人

時演栢梁  
聯句故事

十葉莫還

開舊苑一枝梅已綻新春銀花火樹逢元夕又聽  
千門笑語頻

東廡爲

宸垣識畧

卷二

三

葆中殿額曰古香齋西廡爲

浴德殿額曰抑齋後爲 翠雲館浴德殿東室額曰養

雲西室額曰長春書屋

重華宮之東爲 漱芳齋東次室曰靜憩軒後爲金

昭玉粹東室曰隨安室

長元按抑齋有

御製記取衛武公抑詩他如 寧壽宮 圓明園 熱

河避暑山莊凡燕息之所皆題此額仰見

聖敬日躋也又隨安室額亦是處有之



啓祥宮之西南向爲

延慶殿後爲

撫辰殿爲

建福宮後爲惠風亭又北爲靜怡軒軒後爲慧曜樓

樓西爲吉雲樓又西爲敬勝齋齋垣西爲碧琳館

館南爲妙蓮華室南爲凝暉堂又南爲三友軒

凝暉堂前爲延春閣其右室有樓前疊石爲山上

有積翠亭山有奇石西曰飛來東曰玉玲瓏穿石洞

而南有靜室曰玉壺冰洞口題曰鷲峯

宸垣識畧

卷二

三

長元按建福宮以下所謂西花園也

月華門之西爲遵義門中南向者爲

養心殿爲

皇上宵旰寢興之所 召對引見視 乾清宮

張英元日養心殿侍宴詩暖日和風漾鳳城履端

清讌在承明樓前晴雪消金掌璣上春星轉玉衡

三殿班聯同愷樂萬方歌舞頌昇平欣瞻元日恩

暉早聽奏鈞天第一聲

高士奇元日養心殿侍宴詩青陽淑景滿乾坤樓



閣祥雲捧 至尊鷺鷥兩行依繡幄笙簫一派引  
金樽臣心願比春冰潔 天語真同化日溫稱祝  
華封歌既醉還將班管紀殊恩

養心殿東暖閣內有隨安室西室爲

三希堂西暖閣後有軒三楹東爲無倦齋西爲長春書  
屋

沈德潛奉 敕恭賦三希堂歌江左風流數王氏  
司徒以後多聞人義獻父子樹清節法護文學超  
常倫勲名一代著史冊翰墨千載流精神快雪時

宸垣識畧

卷二

三

晴羲之

洵書聖中秋獻之

姿媚中藏勸伯達

帖一

帖推後勁適逸自足追前塵東晉至今十六代離  
合聚散同煙雲太清樓空幾泯滅秋壑堂廢疑沈  
淪至寶閱世永不壞鬼神呵護留乾坤從來法物  
聚所好歸諸秘府羅紛陳 聖皇勤政得清暇披  
玩卷軸時討論一字品題物逾重圖球並作 天  
家珍三希名堂世希有何啻朱鳳兼白麟吾 皇  
寄托別有在字同義異窮聖真寓意于物匪留意  
頤情養性常如春遊心理窟無止步濂溪易通曾



有云唯士希賢賢希聖聖人希天直欲探天根萬里雖遠終可到立志恢廓無涯垠士人黽勉臻上達而况上聖德性通高曷法書珍重祇簡翰游泳六藝緣依仁小臣拜手敬瞻玩摩挲那敢指掌捫昔人筆墨貴鳳髓睿藻箴勗揚龍文承命作歌識卷末疑有榮光騰起爛爛輝星辰

養心殿後爲穿堂爲

二層殿殿之東室額曰攸芋齋

養心殿南爲御膳房

宸垣識畧

卷二

十四

長元按明宮室養心殿西南有祥寧宮宮前向北者曰無梁殿爲嘉靖中煉丹藥之所今御膳房殆卽其遺址

景運門之東爲肅誠門中南向者爲

奉先殿前後殿各七楹中奉安

列聖神龕

凡國家大典禮及乘輿出入則有告歲時節序朔望則有薦忌辰有祭日三獻如事生禮其禮儀供獻內務府掌之



殿東夾道卽 蒼震門前直街也街東爲

寧壽宮宮垣南北一百二十七丈有奇東西三十六丈  
有奇門六正中曰 皇極門東出曰歛禧門西出曰  
錫慶門又西向曰履順門蹈和門東向曰保泰門  
皇極門之內曰寧壽門內爲

皇極殿殿後爲

寧壽宮宮後卽以長街東卽保泰門西卽蹈和門正中  
爲養心門內爲

養性殿西宇額曰 香雪堂兩廡嵌敬勝齋石刻殿後

宸垣識畧

卷二

五

爲 樂善堂西爲三友軒堂後爲 頤和軒兩廡亦  
嵌敬勝齋石刻東暖閣曰隨安室西暖閣外曰如亭  
後厦曰導和養素軒後爲 景祺閣閣東廳宇三楹  
階前湖石刊文峯二字洞口刊雲竇一字山亭額曰  
翠鬢

保泰門北爲崇樓三重上額曰暢音閣中額曰導和  
怡泰下額曰壺天宣豫其北與暢音閣相對者爲

閱是樓前後殿宇共四所 前殿額曰尋沿書屋後  
殿之東曰 景福宮宮後爲 梵華樓稍西爲佛日



樓

蹈和門內曰衍祺門內東宇曰抑齋東南隅曰擷芳亭北曰矩亭抑齋後爲古華軒軒西褱賞亭刊御臨董其昌蘭亭記亭北爲旭暉庭軒後爲遂初堂堂後叠石屏其西爲延趣樓東向樓外爲聳秀亭亭北爲萃賞樓西爲雲光樓樓內額曰養和精舍萃賞樓後圓亭曰碧螺其北爲符望閣閣後爲倦勤齋齋西廊外爲竹香館門曰暎寒碧符望閣西門外爲玉粹軒東向其南曰得閒室北爲淨塵心室

宸垣識畧

卷二

三

景福宮之後爲

兆祥所今爲皇子所居西爲花園又西卽神武門也

長元按明官室自奉先殿以東則外東裕庫仁壽殿曦鸞宮階鳳宮等處今寧壽宮當卽其址又文華殿後有慈寧宮奉宸宮勗勤宮承華宮昭儉宮皆無考或卽今文淵閣後之曠地歟

隆宗門之西爲冰窖四座又西爲

慈寧宮東爲永康左門西爲永康右門中南向者爲



慈寧門前列金獅二內爲

正殿

御書額曰寶籙駢禧殿前東廡曰徽音左門西廡曰徽音右門後殿供佛像殿後東廡佛室

聖祖額曰四星容華 宮左

殿宇二層東曰慈祥門與啓祥門相對

慈寧門之東爲長信門

慈寧宮花園前宇爲咸若館館之左爲寶相樓右

爲吉雲樓自寶相樓南爲含清齋自吉雲樓南爲延

宸垣識畧

卷二

七

壽堂池上爲臨溪亭咸若館後爲

慈蔭樓

慈寧宮之西爲壽康門內爲

壽康宮額曰慈壽凝禧東暖閣 後殿西室皆

御書額

壽康宮之後爲

壽安宮東西爲長街街西爲長庚門

長元按明宮室嘉德右門之西曰長庚門凡夫匠  
淘溝修造或官人疾故皆開此門



正中南向爲壽安門內爲

春禧殿殿後爲

壽安宮正殿額曰長樂春暉東西暖閣皆

御書匾聯 殿前延樓左右相屬中爲崇臺三層演戲

殿後庭中疊石爲山東曰福宜齋西曰萱壽堂皆

御書

慈寧宮之東北卽啟祥門夾道其北南向者爲 凝  
華門內爲

雨華閣俱供佛西爲梵宗樓閣後爲昭福門內爲

宸垣識畧

卷二

庚

寶華殿殿後爲香雲亭其北爲

中正殿

長元按中正殿雨華閣卽明隆德殿又名元極寶

殿祀三清神左有容軒右無逸齋配殿二曰春仁

秋義今改供佛像爲內監喇嘛所居

壽安宮之北爲英華門內爲

英華殿有菩提樹一名畢鉢羅有

御製詩

長元按英華殿菩提樹爲明神宗母李太后所植



卽九蓮菩薩也今樹尙存蓋二百年物矣

英華殿西北有 城隍廟雍正四年

敕建其祀典則內務府掌儀司司之

城隍廟東爲祀 馬神之所其路西連房爲酒醋房  
東爲 神武門

長元按明大內御酒房後墻有名長連者閱三十  
一門短連者閱三門共三十四門並在元武門西  
名廊下家凡內官答應長隨皆于此造酒射利其  
酒色殷紅類琥珀光

宸垣識畧

卷二

五

神武門外爲北池子過橋爲

北上門達 景山

明制內皇城周圍共四十鋪每鋪旗軍十名晝夜看  
守銅鈴二十有八每夜起更時分從右闕門第一鋪  
發鈴軍提一鈴搖至第二鋪相續傳遞至左闕門第  
一鋪止次日將鈴仍送右闕門第一鋪收貯  
長元按今制傳籌亦從右至左不復提鈴矣

宸垣識畧卷二





宸垣識畧


卷三卷四

其

EM 110


934

2





皇城圖 卷三





宸垣識畧卷三

仁和吳長元太初氏輯

皇城一

皇城在京城周十八里有奇正南曰大清門少北曰長安左門曰長安右門東曰東安門西曰西安門正北曰地安門大清門之內曰天安門天安門之內曰端門端門之內左曰闕左門右曰闕右門正中曰午門爲紫禁城大清門之南對正陽門

皇城廣袤三千六百五十六丈五尺高一丈八尺下廣六尺五寸上廣五尺二寸

宸垣識畧

卷三

考按燕京累朝宮室自遼以前記載無多惟西苑之太液池瓊華島爲金明昌中萬寧宮西園遺蹟乃當時別館所在金時大內以地理揆之當在今廣寧右安二門外元代宮室大內在太液池東隆福興聖二宮在太液池西今西苑及旁近之大高元殿光明殿諸處應卽其地明改建宮城在元大內迤東宣德間又拓東華門于玉河東岸我國家多仍勝朝之舊



大清門三闕上爲飛檐重脊前地正方繞以石闌各棋盤街左右石獅二下馬牌各一

長元按大清門明曰大明棋盤街又名天街翫月最爲清曠

查嗣琛雜咏詩棋盤街濶靜無塵百貨初收百戲陳向夜月明真似海參差宮殿湧金銀

門之內爲千步廊東西向各百有十間又折而北各三十四間

凡吏兵兩部月選官掣籤刑部秋審禮部鄉會試磨

宸垣識畧

卷三

二

勘俱集于廊房之左右廊之外東爲戶部米倉西爲工部木倉

千步廊東接長安左門西接長安右門東西向明正統間作公生門于左右長安門之外南向

長元按東西長安門通五府各部故作公生門以便出入市人訛爲孔聖門

兩長安門之中南向爲

天安門五闕上覆重樓九間爲 皇城正門前環金水河跨石梁七卽外金水橋也前立華表二門內立華



表二

凡頒詔設金鳳朶雲于天安門上堞口正中宣詔官朝服領耆老咸集行禮奉詔承朶雲由金鳳銜下

毛奇齡天安門頒詔詩雙闕平明捲霧開 九重頒詔出層臺旛懸木鳳銜書舞仗立金雞下赦來彩檟橫時天宇濶黃封展盡聖心裁策災本是賢良事何處還尋杜谷才

長元按天安門明日承天 本朝順治間改

門內東西兩廡各二十六間東廡正中爲

宸垣識畧

卷三

三

太廟街門西廡正中爲

社稷街門

兩廡之北正中南向爲

端門門制與 天安門同門之內東西兩廡各五間其北東有 廟右門西有 社左門迤北兩廡各四十二間爲部院府寺監朝房又北東出者爲闕左門西出者爲闕右門門北東西兩廡各三間爲王公朝集之所中南向爲 午門

凡八旗都統會議俱集 闕右門下九卿會議揀選



人員驗看月選官員俱集 闕左門下

中書科直房在 午門外西廡之北

六科給事中直房在 午門外兩廡吏戶禮西向兵刑

工東向雍正二年始以六科隸都察院吏科北有

聖祖御製并御書臺省箴清漢碑各一通

太廟在闕左朱門黃瓦衛以崇垣大門三左右門各一

戟門五間崇基石闌中三門前後均三出陸中九級

左右各七級

前殿十有一間重檐脊四下沉香柱階三成繚以石闌

宸垣識畧

卷三

四

正南及左右凡五出陸一成四級二成五級三成中  
十一級左右九級

凡歲暮大禘日王公二人各率宗室官奉

列祖暨 后神位合祀于此時饗祇奉 中殿神位

祧廟主不與焉

中殿九間同堂異室內奉

列聖 列后神龕均南向後界朱垣中三門左右各一

門

後殿制如 中殿奉



祧廟神龕均南向

前殿兩廡各十有五間東廡爲配饗王公位西廡爲配饗功臣位東廡前西廡南燎爐各一

中殿後殿兩廡各五間均藏祭器 後殿東廡南燎爐一

戟門外東西井亭各一前跨石梁五橋南東爲 神庫西爲 神厨各五間

廟門東南爲宰牲亭井亭廟垣周二百九十一丈六尺

宸垣識畧

卷三

五

尤侗孟夏時享恭紀祖德開基遠宗功創業宏顯承 三后配享祀四時成禴祭宜昭告齋居致潔誠諏辰逢今日辨色訝新晴肅肅 鑾輿轉駸駸羽騎行千官趨劔佩百辟拜簪纓仙仗排空靜爐香入座清尊彝陳酒醴俎豆薦粢盛舞按咸池節歌諧仲呂聲皇哉通陟降允矣格幽明盱嚮純禱集居歆景福并嵩呼稱萬歲四海樂昇平

王士禎十月朔 上親祭 太廟是夜雪恭紀烝嘗崇 九廟雲物麗層霄 三后神靈遠中天陟



降遙 至尊思肸嚮列侍肅金貂六出豐年喜先  
迎御仗飄

社稷壇在闕右 壇制方北向二成高四尺上成方五  
丈二成方五丈三尺四出陛各四級皆白石上成以  
五色土辨方分築內壝方七十六丈四尺高四尺厚  
二尺甃以四色琉璃甃各隨方色覆瓦亦如之門四  
各二柱柱及楣闕皆白石扉皆朱櫺內壝西北墜坎  
二 壇北

拜殿 戟門各五間上覆黃琉璃前後各三出陛

宸垣識畧

卷三

六

內壝西南 神庫 神厨各五間井一

壇垣周二百六十八丈四尺內外丹雘覆以黃瓦北  
三門東西南各一門

西門外宰牲亭一井一北門外東北隅 正門一左  
右門各一

張湄春社齋宿臺中詩瑤壇紫氣接 宸居拂拂  
條風起蟄初六府養民先土穀千官從祀肅簪裾  
春生太液蒲芽淺月冷南臺栢影疎慚愧微名題  
諫院皂囊猶有未陳書



皇史宬在內南城南 太廟之東南爲明代藏寶訓實錄處 本朝仍之尊藏

列聖實錄暨

玉牒有

御製詩碑

明嘉靖十七年秋七月命建皇史宬于重華殿西欲置金匱石室其中也勅閣館諸臣重書九朝寶訓實錄藏之

考按宬與盛同義莊子以匡宬矢說文曰宬屋所

宸垣識畧

卷三

七

容受也然殿宇命名於斯僅見耳又左右小門曰躋歷以龍爲躋皆世廟自製而手書也

緞疋庫庫神廟在內東華門外小南城名裏新庫卽明英宗所居之南內永樂中所謂東苑也有 本朝雍正九年重修碑

明永樂十一年五月癸未端午節車駕幸東苑觀擊毬射柳命羣臣賦詩賜宴及鈔帛有差十四年端午節亦幸焉

明王直端午憶去年從幸東苑詩千門晴日散祥



烟東苑宸遊憶去年玉輦乍移雙闕外彩毬低度  
百花前雲開山色浮仙仗風送鶯聲繞御筵今日  
獨醒還北望何時重咏栢梁篇

長元按永樂時射柳之戲藏鴿于葫蘆或盒內懸  
于柳上射中合開鴿飛而出以此爲樂

宣德中東苑有草舍一區乃上致齋之所一小殿梁  
棟椽桶皆以杉木爲之不加斲削覆之以草四面闌  
楯亦然少西有路紆迴入荆扉則有河石甃之河南  
有小橋覆以草亭左右復有草亭東西相望枕橋而

宸垣識畧

卷三

八

渡其下皆水游魚勿躍中爲小殿有東西齋有軒以  
爲彈琴讀書之所四圍編竹籬籬下皆種蔬茹匏瓜  
之類嘗命尚書蹇義夏原吉楊士奇楊榮觀之

南城在大內東南英皇北狩還居之其中翔鳳等殿  
石闌干景皇帝方建隆福寺內官悉取去之又伐四  
圍樹木英皇甚不樂旣復辟下內官陳謹等于獄尋  
增置各殿爲離宮者五大門西向中門及殿南向每  
宮殿後一小池跨以橋池之前後爲石壇者四植以  
栝松最後一殿供佛甚奇古左右迴廊與內殿接倣



大內式爲之

考按東苑久廢其地當在今東華門之東南景泰間英宗居之稱曰小南城蓋東苑中之一區耳復辟後又增置三路宮殿因統謂之南城

飛龍橋在內南城跨玉河卽明飛虹橋遺址

皇史宬之西過觀心殿射箭處稍南則嘉樂館也其北曰丹鳳門門外列金獅二內有正殿曰龍德左右亦有配殿正殿之後則飛虹橋也橋以石爲之鑿龍魚水族甚精傳自西域得之

宸垣識畧

卷三

九

明朱維京度飛虹橋詩鯨海遙涵一水長清波深處石爲梁平鋪碧甃連馳道倒瀉銀河入苑墻晴綠乍添垂柳色春流時泛落花香微茫迴隔蓬萊島不放飛塵入建章

橋北有坊二曰飛虹戴鰲姜立綱所書也橋北有山山下有洞額曰秀岩以磴道分而上之其高高在上者乾運殿也左右亭各一曰凌雲曰御風界以小石藤蘿花卉若墻壁焉

明龔用卿乾運殿詩團團小殿古陰斜石檻玲瓏



映水花翠輦不來金鎖合綠楊深處有啼鴉

考按龍德殿諸處今廢其地在南池子西南猶有  
名飛龍橋者蓋飛虹音訛

普勝寺在緞疋庫東南與皇史宬俱明南內舊址去舊  
蒲河牛郎橋不遠順治八年

勅建有內翰林國史院大學士寧完我碑乾隆九年修  
有工部侍郎勵宗萬碑四十一年復修

普度寺在裏新庫北明南城舊宮遺址康熙年建舊名  
瑪哈噶喇廟乾隆四十一年 賜今名有

宸垣識畧

卷三

十

御書額 國初爲睿親王府後改今寺左爲黑護法佛  
殿內藏鎧甲弓矢皆睿親王物也

長元按明南內有洪慶宮爲供番佛之所殆所謂  
瑪哈噶喇也入睿邸時或佛像尚存其後因建爲  
廟歟

廟東地名瓷器庫巷口石獅二臨河巷有南北兩汊  
內有黑琉璃瓦房蓋舊時庫房

馬鞍橋在普勝寺東北

南箭亭在馬鞍橋河東



平橋在東安橋南

自皇史宬東南有門通河河上有湧福閣俗所謂騎馬河是也迤東沿河稍北則呂梁洪東安橋再北有亭居橋上曰涵碧又北則迴龍觀止焉其殿曰崇德者是也是河也從北安門外文昌宮迤東步糧橋入經皮房內織染局御馬監東東安門橋下至長安左門外迤東之玉河橋出焉

明陳宗詩河流細遶禁墻邊疏鑿清流不記年好是南風吹薄暮藕花香冷白鷗眠

宸垣識畧

卷三

十一

考按湧福閣諸處今俱廢以河與橋証之則普勝寺東北有馬鞍橋當卽騎馬河舊址河東今爲南箭亭北有平橋在東安橋南當卽呂梁洪漾金亭舊址東安橋北又有橋橋上遺石礎二相傳有樓騎河今橋西街尚名騎河樓所云有亭居橋上曰涵碧者也又北今爲北箭亭崇德殿舊基當在其處

長元按明南城宮殿額名無涵碧亭而崇德殿在河東卽回龍觀尚有翫芳亭集祥門桂香館翠玉



館浮金館擷秀亭聚景亭呂梁洪左右漾金亭湧  
福閣秋香館等名似與南內相接爲今南箭亭地  
故海棠時駕常臨幸並未聞越東安門北而有別  
館也考據燕史以證今地因有東安橋再北五字  
故以騎河樓北箭亭當之竊以今東安橋明稱皇  
恩橋下云水從御馬監東東安門橋下不直稱東  
安橋可知疑呂梁洪東安橋卽今馬鞍橋有涵碧  
亭覆其上者卽今平橋又西苑之水從牛郎橋出  
湧福閣所謂騎馬河以閣跨水上云

宸垣識畧

卷三

十三

東安門在皇城東稍南與內東華門相對

東安橋在東安門內大街

中官初入選進東安門門內有橋曰皇恩橋謂從此  
卽受皇恩也俗呼曰忘恩橋以中官旣富貴必仇其  
所生蓋恥之也

宋光熊蚤春出東安門詩南箭亭通北箭亭御河  
春泮水泠泠東安橋上頻回首不見西山一抹青  
光祿寺署在東安門內大街之北

世宗御書堂額曰敬慎有節



大官員醞署在東珍羞掌膳署在西司牲司牧二局隸焉

光祿寺有鐵梨木酒榨相傳籍沒沈萬三家物每榨用米二十石得汁百甕

槽房俱南向凡七層其南爲御酒房長春房採四時花釀酒處也苦酒房造貞一酒處也

寺門曰大烹門內有如水軒四星堂等後空地瘞象骨處

明張元易于光祿寺署中種竹甚蕃黎惟敬秘書題

宸垣識畧

卷三

十三

曰紫禁滄洲

南池子在東華門外東南

鞍作作在南池子長街南

外養狗處在南池子之南

門神庫在南池子西北爲明玉芝宮地

長元按玉芝宮明嘉靖所建世廟以祀興獻帝者  
在大廟東四十四年廟柱產芝故名以地界考之  
當在此

武備院署在東華門外北長街路西所屬甲庫羶作靴



皮作鞍庫等掌 御用武備及製造兵仗之事

外甲庫在東華門外北城下連房

外氈庫在東華門外北城下連房

外南鞍庫北鞍庫俱在東華門外北城下連房

熟皮作在北城下連房與騎河樓相對

恩豐倉在東華門外北圍房貯內監人等所食米

俄羅斯文館在東華門外北池街西

宣仁廟在北池街暖閣廠雍正六年

勅建以祀風神有

宸垣識畧

卷三

古

世宗御書門額

凝和廟在北池街騎河樓南雍正八年

勅建以祀雲神有

世宗御書門額

吳巖冬夜宿雲神廟詩紫禁森嚴傍 帝居丁丁

寒柝夜何如雲神廟裏三更月有客被裘讀道書

關帝廟在騎河樓街廟兒胡同舊名暖閣廠廟有二鐘

皆鑄暖閣廠關帝廟字

明內東廠今無考係明季倣政其址久就廢沒以燕



史考之當與暖閣殿相近

騎河橋在東安橋北燕史云有亭居橋上曰涵碧今有遺石礎二在橋上橋西街北有關帝廟

北箭亭在騎河橋北燕史云涵碧亭又北則回龍觀舊多海棠旁有六角亭殿曰崇德今北箭亭當卽崇德殿舊址

真武殿在御馬圈南地名銀闌卽明御馬監裏草欄舊址有明天啟三年碑

御馬圈在銀闌蓋仍明舊也

宸垣識畧

卷三

十五

長元按騎河橋北有石基堵水中開二尺許當卽銀闌也其西爲御馬圈馬神廟諸處

馬神廟在馬神廟街卽明御馬監馬神舊祠有

聖祖御書廟內大鐘一上有明正德十年鑄又小鐘一大鑪一小鑪十五皆本朝康熙年鑄

一等忠勇公第在馬神廟街東

○御馬監向東曰北花房曰印綬監曰中書房曰蹴圓亭今俱無考

明天啟中有龍見北花房之小河長尺許色黃碧有



爪無鱗其地近宋縉直房縉護以紅錦盛金盒中奏進命送赴黑龍潭

嵩祝寺在三眼井之東有

御書額爲章嘉胡圖克圖焚修之所

法淵寺在嵩祝寺東有銅鼎一高六尺有咫有

御製碑文

智珠寺在嵩祝寺西有

御書額

考按嵩祝寺東廊下有銅鐘一鑄番經廠字西廊

宸垣識畧

卷三

六

下有銅雲板一鑄漢經廠字法淵寺有明張居正

撰番經廠碑據此則三寺爲明番漢經廠

吉安所在鐘鼓寺南明司禮監廨

凡宮眷薨逝于此殯殮

明司禮監廨後有松樹者卽內書堂也以翰林教授

小內官讀書處

凡教內書堂用史官四員赴書堂日詣生約四十餘

人自學士陳山始以後詞臣任之每學生一名各具

白蠟手帕龍掛香以爲束修



查嗣琛雜咏詩黃封內膳傳供給白蠟名香抵束  
修辛苦何須識丁字生兒彌月卽封侯

○司禮監之南曰新房今無可考御馬監北有高房胡  
同或卽其地

鐘鼓寺在鐘鼓寺胡同卽明鐘鼓司廨

明鐘鼓司掌印太監一員僉書司房學藝官無定員  
掌管出朝鐘鼓及內樂傳奇過錦打稻諸雜戲按過  
錦今之影戲也

五聖祠在酒醋局南蠟庫胡同內有一磬上鑄內府供  
宸垣識畧

卷三

七

用庫五聖祠供奉稍南地名內府庫

明內承運庫掌應用荷葉錫鑊錫鈹茶瓶汁瓶罐鐙  
等物又藏銀絹除歲用外其餘皆入內女官庫

興隆寺在酒醋局胡同有爐一上鑄酒醋麵局佛堂供  
奉字

華嚴寺在內織染局胡同內有明弘治嘉靖二次重修  
織染局佛道堂碑記有司設監名

朱彝尊 賜宅在景山北黃瓦門東南

朱彝尊詩講直華光殿居移履道坊經營倚將作



宛轉繞宮牆對酒非無月攤書亦有牀承 恩還  
自晒報國祇文章

伽藍寺在玉河北前殿有鐘一上鑄火藥局字  
火神廟在伽藍寺西

針工局胡同巾帽局胡同皆在玉河南

○皮房紙房梓潼廟皆在針工局巾帽局二胡同左近  
俱無考

慈慧寺明司設監廨有明碑二 本朝康熙間重修有  
碑記

宸垣識畧

卷三

六

真武廟在慈慧寺東南明簾子庫

玉皇廟明尚衣監舊廨 本朝雍正間重修其西卽黃  
瓦東門門之外爲北安門大街

尚衣監製造皇帝皇太子親王裘冕袍服司設監成  
造各宮葭簟蒲席棕薦及進用龍床頂架帳幔轎椅  
鋪陳衣包蓋袂花毯地氈圍幕油袂雨繖等物鋪設  
龍簾走索席梯

三旗佐領管領署在景山後地安門甬路樓房

監造花炮處在地安門甬路西東向其北有廟祀關帝



火德真君南向者爲天王廟

景山官學在景山前門左右連房

景山一名萬歲山在神武門北爲大內之鎮山高百餘丈周垣二里

北上門爲景山正門南與神武門相對

綺望樓在景山前北上門內後卽景山有五峯上各有亭俱供佛像山旁翼以短垣接東西圍墻有小門二山後東曰山左裏門西曰山右裏門中南向者爲壽皇殿門內

宸垣識畧

卷三

十九

壽皇殿九間供

聖祖仁皇帝神御有

御製碑文殿後東北曰集祥閣西北曰興慶閣殿東爲永思門內爲永思殿又東爲觀德殿仍明舊也護國忠義廟在觀德殿東塑關帝立馬像林木陰翳周迴多植奇果

張英夏日從幸景山蒙恩書賜御製詩恭

紀翠繞三峯近榮陪八駿遊海雲連雉堞山雨入

龍樓樹色津門暗烟光碣石浮高吟天蒸發清



景 御題留桂滿金波日蘭開玉殿秋 聖慈輝  
寶翰麗句寫銀鈞盛事誠希遇深恩豈易酬同分  
圭璧彩千古照滄洲

成德景山詩雪裏瑤華島雲端白玉京削成千仞  
勢高出 九重城繡陌回環繞紅樓宛轉迎近天  
多雨露草木每先榮

厚載門南逼紫禁城俗所謂煤山者本萬歲山其高  
可數十仞衆木森然相傳其下皆聚石炭以備閉城  
不虞之用者

宸垣識畧

卷三

三

明崇禎七年九月量萬歲山白山頂至山根斜量二  
十一丈折高一十四丈七尺

萬歲山左門山右門于萬歷三十八年漆牌有玩芳  
亭萬歷二十八年更翫景亭二十九年再更毓秀亭  
亭下有壽明洞又有左右毓秀館長春門長春亭壽  
皇殿萬福閣下曰臻福堂康永閣下曰聚仙室延寧  
閣下曰集仙室萬福閣東曰觀德殿又有永壽門永  
壽殿觀花殿集芳亭會景亭興隆閣萬歷四十一年  
更翫春樓萬福閣西曰永安亭永安門乾祐閣下曰



嘉禾館乾祐門與慶閣下曰景明館外爲山左裏門  
山右裏門

山左寬曠爲射箭所故名觀德永壽殿在觀德殿東  
南相近內多牡丹芍藥旁有大石壁立色甚古

臻福堂西有一樹鐵雲板銜樹榦內僅露十之三蓋  
古物也

原按宣宗廣寒殿記及楊文貞李文達彭文憲葉  
文莊韓襄毅西苑諸記所稱萬歲山皆本金元之  
舊至馬仲房始以煤山爲萬歲山迨萬歷間揭萬

宸垣識畧

卷三

三

歲門于後苑而紀事者往往混二爲一蓋金元之  
萬歲山在西而明之萬歲山在北也

明歐大任萬歲山詩五岳來朝日三山路不迷長  
楊秦苑北盧橘漢園西珠斗凌空近瑤峯入望齊  
萬年同聖壽何用訪丹梯

明嘉靖中設高禱壇于永安門之北臺用木正位昊  
天上帝配位皇考興獻皇帝西向高禱設于壇下西  
向上位于壇下北向后妃位七于壇南數十丈外北  
向用惟弓鞬弓矢如后妃嬪之數質明上祭服后禮



服妃嬪各服其服至壇上就位后以下帷中就位上行禮畢分獻太常官俱退女官導皇后以下至高禱神位前跪女官取弓矢以授皇后以下受訖納于弓鞬

稽察內務府衙門在景山西門路北以都察院滿御史二員稽核其事

白石橋在北中門迤西魏家胡同有萬法殿基

明嘉靖四十四年定新建萬法寶殿名中曰壽懋左曰福舍右曰祿舍萬歷二十四年漆蓋佛殿

宸垣識畧

卷三

三

紫禁城護城河自北閘口分流經內官監白石橋大高元殿之東北上西門之外至紫禁城而東而南經太廟之東玉芝宮飛虹橋之西而其在西一派則自太社太稷壇西至靈臺寶鈔司之東合流于湧福之河以出

大高玄殿在神武門西北明嘉靖中建 本朝雍正乾隆兩次重修有

今上御書扁聯外有下馬石牌二

門前二亭鈎簷鬪桷極盡人巧明時中官呼爲九梁



十八柱今猶存

始陽齋象一宮中供象一帝君範金爲像高尺許乃明世宗立修玉容

西苑齋宮獨大高立殿以有三清象設至今崇奉尊嚴內官宮婢習道教者俱于其中演習科儀

明夏言雪夜召詣高立殿詩迎和門外據雕鞍玉  
竦橋西度石闌琪樹瓊林春色爭瑤臺銀闕夜光  
寒鑪香縹緲高立殿宮燭熒煌太乙壇白首豈期  
天上景朱衣仍得雪中看

宸垣識畧

卷三

三

明楊四知高立殿詩高立宮殿五雲橫先帝祈靈  
禮太清鳳輦不來鐘鼓寂月明童子自吹笙

大高立殿稍西曰石作有閣又西曰乾明門迤南曰  
兵仗局每年七夕兼供宮中乞巧針亦稱爲小御用  
監曰西直房卽袍房也曰舊監庫屬內官監曰尚膳  
外監曰甜食房造絲窩虎眼糖松餅

長元按石作尚存其名兵仗局舊監庫今萬壽興  
隆寺玉鉢菴西關帝廟乃其餘址此外俱廢無可  
考又金鰲退食筆記云乾明門在大高立殿之西



承光殿之東尚有基巍然人無知者按今承光殿東有三座門當卽其址

慎刑司署在西華門外北長街路西掌內府之刑罰

慶豐司署在西華門外北長街路西掌牛羊廐暨口外牧羣所屬有南苑鹿圈村牛圈槐房村經板庫南海淀各牛圈豐臺羊圈

會計司署在西華門外北長街路西掌內府戶口地畝徵收莊糧等事

官房租庫署在西華門外北長街路東

宸垣識畧

卷三

十四

營造司署在西華門外北長街路東掌理工作兼司薪炭

武英殿活字板處在西華門外北長街路東

長元按活字板向係銅鑄爲印圖書集成而設康熙中

欽定古今圖書集成總一萬卷凡三十二典曰乾象典歲功典歷法典庶徵典坤輿典職方典山川典邊裔典皇極典宮闈典官常典家範典交誼典氏族典人事典閩媛典藝術典神異典禽蟲典草木典



經籍典學行典文學典字學典選舉典銓衡典食  
貨典禮儀典樂律典戎政典祥刑典考工典每典  
復分門類共爲部六千一百有九計書五百二十  
函又目錄二函年久銅字殘缺過半乾隆三十八  
年易以木字印四庫書應刊樣本 賜名聚珍有

御製詩

管轄番役署在西華門外北長街路東專捕緝各案暨  
逃走太監等

今之緝事番役唐稱不良人有不良帥主之卽漢之

宸垣識畧

卷三

五

大誰何也

萬壽興隆寺在西華門外北長街路西卽明兵仗局也  
佛堂前有明米漢雯重修碑 本朝康熙三十九年  
勅改有

聖祖御書額

靜默寺在西華門外北長街路西明關帝廟舊址 本  
朝康熙五十二年重建 賜名靜默有

聖祖御書額

杭世駿過靜默寺海公茶話詩廣莫風來樹杪聞



殿鈴續續語侵雲諸天爲供伊蒲饌居士誰傳淨

土文

謂于殿撰敏中

義外風旛憑客借詩中蔬筍讓公分

日曉並馬重闌隔欲請吾師更一云

福佑寺在西華門外北長街路東南向雍正元年建恭奉

聖祖仁皇帝大成功德佛牌東案陳設 御製文集西

設 寶座有

世宗御書額

昭顯廟在西華門外北長街路西南向雍正十年

宸垣識畧

卷三

三

勅建以祀雷神有

世宗御書門額

長元按雍正間建風神雲神廟于東華門外雷神廟于西華門外皆以春秋二仲遣官致祭

官三倉在西華門外北圍房

傢伙倉在西華門外北城下連房

掌內管領關防署在西華門外路南所屬凡八

都虞司署在西華門外路北掌陞補武職咨行俸餉及供應畋漁等事



管理三旗納銀莊署在西華門外南長街胡同路東掌  
畿輔各莊歲納糧銀之屬

掌儀司署在西華門外南長街織女橋南向掌內府之  
典禮署後有觀象臺

明永樂二十二年十二月作觀天臺于禁中在子城  
西偏一名內靈臺

真武廟在織女橋南明寶鈔司故址灰池窰竈久廢今  
猶有七十二烟洞之名

寶鈔司其署在臨河後倚河有泡稻草池池中石灰  
窰垣識畧

卷三

七

濾渣積成卧象形因名曰象山作房七十二間各具  
一窰窰名曰七十二凶神

南花園在西苑門迤南明時爲灰池種植瓜蔬于坑洞  
內烘養新菜以備春盤薦生之用立春日進鮮蘿蔔  
名曰咬春 本朝改爲南花園雜植花樹凡蘇杭所  
進盆景皆付澆灌培植又于煖室烘出芍藥牡丹諸  
花每歲元夕送

大內陳設又于秋時收養蟋蟀至燈夜則置之熬山燈  
內奏樂旣罷忽聞蛩聲自熬山中出也



查嗣璫灰洞詩出窘花枝作態寒密房烘火暖催  
看年年天上春先到臘月中旬進牡丹

玉鉢菴卽明御用監舊址後爲眞武廟在西華門外西  
南有明翰林侍讀曾曰瑛重修記

考按元史世祖至元二年十二月瀆山大玉海成  
勅置廣寒殿輟耕錄謂之玉甕後在西華門外眞  
武廟中俗稱爲玉鉢因以名菴 本朝乾隆十年  
勅以千金易之置承光殿

關帝廟在玉鉢菴西南卽明御用監南庫舊址

宸垣識畧

卷三

三

奉宸苑署在西華門外 西苑門之旁總理苑圍河道  
稻田之屬

宸垣識畧卷三



宸垣識畧卷四

仁和吳長元太初氏輯

皇城二

西苑在西華門西創自金而元明遞加增飾金時祇爲離宮元建大內于太液池左隆福興聖等宮于太液池右明大內徙而之東則元故宫盡爲西苑地舊占皇城西偏之八今祇十之三四門榜曰西苑

太液池池在西苑中南北亘四里東西濶二百餘步舊名西海子上跨石梁約廣二尋修數百步兩厓闌楯

宸垣識畧

卷四

皆白石鑄鏤中流駕木貫鐵粹掣之可通巨舟東西峙華表東曰玉竦西曰金鰲其別一梁自承光殿達瓊華島制差小南北亦峙華表曰積翠曰堆雲瀛臺在其南五龍亭在其北蕉園紫光閣東西對峙夾岸榆柳古槐多數百年物禁中人呼瀛臺爲南海蕉園爲中海五龍亭爲北海盛夏荷香滿苑冬則八旗禁旅習水嬉于此金時名西華潭明又稱金海

施閏章西苑曉行詩新蒲古栢曉陰陰太液昆明接上林翡翠層樓浮樹杪芙蓉小殿出波心人歌



鳧蓀衣冠會水奏簫韶鼓吹音欲望  
天顏真咫尺露臺迴合彩雲深

徐乾學西苑詩丹禁晴開晝漏遲上林春水綠透  
迤金隄柳弱龍媒下玉殿花深雉尾移淑氣暗通  
三島月和風先拂萬年枝  
宸遊扈蹕宜春苑多是天街燈火時

查慎行西苑上巳詩上巳接清明韶光滿苑城曉  
烟和柳重夜雨爲花晴節物春長好年芳老自驚  
兩三修禊伴閒話水邊行

宸垣識畧

卷四

二

董邦達恭和御製冰嬉原韻元真移律候上苑  
闕奇觀欲試憑河勇先陳宿衛官晶瑩臨雪實蹠  
躩到滄灘迅若星流曜紛如浪激湍形緣輕倍捷  
力與巧俱殫豈厖前車鑒還同弭節安美丸能詎  
數超距技非難涉險猶占利臨深未怯寒珠宮真  
睽睽玉宇更珊珊極目疑飛鵲翔身類聳鸞縱橫  
鵝鸛陣馳驟雨風壇臣愧語冰者徒從壁上看  
循池東岸南折臨池面北爲

勤政殿後爲德昌門門內正中南面爲



涵元殿東爲蒸韻樓西爲綺思樓正北相對爲香辰殿殿後南向曰

瀛臺東爲春明樓西爲湛虛樓臨水爲迎薰亭

瀛臺明爲南臺一曰趨臺陂林木深茂有殿曰昭和前有亭曰澄淵南有村舍水田于此觀稼本朝順治間建宮室爲避暑之所康熙中復加修葺皆易黃瓦徐乾學記云勤政殿之左歷小徑入門爲知稼軒數武至秋雪亭其西則嘉穎軒南則狎漚亭平臨太液迤西朱墻內爲豐樂園

宸垣識畧

卷四

三

明文徵明南臺詩青林迤邐轉迴塘南去高臺對苑墻暖日旌旗春欲動薰風殿閣晝生涼別開水榭親魚鳥下見平田熟稻梁聖主一遊還一豫居然清禁有江鄉

邵遠平瀛臺侍直詩鬱葱玉樹映朱樓太液芳波淨不流石磴參差環豹尾牙檣溶漾引龍舟鏡中臺殿晴逾碧檻外峯巒翠欲浮扈蹕真疑三島近無煩羽客詫瀛洲

高士奇瀛臺侍直詩輦道青莎軟作茵蒼蒼葭菼



遍芳津蘋灣銷夏偏宜暑桂館招涼不受塵虹跨  
長橋排雁齒閣連飛宇次魚鱗自慚未是登瀛侶  
珥筆叨爲侍從臣

張英暑中直知稼軒詩稻畦瓜瓞翠芄芄移入城  
西御苑中靜聽桔槔深柳外不須丹藻繪幽風  
板橋直北柳烟霏古栝新宮接翠微密葦踈荷俱  
入畫水雲亭畔釣魚磯

溱韻樓折而東南爲補桐書屋北向爲隨安室補桐  
書屋又折而東爲待月軒有射魚亭鏡光亭 綺思

宸垣識畧

卷四

四

樓西崇基北向爲長春書屋爲淑清院葆光堂

韻古堂貯乾隆十六年江西省所得古鐻鍾十一并  
補鐘一而名左側有垣門東爲流杯亭

聖祖御題曲澗浮花四字

于明無逸殿址構流杯亭風櫺水檻濺玉飛瓊康熙  
中常宴外藩于此 北爲素尚齋響雪廊千尺雪

長元按千尺雪彷彿吳中靈巖命名西苑之外如靜  
寄山莊避暑山莊皆

皇上御題有記并詩



循池岸而南爲日知閣建石埭下爲水閘池水從此  
達于織女橋爲春及軒爲交蘆館芸齋 芸齋稍南  
爲賓竹室蕉雨軒清音閣雲繪樓韻磬居 清音閣  
沿堤而南爲同豫軒爲鑑古堂 瀛臺之南隔池相  
對爲寶月樓

仁曜門西爲結秀亭爲豐澤園係

世宗皇帝演耕之所門內爲 惇敘殿澄懷堂北有遐  
矚樓 崇雅殿靜憇軒純一齋懷遠樓

沈涵豐澤園詩名園高敞隔塵凡竹逕逶迤度碧

宸垣識畧

卷四

五

巖別館清陰遲玉珮平疇翠色上朝衫柔柔雨潤  
經初翦香稻雲連候載芟誰識 九重霄漢上耨  
耨長得睹民晷

查慎行豐澤園 賜觀秧田恭紀帝籍非干畝農  
祥視一畦初聞朱果熟旋見綠針齊料節栽花地  
閒醺灌稻溪白 天知稼穡率土動稷犁檻外雲  
生岫簾前雨作泥膏腴隨廣狹脈絡就高低剡剡  
浮金潋滟葱夾玉隄好風垂柳下斜日畫橋西多  
稔占豐稔維魚兆畢圭甸師行不到勾盾典曾稽



人侶金鴻瀾歸尋木馱蹏自慚輸布穀猶解勸耕  
蹄

德昌門西循山徑而南爲春耦齋植秀軒聽鴻樓  
植秀軒西爲石池度池穿石洞出爲虛白室竹洲亭  
愛翠樓 春耦齋循西岸而北爲

紫光閣每科于閣前殿試武進士騎射新歲常宴外藩  
于此

由太液池西南循池而北舊有臺高數丈中作圓頂  
小殿左右各四楹垂接斜廊懸級而升下臨射苑有

宸垣識畧

卷四

六

馳道明武宗築以閱射名曰平臺後廢臺改爲紫光  
閣向北門外卽金鰲坊明時五日幸西苑鬪龍舟看  
御馬監勇士走解蹏柳 本朝康熙中于中秋前二  
三日集上三旗大臣侍衛校射

聖祖御製詩所謂隊白花間入鏢從柳外分也射畢  
賜緞疋銀牌等有差

乾隆庚辰平定回部繪功臣百人于紫光閣又繪西  
師戰圖于壁丙申平定兩金川繪前後功臣百人又  
拓紫光閣前楹繪金川戰蹟其前功臣五十人皆



御製贊後五十人命詞臣贊之師還設功成宴于此

閣後爲 武成殿北爲時應宮

乾隆丙申尊藏金川得勝 寶燾于武成殿并所獲  
金川軍器以誌武功

明文徵明平臺詩日上宮墻飛紫埃先皇閱武有  
層臺下方馳道依城盡東面飛軒映水開雲傍綺  
疏常不散烏窺仙仗去還來金華待詔多頭白欲  
賦長楊愧不才

莊有恭紫光閣侍宴恭紀巍峩紫閣接天開上將

宸垣識畧

卷四

七

功成錫宴來共仰 神謨收絕域還忻偉績出雄  
才封侯不讓班超筆市駿應羞郭隗臺從此玉門  
閒垢埃西戎卽敘咏康哉

西苑門循東岸而北爲

蕉園松檜蒼翠果樹分羅中有前明崇智殿舊址南卽  
萬善門內爲萬善殿後圓蓋穹窿爲千聖殿東爲延  
祥館西爲集瑞館殿東爲內監學堂

長元按明宮殿額載五雷殿左迎祥館右集瑞館  
則千聖殿當是五雷改名



明時崇智殿後藥闌花圃有牡丹數十株又名椒園  
有宮眷法從人等至此下馬二石碑是世宗設醮時  
所立先朝實錄告成于此焚草七夕宮中穿鵲橋補  
服設乞巧山子兵仗局進乞巧針十五日作法事放  
河燈甜食房進供佛波羅蜜 本朝順治間改萬善  
殿供佛像選老成內監披剃然修木陳玉林二衲奉  
召至京曾居于此每歲中元建盂蘭盆會放荷燈以數  
千計南自瀛臺北繞萬歲山而回爲苑中勝事

明廖道南芭蕉園詩旖旎芭蕉色繽紛滿御園午

宸垣識畧

卷四

八

陰便鹿夢春雨罷蜂喧綠借芙蓉潤青交薜荔翻  
詞林曾獻頌此日重承恩

成德蕉園詩見說齋壇密前朝太乙祠鶯邊花樹  
樹燕外柳絲絲宮籞人稀到詞臣例許窺今朝陪  
豹尾新長萬年枝

萬善門西行抵水埠有亭出水中曰水雲榭有

御書太液秋風四字爲燕京八景之一水雲榭之北爲

金鰲玉螭橋

崇智殿後轉西有亭八面內外皆水曰臨漪亭一日



釣魚臺又一小石梁出水中向西一亭曰水雲榭

明夏言臨漪亭詩綠樹陰陰翠殿寒臨漪亭上倚  
闌干誰知鳳閣龍樓裏亦有青山碧水看

朱彝尊早秋水雲榭詩殘暑秋逾熾涼風午乍催  
微波蓮葉卷新雨豆花開宛轉通橋影清冷傍水  
隈夕陽山更好金碧湧樓臺

人字柳在太液池畔乾隆間風吹一枝着地本株傾  
欹欲倒命以折枝撐拄旣而成活與本株作人字  
形因以名之有

宸垣識畧

卷四

九

御製賦并詩

長元按伏讀

御製斷句云借問人稱誰氏依稀彭澤先生其風致可  
想見也丁未春庶常散館以太液池人字柳賦命  
題以題爲韻

金鰲玉蝀橋貫太液池東西兩端立二坊西曰金鰲東  
曰玉蝀爲 禁苑往來大道橋有九門勒

御書聯扁又有御製詩

明董穀玉蝀橋詩正愛湖光澄素練卻看人影度



長虹宮墻睥睨斜臨碧水殿采擘遠映紅宛轉銀  
河橫象緯依稀太液動秋風西華門外塵如海一  
入天街迥不同

查慎行玉竦橋觀荷花詩水風涼透鷺鷥肩一鏡  
爭窺萬柄蓮不是玉樓金殿影直疑身到過湖船  
張廷璐曉過玉竦橋詩百尺長虹卧碧波菰蒲兩  
岸曉烟多水風吹綠不知暑日日藕花香裡過

長元按金鰲玉竦橋明人題咏俱呼玉竦橋蕪史  
呼御河橋又名金海橋按明嘉靖間建金海神祠

宸垣識畧

卷四

十

于西苑湧玉亭則金海橋之名最爲典切

承光殿在金鰲玉竦橋東圍以圓城設以睥睨自兩掖  
洞門而升中構金殿穹窿如蓋俗呼團殿有古栝一  
槎枒如龍傳是金時遺植有

御製詩殿基與睥睨平下臨池西以舟作浮橋橫亘池  
面北則萬歲山在焉康熙初殿廢後復建云殿內有  
蝙蝠大尺許南向有二亭出雉堞上

長元按承光殿元曰儀天明更今名嘉靖中又更  
乾光 本朝仍曰承光



承光殿南乾隆十年建石亭以置元代玉甕有

御製玉甕歌鐫于甕內其 內廷翰林和詩俱鐫勒石  
亭楹柱

長元按輟耕錄云黑玉酒甕玉有白章隨其形刻  
爲魚獸出沒波濤之狀其大可貯酒三十餘石徑  
四尺五寸高二尺圍圓一丈五尺至元二年告成  
勅置廣寒殿

鄭虎文玉甕歌天啟聖瑞玉甕出惟聖克受昭聲  
歌臣愚未覩法官寶伏讀 睿添心爲摹甕廣三

宸垣識畧

卷四

十一

尺容五石隨形凹凸浮圓荷刻劃類鑄鼎象物長  
風蹴踏萬里波腥涎怪霧走蛟蜃呀呷睽騰鼉  
鼉陽冰不冶陰火闐怪變滅沒吞江河伊誰鏟削  
運鬼斧或巨靈掌吳剛柯吾思此玉當在璞硯然  
萬古藏嵯峨百靈孕含胚太極潤及草木輝巖阿  
原爲聖役剖鑿出宛轉人世襲曰窠那知德薄不  
能有供玩耳目羞媿媿如延津劍泗水鼎神物終  
化理不訛于時恭承 陛下聖萬方獻瑞聲猗那  
人無遺賢物鮮棄希世寶肯終煙蘿熊熊龍氣光



燭夜乃迹而得歸搜羅轉 敕內府輸朽貫千金  
易致馴馬馱陳之廣殿重圖訓莫如金甌無傾頗  
龍翔鳳翥發 天唱四十八人鳴相和嗚呼隱見  
會有遇委棄道院歲已多冬菹實腹泥沒足學士  
憑弔資吟哦拂拭偶及光萬國經天不掩同義娥  
甄幽拔隱寄深慨誰其會者空摩挲異物且貴况  
奇士努力 明盛無蹉跎

殿後爲敬躋堂古籟堂朶雲亭餘清齋北爲積翠堆  
雲橋過橋爲

宸垣識畧

卷四

十一

永安寺卽金元瓊華島踞太液池中奇石纍纍皆宋良  
嶽之遺自汴中輦至燕者元時山半並列三殿中仁  
智左介福右延和至頂上曰廣寒殿

入寺門爲法輪殿有引勝亭滌靄亭周迴疊石爲洞  
玲瓏窈窕卽所謂移良嶽者也穿洞而上有亭二曰  
雲依曰意遠平處爲佛殿四曰正覺普安聖果宗鏡  
其引勝亭內勒

御製白塔山總記及四面記

寺墻之東緣山而升有振芳亭再升爲慧日亭稍西



則順治年建白塔碑記及雍正間重修白塔碑記  
寺墻之西半山有亭曰蓬壺挹勝再上則爲悅心殿  
其後爲慶霄樓殿側爲靜憇軒自殿後而上卽山頂  
白塔建于此塔前有殿曰善因塔後列刹竿五其下  
爲藏信礮之所

御書瓊島春陰四字立碣山左爲燕京八景之一

長元按自永安寺至慶霄樓爲塔山南面

瓊華島多疊奇石巘岼岈嶒其巔古殿相傳本遼太  
后梳粧臺歷金元明皆有宮殿爲遊觀之地今殘石

宸垣識畧

卷四

十三

壞礎猶刻雲物及廣寒殿字金宮闕制度云寧德宮  
西園有瑤光臺又有瓊華島瑤光樓元納新詩注云  
粧臺在昭明觀後金章宗嘗與李妃夜坐上曰二人  
土上坐妃曰一月日邊明上大悅元順帝爲英英起  
采芳館于瓊華島內

元納新粧臺詩廢苑鶯花盡荒臺燕麥生韶華如  
逝水粉黛憶傾城野菊金鈿小秋潭玉鏡清誰憐  
舊時月曾向日邊明

明文徵明瓊華島詩海上三山擁翠鬢天宮遙在



碧雲端古來漫說瑤臺迴人事寧知玉宇寒落日  
芙蓉烟裊裊秋風桂樹露團團勝遊寂寞前朝事  
誰見吹簫駕綵鸞

施閏章上元日御苑登洗粧臺詩禁林燈節許人  
來太液蒼茫接漢回前代御舟猶水榭中天白塔  
舊粧臺苑亭重繞滄洲出宮殿高擎麗日開向夕  
含情遙指點景山終古自崔巍

朱彝尊遼后洗粧樓臺城路詞層闌不厭波光冷  
明霞遠梢魚尾細草含茸圓荷倚葢猶與舞衫相

宸垣識畧

卷四

十四

似揉藍片水曾簇蝶前紅影蛾描翠錦石秋花當  
時穩貼阜羅髻春城幾番士女縱嬉遊元夕沙界  
煙寺黃面瞿曇白頭官監也說千年遺事回心院  
子問殿脚香泥可留蕭字懷古深情焚椒尋蠹紙  
考按章宗爲李宸妃建梳粧臺于都城東北隅今  
禁中瓊華島粧臺金時古物也目爲遼蕭后梳粧  
樓誤

長元按伏讀

御製記云日下舊聞山頂爲廣寒殿蓋卽建塔之所山



中爲仁智殿則今普安佛殿是又按李宸妃粧臺據  
析津志云在金故宮之西壽安酒樓之北壽安樓  
卽金大安殿在皇城內東華門之西街金時皇城  
約在今廣寧右安門西南與此方位不合元納新  
詩注在昭明觀後瓊島宮殿無此觀名恐別是一  
地而非瓊華島也存以俟考

慶霄樓之西有石室爲一房山山腰有亭曰揖山亭有  
橋鎖其口橋北爲琳光殿有亭曰妙鬘雲峯歷石磴  
而下爲水精域山麓有古井深不可測有

宸垣識畧

卷四

五

御製碑記水精域之下爲甘露殿北爲闕古樓壁嵌三  
希堂法帖稍北則畝鑑室窻臨清池卽鑿山溪引古  
井之水也

長元按自慶霄樓之西至畝鑑室爲塔山西面  
山右之半有廢井深不可測中人云下與海通有蛟  
螭焉山下一石曰慶雲奇峯萬變蓋良嶽之絕奇者  
又有康于石康于國名石乃松木入河水浸漬久而  
成者其木理宛然

自闕古樓轉而東則邀山亭酣古堂循石洞而東則寫



妙石室東復爲洞行數百武曰盤嵐精舍轉北爲環碧樓下爲嵌巖室折而西有山亭曰一壺天地又西有房曰延南薰自房而西爲小崑邱又西爲銅盤露有銅仙高可尋尺又西爲得性樓爲延佳精舍爲抱冲室爲鄰山書屋至此則就平地廊接道寧齋其東乃漪瀾堂北臨液池有延樓東盡倚晴樓西盡分涼閣又碧照樓遠帆閣分峙其間由漪瀾堂而東爲蓮華室以奉大士

長元按自闕古樓轉東至蓮華室爲塔山北面又宸垣識畧

卷四

六

遠帆閣肖金山遠帆樓爲之見

御製詩注

由石幢登山逕爲看畫廊上則交翠庭庭下緣石洞以出爲古遺堂巒影亭堂下依洞以出爲見春亭自交翠庭出巖路爲智珠殿則就平地矣

長元按自石幢登山至見春亭爲塔山東面

春雨林塘由白塔東下山足爲智珠殿山徑折而北爲水天清永畫舫齋小玲瓏古柯庭得性軒竹風梧月崇椒室雲岫丁綠意廊以北接蠶壇



先蠶壇在西苑東北隅制方南向一成徑四丈高四尺四出陛各十級西北爲瘞坎壇東南爲

先蠶神殿三間西向朱扉覆以綠瓦崇基三出陛壇東爲採桑臺方廣三丈二尺高四尺南東西三出陛各十級前爲桑園後爲

具服殿五間南向三出陛各五級配殿各三間後殿五間東西配殿各三間均覆以綠琉璃瓦每歲祭以季春吉已

浴蠶河在宮牆東自外圍北垣流入由南垣出設閘

宸垣識畧

卷四

七

啟閉蠶署三間蠶室二十七間均西向

壇垣周百六十丈西南隅正門三左右門各一西北隅角門一垣南室二重各五間均南向

由蠶壇沿堤西北爲鏡清齋抱素書屋韻琴齋焙茶塢番畫軒枕巒亭鏡清齋沿堤西南爲

西天梵境殿宇三重又曰大西天

五龍亭在太液池北中曰龍澤左曰澄祥滋香右曰湧瑞浮翠摠名之爲五龍亭

太液池北明爲太素殿後有草亭畫松竹梅于上曰



歲寒門左有軒臨水曰遠趣前有亭曰會景後有石坊南曰福渚北曰壽嶽中有錫殿以錫爲之不施磚甃稍南有屋數連通池水以育禽鳥舊名天鵝房有亭曰映輝又有飛靄澄碧二亭遺址今惟音引祥橋榜獨存

天順四年作西苑亭軒成苑中太液池池上有蓬萊山山頂有廣寒殿金所築也西南有小山亦建殿于其上規制尤巧元所築也上命卽太液池東西作行殿三池東向西者曰凝和池西向東對蓬萊山者曰迎翠池西南向以草繕之而飾以堊曰太素其門各如其殿名有亭六曰飛香擁翠澄波歲寒會景映暉軒一曰遠趣館一曰保和工成上臨幸召文武大臣從游歡賞竟日

長元按據英宗實錄則萬歲山金時又名蓬萊其西南一小山元建殿于其上卽兔兒山池西向東對蓬萊山曰迎翠者當是元興聖殿址以興聖殿在萬歲山正西也其地約今陽澤門內皆是

闡福寺在五龍亭北又名極樂世界乾隆十一年建有



萬佛樓供小銅佛萬尊殿內有白傘蓋佛高數丈俗稱大佛有

御製碑記東爲澄觀堂快雪堂澄性堂致爽樓浴蘭軒鏡滌軒湛碧亭澹吟室清約池西有門通外衢卽陽澤門也

織染局舊在嵩祝寺後近移于萬歲山之西

延壽菴在三座門轉北羊房夾道西康熙間重修有明嘉靖六年鐘一上鑄延壽菴及內府安樂堂佛堂永遠供奉是安樂堂在西內經廠延壽菴則其佛堂也

宸垣識畧

卷四

九

稍西爲經板庫

明正德八年詔建延壽僧寺堂釋殿于西內經廠內安樂堂凡宮人有病及年老或有罪先發此處待年久再發外之浣衣局明成化間萬貴妃專寵孝穆紀皇后有妊托疾居此誕生孝宗

經廠西曰洗帛廠造毳羅絨及各色五毒等絛毳羅絨織法傳自西域無敢私造者

真武殿在羊房夾道迤西酒醋局巷至今稱爲酒房卽明西酒房舊址



櫺星門迤西曰西酒房曰西花房曰大藏經殿卽司禮監之經殿也

○玉熙宮在金鰲玉蝀橋之西明世宗嘉靖四十四年萬壽宮災斲御于此萬歷時選近侍三百餘名于玉熙宮學習宮戲歲時陞座則承應之各有院本如盛世新聲雍熙樂府詞林摘艷等詞又有玉蛾兒京師人尚能歌之名御製四景玉娥郎他如過錦之戲約有百回又雜劇古事之類各有引旗一對送上所扮備極世間騙局俗態并拙婦駸男及市井商賈刁賴

宸垣識畧

卷四

二十

詞訟雜耍諸項欲深宮廣見聞恤民隱也崇禎帝每宴玉熙宮作過錦水嬉之戲一日宴次報汴京失守親藩被害遂大慟而罷自是不復幸玉熙宮矣

明曹靜照宮詞口敕傳宣幸玉熙樂工先候九龍池粧成傀儡新番戲盡日開簾看水嬉

考按玉熙宮久廢今陽澤門內小馬圈卽其遺址蠶池在三座門街南東鄰西苑明宮人織錦之所

蔡升元 賜宅在蠶池

蔡升元移居蠶池養疾恭紀豈特終身去宿疴移



家妻子盡歡歌平分翠色瀛臺柳依舊清光太液  
波深院自驅塵翳少廣庭偏受月明多那知天上  
蓬萊島長作人間安樂窩

天主堂 琉璃作俱在蠶池口內草廡

永佑廟在西安門內街草廡西雍正九年建以祀城隍  
神有

世宗御書額

大光明殿在永佑廟西光明殿胡同明萬壽宮地嘉靖  
中建 本朝雍正乾隆年間兩次重修有

宸垣識畧

卷四

三

今上御書扁聯內兩傍有三星三元慈佑慈濟四殿及  
後方丈爲乾隆間添建有

御製詩

大光明殿地極敞豁門曰登豐前爲圓殿高十數丈  
題曰大光明殿中爲太極殿後有香閣題曰天元閣  
皆覆黃瓦下列文石花礎作龍尾道丹楹金飾龍繞  
其上白石陛三重中設七寶雲龍牌位以祀

上帝相傳明世宗與陶真人講內丹于此又稱大元都  
今仍設內監道士守之



萬壽宮者文皇帝舊宮嘉靖初名永壽宮自壬寅從  
大內駐蹕至此已二十年至四十年火災次年再建  
欽定前堂曰萬壽宮後寢曰壽源宮

明李茲嘉靖宮詞沉水龍涎徹夜焚桂宮芝館結  
祥雲壇前纔布諸天位苑外先催學士文 泥金  
檢玉祝長生萬國封章止進呈月滿西宮更漏永  
九天吹落步虛聲

明王世貞西苑宮詞新傳牌子賜昭容第一仙班  
雨露濃袋裡相公書疏在莫教香汗濕泥封 五

宸垣識畧

卷四

三

雷壇上雷一聲海子開口雨縱橫祈靈驗後催傳  
賞馬上朱提玉手擎 色色羅衫稱體裁鋪宮新  
例一齊開菱花小樣黃金盒昨夜真人進藥來  
兩角鴟青雙筋紅靈犀一點未曾通自緣身作延  
年藥憔悴春風雨露中

明張元凱西苑宮詞夕烽千里照甘泉一紙降魔  
敕已傳急遣六丁乘羽駕火輪金甲淨幽燕 靈  
藥金壺百和珍仙家玉液字長春朱衣擎出高元  
殿先賜分宜白髮臣 秋殿清齋正受釐迎和門



外立諸姬大官不進麒麟脯御饌惟供五色芝  
金符寶笈護雲英鸞鶴銜將入上清拜受玉霄龍  
鳳簡元陽象一字分明

高士奇 賜宅在光明殿胡同

高士奇 賜居西苑自城北移家詩客中陋巷爲  
家久忽訝 恩輝住苑西牛背馱書千卷重擔頭  
桃樹兩株齊門前金碧瞻 天闕屋內鸞龍有  
御題仲蔚蓬蒿十年事一枝偏借上林樓

巧機營在光明殿胡同明雲機廟故址

宸垣識畧

卷四

三三

壽明殿在巧機營南卽明拜斗殿奉斗母乾隆間重修  
○兔園山在瀛臺之西由大光明殿南行疊石爲山穴  
山爲洞東西分徑紆折至頂殿曰清虛下暗設銅甕  
灌水注池由殿側作九曲池邊多立奇石名小蓬萊  
南爲瑤景翠林二亭古木延翳奇石錯立架石梁通  
東西二池梁之間曰旋磨臺螺盤而上其巔有甃皆  
陶埏雲龍之象相傳明世宗禮斗于此今盡廢  
兔兒山一名小山子疊石爲峯巉巖森聳元氏故物  
也中官云元人載此石自南至燕每一石準糧若干



俗呼折糧石

明廖道南清虛殿詩峻極丹霄上清虛碧海前扶  
桑先見日若木遠含烟絕島移雲石明河瀉瀑泉  
仰看元象轉身在蔚藍天

火藥局在拜斗殿西明兔兒山旋波臺地

明時重九或幸萬歲山或幸兔兒山清虛殿登高宮  
眷內臣皆着重陽景菊花補服喫迎霜兔菊花酒

餽餽房在西安門內旋波臺路北

雙卽寺在惜薪司胡同西安門內街南之極西地

宸垣識畧

卷四

十四

西安門在皇城西稍北與景山相對

二聖廟在十庫西西安門內街北之極西地卽明鴿子  
房土地祠也額爲

聖祖御書

慈雲寺在西安門內街北卽明十庫前天王殿址也門  
額爲

聖祖御書有

今上御製詩碑

西十庫在西安門內向南舊設掌庫太監一員貼庫



數員僉書數十員十庫甲乙丙丁戊不全用十干以已者已也故改用別名曰承運廣盈廣惠廣積贓罰國初封錮不開塵土堆積康熙間

命內務府清察立檔案焉

元都勝境在陽澤門小馬圈之西地名劉鑿塑建于元初 本朝乾隆二十五年重修

賜名天慶寺有

御書額并劉鑿塑像詩

元劉鑿者嘗從阿爾尼格學西天梵相亦稱絕藝元

宸垣識畧

卷四

五

都勝境正殿乃玉皇大帝右殿塑三清儀容肅穆道氣深沉左殿塑三元帝君上元執簿側首而問若有所疑一吏跪而荅甚戰慄一堂之中皆若悚聽嚴肅者神情動止如聞警欬

宋光熊天慶觀詩變相會傳吳道子佛頭爭說喻

彌陀

杭州西湖大佛頭宋喻彌陀塑

能師畫意工搏換前度劉郎

藝不磨

元劉鑿劉元俱工塑像而鑿在元前

真武廟在劉鑿塑有明萬歷間修洗白殿綠作碑知果園殿洗白殿綠作俱在此地



○鎮國寺明正德七年勅建于大內西城今無考

長元按金鰲退食筆記謂在旃檀寺西稍南有北極廟亦明舊刹

弘仁寺在大液池西南岸卽明清馥殿 本朝康熙五年改建爲寺迎旃檀佛像于內有

聖祖暨

今上御書碑又

聖祖御製旃檀佛西來歷代傳祀記勒石寺內後有樓曰雲蔭樓

宸垣識畧

卷四

三

清馥殿度金鰲玉螭橋轉北明世宗所建常奉興獻太后來遊有翠芳錦芳二亭荷花盛開紅衣翠蓋澄漪倒水恍如蓬壺今改建弘仁寺

仁壽寺在弘仁寺東乾隆二十六年建有

御書額

贓罰庫胡同在旃檀寺西北

虎城在弘仁寺後其西北隅有豹房百獸房今廢

舊虎城在櫺星門西北睥睨其上而阱其下內有鐵網如籠以檻虎正德二年八月蓋造豹房公廨前後



廳左右廂歌遂朝夕處此不復入大內

明王世貞正德宮詞窄衫盤鳳稱身裁玉靶雕弓  
月樣開紅粉別依回鶻隊君王親自虎城來 玉  
水垂楊面面栽豹房官邸接天開行人莫愛纏頭  
錦萬乘親歌壓酒杯

○騰禧殿在豹房南覆以黑琉璃瓦明武宗西幸宣府  
悅樂伎劉良女載歸居此號曰夫人俗呼爲黑老婆  
殿傍有古井曰王媽媽今惟遺址

教軍場在弘仁寺西闡福寺垣後卽明內教場有三聖

宸垣識畧

卷四

三

祠碑蓋嘉靖三十一年改名內敵營所建以祀火神  
水草神馬神中立一臺以備親閱

○北闌口亭明嘉靖十三年更湧玉亭十五年建金海  
神祠以祀宣靈弘濟之神水府之神司舟之神二十  
二年改名弘濟神祠

大佛堂在白塔山東北垣外內官監胡同有明碑一其  
東卽黃瓦西門門之外爲北安門大街

明內官監碑載黃瓦門營造庫米鹽庫油漆作外鐵  
作婚禮作東行西行西瓦廠石廠黑窰廠神木廠供



應廠備用廠金殿廠稻田廠蜂窠廠東花房馬鞍房  
琉璃局外冰窖等名與明史所載多合又有花炮局  
見火神廟三聖祠碑記卽明史火藥十作舊地

內市在禁城之左過光祿寺入內門自御馬監以至  
西海子一帶皆是每月初四十四二十四日俱設場  
貿易聞之內使云此三日例令內中賤役輦糞穢出  
官棄之以故各門俱啟因之陳列器物以博易焉

地安門在景山北俗呼厚載門北對鼓樓

明制皇城外紅鋪七十二座鋪設官軍十人夜巡銅

宸垣識畧

卷四

三

鈴七十有八貯長安右門初更遣軍人一一搖振環  
城巡警歷西安北安東安三門俱會長安左門而止  
每十鈴以兵部火牌一面後復造木牌五十六面付  
五門驗發鈴收鈴之數弘治間失二鈴共七十有六  
一一交遞盡而天明矣

長元按今 皇城內居民甚稠故東安西安地安  
三門閉而不鎖民有延醫接穩者不拘時候得以  
出入支更仍用擊柝與明代異


宸垣識畧卷四



宸垣識畧 卷五卷六

所


地 110  
934  
=3





内城圖  
分八旗


卷五





陽

崇文



正藍旗東南

卷五

皇城

王府大街

東單  
牌樓



并

東中兩  
三卷五  
鑲白旗

新濟

子鼻象

坑

截半

肉羊  
寺音觀

路開新  
把總

條頭

條二

條三

帥府

銀金

子堂西

魚乾

樹橋

廠箭

房豹

市馬



溝水臭

袋口

子梯

府院

廠菜

餅好

蠟錫

酒燒

府子奶

廠草南

長東

花翠

王府大街

府帥西

下五營

炸煤

下菜

口市燈

巷腐豆

皇城

海

牌坊

寶羊  
巴尾羊

子堂下  
院方十

巴啞

巴啞小

倉木祿

家方

家方小

鮮新

達八

巷杆竹

堂居老

伯安隨

槽石

麵干

家史

臨

剛勾

司木

藥草

市麵

麵

棒拐

南街





宸垣識畧卷五

仁和吳長元太初氏輯

內城一

長元按原書城市一門依明代五城編列坊巷次序不甚參錯舊聞考據

本朝定制合內外城通分五城固典制攸關而于游覽之例方位不能整齊矣今考內城所編八旗居址界限甚清且環拱星羅法制綦重因據以編次先錄各旗界址于前而以官署寺觀實之並繪圖

宸垣識畧

卷五

于卷首庶觀者瞭如指掌第旗制上三下五故自北而南地志前朝後市應自南而北爲稍異耳制以鑲黃正黃正白爲上三旗居址方位以色相勝故三旗自北而南

街制自南以至北謂之經自東以至西謂之緯大街二十四步濶小街十二步濶三百八十四火巷二十九街通街通二字本方言

長街千步廊街丁字街十字街鐘樓街半邊街碁盤街五門街三义街此皆元時街名

長元按今日碁盤街東西長安街王府大街崇文



街東大市街南小街北小街安定門街鼓樓東大街鼓樓西斜街舊鼓樓街德勝門街宣武街新街西大市街錦石坊街北小街舊刑部街千石橋斜街皆內城之著者

京師人呼巷爲衚衕世以爲俗字不知山海經已有之勞水多飛魚食之已痔衕注音洞獨衕字未經見

補按衕衕二字元人有以此入詩者衕字載在說文收于廣韻兼平去二音初非俗字今從省文作胡同

正藍旗滿洲蒙古漢軍三旗與鑲白旗接界之處係自

宸垣識畧

卷五

二

單牌樓至崇文門由金水橋向東至大城根滿洲官兵自鑲白旗接畧處由長安街牌樓向西進東長安門至金水橋爲頭叅領之十六佐領居址自新街南口至北口爲二叅領之十七佐領居址自宗人府向南戶部週圍至中玉河橋爲三叅領之十七佐領居址自中玉河橋至洪廠胡同北口爲四叅領之十七佐領居址自原缺胡同向北至長安街牌樓爲五叅領之十七佐領居址蒙古官兵自單牌樓至崇文門爲頭叅領之十五佐領居址自江米巷東口至原缺



胡同爲二叅領之十四佐領居址漢軍官兵自單牌樓觀音寺胡同向東至舉場西門爲頭叅領之六佐領居址自羊肉胡同西口向東至水磨胡同爲二叅領之七佐領居址自裱褙胡同西口至東口爲三叅領之五佐領居址自蘇州胡同西口向東至馬皮廠北口爲四叅領之六佐領居址自船廠胡同西口向東至馬皮廠南口爲五叅領之七佐領居址南曰正陽門俗稱前門元名麗正明正統間改今名本朝因之

宸垣識畧

卷五

三

明刑部右侍郎孟兆祥崇禎甲申三月守正陽門賊至死于門下 本朝賜諡忠靖子進士章明妻何氏婦王氏俱自縊

棋盤街在正陽門內 大清門之前周繞以石闌四圍列肆長廊百貨雲集又名千步廊

長元按元歐陽原功詩麗正門當千步街則千步廊爲闐闐之所明矣今 大清門外居人猶仍此名舊聞考以門內朝房當之蓋據金志而言

敷文坊在棋盤街東爲東江米巷西口



宗人府署在闕東沿 大清門紅牆迤北西向有

世宗御書堂額曰敦崇孝弟署後有明碑二有 玉牒

庫黃檔庫銀庫

吏部署在闕東宗人府之南西向

世宗御書堂額曰公正持衡後堂有明碑二

明吳寬手植藤花今在穿堂之右屋三楹曰藤花廳  
乃吏部長官治事之所

明吳寬詩手種朱藤已七年長條綠架每相纏只  
看葉密清陰覆忽報花多紫粉懸風下掉頭嫌一

宸垣識畧

卷五

四

老雨餘舒眼眄三賢從今堆字詩還和寫入當時  
草木篇

王士禎吏部藤花下詩日斜人吏散雜坐古藤陰  
時有涼風至冷然開我襟周行聊寄迹邱壑共論  
心尚憶延陵叟清徽感至今

湯右曾藤花廳花時偶作文書堆案眼從遮不記  
藤陰日又斜滿架丰茸綴纓絡兩株詰曲走龍蛇  
似聞西省新栽竹劉貢父事空憶東堂舊種花東坡詩六

七年來幾閒日風鑪雪乳一甌茶



又藤花聽花事將闌作一年容易及花時待到花  
開看校遲槐柳陰中春已老燕鶯聲外蝶先知綠  
雲片片將成幄紫玉條條尚綴枝三百年來遺事  
盡風流留得在曹司

左署古藤已不可見獨方輿邦撰記石刻尚存文選  
司庫後有萬歷二十年兵部職方司員外郎宣化蔣  
行可跋

許公祠在文選司許名直字若魯授文選主事考功  
員外郎崇禎甲申都城陷賦詩自縊 本朝賜諡忠

宸垣識畧

卷五

五

愍

水鏡堂明冢宰長洲陸公所建毛少宰澄爲之記今  
之南火房是也

戶部署在闕東吏部之南西向

世宗御書堂額曰九式經邦大庫在署東北

禮部署在闕東戶部之南西向

世宗御書堂額曰寅清贊化左爲鑄印局右爲韓昌黎  
祠視日儀刻石禮部寅清堂前

禮部儀制司有優鉢羅花開必四月八日至冬結實



如鬼蓮蓬脫去其衣中有金色佛一尊今無存  
典樂禮部滿尚書兼之所屬有神樂和聲二署掌儀  
司鑾儀衛樂並隸焉

兵部署在闕東宗人府後東公生門直街西向

世宗御書堂額曰整肅中樞二堂照壁刊周禮大司馬  
法一則猶明代物

楊繼盛祠在武選司

王士禎武部拜椒山先生祠詩祖德靈長日孤臣  
報國年九原終不死兩疏到今傳異代還祠廟明

宸垣識畧

卷五

六

神儼豆籩關西二夫子家學仰前賢

工部署在闕東兵部之南西向

世宗御書堂額曰敬飭百工其長官視事之所亦曰藤  
花廳枝幹蝟與吏部相彷彿不傳爲何人所植

節慎庫在署東有金銀元寶各一蓋鎮庫之物梯登  
其上其邊尚高于人上刻永樂九年字

鴻臚寺署在闕東工部之南西向

世宗御書堂額曰肅贊朝儀

本朝定制王公班于丹陛上一二品官列于丹陛三



品以下各就班次東西面重行北上序立外國使臣則隨右班乾隆二年定制以吏戶禮翰詹等爲左班兵刑工都察院大理寺等爲右班十七年始以庶子講讀等向列三班者改四班中贊編檢等向列四班者改五班

明初序班執政大臣謂之擎天班玉堂清署謂之煥壁班言官法司謂之劔鏑班外戚謂之椒蘭班親王謂之瓊枝班功臣將帥謂之豹首班其餘朝臣謂之隨班

宸垣識畧

卷五

七

欽天監署在闕東鴻臚寺之南西向

世宗御書堂額曰奉時敬授

太醫院署在闕東欽天監之南西向堂內恭懸

聖祖御製賜院臣黃運詩

先醫廟在堂左南向供三皇聖像有

聖祖御書永濟羣生額左右廡列勾芒風后至王冰各配位廟外北向者爲藥王廟有銅人像蓋明英宗時所修者每春秋上甲日記之

三皇廟內有鍼灸經石刻元元貞初製其碑之題篆



則宋仁宗御書至元間自汴移至此者今所存乃明時重摹上石

院署有古銅人虛中注水關竅畢達古色蒼碧瑩潤射目相傳從海中湧出者按銅人像在藥王廟神像前作于宋天聖時元至元間修之明英宗時又修之海中湧出殆傳訛爾

元中統中尼波羅國人阿爾尼格從帝師入見帝問何所能對曰臣以心爲師頗知畫塑鑄金之藝帝命取明堂鍼炙銅像以示之曰此安撫王檄使宋時所

宸垣識畧

卷五

八

進歲久缺壞無能修完之者汝能新之乎對曰請試之至元二年新像成鬲脉絡皆備金工嘆其天巧莫不愧服

太醫十三科曰大方脉雜醫科小方脉科風科產科眼科口齒兼咽喉科正骨兼金瘡科瘡腫科鍼灸科祝由科禁科循元醫學之舊也

怡賢親王祠在正陽門內東城根南玉河橋西面城墻南向雍正八年

勅建



庶常館在南玉河橋西有

御書芸館培英額後有樓以貯 賜書

○明上林苑監在東江米巷中玉河橋西

四夷館在東江米巷中玉河橋西

長元按今東城根庶常館東有高麗人所居館舍  
殆卽四夷館之別宇

玉河橋在東城根者曰南玉河橋在東江米巷者曰中  
玉河橋在東長安街者曰北玉河橋水自皇城內南  
箭亭流出南穿城歸正陽橋城河玉河橋東西兩岸

宸垣識畧

卷五

九

俱植柳垂蔭水面

明王家屏玉河新柳詩水繞沙隄曲橋看御柳眠  
柔條輕着雨嫩葉暗抽烟影落澄波細陰垂畫檻  
偏亭亭依漢苑遲日待鶯遷

邱象隨玉河新柳詩九霄佳氣散春晴新柳千條  
拂禁城玉勒引絲初繫馬金梭織葉早藏鶯風飄  
河上垂垂綠烟鎖橋邊濯濯輕自是 聖朝多雨  
露一時林木盡含榮

詹事府署在玉河東岸西向係明代建 本朝康熙間



重加修葺

聖祖御書額曰德業仁義又先師祠有

御書存誠二字碑

後堂側孔子廟前松二株甚是奇古主簿廳舊址得扁石曰一枝間王百穀書

京城井水多鹹苦不可飲惟詹事府井水最佳汲者甚衆

淳親王府在御河橋西岸

翰林院署在東長安街北玉河橋之西北向卽元之鴻

宸垣識畧

卷五

十

臚署也第三重爲登瀛門堂五楹西爲讀講廳東爲編檢廳左廊圍門內爲狀元廳右廊圍門內南向者爲昌黎祠北向者爲土穀祠堂之後爲穿堂左爲待詔廳右爲典簿廳後爲後堂南向中設

上臨幸時所御寶座御屏後堂東西屋爲藏書庫院內東偏有井覆以亭曰劉井西偏爲柯亭自後堂而南門內爲敬一亭自劉井而東爲清秘堂堂前爲瀛洲亭亭下方池爲鳳凰池池南爲寶善亭堂後爲成樂軒自柯亭而西爲先師祠祠南爲西齋房又



南爲原心亭有

聖祖御書堂額曰道德仁義乾隆八年

上以翰林院傾圮命加修葺九年十月工峻

御書稽古論思集賢清秘二額顏其堂又

賜古今圖書集成一部貯寶善亭詠日

親幸送掌院大學士鄂爾泰張廷玉進院

賜宴賦詩又與諸臣聯栢梁體一篇凡籍翰林及改官

進秩者皆與凡百六十五人又

御製是日復得詩四首示諸臣皆恭勸院內

宸垣識畧

卷五

七

長元按是日翰苑諸臣恭和

御製元韻凡數百首玉堂盛典千載一時不獨傳爲

佳話已也

元時翰林院以金烏珠第爲之其地在鳳池坊北鐘

樓之西鐘樓又在中心閣西按中心閣址爲今鼓樓

則元之翰林院在今鼓樓迤西歐陽楚公詩翰林老

屋勢深雄猶是金家元木官是也

烏珠卽元木譯音

鑿峯國史院庭中石名元時翰林諸老賦詩甚夥

析津志云南省北省乃金時二稅賦宰相之莊曰南



相莊北相莊據此則元之北省後改翰林院者爲金時北相莊烏珠亦稱北相可証

瀛洲道古錄元時無鴻臚寺官名但有侍儀司析津志侍儀司署在都省之東水門之西南倉之前按都省卽元之中書省以尚書改設所謂南省也南倉卽元之大倉今以金水河水門按之元時署在其西今則當其西北蓋明時展築南城水門遂徙而南而署廡之縈帶玉河則自元迄今未改也

明嘉靖戊子始建御製五箴碑于敬一亭亭樹于堂

### 宸垣識畧

#### 卷五

十三

南左則劉文安井井之外爲蓮池右則柯竹岩亭亭

之前爲土山

劉文安名定之官學士柯竹岩名潛官學士

施閏章劉并詩青熒誰鑿水晶寒錦石銀牀位置安起草羣臣曾洗硯論文異代一憑闌宮雲近覆晴猶潤海眼潛通旱未乾倘有泥蟠神物在那愁霖雨被人難

又柯亭詩仙客聯翩倚檻來丹亭曾向日邊開殘荷蔽芾猶連井芳草凄迷舊有臺接坐共憐星聚地凌雲誰稱歲寒材風流未墜餘陳蹟悵望千春



首重回

柯潛旣綜院章就詞林後圍結清風亭亭下鑿池時  
蓮決渠引泉公退偃坐其中翛然若真登瀛洲者又  
有栢二株曰柯學士栢廖道南嘆曰流風遺澤令人  
永矢勿諼

寶善亭軒牕虛豁旁臨玉河環蔭喬木學士大夫靜  
觀之所

院中 先師廟庭古桑尚存當卽李西涯所賦採桑  
玉堂陰也

宸垣識畧

卷五

三

明李東陽詩采桑玉堂陰分蠶長安郭一勞累百  
枚再分連數箔寧知富貴地此物能沃若 采桑  
玉堂陰陰濃樹婆娑一采不滿筐竟日能幾何乃  
知富貴地不及窮山阿

第三廳史官之廳也又曰槐廳今翰林正廳之西偏  
史官所居是也

查嗣璫瀛洲亭補種新槐詩天街三月雨如絲  
兔目纔分葉尚遲不是春風甘落後玉河新柳正參  
差 綠痕先上最高枝得地翻驚雨露私留待他



年鑽火候好分餘影當青藜

李鎧翰林院古槐歌深巖之地三廳旁古槐一株  
摩青蒼何人手植歲月久扶疎上動虛星芒銀花  
掩映白日靜粉署窈窕高雲涼披襟其下落遠韻  
鼓柯振葉清且揚我聞博士舍前列數百雍容入  
市陳縹緗又聞南省深夜響絲竹往往詔拜中書  
堂今之古槐無乃是承華正德差可方嗚呼大造  
栽培亦偶爾有材難必登巖廊君不見路側紛紛  
蔭行旅翦伐不避纏風霜槐乎槐乎好自愛託根

宸垣識畧

卷五

十四

得所須流芳

長元按乾隆癸巳年特開四庫全書館翰林院爲  
辦理處 武英殿爲繕寫處自 殿板館書外

詔徵天下遺書共一萬三千七百二十五種

內重複者三千七百

五十種舊存明代永樂大典殘缺幾半

命詞臣分類纂出整書八十五種散片

古書殘缺二百者曰散片

八十四種分存書存目二項纂輯提要以該一書  
大旨按期輪進書之佳者皆蒙

御製題詞以冠簡首其四部條目與前代稍異經部十



類曰易曰書曰詩曰禮曰春秋曰樂曰孝經曰四書曰總經解曰小學易類別卜筮入子部術數禮類別歷代儀注入史部故事樂類別宮調絲竹譜小學類別八法俱入子部藝術史部十五類曰正史曰編年曰詔令奏議曰別史曰雜史曰傳記曰史鈔曰載記曰時令曰地理曰職官曰政書曰目錄曰史評雜史類別瑣碎記錄入子部小說雜家子部十四類曰儒家曰兵家曰法家曰農家曰醫家曰天文算法曰術數曰藝術曰譜錄曰雜家曰

宸垣識畧

卷五

五

類書曰小說曰釋家曰道家集部五類曰楚詞曰別集曰總集曰詩文評曰詞曲其編錄叙次遵諭經首易注史首史記子首老子集依時代而聖祖世宗

皇上御製集冠于 本朝集首每庫繕寫四分做浙江

范氏天一閣式建

文淵

在大內

文源

在園

文津

在熱

河文溯

在盛京

四閣貯之並有

御製記又擇其精醇為薈要計全書三之一繕寫二分



一藏 大內一藏 圓明園凡編錄十三年告竣  
四庫共存書三千四百六十種計七萬五千八百  
五十四卷輯簡明目錄以便稽覽底本仍貯翰林  
院內其辦理臣工暨保舉紳士仰邀  
恩賚優敘自具館錄茲不贅焉

鑾儀衛外駕庫在東長安門外北向

理藩院署在玉河橋東東長安街南向 本朝特設掌  
外藩蒙古及喇嘛回部金川事

世宗御書堂額曰宣化遐方

宸垣識畧

卷五

六

堂子在長安左門外玉河橋東順治元年九月建街門  
北向內門西向正中爲祭

神殿南向前爲拜

天園殿殿南正中設 大內致祭立杆石座次稍後兩  
翼分設各六行行各六重第一重爲 皇子致祭立  
杆石座次親王郡王貝勒貝子公以次序列北向東  
南爲上

神殿南向凡每歲元旦及月朔國有大事則爲祈爲報  
皆恭詣



堂子行禮大出入必告凱旋則列燵而告典至重也元旦有掛錢之禮貝勒以下不掛月朔日親王以下貝子以上各遣一人供獻春秋二季立杆致祭俟大內致祭以後各以次輪一日致祭將軍等不得預焉其儀制

皇上禮服乘禮輿鹵簿前導祭時行三跪九拜禮漢大臣不隨往

昭忠祠在玉河橋東南雍正二年

敕建祀本朝王公大臣官員之全忠盡節者有

宸垣識畧

卷五

七

世宗御製碑文

裕親王府在昭忠祠西臺基廠

安郡王府在臺基廠南口

太僕寺署在東城根南玉河橋東

世宗御書堂額曰勤字天育

太僕寺石刻畫馬二一史道碩畫一趙孟頫畫皆明王世貞官太僕時所摩勒也道碩五代時人按今兵部夾道仍稱太僕寺胡同卽舊署址石刻無考

肅親王府在南玉河橋東



三官廟在南薰坊南玉河橋東明嘉靖間建有修撰朱之蕃職方郎中申用懋二碑今存

元寧觀在三官廟東有明天順四年編修陳鑑碑隆慶辛未嚴州府知府郭九疇碑

南之左曰崇文門元爲文明門卽哈達門哈達大王府在門內因名之明正統間改今名

明薛瑄夏日出文明門詩文明門外柳陰陰百轉黃鸝送好音行過御溝回望處鳳皇樓閣五雲深化成寺在崇文門內大街路西雍正二年建乾隆三十

辰垣識畧

卷五

六

二年重修有

御書額

○吳琬菴亦樂園在崇文街有海月菴玉延亭春草池醉眠橋冷澹泉養鶴闌今不可考

明吳寬玉延亭成次陳玉汝韻詩偶栽山藥得佳名墻下幽亭一日成車馬勒回無俗士壺觴傾倒盡平生升階脫履長頭近倚檻觀書老眼明此後來遊誰復障繞籬須爲惜殘英

考按玉延亭海月菴析津日記云訪其遺蹟已不



可得而春明夢餘錄以爲在皇城之西故朱彝尊原書刻之中城西偏其實亦傳聞之辭耳今考河南彭氏所藏張見陽補畫玉延亭圖有趙寬賦序云春坊先生所居崇文街第有園一區名亦樂中有亭曰玉延賦首又云並東郭之青陽則斯亭應在東城又考毛澄重建玉延亭記云園中別有菴曰海月玉延爲菴之輔則海月菴與玉延亭毘連無疑故移于東城特其舊址今亦無考

靈藏觀音寺在觀音寺胡同明正統間重修有編修陳宸垣識畧

卷五

九

文華碑寺內藤胎海潮觀音像相傳明內府所出于少保祠在明時坊崇文門內東裱褙胡同公故賜宅楹中塑公像春秋遣太常寺官致祭

沈德潛謁于忠肅祠詩神龍困魚服司馬握兵權  
早決飴甥計羞同宋室遷廟堂勞定位刀俎答籌  
邊晤對文山像忘身知有年

忠肅自任事後嘗懸文文山像于卧所

考按今祠已廢裱褙胡同內有福德祠地甚狹相傳卽其舊址

總督倉場公署在裱褙胡同內



世宗御書堂額曰慎儲九穀

苦井在蘇州胡同明弘治間正月朔日晨有術士汲其水往甜井中易水而來向井說詛而下之此井遂變爲甜水

查嗣琛雜咏詩柄鑿流傳事不作誰分涇渭定千秋移將苦水成甜水喚作蘇州是薊州

考按井在蘇州胡同內麻線胡同三元菴前居民至今資以汲飲

大石橋在崇文門內東南又東有泡子河橋

宸垣識畧

卷五

三

泡子河在崇文門之東城角前有長溪後有廣淀高堞環其東天臺峙其北兩岸多高槐垂柳空水澄鮮林木明秀不獨秋冬之際難爲懷也河上諸招提苦無大者水濱之類園廢圃多置不葺城內自德勝河外惟此二三里間無車塵市囂惜無命駕者耳

泡子河卽元人所開通惠河也

明陸啟浚泡子河詩不遠市塵外泓然別有天石橋將盡岸春雨過平川雙闕晴分影千樓夕起烟因河名泡子悟得海無邊



考按泡子河在今崇文門東城角觀象臺前河身尚存經呂公祠南石橋出南水門入通惠河與燕都游覽志所記合

慈雲寺在泡子河西岸明萬歷年建 本朝順治間修俗稱十方寺

呂公堂在泡子河東明成化年建嘉靖中錦衣千戶陸檜新之萬歷甲寅賜名護國永安宮有顏秉謙碑

呂公堂以乞夢有驗歲大比諸士子爭往焉

泡子河呂公祠後有物白氣竟丈夜游水面人或見之則倒入水作鼓漿聲或曰水掛也

宸垣識畧

卷五

五

明葛一龍秋夜同武仲宿呂公堂詩草木自烟翳居廬水半周帝城偏一角仙路入高秋月曬地霜起風翻天漢流相期同襍被清極夢難游

華嚴禪林在呂公堂南有明萬歷五年重修碑

關帝廟在呂公堂北有明碑二磨泐無考

太清宮在呂公堂南卽玉皇閣有明萬歷間國子監司業顧起元碑

閣甚卑隘明萬歷間鍊師劉靜祝拓而大之內府出



帑金俾塑福祿壽三星像更其額曰太清宮

寶源局新廠在泡子河

○泡子河南岸有方家園張家園房家園北岸有張家園傅家東西園中呂公堂西楊氏秘園東玉皇閣北去貢院里許

查嗣琛雜咏詩張園酒罷傅園詩泡子河邊馬去遲踏遍槐花黃滿路秋來祈夢呂公祠

○般若菴在明時坊有勅建碑今廢

觀象臺在城東南隅堞堵上元至元十六年建中爲紫

宸垣識畧

卷五

三

微殿內有

御書聯扁臺上舊有元郭守敬所製渾天儀簡儀銅球量天尺諸器 本朝康熙十二年以舊儀年久多不可用

御製新儀凡六曰天體儀曰赤道儀曰黃道儀曰地平經儀曰地平緯儀曰紀限儀陳于臺上至今遵用其舊儀移藏臺下五十四年又製地平經緯儀乾隆九年又製璣衡撫辰儀並陳臺上

占風竿亦名順風旗上有鐵箍二十八道以象二十



八宿之數也

紫微殿東小室曰壺房卽浮漏堂內有銅人一銅壺  
五首曰日天壺次日夜天壺次日平壺次日萬水壺  
後曰分水壺每逢日月交食前三日調壺則置銅人  
于萬水壺上面南抱箭箭又名量天尺長三尺一寸  
鑄晝夜時刻上起午正下盡午初壺中安箭舟如銅  
鼓形水長舟浮則箭上出水盈箭盡則洩之于池箭  
上時刻與赤道相符晝夜一周再注水亦如之則雖  
遇陰雨時刻亦無差矣是銅人爲調壺所用並不占

宸垣識畧

卷五

三

日晷長短也東廂五間爲測量所又別有室三楹爲  
晷影堂南北平置銅圭于石臺長一丈六尺二寸濶  
二尺七寸周以水渠南端植銅表高八尺上設橫梁  
用影符以取中景 本朝加表二尺上端施銅葉中  
穿圓孔徑二分午正日景自圓孔透圭面成橢形南  
界爲日體上景北界爲日體下景中心爲中景 京  
師夏至景二尺九寸四分八釐冬至景一丈九尺九  
寸四分以次羸縮北端設立圭高三尺五寸冬至景  
上立圭二尺七寸四釐並無銅人北面抱箭也春明



夢餘錄五雜俎以爲銅人捧箭北面室穴其頂以候  
日中測景之長短者蓋以銅漏與日表兩事混而爲  
一耳

元吳師道九月二十三日城外紀遊作杪秋暇日  
休弦歌五門城外觀新河斗門決水已數日淺沙  
漫漫無餘波縱橫疏鑿引別派監官督役猶揮訶  
循堤側足懼疏惡驚見崩圻當盤渦故橋舊市不  
復識祇有積土高坡陀城南靡靡度阡陌疎柳掩  
映連枯荷清臺突兀出天半金光耀日如新磨礪

宸垣識畧

卷五

五

衡遺製此其的衆環倚植森交柯細書深刻皇祐  
字觀者歎息爭摩挲司天貴重幸不毀回首荆棘  
悲銅駝長春宮苑最宏麗飛樓湧殿凌層坡喬松  
天矯百歲物復有偃蓋低婆娑平生數聞百一帖  
樂石置壁周簷阿金源中葉盛文物玉堂學士鏘  
鳴珂旁搜紙墨作漆飾欲與唐晉爭嵯峨至今墓  
榻傳好事道士却換人間鵝仙杯珍襲巨桃核御  
畫雲鶴題宣和不知何處有此木偶而結實良非  
他瑤池漢殿語茫昧遂使世俗猶傳訛尋幽訪古



意未已起視落日歸禽多却趨林亭憇清絕益荷  
采采黃金窩蟹螯祈雪新醞碧對此不樂將如何  
京華酒鑪萬歌舞錦鞵翠袖迎嬌娥儒冠已受俗  
子笑况復衰容雙鬢皤下帷閉閣來跡少骯髒不  
肯侯王過清遊良友幸追逐未忍返棹尋魚叢今  
朝不飲心已醉笑看坐客朱顏酡鳳城半掩歸路  
暝爭道擊轂如飛梭九衢冥濛漲塵霧漸見燈火  
稀星羅作詩寫實不可緩馬上已復成微哦

考按元之都城在東北白馬廟柴市瓊華島皆在

宸垣識畧

卷五

五

南城今之觀象臺則在南城之外鐘鼓樓爲元之  
中心閣德勝門外土城關舊址猶存故吳正傳紀  
遊詩謂爲南城外耳

貢院在城東隅觀象臺西北元禮部舊基也明永樂間  
改爲貢院萬歷間拓旁地益之 本朝屢加增葺益  
爲宏備乾隆九年

皇上幸貢院御製七言律四首勒石至公堂中

長元按乾隆甲子

御製貢院詩有從今不薄讀書人言孔孟言大是難之



句一時士林傳誦爲之感泣詞臣張鵬翀和詩云  
添得青袍多少淚百年雨露萬年心蓋紀實也  
聚奎堂有明代王圖庚戌取士詩天啟四年其子淑  
卞和之刻石壁間

正藍旗護軍統領署在崇文門內乾麪胡同

鑲白旗滿洲蒙古漢軍三旗與正白旗接界之處係自  
豹房胡同向南至單牌樓與正藍旗接界之處由  
皇城根向東至大城根滿洲官兵自正白旗接界處  
由東長胡同循大街向南至阮府胡同東口爲頭叅

宸垣識畧

卷五

五

領之十七佐領居址自阮府胡同東口至長安街牌  
樓爲二叅領之十六佐領居址東安大街兩邊之翠  
花胡同草廠胡同東長胡同奶子府胡同燒酒胡同  
錫蠟胡同菜廠胡同阮府胡同梯子胡同理藩院後  
胡同爲三叅領之十八佐領居址自長安街牌樓向  
東至單牌樓爲四叅領之十七佐領居址自燈市口  
大街西口至東四牌樓大街向南所有椿樹胡同乾  
魚胡同西堂子胡同金銀胡同煤炸胡同帥府胡同  
頭條二條三條胡同爲五叅領之十七佐領居址蒙



古官兵自四牌樓向南循大街至堂子胡同爲頭叅領之十二佐領居址自堂子胡同向南至單牌樓爲二叅領之十二佐領居址漢軍官兵自四牌樓向東至小街爲頭叅領之五佐領居址自小街至朝陽門爲二叅領之四佐領居址祿米倉周圍之啞巴胡同方家胡同爲三叅領之四佐領居址小街之史家胡同乾麩胡同小啞巴胡同爲四叅領之四佐領居址羊尾巴胡同石大人胡同羊乙賓胡同總把胡同爲五叅領之五佐領居址

宸垣識畧

卷五

七

王府街在東安門東南明永樂十五年建十王邸通爲屋八千三百五十楹宣德三年作公主府三所于諸王邸之南

會同館在王府街爲在京牧養驛馬之所有館大使

○烏蠻市在王府街之會同館今無考

豫親王府在東單牌樓西三條胡同

寧郡王府在東單牌樓北大街

正藍旗覺羅宗學在東安門東南大阮胡同

旛竿寺在保大坊雙碾胡同俗稱捨飯寺元至元間建



明永樂中給光祿寺粟米煮飯以施貧民 本朝改名興福禪林

賢良寺在東安門外帥府胡同雍正十二年建本怡賢親王故邸捨地爲寺 賜名賢良乾隆二十年移建于冰蓋胡同有

世宗御製碑暨

今上御書心經塔碑

內務府帽作在東安門外錫蠟胡同

亮鐵作在東安門外迤北西向

宸垣識畧

卷五

天

崇真萬壽宮在蓬萊坊草廠眉掠胡同元至元中建真人張留孫吳全節相繼居此俗名天師菴

張留孫信州貴溪人入龍虎山爲道士有相者曰子神仙宰相也至元間從天師入京世祖與語稱旨留侍闕下建崇真宮居之嘗祠醮有鶴舞之瑞號天師宮內有五色薔薇真人吳閑閑手植

明曾棨詩崇真宮闕禁城東舊說真人住此中鳳去緱山虛夜月鶴歸華表怨秋風飛花入戶丹房靜古木垂蘿碧殿空一笑忽逢勾漏令將因暇日



問參同

鑲白旗蒙古都統署在王府大街乾魚胡同

元極觀在乾魚胡同

成壽寺在澄清坊椿樹胡同明成化間內監夏時建時有弟詔封翊教禪師住此寺有勅建碑

燈市在東安門王府大街東崇文街之西且二里許南北兩廂凡珠玉寶器以逮日用微物無不悉具衢中列市棊置數行相對俱高樓樓設瓊瑜簾幕為燕飲地一樓每日賃值至數百緡者夜則燃燈于上望如

宸垣識畧

卷五

五

星衢市自正月初八日起至十八日始罷鬻燈在市西南有冰燈細剪百綵澆水成之按宋時燈市乃從九月菊燈始今止正月內數日耳

考按今東安門外稍北猶有燈市口之名燈市久廢

明石崑玉燈市詩燈市百貨聚類聚還分局雜沓掩塵埃穹窿象山谷波斯細舉名最下亦珠玉滿城恣意觀履舄時交觸側肩趁友朋轉盼遺童僕樓上樓下人徙倚自相矚重器與嬌容回還日不



足倘非挾厚藏焉用空馳逐惟我獨閒行輝煌聊  
飽日佻佻白面郎囊裡金如粟訪古探瑰奇十僅  
償其六本擬快于心旁觀容有蹙爲君話所從原  
出巨家積向購此場中而今在此驚佇看市道間  
何事無翻覆物類火傳薪人寰風轉燭拚諸海陸  
珍權與豪華畜姑數杖頭錢來酣春酒熟

明范景文詩御溝春暖漲冰絲風煖沙吹日影移  
珠綴九微光燦爛張燈不待月高時 王孫約隊  
簇金貂玉勒青驄綺陌騎文貝珊瑚看不盡東華

宸垣識畧

卷五

三

門外市三條 朱樓一帶鬱嵯峨陣陣香風襯綺  
羅龍燭薰風喧不夜天街到處月明多 月明處  
處度笙簫春色分明念四橋有酒勸君須盡醉百  
年能得幾元宵

張貝子府在燈市東

明照坊在東安門東北

元宋褰明照坊對雨詩章臺車馬去如流白雨霏  
烟拂畫樓九陌平鋪明似練兩溝急瀉碧于油美  
人虹見西山雨少女風來北里秋涼意滿襟簾幙



捲宮鴉歸樹夕陽收

法華寺在明照坊今豹房胡同明景泰中太監劉通捨宅建天啟中賜藏經璽書有大學士黃立極碑

正白旗蒙古都統署漢軍都統署俱在豹房胡同

鑲白旗護軍統領署在驢市胡同

報恩寺在驢市胡同街北內有大鐘上鑄昭寧寺小鐘上鑄報恩寺是始稱報恩而天順改名昭寧寺者有大學士李賢碑今無考

大學士一等誠謀英勇公阿第在燈草胡同

宸垣識畧

卷五

三

鑲白旗漢軍都統署在燈草胡同

左翼前鋒統領衙門在本司胡同

正藍旗滿洲蒙古漢軍三都統署皆在本司胡同

黃華坊有東院有本司胡同本司者教坊司也又有勾闌胡同演樂胡同相近復有馬姑娘胡同宋姑娘胡同粉子胡同出城則有南院皆舊日之北里也

京師倡家東西院籍隸教坊猶是唐宜春院遺意東院以瑟西院以琵琶藉勳戚以避貴游之擾

考按本司胡同勾闌胡同馬姑娘胡同在四牌樓



南宋姑娘胡同粉子胡同在四牌樓北今仍其名  
一等誠嘉毅勇公第在勾蘭胡同

鑲白旗滿洲都統署在燈市口大街

二郎廟在黃華坊燈市口大街東僅一小殿康熙間重  
修倉場侍郎石文柱碑云據道書稱二郎神為清源  
真君唐貞觀三年創廟于此宋元祐二年重修

長元按二郎神為秦蜀將李冰之子鑿離堆江有  
功于民蜀人祀之 本朝雍正五年

詔封李冰為敷澤興濟通佑王李二郎為承績廣惠顯  
宸垣識畧

卷五

三

英王又碑稱唐貞觀三年創廟于此則北宋時燕屬  
于遼不得云元祐二年重修也

左翼宗學在燈市口

元貞觀在總把胡同明舊刹碑磨泐無考

雙忠祠在石大人胡同乾隆十六年建合祀都統贈一  
等伯諡襄烈傅清左都御史贈一等伯諡壯果拉布  
敦有

御製雙忠詩碑

寶源局在石大人胡同即明石亨舊宅



睿親王府在石大人胡同東

正藍旗官學在東四牌樓南新開路

鑲白旗官學在齊鳳樓胡同內象鼻坑

○銅馬門在舊城東南隅昔慕容儁鑄銅馬置之東掖門外今有銅馬坊

薊城南北九里東西七里開十門慕容儁鑄銅爲馬因名銅馬門今大廳前石函長二尺高一丈歷代不敢開銘曰泰建二年造銅虎符

東掖門下舊慕容儁立銅馬像處昔慕容隗有駿馬

卷五

卷五

三

赭白有奇相逸力至儁光壽元年四十九歲矣而駿逸不虧儁奇之比鮑氏驄命鑄銅以圖其像親爲銘贊鑄頌其旁像成而馬死矣

考按銅馬門今廢以元一統志考之當在此也

長元按魏征南將軍劉靖高梁河碑云碑在大城東門內道左則晉魏時幽州城在今京城西北慕容氏鑄銅馬于東掖門下約今西直德勝二門之外明姚廣孝薊門詩不知銅馬坊何在惟見桑乾水自流其地位當不遠也元一統志恐未盡合



關帝廟在羊尾巴胡同有明萬歷乙巳年鼎一癸巳年鐘一 本朝康熙間重修碑

維摩菴在黃華坊小啞巴胡同明萬歷開左光斗撰碑清泰寺在大啞巴胡同明弘治年建正德賜額清泰有編修余本御史包澤二碑又嘉靖間鴻臚寺序班王璋重修碑

寶慶寺在內城東元建明永樂嘉靖間兩次重修 本朝雍正間有中書吳麀碑

考按寶慶寺無考今以吳麀碑文觀之或卽寰宇

寰垣識畧

卷五

三

通志所載寶磬之訛也

智化寺在黃華坊祿米倉東寺爲明宦官王振所建天順間詔復振官塑像于寺中之北勒碑其中 本朝乾隆間御史沈廷芳奏毀之

寺西存二石獅云卽明武學遺址

○京衛武學始于正統六年除教授一員訓導六員教習勳衛子弟以兵部司官提調之以國子監丞掌學事成化己丑建大成殿祀 孔子并四配像祿米倉在南小街東



○東院在總鋪胡同東城畔昔時歌舞地今寥寥數家如村舍猶記舊遊有陳家園郝家亭子樹石楚楚今無存矣

○方園在東院之東園毀建淨業菴于其址殿左廡有鎮陽林潮書元許魯齋演千字文以明萬歷十一年刻石嵌于壁今已廢方園猶存其名

正白旗官學在朝陽門內南小街新鮮胡同

正白旗覺羅宗學在南小街新鮮胡同

證因寺在南小街竹竿胡同有明天順六年鐘一碑磨

宸垣識畧

卷五

三五

去無考

○靖恭寺在黃華坊今廢

老君堂在朝陽門內南小街路東

補饒餘親王府在石大人胡同

一等超武公第在東堂子胡同

一等褒績公第在金銀胡同

一等延恩侯第在崇文門內歲栢胡同

一等順義侯第在崇文門東南鬧市口

宸垣識畧卷五







饒黃旗東北

二卷六

南街

北新橋

手羊館  
北針街

草廠

鼓報  
寺恩王大

頭條  
三條  
方家

五岳觀

胡椒園

相林寺

羅和宮

羅子園  
羅文廟

大保街

馬大驢香土  
軍興達兒

府天順

藍伽殿

靈官廟

皇城

橋根

東步

棒場

炒板  
花棉

福祥寺  
葉衣

南鑼鼓巷

魚兒  
帽兒  
沙家

馬尾營

方磚廠

後鼓樓院

春前  
兒國  
皮吳

鼓樓前院

經廠

大佛寺  
扁担

法通寺

琉璃寺

淨土寺

郎家

豆腐地

王佐

高公庵

街鍋腔

碾兒

三官廟

鼓樓

鐘樓



安



宸垣識畧卷六

仁和吳長元太初氏輯

內城二

東中北  
東北

正白旗滿洲蒙古漢軍三旗與鑲黃旗接界之處係自府學胡同東口向南各按叅領至四牌樓豹房胡同東口與鑲白旗接界之處由皇城根東至大城根滿洲官兵自鑲黃旗接界之處棉花胡同循大街向南至大佛寺西北角爲頭叅領之十七佐領居址自大佛寺西北角向南至豹房胡同西口爲二叅領之

宸垣識畧

卷六

十六佐領居址 皇城東邊之寬街草廠胡同取燈胡同瞭穀胡同弓弦胡同雙塔胡同爲三叅領之十六佐領居址兩大街所有之鐵獅子胡同賈家胡同汪芝蔴胡同魏家胡同十景花園馬大人胡同墻兒胡同大佛寺胡同羊尾巴胡同山老兒胡同喇叭營爲四叅領之十六佐領居址自馬市口向東至四牌樓隆福寺周圍所有細小胡同爲五叅領之十六佐領居址蒙古官兵自府學胡同東口循大街至五條胡同爲頭叅領之十五佐領居址自五條胡同至四



牌樓爲二叅領之十四佐領居址漢軍官兵自新橋大街至東直門爲頭叅領之十佐領居址北新倉海運倉興平倉南新倉舊太倉富新倉此六倉門相近爲二叅領之十佐領居址自東直門南小街北口宋姑娘胡同口袋胡同慧照寺王家胡同船板胡同爲三叅領之十一佐領居址北新橋大街之六條七條八條九條十條胡同爲四叅領之九佐領居址北小街之頭條二條三條四條五條胡同爲五叅領之九佐領居址

宸垣識畧

卷六

二

迎禧觀在王府大街

延禧寺在保大坊弓弦胡同

一等果毅繼勇公第在 皇城東寬街

大隆福寺在仁壽坊東四牌樓大市街之西馬市北其街以寺得名明景泰三年建役夫萬人撤英宗南內木石助之其白石臺欄乃南內翔鳳等殿石闌干也本朝雍正九年重修每月之九十兩日有廟市百貨駢闐爲諸市冠所居皆喇嘛有

世宗御製碑



明釋性柔過隆福寺詩金碧先朝寺香鐙出內家  
松杉留古籟闌楯落天花爽入西山影晴飛北闕  
霞翠華行復駐望望暮雲遮

查嗣琛雜咏詩興隆隆福兩岩巖南內移來土木  
饒天子不開香火院紛紛臺省愧楊姚

宋光熊游隆福寺詩玉石扶闌此尚存秋風南內  
黯銷魂若教暫緩金仙祀香火何如好弟昆 古

玩珍奇百物饒黃金滿橐儘堪銷阿誰携得三錢  
刺盡日吟哦自解嘲 康熙間寶應朱克生于慈仁寺市以三錢買客氏拜敝刺

宸垣識畧

卷六

三

賦客氏行見池北偶談

○仰山寺在仁壽坊云有前後街今無考

普德寺俗呼大佛寺在王府街北柴市西口稍南建置  
歲月無考

長元按王府街自此迤西轉北呼安定門街

誠親王府在大佛寺北路西

誠固山貝子府在取燈胡同

順天府儒學在教忠坊府學胡同明宣德中建其地元  
之柴市宋文天祥授命焉



順天府學故報恩寺也元未有僧遊湘潭募造報恩寺尚未安像明師下燕戒士卒毋得入孔聖廟僧倉皇借宣聖木主置殿後不敢去遂以爲學

文丞相祠在府學胡同明初北平按察司副使劉崧立宣德間命有司春秋祭祀景泰中賜諡忠烈遺像改塑丞相衣冠

歷代忠臣祠府尹致祭必用祭服惟此用常服

明章懋謁文丞相祠詩元宋興亡迹已陳忠臣祠宇尚如新夕陽古樹烟猶暝夜雨荒堦草自春慄

宸垣識畧

卷六

慨六歌空洒淚間關百戰竟捐身穆陵地下應含笑不負臚傳第一人

明顧清謁文山祠詩碧殿長松鎖十尋晚雲將雪助悲吟貂蟬不改匡山制金石疑聞孔壁音南去星潮嗟往事北來祠宇豈公心春風一掬唐衢淚幾爲先生濕短襟

崇禎十七年三月戊申左都御史李邦華縊于文丞相祠 本朝賜諡忠肅

考文山所著日錄諸書相傳並刊板祠中今皆無有



惟唐李邕書雲麾將軍李秀斷碑二礎尚裂于壁破  
屋三間塑像兀坐冠進賢冠朱衣色黯神座之右石  
刻半像執笏冠如明世國公笏刻孔曰成仁孟曰取  
義數語

唐雲麾將軍李秀碑靈昌郡太守李邕文并逸人太  
原郭卓然摹勒并題額李秀字元秀范陽人唐玄宗  
朝以功拜雲麾將軍左豹韜衛翊府中郎將封遼西  
郡開國公卒于開元四年葬范陽福祿鄉碑刻于天  
寶元年李北海有兩雲麾碑一爲李思訓在陝西一

爲此碑其官同其姓同也然其碑筆法道逸大勝陝  
碑秦人有著石墨鏤華者乃以爲一碑且以此碑爲  
趙松雪所臨誤矣此碑貯良鄉縣庫中不知何時入  
都城宛平令李蔭掘地得六礎洗視乃雲麾碑建古  
墨齋以覆之後移少京兆署中止二礎其四礎傳爲  
萬歷中王京兆惟儉携去汴中按秀碑之遷徙始末  
吳涵記之甚詳碑始斷而斲之爲礎者良鄉學生某  
以其石告者閩人董生輦而致之作古墨齋以貯之  
者宛平知縣李蔭其後携六礎之四至汴而留其二



者爲順天府尹王惟儉自府署又遷之置文丞相祠  
壁者爲順天府丞吳涵至四礎入汴不知所在

考按石像雲麾將軍斷碑二礎及吳涵記今在祠  
東壁懷忠會館在祠西今無考

恭親王府在鐵獅子胡同

一等襄勇伯第在東四牌樓西北嘎嘎胡同

○成國公適景園在東四牌樓西北地名十景花園

明劉應吉集成國公山亭詩高臺亭子禁城東少  
得浮埃多得空榆柳周遭陰洞色門塗直射遠疇

宸垣識畧

卷六

六

風荒烟莫辨郊原際夕照歸明官殿中閣後古槐  
何嶽嶽老看山水幾雌雄

寶泉局南廠在錢糧胡同

正白旗覺羅宗學在東四牌樓東北十條胡同

正白旗護軍統領署在東四牌樓東北十條胡同

五嶽菴在十條胡同明建羽士居之內供玉纘五嶽真  
形圖因各有嘉靖間工部侍郎張憲碑

二等昭信伯第在東四牌樓北九條胡同

承恩寺在南居賢坊東四牌樓北八條胡同明萬歷間



建有大學士張居正碑今失

正覺寺在東四牌樓北八條胡同明正統間建有碑

御前大臣一等超勇公海第在東四牌樓北七條胡同

水月寺在東四牌樓北五條胡同有舊碑篆水月菴三

字

寶泉局東廠在東四牌樓北四條胡同

協辦大學士吏部尚書一等嘉勇公福第在東四牌樓

北二條胡同

火器營衙門在東四牌樓西

宸垣識畧

卷六

七

左翼稅署在東四牌樓之西大街

大慈延福宮在思城坊齊化門大街明成化中建以奉

天地水府三元之神有成化御製碑 本朝乾隆三

十六年奉

敕重修有 御製碑

○大覺寺遼築義井精舍于開陽門之郭傍有古井清

涼滑甘因以名焉金大定中僧善祖營寺朝廷嘉之

賜名大覺萬松老人住持大覺榜其齋曰昨夢

考析津志義井一在齊化門太廟前一在思城坊洞



陽觀前今大覺寺既廢義井亦不可考矣

福安寺在瓦盆胡同元至正間建明正統中重修賜額  
正東曰朝陽門元爲齊化門明正統改今名又元正東  
曰崇仁門東之左曰光熙門東之右曰齊化門今崇  
仁門久廢齊化門俗猶稱之

明兵入京師大將召丁好禮不肯行昇至齊化門不  
屈而死

○元太廟在都城齊化門街曰寅賓里廟門外馳道抵  
齊化門之通衢

宸垣識畧

卷六

八

○無量壽菴在寅賓里太廟之西居士屠文正建居士  
山陽人事親至孝至元間被兵驅至開平母子相失  
南望悲泣禮佛絕葷酒還至大都師事滿禪師于慶  
壽寺後知其母已沒作無量壽菴浚井治圃手植嘉  
木至元二十七年四月七日沐浴更衣書頌有白虹  
垂菴中如飛橋踟躕而逝

考按昔之寅賓里當在今之思城坊無量菴今廢  
齊化門南有無量大胡同相傳卽其故址以坊巷  
集考之蓋吳良大人之訛也



恒親王府在齊化門內燒酒胡同

永豐觀在南居賢坊燒酒胡同今名永祥禪林明景泰間建賜額有成化間戶部尚書薛遠碑

多羅恭勤貝勒府在北小街舊太倉南

怡親王府在北小街

○聖姑寺久廢今北小街有皇姑園胡同或卽其址

○老君堂在北小街有老君堂胡同卽洞陽觀舊址

正白旗滿洲都統署在老君堂胡同

南新倉舊太倉富新倉與平倉在朝陽門內北小街東

宸垣識畧

卷六

九

海運倉北新倉在北小街東近東直門

長元按京城諸倉俱倉場侍郎所管

慧照寺在北小街北口其胡同卽以寺名明成化間僧

庭佑得永寧伯譚氏故宅建賜額有弘治十年碑

○園亭之在東城者曰梁氏園曰楊舍人泌園曰張氏

陸舟曰恭順侯吳國華爲園曰英國公張園成國公

適景園後歸武清李侯曰萬駙馬曲水園曰冉駙馬

宜園園故仇鸞所築鸞敗歸成國公後歸于冉

明薛蕙宴英國公山亭卽賜第詩東第君王賜西



園賓客來將軍原好士公子復憐才玉袖花間出  
金尊竹下開還須明月上莫畏夕陽催

長元按以上園亭遺址今俱無考

鑲黃旗滿洲蒙古漢軍三旗各按叅領自鼓樓向東至  
新橋自新橋大街北口城根向南至府學胡同係與  
正白旗接界滿洲官兵自鼓樓向東循大街至經廠  
爲頭叅領之十七佐領居址自經廠循交道口轉南  
至棉花胡同東口爲二叅領之十七佐領居址自南  
鑼鼓巷北口至南口南鑼鼓巷兩邊之鼓樓院方磚

廠真武廟魚兒胡同福祥寺帽兒胡同炒豆胡同棉  
花胡同兵馬司前圓恩寺後圓恩寺局兒胡同爲三  
叅領之十八佐領居址自交道口大街向東循新橋  
轉南至香兒胡同東口爲四叅領之十七佐領居址  
自香兒胡同東口向南至府學胡同馬將軍胡同大  
興縣騷達子胡同土兒胡同香兒胡同錢局周圍爲  
五叅領之十七佐領居址蒙古官兵自交道口大街  
向北至安定門爲頭叅領之十四佐領居址自北鑼  
鼓巷兩邊所有之倒沙胡同經榭粉子亭謝家胡同



伽藍殿法通寺淨土寺豆腐池兒胡同高古菴郎家  
胡同破兒胡同爲二叅領之十四佐領居址漢軍官  
兵自新橋大街向北至方家胡同爲頭叅領之十佐  
領居址自方家胡同北至城根爲二叅領之十一佐  
領居址國子監前後頭條二條三條胡同方家胡同  
國子監大溝巷蕭家胡同爲三叅領之十一佐領居  
址栢林寺前所有之鼓哨胡同草廠王大人胡同栢  
林寺爲四叅領之十一佐領居址自北小街南口至  
城根胡椒園之周圍手帕胡同針線胡同寬街爲五  
叅領之十佐領居址

宸垣識畧

卷六

十一

鼓樓在地安門北金臺坊舊名齊政樓元建上置銅刻  
漏制極精妙故老相傳以爲先宋故物其制爲銅漏  
壺四上曰天池次曰平水又次曰萬分下曰收水中  
安饒神設機械時至則每刻擊饒者八以壺水漏爲  
度涸則隨時增添冬則用溫水云按今鼓樓不用銅  
壺等物惟以時辰香定更次其漏壺室猶存銅刻漏  
無考

齊政樓都城之麗譙也東中心閣大街東去卽大都



府治所南卽海子橋澄清閣西斜街過鳳池坊北鐘樓此樓正居都城之中樓下三門樓之東南轉角街市俱是針鋪西斜街臨海子率多歌臺酒館有望湖亭昔日皆貴官遊賞之地樓之左右俱有果米餅麵柴炭器用之屬齊政者書璇璣玉衡以齊七政之義鐘樓在金臺坊東卽萬寧寺之中心閣元至元中建今之鐘樓在鼓樓北明永樂中建後燬于火 本朝乾隆十年重建有

御製碑

宸垣識畧

卷六

十三

鐘樓之制雄敞高明與鼓樓相望有八隅四井之號蓋東西南北街道最爲寬廣至元中建閣四阿簷三重懸鐘于上聲遠愈聞之

○中心閣在大都府西元建以其適都城中故名中心臺在閣東十五步其臺方幅一畝以牆繚繞正南有石碑刻曰中心之臺實都中東西南北四方之中也有敵樓一十二座窩鋪二百四十三座

考按析津志所載中心閣中心臺舊蹟俱無考今舊鼓樓大街北城牆有中心臺之名蓋元時都城



偏北疑其遺址

萬寧寺在金臺坊鼓樓東偏元大德中建以奉安成宗御像名天壽萬寧寺有穹碑二長各二丈餘一碑國書一碑歐陽原功撰文張起巖書姚慶篆額明碑四一爲馮祭酒夢禎文一爲焦太史竝文

成宗布爾罕皇后京師勅建萬寧寺中塑秘密像生形醜怪后以帕蒙覆其面尋傳旨毀之布爾罕蒙古語佛也

慈善寺在鼓樓大街路東有明萬歷間頒賜藏經并敕

宸垣識畧

卷六

三

書一道及通政司李琦碑 本朝康熙間修有

聖祖御書額

顯佑宮在地安門東北奉真武明永樂間建成化中修俱有碑 本朝雍正九年重修歲遣官致祭乾隆間又修有

御書聯額并 御製碑

廟中丹墀砌石上有文象梅梢古月蓋舊物也

步軍統領衙門在地安門外顯佑宮之右俗稱提督衙門領禁軍司九門啟閉并緝捕之事



萬寧橋在鼓樓南名澄清閘卽今後門橋金水河自此  
而東南入東步糧橋穿 皇城東南而出

元馬祖常御溝春日詩御溝流水曉潺潺直似長  
虹曲似環流入官牆才咫尺便分天上與人間

春波十頃碧琉璃向日樓臺照影特好爲畫船多  
載酒半酣西望碧參差 水南沙路雨清塵桃李

花開蛺蝶春三月京華寒食近東風十里酒旗新  
元張翥金水河閘苑池荷香作立馬金橋上荷香

出苑池石橋秋雨後瑤海夕陽時深樹棲鴉早微

宸垣識畧

卷六

古

波浴象遲煩襟一笑爽正喜好風吹

福祥寺在靖恭坊蓑衣胡同舊作蓑衣寺有明正德中  
沈燾碑萬歷中大學士趙志臯碑

文昌宮在靖恭坊帽兒胡同乾隆間重修西有斗母宮  
圓恩寺在昭回坊圓恩寺胡同元至元間建寺西有廣  
慈菴碑碣有建立十方院圓恩是比隣之句

鑲黃旗官學在安定門大街圓恩寺胡同

千佛寺卽吉祥寺在金臺坊順天府治西元泰定間建  
明嘉靖間碑畧云卽元之千佛寺在都城坎地金臺



坊舊有石刻云元貞丙申建至宣德癸丑凡百三十八年因故址而新之遂爲精藍正統戊午敕賜吉祥寺而俗猶以千佛寺稱之萬歷九年另建千佛寺于德勝門北八步口遂稱小千佛寺以別之

寶泉局西廠在北鑼鼓巷千佛寺胡同

法通寺元至正間建明成化中復建名曰淨業弘治中翰林學士汪諧爲之記萬歷間修有戶部主事劉應詔碑 本朝康熙間重修改名淨因寺侍讀學士查昇撰碑有

宸垣識畧

卷六

五

聖祖御書淨因寺拈花正教二額

慈隆寺在教忠坊高公庵胡同因寺爲明萬歷間太監高勲所建名之其西爲酒醋胡同萬歷間有洗馬朱國祚碑

淨土寺在淨土寺胡同有明嘉靖間碑

順天府署在鼓樓東靈椿坊安定大街之西卽元大都路總治舊署明爲順天府今仍之有

世宗御書堂額曰肅清畿甸

先是遼升爲京立幽都府又改爲析津府至金爲大



興府元初爲大都路號大興府官署爲宗正所據官吏辦事佛寺中至大中監路平章政事莫吉奏請以錢四萬二千五百緡置靈椿里周氏地計十九畝建爲公署明因之爲順天府

天心堂在順天府後內空洞上覆以格有郡國方位圖冬至日懸毛羽驗氣之盛衰則其歲豐候氣室在東夾道迤北立冬日欽天監官于堂下掘地爲坎深數尺以竹管八實灰其中照方位布立坎內以土覆之至冬至日啟視以占八方之豐歉若管灰全浮

宸垣識畧

卷六

六

出者爲豐不浮者爲歉卽漢書葭莩灰實律管之法也今無考元劉賡書大路都碑在堂左巋然獨存無錫茹文中居京師之高坡胡同英宗復辟之年百有十歲召見便殿予冠服帶履宴順天府又命公卿造其居賀之

劉猛將軍祠在府治相傳神名承忠吳州人元末官指揮有功後殉節投河民祀之本朝雍正二年

勅建

○八蜡廟在順天府治東北今無考



長元按劉猛將相傳主蝗蝻祀之亦八蜡遺意

靈椿坊爲燕山竇十郎故居或云在城西或云在昌平  
或云在涿州或云在薊州當時馮瀛王道贈詩有靈  
椿一株老之句今北城有靈椿坊疑是十郎舊里故  
元時命名元時坊名皆  
虞文靖所定

元張翥買屋靈椿坊詩五槐濃綠蔭門前東宇西  
房十數椽不是衰翁買屋住歸時留作僱船錢

鑲黃旗滿洲都統署在安定門大街交道口

北之東曰安定門元爲安貞門明永樂間改今名

宸垣識畧

卷六

七

元程鉅夫賜地安貞門以築室

鑲黃旗漢軍都統署在安定門大街

極樂寺在崇教北坊安定門大街東元至元間建

大興縣署在安定門內迤南教忠坊南向本秦薊縣地  
還爲析津金名大興元明 本朝仍之

○萬駙馬曲水園在大興縣東園中有松化石其半尚  
存木質

○宜園在大興縣東冉駙馬園也有石假山名萬年聚  
明張學會九日集宜園詩小屏幽徑復游賞幸追



隨石自萬年聚花知九日期都人方瞿瞿園蝶已  
窺窺尙約移尊就霜風莫便吹

鑲黃旗覺羅宗學在安定門香兒胡同

和親王府在北新橋南

寶泉局在北新橋南大街路西後有濟陽倉

鑲黃旗蒙古都統署在北新橋南大街

開元寺在崇教南坊北新橋路西明勅賜惠明寺 本  
朝乾隆三十年重修奉

敕改慈壽寺

宸垣識畧

卷六

六

一明天順間趙昂撰敕賜惠明寺碑畧云開元寺住持  
定慧以寺額請謂寺創自唐開元間歷唐宋元以至  
明宣德初再造越歲而功成寺因舊號乞賜改正遂  
賜名惠明寺

寶公寺在慈壽寺東

寶泉局北厰在北新橋三條胡同

天聖寺在三條胡同

國子監在安定門東南崇教坊成賢街卽元之舊學明  
永樂間改爲國子監在國學之西中曰彝倫堂有



聖祖御書賜額又

聖祖御製祭酒箴

世宗御書文行忠信額東廊為繩愆廳為鼓房有率性誠心崇志三堂西為博士廳為鐘房有修道正義廣業三堂凡扁聯皆

列聖賢

今上御書又

御製賜南學碑 乾隆五十年建 壁雍宮于集賢門

內宮四面出向周以環池有橋四前有碑亭二是年

宸垣識畧

卷六

九

二月上丁

皇上親行釋奠

臨雍講學舉行 盛典有

御製國學新建辟雍園水工成碑記

御製上丁釋奠後臨新建辟雍講學詩四首

御製三老五更說皆勒石

長元按辟雍宮室歷代未建今錄其規制于左辟

雍殿四面各顯三間

明間面濶二丈一尺次間各面濶一丈六尺外週圍廊深

六尺八寸柱高一丈六尺徑一尺八寸擎簷廊深四尺三寸四脊攢尖安銅寶頂重簷成造 琉



璃牌樓一座

面濶五丈五尺高三丈五尺五寸進深六尺六寸

碑亭二座

各方二丈柱高一丈四尺五寸碑二各高一丈六尺五寸

鐘鼓廳二座

各方一丈四尺

柱高一丈圓河

裏口徑過十九丈二尺深一丈

橋四座

各長四丈寬二丈二尺

丹

陛二道

長二十一丈九尺寬二丈二尺

劉蒸

聖主臨雍禮成恭紀聖世文明啟敷天教

澤宣虞廷垂舊典闕里溯薪傳觀化人文盛當陽

雨露便三雍欽矩獲萬國荷陶甄仰止心彌切崇

儒道必先丹青新結構金碧映堂筵殿廡果愚麗

宮牆棟宇連赤螭分糾結青鳳鬱聯翩瓦爍黃雲

宸垣識畧

卷六

色池流翠藻鮮松筠含古澤絲竹發真詮仰見

乾衷惕頻聞 巽命專先期嚴飭備屆日事明蠲

旭景浮 金闕晴光起玉泉爐香仙仗外扇影禁

城邊上巳良辰近三春淑氣妍穠花輕著雨細柳

淡籠烟燕翦當風掠鶯梭拂露穿戒塗森羽衛在

廟列宮懸執鬯 皇情肅凝旒 睿志虔馨香流

碧苻疏越發朱弦分奠公卿逮趨陪鴛鴦聯觀光

州十二習禮衆三千祭酒橫經地論鐘造士年朱

衣開絳帳紫幄對青編顧問

龍顏喜颺言虎拜



拳欽明稽古帝性道紹前賢大義昭如日神機啟  
自天恩波方浩爾治象益巍然一德明良會三階  
福履駢聞風思鼓舞名藝就雕鏤典制垂千載車  
書被八埏小臣叨侍從擬上辟雍篇

國子監古栢元祭酒許衡植

吳苑古栢行夫子廟栢數十株託根自與尋常殊  
霜實時時垂玉珮風枝往往鳴笙竽含貞挺節亭  
亭竦儼如冠劍森相拱小者猶留十數圍交柯屈鐵  
烟濤湧一株參天勢更奇鬱蟠元氣何淋漓摩挲歲

宸垣識畧

卷六

三

月猶可識許公手植非傳疑蛟龍攫擊雷雨作黛  
色翻從半空落斑鱗點盡秋後霜百片青銅光灼  
爍新甫山頭樵徑封武侯祠堂碧草叢西川東魯  
遠莫致何由突兀撐晴空當年元儒推第一遺經  
辛苦窮編葺嘉樹栽培用意深周模孔楷千秋則  
至今偃蓋拂雲端雍容子弟趨盤桓豈徒材大資  
梁棟直欲香清集鳳鸞君不見上林崇臺千尺高  
青棠赤桺皆凌霄若論歲寒卓堅骨坐使萬木慚  
丰標離宮管領真遭際南榮歲歲涵蔥翠蒼幹櫨



門映日寒素華壁水縈波細攀枝摘葉有所思六  
館三舍應爾師豫章七年人始知不然丹漆將安施  
國學在國子監東大成門 大成殿乾隆二年皆易蓋  
黃瓦乾隆三十年

欽頒禮器犧尊一雷紋壺一子爵一內言卣一康侯鼎  
一盥簋一雷紋觚一名仲簋一素洗一犧首鬯一皆  
周時法物陳設殿庭

甬路東西恭勒

聖祖御製 至聖先師孔子贊 康熙二十五年

宸垣識畧

卷六

三

聖祖御製顏曾思孟四子贊 康熙二十八年

聖祖御製平定朔漠告成碑 康熙四十三年

世宗御製仲丁詣祭 文廟詩碑 雍正六年

世宗御製平定青海告成碑 雍正三年

皇上御製臨雍紀事碑 乾隆四年

御製釋奠詩凡五碑 乾隆五年 九年 十八年  
二十一年 二十四年

御製太學古槐詩碑 乾隆三十三年

御製重修 文廟碑 乾隆三十四年

御製平定金川告成碑 乾隆十四年



御製平定準噶爾告成碑并

御製伊犁勒銘 乾隆二十年

御製平定回部告成碑 乾隆二十四年

御製平定兩金川告成碑 乾隆四十二年

石鼓十在大成門內元大德間移置有音訓一通

吳苑石鼓歌梓雍鐘鼓羅俊奇忝臨六館重臯比  
廟楹洒掃釋菜畢顧視石鼓環廡墀彭亨菌蠢數  
盈十刻畫文字無鼎彝文百二行字五百從甲至  
癸完無遺始終記述漁狩事載策命諸臣詞細

宸垣識畧

卷六

三

文淺刻堅且好閱三千載光娥羲曾經決齧受風  
雨豈用蟠負承鼇螭韋韓二蘇染大筆助流寶氣  
長赫曦周宣王時史籀作車攻吉日堪肩隨篇章  
排比類吉甫體源質古超相斯誰何小儒恣評駁  
不究根本多然疑先秦西魏駕空說強點欲使成  
癥痕自來神物多隱見晚出往往千秋垂周官左  
氏佑六籍卯金專門叢詆謫至今首冠甲乙庫儒  
生穠菱如畚蓄撫茲鼓質寔龐厚瑀琢山骨窮巖  
厓雍城城南久托迹蛟鼉鸞鳳藏瓌姿辭巖義密



難諷讀句奇語重誰思維鴻生鉅學茫不識任春  
烟鎖秋風吹縱敲牧火礪牛角却免摹搨傷皮肌  
譬如深山石犖确歲月久遠無成虧文王紐在禹  
追蝕其故豈屬聲音爲自唐迄今始的曠日星雲  
漢光天遠高駢巨艦凡四徒終然碁置文宣祠百  
靈呵護神作合傳萬萬世遐無期方今 天子闡  
絕學玉函金版皆緇披詎惟瑰辭追雅頌直使鐵  
畫侔絲芝 黼帷丹屐多制作慶雲五色紛葳蕤  
黃支烏弋遠受吏海外來學航於茲峩峩髦士拂

宸垣識畧

卷六

十四

芹茹軌度肅整趨委蛇聖謨文治四洋溢浩蕩臣  
匪無津涯講蒐前制載編牒或按周典揚戈麾威  
靈宣暢讐函夏琬弓彤矢斑陸離從臣材藝敢誇  
詡稽首拜獻成功詩天球琳瑯刻金石潤色鴻業  
攀姚媯炳麟煌煌照六合焯然此事有職司研搜  
故實更參考名爲石鼓良垂宜建康天發石三截  
暨禹岫嘍堪旁推石形似鼓制非鼓徇迹忘本差  
毫釐摩挲彷彿古人意定作闕武岐陽碑

原按石鼓籀文雖與大篆小異然離鐘鼎欵識未



遠其爲三代之物信矣而諸家或疑之馬子卿至  
謂宇文周所刻誠倉父之言也

孫承澤云歐陽文忠曰石鼓之文可見者四百六十  
五字潘廸音訓載四百九十四字薛尚功帖載四百  
五十一字今存三百二十五字

考按石鼓文重文不計共字六百二十闕者三百  
六十不全者七十四字全者二百四十字較帝京  
景物畧所載計少十四字

長元按乾隆己巳年摹搨其文存三百十字後大

宸垣識畧

卷六

五

內得元時搨本存三百五十六字見

御製詩註又按元至元中搨本存三百八十六字

國子監有定武蘭亭并樂毅論明王同祖等丁香花

詩石刻又老彭觀井石刻元代題名碑三明代題名

碑七十有六在櫺星門內

按定武蘭亭樂毅  
論係趙文敏臨

查嗣琛禱咏詩陳蹟摩挲亦典型岐陽石鼓晉蘭

亭承平盛事差能記兩座公侯聽五經

元時國學鏤板有孟四元賦一百十三片孟名宗獻  
字友之自號虛靜居士金時魁于鄉于府于省于御



前故號四元其律賦爲學者法然金史不入文苑之列惟見于劉京叔歸潛志耳

三等義烈公第在北新橋北鼓手胡同

報恩寺在北居賢坊有明成化二年嚴安禮碑

洪武元年八月大兵定燕都危學士素走報恩寺俯身入井寺僧大梓挽出之謂曰國史非公莫知公死是死國之史也危由是不死翰林待制黃殷士啤投居賢坊井中從人張午負以出曰君小臣而死社稷耶黃曰齊太史兄弟皆死小官彼何人哉午使家人

宸垣識畧

卷六

三

環守至日昃會大將軍徐達下令勝國之臣俱輸告身黃給午取告身午出還求勿得亟往視井則黃已死午買棺以斂且營葬焉

查嗣琛襍咏詩國史存亡賴老成小臣只合死忠貞泥多莫食報恩井不及居賢井水清

理親王府在北新橋北王大人胡同

○爭居寺 崇興庵今無考

循郡王府在方家胡同

雍和宮在北新橋東北栢林寺西



世宗憲皇帝潛邸也前爲昭泰門中爲雍和門內爲天王殿中爲雍和宮宮後爲永佑殿殿後爲法輪殿西爲戒壇後爲萬福閣東爲永康閣西爲延寧閣後爲綏成殿宮西後爲關帝廟前爲觀音殿宮之東爲書院門三間入門爲平安居後有堂堂後爲如意室室後正中南向爲書院正室

世宗御書額曰太和齋齋之東其南爲畫舫南向正室曰五福堂齋之西爲海棠院北有長房更後延樓一所西爲斗壇壇東爲佛樓樓前有平臺東爲佛堂

宸垣識畧

卷六

三

栢林寺在國子監之東元至正七年建今附近 雍和

宮 本朝康熙間修有

聖祖御書萬古栢林四字其殿額皆

世宗暨

今上御書乾隆間重修有

御製碑寺西有

行宮殿中額曰心香室

栢林寺有明夏景金湜包琪潘暄陳政楊煥孟陽司馬恂于此分韻賦詩寺僧彙而成冊朱之蕃跋後



履親王府在東角樓寬街

固山誠貝子府在東角樓寬街

五岳觀在五岳觀胡同創自金元明宣德元年重建萬歷中修有吏科給事中吳文燦碑

石觀音寺在北居賢坊觀音寺胡同明正統間重建天順改名靈藏寺有勅賜碑 本朝乾隆間重修

勅名廣慈寺

萬善寺在北居賢坊羊館胡同明隆慶間重修有禮部尚書趙貞吉碑

宸垣識畧

卷六

三

圓寧寺在羊館胡同係元時舊蹟以僧圓寧得名明嘉靖間重修

右翼轍廠在東直門內北新橋東教場

固山襄敏貝子府在東直門內北小街

鑲黃旗護軍統領署在東直門內金太監胡同

○金太監寺在北居賢坊今無考

福世藥王廟在東直門內街北明萬歷有御製碑東之北曰東直門元爲崇仁門明永樂十九年立

補一等信勇公第在東四牌樓北六條胡同



- 一等誠勇公第在東四牌樓北六條胡同
- 二等昭毅伯第在北新橋街白廟前
- 三等忠勤伯第在國子監成賢街
- 一等襄寧伯第在殷主腔兒胡同
- 一等續順公第在安定門街香兒胡同
- 三等承恩公第在安定門街紅廟前

宸垣識畧

卷六

五


宸垣識畧卷六



地 110

934

=4



宸垣識畧

卷七卷八

而











宸垣識畧卷七

仁和吳長元太初氏輯

內城三 西南  
西中南

鑲藍旗滿洲蒙古漢軍三旗與鑲紅旗接界之處係自單牌樓至宣武門金水橋向西至大城根滿洲官兵自與鑲紅旗接界處之長安街牌樓向東進西長安門至金水橋爲頭叅領之十八佐領居址自江米巷向北至長安大街中府左府四眼井周圍爲二叅領之十八佐領居址自河漕向東至石牌胡同文昌閣

宸垣識畧

卷七

拴馬莊馬神廟胡同爲三叅領之十八佐領居址自獅子口向東出皮市南口轉北至掃帚胡同西爲四叅領之十七佐領居址自西單牌樓向南由絨線胡同轉東至河漕沿六部口抽屜胡同關帝廟胡同牛肉灣爲五叅領之十七佐領居址蒙古官兵自宣武門至絨線胡同西口油房胡同南拴馬莊翠花胡同棗樹街爲頭叅之十三佐領居址中街半壁街前細瓦廠新簾子胡同舊簾子胡同爲二叅領之十二佐領居址漢軍官兵自西單牌樓西邊之抱子街東口



至西口爲頭叅領之五個半佐領居址自手帕胡同東口至西口爲二叅領之四佐領居址自鐵匠胡同東口至西口爲三叅領之四佐領居址自石駙馬大街東口西至棕毛胡同爲四叅領之五佐領居址自頭髮胡同東口向西至臭水胡同爲五叅領之四佐領居址

振武坊在正陽門內棋盤街西爲西江米巷東口

○明五軍都督府在闕西皆東向今廢其胡同猶存前府左府中府右府後府等名

宸垣識畧

卷七

二

鑾衣衛署在闕西西公生門直街近北東向卽明錦衣衛署

世宗御書堂額曰恪恭輿衛

明校尉官衣與教坊樂工同式但花色小異耳今猶沿明舊卽元時只孫衣也

太常寺署在闕西鑾衣衛之南東向

世宗御書堂額曰肅祇明禋神樂署犧牲所各祠祭署皆隸之

都察院署在闕西太常寺之南東向



聖祖御書堂額曰都俞吁咈又御製臺省箴清漢字碑  
各一通

明都察院在長安街之西與刑部大理寺審錄重囚  
共稱爲三法司

刑部署在闕西都察院之南東向卽明錦衣衛故址  
世宗御書堂額曰明刑弼教堂後西南西北二隅各置  
獄曰南北所北所圍垣東大榆樹一株傳爲明楊繼  
盛手植

施閨章夜值西曹詩吏散秋官署更闌夜氣清疎

宸垣識畧

卷七

三

簾寒燭影急柝亂砧聲露下圓扉濕天高貫索明  
平反誰執法竟夕獨含情

明時刑部在長安街西今俗呼刑部街者是也嘉靖  
間李攀龍王世貞徐中行輩俱官西曹相聚論詩建  
白雲樓于四川司時人目爲外翰林

查嗣琛雜詠詩甘露飛來綴栢枝白雲樓下坐談  
詩時平刑措原無事閒殺西曹似鳳池

大理寺署在闕西刑部之南東向爲明南鎮撫司署故  
址



世宗御書堂額曰執法持平

大理寺廨舍有怪石高四尺許兩峯角立一竅中通  
錦紋粲然誠天壤奇物見明林有麟素園石譜今無  
存

工部製造庫在刑部之東左府胡同丙丁戊三庫在西  
長安門內

通政使司署在西長安街路南北向

世宗御書堂額曰慎司喉舌

明通政司署 本朝改爲都察院今署乃移建之地

宸垣識畧

卷七

四

又明有登聞鼓院在西長安門小廳三間東向今併  
于通政司

明金幼孜晚出西長安門詩白髮毵毵老從官籃  
輿自便懶登鞍京華久住交游少惟有西山總耐  
看

辦理回人佐領事務處在時雍坊西長安街路南今地  
名回子營建禮拜寺有

御製碑

乾隆二十五年授白和卓爲回子佐領以投誠回衆



編爲一佐領于西長安街路南設回營一所居之共  
房百四十七楹設辦事房以內府官董其事

河南道署在刑部之南胡同內北向本京畿道署俗猶  
呼爲京畿道胡同

西城察院署在刑部後高碑胡同

中城察院署北城察院署在西江米巷江井胡同

東城察院署南城察院署在正陽門內西城根道北  
多羅廣畧貝勒府在絨線胡同路北

長元按廣各係封號非諡

宸垣識畧

卷七

五

右翼宗學在宣武門北絨線胡同

時憲局在宣武門東沿城根西口卽明天啟二年都御  
史鄒元標副都御史馮從吾所建首善書院後禮部  
尚書徐光啟率西洋人湯若望等借院修歷名曰歷  
局 本朝仍令西洋人居此治理時憲書

聖祖御書門額曰天文歷法可傳永久

書院之設莫盛于元設山長以主之給廩餼以養之  
幾遍天下其在京師者有太極書院明初各省俱有  
書院自張江陵當國始行嚴禁江陵歿後復稍稍建



置一時著名者徽州江右關中無錫至天啟中京師始有首善書院不知者統謂之東林但借東林二字以害諸君子蓋東林乃無錫書院名也宋楊龜山先生所建後廢為僧寺顧涇陽先生憲成自吏部罷歸購其地建楊先生祠同志者相與搆精舍居焉至甲辰冬始與高忠憲數公開講其中立為會約一以考亭白鹿洞規為教然躬與講席者僅數人時涇陽先生已辭光祿之召不赴與新進立朝諸公漠無與也適忠憲起為總憲疏發御史崔呈秀之贓呈秀遂父

宸垣識畧

卷七

六

事忠賢日隘忠賢曰東林欲殺我父子既而楊左諸公交章劾璫益信諸人之言不虛也於是遂首毀京師書院而天下之書院俱毀矣

天主堂在時憲局東明萬歷二十八年建 本朝順治間修乾隆四十一年重建門額曰通微佳境有

世祖御製碑銘又

聖祖御書堂額曰密合天行曰盡善盡美後廳扁曰聲清氣和

天主堂構于西洋利瑪竇自歐羅巴航海九萬里入



中國崇奉天主堂制狹以深實正面向外而宛若側面其頂如中國捲棚式而覆以瓦正面止啟一門牕則設于東西兩壁之巔中供耶穌像繪畫而若塑者耳鼻隆起儼然如生人左右兩輓樓夾堂而立左貯天琴日向午則樓門自開琴乃作聲移時聲止樓則閉矣右聖母堂以供瑪利亞作少女狀抱一兒耶穌也衣無縫自頂被于體所印書冊以白紅一面反覆印之字皆傍行其書裝法如宋板式外以漆革護之用金屈戍鈎絡所製有簡平儀龍尾車沙漏遠鏡候

宸垣識畧

卷七

七

鐘天琴之屬

南之右曰宣武門元爲順承門明正統間改今名人猶呼爲順承門

象房在阜財坊宣武門內西城牆象房橋側明弘治八年建

象初至京先于射所演習故謂之演象所而錦衣衛自有馴象所專管象奴及象隻特命錦衣衛指揮一員提督之凡大朝會役象甚多駕輦駢寶皆用之若常朝則止用六隻耳所受祿秩俱視武弁有等差其



在象房人有入視者能以鼻作聲栗銅鼓聲觀者持錢界象奴如教獻技必斜睨象奴錢滿數而後昂鼻俯首鳴鳴出聲將病耳中先有油出名曰山性發則預以巨縷縻繫之管象房緹帥申報兵部上疏得旨始命再驗發光祿寺距其斃已旬餘穢塞通衢過者避道大庖何嘗需此殘觜京師浮文大抵皆然也象性馴警不類他獸每朝則立午門之左右鐘鳴鞭響肅然翼侍俟百官入畢則以鼻相交而立無一人敢越進矣朝畢則復如常有疾不能立仗則象奴牽

宸垣識畧

卷七

八

詣他象所面求代行而後他象肯行不然終不往也有過或傷人則宣勅杖之二象以鼻絞其足踏地杖畢始起謝恩一如人意或貶秩則立仗必居所貶之位不敢仍常立甚可怪也六月則浴而交之交以水中雌仰面浮合如人焉自三代時已有之而晉唐業教之舞及駕乘輿矣

真如寺在今頭髮胡同建于元保寧間我嶺僧真如募緣故卽以真如名其寺門北向以其背象房而立也寺在元季爲定力院南向今象房是其山門蓋象房



初設于報國寺以隔城故割定力院爲駐象所 本朝乾隆四十年重修

考按保寧係遼年號明黃輝碑作元誤矣

○王恭廠在宣武門西南隅明火藥廠今廢有前後王恭廠胡同

明天啟六年五月朔王恭廠震裂響若轟雷平地陷二坑約長三十步濶十三四步深二丈許塌屋一萬九百三十間壓死男女五百三十七人

王恭廠火後救出淨身男子吳二問之稱係本廠中

宸垣識畧

卷七

九

撮火藥人役但見颶風一道內有火光將滿廠藥罈燒發同作三十餘人盡死止存一人最可異者庭樹盡拔而無焚燎之迹藥樓飛去而陷數丈之坑庫車軍器如故石駙馬街有石獅重五千觔飛出順承門外是日京師婦女凡肩輿出行者皆于輿中自去其衣衣若有物攝之從空飛去墮昌平州

鑲紅旗官學在宣武門內頭髮胡同

承恩律寺在都城西南隅承恩寺街其址卽古雪堂爲戒壇下院明憲宗勅賜如幻禪師以戒律開山 本



朝康熙間燬于火後僧智性重建

鑲紅旗覺羅宗學在承恩寺街

長元按鑲紅旗宗學今在阜成門南錦石坊街孟道胡同不知何年設于此處

吉祥寺在今猪尾胡同承恩寺之右元泰定間建明季改名石鐙菴

萬歷丙午吳僧真程自雲棲來居發古甃下得石幢一式如鐙臺旁鐫般若心經一部唐廣順二年少府裴監施朝請郎趙偃書時黃儀部汝亨手書石鐙菴

宸垣識畧

卷七

十

三字額之今寺中有石香鑪云卽舊傳石鐙然鑪上並無鐫刻則石鐙已不可考矣

湯右曾初秋小集石鐙菴詩巋然削出此香臺恰在蒹葭野水隈一夕肯拋明月去廿年曾共故人來因緣舊夢銷禪榻觸遊閒情付酒盃九陌歸途正燈火少留未用僕夫催

天仙廟在南開市口明建有隆慶二年銅鐘一又崇禎間重修碑名泐無考

元弘寺在元弘寺街明建有本朝順治間重修碑



保安寺在今保安寺街明正統開居番僧大德法王綽吉我些兒八年四月令大興宛平二縣撥佃戶二十于寺以洪灑掃寺內有磬二一明正德五年一明萬歷四十六年

槐抱椿觀音菴在西南隅槐抱椿菴街係舊刹無碑碣可考其南爲祇園禪林前後相屬康熙七年重修

○圓恩寺在阜財坊久廢今其地猶名圓恩寺胡同克勤郡王府在石駙馬大街

鑲紅旗滿洲蒙古漢軍三都統署俱在石駙馬大街

宸垣識畧

卷七

七

固山恪僖貝子府在石駙馬大街臭水河北

榮親王府在老萊街

鐵佛寺在金城坊順承街四眼井鐵佛像見在寺中

鷲峯寺卽唐淤泥寺在內城西隅城隍廟之南鷲峯寺街唐貞觀二十二年建亦名卧佛寺以卧佛得名鷲峯者唐僧之號也見唐人石刻心經中有旃檀瑞相體製衣紋踞踞欲動非近代人所能辦 本朝康熙

四年奉

敕移奉弘仁寺別以銅範如來像還供本寺乾隆二十



六年重修有

御製碑

京師鷲峯寺有旃檀釋迦接引像其足立處幾于交趾不作八字衣紋都作直褶如出水衣附著股臂間面目向上絕不似滿月相也高五尺許色近沈碧明萬歷中慈聖太后始傳以金

佛在忉利天爲母說法時優填王思佛請目犍連神通攝匠人俾雕佛匠六雕得三十二相惟釋摩梵音像雕不得

宸垣識畧

卷七

三

京師有唐人所書心經三一貞觀二十二年刻石在淤泥禪寺一趙偃書廣德二年刻石一大足年僧有晦建

明劉迎旃檀像詩我昔遊京師稽首禮瑞像堂堂紫金身示現大法藏莊嚴七寶几重疊九霞帳光如百千日晃耀不容望想初法王子運力攝諸匠瓌材發神秘妙斲出智創風流蜀居士翰墨老彌壯雷霆大地底音樂諸天上猶疑三十二不具梵音相不知一點真正勝千語浪嗚呼五因緣語綺



反成謗我今獨何幸相見問無恙文殊本無二何處覓真妄廣修香火供獲脫煩惱障天龍想驚喜訶衛日歸向已覺海潮音人天會方丈

正紅旗漢軍都統署在宣武門內鷺峯寺街

圓通菴在鷺峯寺東今名圓通禪林吳士雲水塘菴記石刻尚在殿中

水塘菴記畧云都城之有圓通菴與鷺峯禪刹並位其西則名山蒼翠林列寒泉其東則帝宇森嚴百貨時集其北則城隍坐鎮神威濯靈其南則萬井烟環

宸垣識畧

卷七

三

鳳城旋繞以故其地最勝何以呼爲水塘菴以菴外兩旁餘地有注水池通溝洫也主僧名道桂自歙西清泉寺而來

鑲藍旗滿洲都統署在華嘉寺胡同

○元世祖廟在金城坊明洪武中建今廢

明馬中錫謁元世祖廟詩世祖祠堂帶夕曛碧苔年久暗碑文薊門此日瞻遺像起輦何人識故墳綽楔半存蒙古字陰廊尚繪伯顏軍可憐樹老無花發白書鸚鳴到夜分



敬謹親王府在東鐵匠胡同

鑲紅旗護軍統領署在西單牌樓抱子街

○慶元樓在順承門內街西麗春樓在順承門內與慶元樓相對乃元巴延太師之府第朝元樓在慶元樓北近乾石橋今俱無考

鑲紅旗滿洲蒙古漢軍三旗與正紅旗接界之處係自羊肉胡同向南至東單牌樓與鑲藍旗接界之處由皇城根西至大城根滿洲官兵自與正紅旗接界之處西四牌樓大街向南至單牌樓轉東至長安街

宸垣識畧

卷七

古

牌樓爲頭叅領之十三佐領居址西安門大街南邊之板場胡同廊房胡同醬房胡同小醬房胡同東斜街細米胡同爲二叅領之十七佐領居址自細米胡同向南繖子胡同狗尾巴胡同背陰胡同太僕寺街李閣老胡同爲三叅領之十七佐領居址自李閣老胡同向南東夾道東岳廟小東岳廟演象所官磨房爲四叅領之十八佐領居址自繖子胡同向南堂子胡同石虎胡同蜈蚣衛胡同油房胡同茶葉胡同西夾道正溝胡同爲五叅領之十七佐領居址蒙古官



兵自四牌樓大街西邊之粉子胡同後泥窪十八半截豐盛胡同爲頭叅領之十佐領居址自豐盛胡同向北至兵馬司胡同燕兒胡同甌塔胡同爲二叅領之十二佐領居址漢軍官兵自四牌樓大街西邊之白廟胡同半壁街爲頭叅領之二佐領居址自白廟胡同向北車子胡同魚錢胡同沈篋子胡同爲二叅領之六佐領居址自千張胡同向南打磨廠半圈高井口袋胡同爲三叅領之四佐領居址自口袋胡同向南施飯寺皮褲子胡同東夾道胡同爲四叅領之六佐領居址自東夾道胡同向南白廟胡同刑部街爲五叅領之四佐領居址

儀郡王府在西長安街雙塔寺東

雙塔寺在小時雍坊西長安街金章宗建卽元慶壽寺寺有塔二一九級一七級九級者額曰特贈光天普照佛日圓明海雲佐聖國師之塔七級者額曰佛日圓照大禪師可菴之靈塔寺有二像明重修易名曰大興隆寺又曰慈恩寺後廢卽其地爲射所名講武堂又以爲演象所今存殿廡數楹乃 本朝乾隆間



重修雙塔在寺西偏又東北半里許亦有名慶壽寺者中有崇禎間重修碑敘寺名源委又云射所中有殿祀北極關帝今雙塔寺稍東有關帝廟是慶壽寺地本宏厰兩寺均存其名

慶壽寺碑金党懷英八分書最妙明正統中爲中人所毀丈室之前松樾盈庭嘗引流水貫東西梁二石屏上刻飛渡橋飛虹橋六大字金道陵筆也明姚廣孝居慶壽寺事文皇于藩邸正統間重修改名大興隆寺壯麗甲于京師樹牌樓號第一叢林上臨幸焉

宸垣識畧

卷七

六

當時有八景諸公賦詩成卷馬東田跋尾今無知者嘉靖間撤姚廣孝配食移主于大興隆寺又名大慈恩寺後改爲演象所會試放榜次日新郎君並集于其寺官廳內請見座主榜首獻茶于前亦可作南宮一佳話也

崇禎甲申三月十九日都城破工部尚書兼東閣大學士范景文于雙塔寺傍井中死之本朝順治間諡曰文忠

明吳國倫雙塔寺詩石塔參差御苑西凌空雙雁



識招提梵鈴風起聲相激仙掌雲分勢欲齊似引  
飛鳧朝帝闕豈煩鳴馬護禪棲長安落日馳車騎  
何處逢人路不迷

○明米萬鍾湛園近西長安門有石丈齋石林仙籟館  
茶寮書畫船繡佛居竹渚猷雲亭曲水松關飲光樓  
衆香國猗臺花徑諸勝

明米萬鍾自題湛園詩主人心本湛以湛名其園  
有時成坐隱爲客開清罇閒雲歸竹渚落日深松  
門登臺候山月流暉如晤言

宸垣識畧

卷七

七

○袁伯修寓近西長安門有亭曰抱甕亭外多花木有  
大栢六長夏涼陰滿堦梨樹二開時香雪滿庭隙地  
作蔬圃小奴負甕以灌溉之

○朝爽樓在雙塔寺後呂氏園中樓也今無考按今雙  
塔寺後有名菜園者或卽其地

○明李東陽賜第在西長安門俗呼李閣老胡同

考按李東陽賜第爲祠久廢今其地猶名李閣老  
胡同中有耿氏房園雖已頽圯地甚寬敞當卽其

遺址



○洪恩靈濟宮在皇城西明永樂年建祀五代徐知證及其第知諤今廢土人呼靈清宮

男子曾甲世居閩縣金鰲峯下灌園園中有破祠其神常棲箕自稱兄弟二人南唐徐知誥之弟知證知諤也晉開運二年率師入閩秋毫無犯閩人祀我于此自是書符療病驗若影響明永樂間成祖北征不豫召曾甲入侍運箕有驗遂封知證清微洞元真人知諤弘靖高明真人立廟皇城之西南後加封爲洪恩真君又封號金闕玉闕上帝父母妻並封帝后元

宸垣識畧

卷七

六

君成化間開西廠于靈濟宮前太監汪直領官校百餘人刺事嘉靖癸丑甲寅大學士徐階等于靈濟宮講學縉紳扳附學徒至千人

定固山貝子府在石虎胡同

鑲藍旗漢軍都統署在西單牌樓東堂子胡同寬街

鑲藍旗蒙古都統署在西單牌樓東太僕寺街

衍聖公賜第在今太僕寺街

考按明史列傳仁宗踐阼孔彥縉來朝賜宅東安門北今不可考後英宗聞賜第湫隘以大第易之



卽今太僕寺街第也

○崇禎甲申三月京城破太僕寺街查氏一門九女子投繯死後二女復甦一度爲尼一壽終

固山惠獻貝子府在背陰胡同

鑲藍旗官學在西單牌樓東北乾石橋斜街

顯應觀在宣武大街乾石橋乾隆四十四年重修有御製碑

普恩寺在安福坊乾石橋北有明成化年碑 本朝康熙間重修

宸垣識畧

卷七

九

定郡王府在乾石橋北鋼瓦市

禮親王府在西安門外東斜街醬房胡同口

固山恒愍貝子府在西安門外南街路西

崇聖寺在西安門外北城下明建有天啟甲子年鼎一本朝康熙間戶科給事中穆聯重修碑又明碑一磨去傳是魏忠賢立也

萬松老人塔在西四牌樓南大街之西其北則甄塔胡同 本朝乾隆十八年

勅修九級仍舊制塔尖則加合者也今乾石橋北有甄



塔七級高丈五尺石額曰萬松老人塔

金元間有僧自稱萬松野老居燕京從容菴耶律楚材見之叅學三年僧以湛然居士目之其語文正王曰以儒治國以佛治心王亟稱之老人有萬壽語錄釋氏新聞又善撫琴嘗從文正王索琴王以承華殿春雷及種玉翁悲風譜贈之又嘗寄孔雀便面附以詩云風流彩扇出西州寄與白蓮老社頭遮日招風都不礙休從侍者索犀牛傳之法門亦佳話也

大能仁寺在兵馬司胡同初名能仁元延祐中建明洪

宸垣識畧

卷七

三

熙元年修加賜大能仁額

毛奇齡寄大能仁寺還一和尚詩遙望嚴城隔翠微靈山自昔會來稀堂開講席龍初下門傍閒田鳥自飛蹋足頓穿三寶地閑身不掛七條衣從他法臘年年換何日相逢話息機

大德顯靈宮在四眼井其舊門亦在兵馬司胡同相去半里許石額猶存舊蹟也明永樂時建成化中更拓之嘉靖中復建昊極通明殿東輔薩君殿曰昭德西弼王帥殿曰保真又營龍虎殿以奉真武西殿有栢



爲雷所劈委地如屏 本朝乾隆間重修有老松六  
虬枝屈曲蓋數百年物

按道家之言崇恩真君姓薩氏諱守堅西蜀人在宋  
徽宗時嘗從虛靖天師張繼先及林靈素傳學道法  
而隆恩真君則玉樞火府天將王靈官也嘗從薩真  
君傳授符法明永樂中杭州道士周思得以靈官之  
法顯于京師附體降神禱之有應乃于禁城之西建  
天將廟及祖師殿宣德中改爲火德觀封薩真人爲  
崇恩真君王靈官爲隆恩真官又建一殿奉二真君

宸垣識畧

卷七

三

左曰崇恩殿右曰隆恩殿成化初改觀爲宮加顯靈  
二字每歲萬壽節正旦冬至及二真君示現日皆遣  
官致祭崇奉可謂至矣

世傳靈官藤像文皇獲之東海崇禮朝夕如對賓客  
所征必載及金川河昇不可動問之曰上帝有界止  
此矣今藤像無

長元按道書王靈官名常漢時西蜀人從天師張  
陵學道于鳴鶴山者

明馮琦登顯靈宮閣詩極目長空雁影南十峯當



檻落晴嵐清秋斜日窺金像古木寒雲鎖石龕地  
迴樓臺三島接天低烟樹萬家舍虛疑縹緲緱山  
頂時有簫聲駐雀驂

鑲黃旗覺羅宗學在乾石橋西南玉帶胡同

石佛寺在咸宜坊乾石橋西南劈柴胡同碑剝落不可  
讀先寺僧掘地得石佛一乃彌勒像寺由是得名舊  
志有大小石佛兩寺今無考

元至治元年帝詣石佛寺命樞密準台領圍宿士卒  
以備巡邏元統元年正月立司禮監奉太祖太宗睿  
宸垣識畧

卷七

三

宗三朝御容于石佛寺

真武廟在乾石橋西南大木廠內係舊刹無碑碣可考  
門外二石獅甚古

鄭親王府在大木廠

蠟燭寺在捨飯寺胡同今稱法光寺明季捨飯于此

○楊國公寺在北金城坊元楊總統之父也今廢

○金玉府在北金城坊東貯藏經版元文宗時敕印三  
十六部散施諸禪刹坊內有帝師大佛殿軍鐵庫今  
皆無考



都城隍廟在城西舊刑部街元稱佑聖王靈應廟天歷二年加封大都城隍神爲護國保寧王夫人爲護國保寧王妃明永樂中爲大威靈祠 本朝稱都城隍廟有

### 世宗暨

今上御製碑又御製詩

都城隍廟元碑七在寢殿後其四在左一長明燈記立于至正二十六年十月一立于元貞元年正月韓從政撰許復書并篆額一立于至正四年九月余闕

### 宸垣識畧

#### 卷七

三

撰文莊文昭書一立于至正二十五年十二月童梓撰文吳雲書張璘篆額其三在右一立于至元五年六月任栻撰文張禮書其兩碑則剝落不可復識矣寢殿內朱漆木桶二大可容數十石有萬歷時進造浴盆及換水二碑蓋都中取水甚難貯此以備不虞而道士遂以神所沐浴謂目疾者洗之可愈用以誑人云

考按元時七碑今廢浴盆二尚存換水碑二亦無考又余忠宣碑至正四年立石文辭猥鄙青陽集



無之非公作也

長元按金石志貞元元年許復書者金佑聖王靈應碑至元五年張禮書者元佑聖王靈應碑至治四年莊文昭書者元城隍廟碑至正二十五年吳雲書者元護國佑聖王記又泰定三年元大都城隍佑聖王廟碑無撰書人姓氏至順二年元大都城隍廟碑虞集撰康里夔夔書此兩碑殆卽緇素錄所稱剝落不可復識者其長明鐙記本無撰人姓名又按任棻撰者大都城隍廟碑李郁書金石

宸垣識畧

卷七

七

志作元佑聖王靈應碑任棻撰張禮書者誤淄素錄同朱昆田云許復所書碑本元成宗元貞元年立石而劉同人于司直誤以元貞爲貞元遂目曰金碑莊文昭所書碑乃至正四年立石非至治也北京城隍廟中有石刻北平府三大字此國初舊物一老卒云其石長可丈六尺下有城隍廟三字旣建北京理而露其頂儀門塑十三省城隍皆立像左右相對每歲順天府官致祭正統十二年重建城隍廟成有英宗御製碑



考按所稱儀門塑十三省城隍今考廟中祇列浙江等十二省而江南省獨缺蓋明代以江南省爲陪京故不與各省並北平府三字亦無

廟市者以市于城西之都城隍廟而名也西自廟東至刑部街止亘三里許其市肆大畧與燈市同第每月以初一十五二十五開市較多燈市一日耳今廟市以每歲五月初一日至初十日止非復每月三日矣

魏之琇謁都城隍廟詩祠垣森闕樹蒼蒼風馬雲

宸垣識畧

卷七

五

旗儼在堂共仰威靈圉社稷誰傳姓氏嬪子楊相

于忠肅楊忠愍相繼爲都城隍四朝禋祀皇情肅萬邑安和帝道

昌屹立豐碑垂 聖蒸願輸時雨與時暘

○東西二感聖廟在城隍廟南泥像今廢

關帝廟在都城隍廟西有明萬歷間鐘一又 本朝順

治間庶吉士周漁重建元君殿碑

右翼炮廠在宣武門內都城隍廟北

護國關帝廟俗呼鴨子廟在北開市口北太平橋元天

歷二年建有明萬歷間左諭德傅新德碑又 本朝



乾隆元年吏部主事傅廷資碑

鑲藍旗護軍統領署在北關市口北屯絹胡同

多羅順承郡王府在錦石坊街烏衣庫胡同

普壽寺在錦石坊街有勅建額

長元按寺係回教其大門內有小樓一座四面凌空殆卽回部朝夕禮日之所名爲納馬茲也

多羅簡靖貝勒府在王府倉胡同

正紅旗滿洲都統署在阜成門內錦石坊街

正紅旗蒙古都統署在阜成門內水車胡同

宸垣識畧

卷七

美

右翼前鋒統領衙門在阜成門內巡捕廳胡同

正紅旗官學在阜成門內巡捕廳胡同

歷代帝王廟在阜成門大街南向明嘉靖間以保安寺

故址建祀歷代帝王暨歷代從祀名臣 本朝順治

康熙間疊奉

欽定增祀雍正二年

世宗親詣行禮有

御製碑文乾隆二十九年修葺正殿易蓋黃瓦

皇上親詣行禮有



御製詩文四十一年又

欽定增祀南北朝五代帝主

親詣行禮有

御製碑記俱勒石墀下

帝王廟殿名景德崇聖之殿東西兩廡祀從祀名臣  
前爲景德門又前爲廟街門東西二坊曰景德立下  
馬牌通衢亦名景德街

長元按歷代帝王之祀明洪武六年建廟于金陵

嘉靖初始于北京立廟所祀三皇五帝三王漢高

宸垣識畧

卷七

七

祖光武唐太宗宋太祖元世祖數開創之君而已  
後嘉靖二十四年撤去元世祖則費文通迎合識  
者非之 本朝初增祀元世祖明太祖康熙六十  
一年

聖祖諭旨凡帝王曾在位者除無道被弑亡國之主此  
外盡應入廟時廷臣議增歷代繼體之君并遼金二  
朝而蜀漢東西晉元魏後五代皆以偏安不與焉

乾隆四十一年

皇上以會典所載未能仰體



聖祖諭旨所增未協乃命廷臣復議于是昭烈晉元魏  
太武道武周世宗皆入祀典至明代之主

聖祖黜神熹二宗以爲亡國所由而愍帝身殉社稷  
特令庙祀今

皇上亦撤漢之桓靈與明神熹並爲殷鑒褒貶予奪毫  
釐不爽實昭千古之大公矣

弘慈廣濟寺在阜成門大街歷代帝王廟之東舊爲西  
劉村寺金時劉望雲建明天順中重建賜額 本朝  
康熙間重修有

宸垣識畧

卷七

三

聖祖御製碑并頒賜扁額寺有古樹老幹奇特僧呼爲  
鐵樹

今上有鐵樹歌勒石

嚴我師旃檀佛記畧康熙中王國弼與弟國臣得旃  
檀香高數尺寶而藏之江南劉拱北良工也爲刻佛  
像三年始竣以辛酉冬迎入廣濟寺供養

聖祖臨幸解白悅懸像有贊焉

補一等敦惠竹第在西單牌樓石虎胡同

三等承恩公第在西四牌樓羊肉胡同



二等宣義伯第在阜成門大街

宸垣識畧

卷七

五

宸垣識畧卷七











宸垣識畧卷八

仁和吳長元太初氏輯

內城

四  
西中北  
西北

正紅旗滿洲蒙古漢軍三旗與正黃旗接界之處係自  
馬狀元胡同東口與鑲紅旗接界之處由 皇城向  
西至大城根滿洲官兵自西直門大街曹公觀之東  
至新街口轉南至石老娘胡同東口爲頭叅領之十  
二佐領居址自石老娘胡同東口向南至四牌樓轉  
東至馬市東口爲二叅領之十六佐領居址 皇城

宸垣識畧

卷八

西邊之馬狀元胡同太平倉胡同毛家灣胡同紅羅  
廠胡同拐棒胡同爲三叅領之十五佐領居址自四  
牌樓大街西邊之驢肉胡同帥府胡同報子胡同臭  
皮胡同石老娘胡同爲四叅領之十二佐領居址四  
牌樓大街西邊之衛衣胡同太平侯胡同五王侯胡  
同車兒胡同石牌胡同寶禪寺胡同帽兒胡同官衣  
庫胡同爲五叅領之十四佐領居址蒙古官兵自西  
直門大街南邊之草廠胡同柳巷胡同西觀音寺胡  
同陳線胡同大覺寺胡同爲頭叅領之十一佐領居



址自大覺寺胡同南堅厰翊教寺祖家街柵欄胡同  
東觀音寺胡同椿樹胡同苦水井爲二叅領之十一  
佐領居址漢軍官兵自阜成門大街至宮門口爲頭  
叅領之四佐領居址自宮門口向東至馬市橋爲二  
叅領之四佐領居址自馬市橋北邊之蘇羅卜胡同  
回子營爲三叅領之四佐領居址自回子營向北至  
茶葉胡同翠花街爲四叅領之四佐領居址自宮門  
口向北至葡萄園東口爲五叅領之三佐領居址  
右翼稅署在西四牌樓之東大街

宸垣識畧

卷八

二

梅檀寺在紅羅厰南明嘉靖中建有萬歷間御史蘇惟  
霖碑

○紅羅厰在積慶坊今西四牌樓北其地猶以是名  
三等襄勤伯第在帥府胡同

○鎮國府太平倉今西四牌樓大街東北有帥府胡同  
太平倉胡同乃其遺址

明成化二十三年建大永昌寺正德五年以寺舊址  
改爲倉賜名太平倉六年以太平倉賜永壽伯朱德  
爲私第八年改太平倉爲鎮國府嘉靖元年改鎮國



府爲太平倉命摠督倉塲管理

康陵先立鎮國府乃自封鎮國公府在鳴玉坊嘉靖初仍改太平倉矣都人至今稱帥府胡同也

莊親王府在西四牌樓北毛家灣

三等誠毅伯第在西牌樓北太平倉胡同大街

關帝廟在西四牌樓北宣武街西額曰雙關帝廟蓋兩像合祀不知何時所建元泰定乙丑年修 本朝乾隆間重修有元碑二明碑三

正紅旗護軍統領署在西四牌樓北臭皮胡同

宸垣識畧

卷八

三

聖祚隆長寺在西四牌樓報子胡同明漢經廠外廠萬曆四十五年勅建 本朝乾隆二十一年修有

御製碑并御書聯額

一等英誠公第在翠花街

謙郡王府在五王侯胡同

多羅恭勤貝勒府在鈎兒胡同

白塔寺在河漕西坊阜城門街北遼壽隆間建元至元八年重修名大聖壽萬安寺明天順間改名妙應

本朝康熙間修寺與塔有



聖祖御製碑二乾隆間重修

賜御書心經及尊勝咒

御製重修妙應寺文白塔銘勒碑寺內又

御書扁額并滿漢蒙古西番合璧大藏全咒十套西番  
首楞嚴經一分維摩詰所說大乘經全部命寺僧敬  
謹尊藏

妙應寺在阜成門內寺右偏有白塔一座創自遼壽  
昌二年爲釋迦佛舍利建內貯舍利戒珠二十粒香  
泥小塔二千無垢靜光等陀羅尼經五部元至元八

宸垣識畧

卷八

四

年世祖發視石函銅餅香水盈滿色如玉漿舍利堅  
圓燦若金粟前二龍王跪而守護餅底獲一銅錢上  
鑄至元通寶四字帝后閱之愈加崇重卽迎舍利崇  
飾斯塔角垂玉杵階布石闌簷掛華鬘身絡珠網制  
度之巧古今所罕

凡塔下豐上銳白塔獨否其足則銳其肩則豐如膽  
之倒垂然肩以上長項轟空節節而起頂覆銅盤盤  
上一小銅塔通體皆白明成化元年于塔座周圍甃  
造燈籠一百八座以奉佛塔



元張翥辛未二月十三日雷火焚故宮白塔詩數  
聲起蟄乍聞雷驟落千山白雨來恐有怪龍遭電  
取未應佛塔被魔災人傳妖鳥生譌火誰覓胡僧  
話劫灰豈復神靈有遺恨冷烟殘燼滿荒臺  
禮多羅貝勒府在阜成門內大街北

朝天宮在阜成門內朝天宮街元之天師府也明嘉靖  
間齋醮無虛日其崇奉與大高元殿等自宣宗憲宗  
俱有御製詩文勒石天啓六年十三殿齊災今雖有  
官門口東廊下西廊下之名其實周圍數里大半爲

宸垣識畧

卷八

五

民居矣西廊下有關帝廟土人因其餘址而葺之  
明時凡大朝會百官先期習儀二日國初或在慶壽  
寺或在靈濟宮宣德間建朝天宮于阜成門內白塔  
寺西始爲定制

明李夢陽朝天宮詩馬上城中見雪山白雲蒼樹  
滿烟關蓬萊咫尺無人到松柏黃昏有鶴還當日  
翠華遊物外百年金殿鎖人間浮塵擾擾江湖遠  
悵望岩棲不可攀

正紅旗覺羅宗學在阜成門內宮門口



質郡王府在宮門口葡萄園

果親王府在葡萄園

正西曰阜成門元爲平則門明正統間改今名俗猶呼平則門

崇禎甲申河南道監察御史王章巡視京營守阜成門城破被執罵不絕口遂遇害 本朝賜諡節敏

○月張園明冉都尉別業在阜成門內傍城垣下

○宣家園在阜成門內爲宣城伯衛公別業多奇石石皆有名曰隅虎曰佇鵠曰驚羽曰奮距今無考

宸垣識畧

卷八

六

查嗣琛雜咏詩宣園何日換焦園怪石荒亭倚斷

垣只有牡丹憐舊主一番風雨一銷魂後屬焦鴻臚稱焦園

○青塔寺在阜成門四條胡同無塔無寺獨有碑可考

明張一桂重修青塔寺碑畧青塔寺者勝國時勅建大永福寺也在都城阜成門內故有青浮圖稍東爲白塔禪寺創自元延祐間國朝天順成化中嘗再新之隆慶壬申沙門佛寶太監王喜重修

○弘慶寺在黑塔寺胡同舊名黑塔寺明正統間建

明胡濙弘慶寺碑畧弘慶寺在朝天宮右舊曰黑塔



寺正統二年成國公朱勇修武伯沈清新之八年奏請賜額引慶

考按黑塔寺在南小街水窖胡同無塔無寺有碑可考又北草場口有萬佛寺俗亦呼黑塔寺其胡同亦仍寺名無碑碣可考不知何以沿其稱也

柳巷在西城今西直門草廠地有此名

笑岩德寶禪師生都下受法于玉泉明聰萬歷初居西城柳巷人罕知者一日有梵僧來參亞身翹袖作種種相師以拄杖畫字隨方答之僧作禮騰空而去

宸垣識畧

卷八

七

弟子問適來僧問何法師曰此阿羅漢西天秘密語也雲棲株宏曰予嘗遊京師參笑岩于柳巷敗屋數椽殘僧數輩而已其高致可想見其塔在小西門萬歷十二年立塔銘雲南布政司叅政羅汝芳撰笑岩傳燈弟子有天童磬山報恩目澄昂溪墓在西直門外之小西門卒年七十四歲我

世祖章皇帝三瞻禮焉且命朔望祀之所著有南北集行世

妙清觀在西直門南小街扒兒胡同明崇禎十一年安



民廠災震塌十二年六月重修今僅存殿三楹  
十方禪院在正義坊西直門小街觀音寺胡同土人亦  
呼爲彌勒菴相傳爲北留寺明萬歷初畚築之餘得  
唐碑尺許有貞觀年月及北留寺記等字然後知其  
爲唐寺也今唐殘碑無考

明馬之駿詩宛在風光裏悠然水木間屢尋沿岸  
寺稍見著城山懺佛難除懶逢僧卽共閒淹留無  
不可拚與暮鴉還 何處堪消暑非山卽水鄉樹  
深渾欲暝花近反無香欲晚波難綠迎秋木漸蒼

宸垣識畧

卷八

八

市譁原未遠烟景乃微茫

打磨蘇王府在廣平庫

○廣平庫揀果廠在河漕西坊今廢二胡同猶存其名  
正黃旗官學在朝天宮北祖家街

普安寺在西城河漕西坊翊教寺胡同有明李賢董份  
二碑

明徐階重修普安寺功德碑畧禁垣西北有渠曰漕  
近漕之西舊有普安寺起于國初歲久頽敗司禮太  
監黃錦修之凡五春秋落成



翊教寺在普安寺之東有明汪道昆林增志二碑俱稱  
始于宋時迄今尚爲戒壇下院亦古刹也

正法寺在寶禪寺西明內官黃高建有孝宗武宗二御  
製碑 本朝乾隆二十一年官因其舊修葺之改額  
曰正覺

寶禪寺在寶禪寺胡同崇國寺之街西卽元大承華普  
慶寺也建于元大德四年明成化間內官麻俊買地  
治宅掘得趙承旨碑始知爲寺基乃復建寺具聞于  
朝賜額曰寶禪有萬安彭華甘爲霖三碑 本朝康

宸垣識畧

卷八

九

熙間大學士明珠乾隆間大學士傅恒先後修葺皆  
立碣以紀

崇國寺在發祥坊今西四牌樓大街東德勝門大街西  
元時有東西二崇國寺此則西崇國寺也爲托克托  
丞相故宅明宣德間賜名大隆善寺成化間賜名大  
隆善護國寺 本朝康熙間有

聖祖御製崇國寺碑乾隆間有

御製護國寺詩碑今其地稱護國寺街每月逢七八兩  
日有廟市



寺始至元皇慶修之延祐修之至正又修之元故有  
南北二崇國寺此其北也宣德己酉賜名隆善成化  
壬辰加護國名正德壬申勅西番大慶法王領占班  
十大覺法王著省藏卜等居此中殿三旁殿八最後  
景命殿殿旁塔二曰佛舍利塔成化七年勅碑二正  
德七年勅碑二梵字碑二又天順二年碑二其一西  
天大喇嘛桑渴巴刺行實碑其一大國師智光功行  
碑又有元碑四其一至元十一年重修崇國寺碑沙  
門雪礪法禎撰其一至正十四年皇帝勅諭碑其一

宸垣識畧

卷八

十

皇慶元年崇教大師演公碑趙孟頫撰并書其一石  
斷爲七環鐵束而立元至正二十四年隆安選公傳  
戒碑危素撰并書

寺爲托克托丞相故宅今千佛殿傍立一老髯朱衣  
一老嫗鳳冠朱裳者托克托夫婦也後爲姚少師影  
堂露頂袈裟趺坐上有偈皆本色衲子語少師自題  
今像無考

明王鏊姚少師像詩下馬摩挲讀古碑欲詢往事  
少人知獨留滿月龕中像共識凌烟閣上姿頽隱



三韋還可似功高六出本無奇金陵戰罷燕都定  
仍是矍然老衲師

宋光熊遊護國寺詩宅捨祇園五百春朱衣猶現  
宰官身笑他鑿石山頭坐贏得兒童繫犢輪 琳  
宮香雨帶龍腥貝葉橫翻秘密經禪誦乍如蛙閣  
閣魚山清楚向誰聽

原按趙子砥燕雲錄稱奉使官中書侍郎陳過庭  
門下侍郎耿南仲并文武五十餘員元在真定丁  
未八月遣詣燕山崇國寺安泊則崇國寺金已有  
宸垣識畧

卷八

七

之蓋南北二寺北建自演公南則金之舊已迷其  
處矣

正覺寺在發祥坊正覺寺胡同明成化間內監韓諒賜  
宅施捨建寺奏聞賜額正覺禪寺有明碑二

正黃旗滿洲蒙古漢軍三旗自鼓樓向西至新街口大  
街北城根向南至馬狀元胡同西口與正紅旗接界  
滿洲官兵自鼓樓大街向西北藥王廟南口至大城  
根爲頭叅領之十九佐領居址自北藥王廟街南口  
向西循大街至八調灣南口爲二叅領之十九佐領



居址自八調灣南口循大街至德勝門轉南至德勝橋爲三叅領之十八佐領居址自鼓樓斜街循銀錠橋向西李廣橋至德勝橋大街爲四叅領之十八佐領居址自松樹街北口至藥王廟爲五叅領之十八佐領居址蒙古官兵自松樹街南口向西至德勝橋街轉北至弘善寺胡同西口爲頭叅領之十二佐領居址自宏善寺胡同西口至德勝橋爲二叅領之十二佐領居址漢軍官兵自護國寺街至棉花胡同南口羅圈胡同西口爲頭叅領之十佐領居址自羅圈

胡同西口連棉花胡同廊房胡同草廠胡同爲二叅領之十佐領居址自蔣養房東口至西口爲三叅領之十一佐領居址自新街口向北至四條胡同東口爲四叅領之十佐領居址自四條胡同東口至城根及銅井爲五叅領之九佐領居址

火德真君廟在日中坊北安門外萬寧橋北路西爲西藥王廟唐貞觀中創址元至正六年重修明萬歷間改增碧瓦重閣天啓中命太常寺官以六月二十二日祀火德之神著爲令 本朝乾隆間重修門及後



閣改用黃瓦後有關帝殿 玉皇閣斗母閣皆  
御製扁聯後水亭可望北湖

明黃元功集李鍊師水竹軒詩地靜烟雲滿開軒  
水上樓泥封丹竈濕竹護藥苗齊火德時爲帝冰  
心日有躋馮虛千古夢能爲指階梯

大覺寺在街北其東偏後殿亦奉火神 本朝順治間  
有工部侍郎周天成重修碑其西偏中後殿亦奉關  
帝藥王有明嘉靖癸亥重修碑又有 本朝順治間  
重修碑三乾隆二十二年重修有

宸垣識畧

卷八

三

世宗御製大覺寺碑并

今上御製重修大覺寺碑其關帝藥王二殿皆

御書聯額

火神廟在地安橋北廟後瀕湖有樓可以瞻眺

三旗叅領處在地安門外白米斜街

禁城中外海卽古燕市積水潭也源出西山一畝馬眼  
諸泉繞出甕山後滙爲七里灤紆迴向東南行數十  
里稱高粱河將近城分爲二外繞都城開水門內注  
潭中入爲內海子繞禁城出巽方流玉河橋合外隍



入于大通河

元世祖肇造都邑而海水鏡淨正在皇城之北萬壽山之陰自至元三十年浚通惠河成上自昌平白浮村之神山泉下流有王家山泉昌平西虎眼泉孟村一畝泉西來馬眼泉侯家莊石河泉灌石村南泉榆河溫泉龍泉冷水泉玉泉諸水畢合遂建澄清閣于海子之東有橋南直御園通惠河碑有云取象星辰紫宮閣道橫貫天之銀漢也擬迹古昔恣民漁採澤梁無禁周之靈沼也

宸垣識畧

卷八

十四

元時既開通惠河運船直至積水潭自明改築京城與運河截而爲二潭之寬廣已非舊觀今指近德勝者爲積水潭稍東南爲十剎海又東南爲蓮花泡子其實一水也

○元時海子岸有萬春園進士登第恩榮宴後會同年于此宋顯夫詩所云臨水池臺似曲江也今失所在按其地當在火神廟後亭

樂王廟在北安門海子之西東瀕海子萬柳沿堤夏月客多載酒游泳其間東有橋名西步糧橋玉河水由



此入 御苑 朝爲魏忠賢  
建其碑已踣

漢壽亭侯廟在地安門西面 皇城明洪武年建 本  
朝順治九年

勅封神爲忠義神武關聖大帝雍正三年追 封神曾  
祖祖父三代公爵崇祀後殿五年修葺

世宗御書忠貫天人額乾隆四十六年

今上加封忠義神武靈佑關聖大帝改諡忠義門殿皆  
易黃瓦有

世宗暨

宸垣識畧

卷八

十五

今上御製碑二通每春秋二仲及五月十三日遣官致  
祭

昔慕容氏都燕羅城有白馬前導因以爲祠蓋隋舊  
基又廟碑載明英宗夢見帝乘白馬故名

考按關帝廟在地安門西者曰白馬廟在南城三  
里河天壇北者曰姚彬盜馬廟皆隋基也

元果羅洛納新白馬廟詩祠宇當城角霜蹄刻畫  
眞房星何日墮駿骨自能神曾蹴陰山雪思清瀚  
海塵長疑化龍去騰踏上雲津



徐乾學白馬關廟詩當年北狩事蒼皇白馬金鞭

護毅皇說與祠官修歲祀殘碑落日倚頽墻

明英宗北

狩時神顯  
應有碑記

又祈雨白馬關廟詩幾回圭玉告虔過炎景隆隆  
奈若何彤轂日翻燒廣野赤珠雲散壓高柯 聖  
人有道終須格臣職無功愧已多安得泰山膚寸  
起滂沱滿眼水層波

賢良祠在白馬關帝廟旁雍正八年

勅建祀王公大臣之有功國家者有

宸垣識畧

卷八

六

世宗御書額曰崇忠念舊又 御製碑

半藏寺在關帝廟西元至正間僧義佛駐錫之所人羨  
其道行名曰半藏明嘉靖中改名保安寺

旌勇祠在半藏寺西乾隆三十三年建祠將軍公明瑞  
有

御製碑

宛平縣署在地安門迤西積慶坊面 皇城南向本漢

薊縣地唐爲幽都遼名宛平元明 本朝仍之

古墨齋在宛平縣署內唐李北海書雲麾將軍碑明



邑令李蔭購得之甃之署壁旁構小亭植柳時花以爲公餘退食之地 本朝康熙間李碑移人文文山祠

嘉興寺在宛平縣西面 皇城

興化寺在半藏寺東北半里許有明嘉靖間重修碑猶名其街

海子橋在海子南岸亦名月橋俗呼三座橋在 皇城北箭桿胡同

元馬祖常海子橋詩南望蓬萊觀行人隔苑墻有

宸垣識畧

卷八

十七

時馴象浴不見狎漚翔宮樹飄秋葉紅船認石梁  
辟雍真可作擬賦獻文王 朝馬秋塵急天潢曉  
鏡舒影圓雲度鳥波靜漆依魚石棧通星漢銀河  
落水渠無人洗寒露爲我媚芙蓉

元宋裴過海子觀浴象詩四蹄如柱鼻垂雲踏碎  
春泥亂水紋鷓鷯鷓鷯好風景一時驚散不成羣  
大學士三等忠襄伯和第在三座橋西北

銀錠橋在北安門海子三座橋之北城中水際看山第一絕勝處



吳巖沿銀錠橋河隄作短垣高柳接城隅遮掩樓臺入畫圖大好西山脚落日碧峯如幃水亭孤海潮觀音寺在銀錠橋南灣有明萬歷間翰林檢討趙用賢碑又一碑磨泐無考

○海印寺在海子橋北明宣德間重建改名慈恩寺內有鏡光閣今廢

考按今海潮寺中有明嘉靖間碑海印寺東爲廣福觀西爲海潮寺再龍華寺碑云輔碧峯與海印今碧峯寺前有地名馬公厰殆卽長安客話所云海印寺久廢爲厰者歟

宸垣識畧

卷八

六

長元按嘉靖間海潮寺碑云海印寺東爲廣福觀西爲海潮寺則今銀錠橋東南沿湖隙地疑卽海印廢址故有鏡光閣以臨水若碧峯寺在今小石橋胡同與銀錠橋相去約二里且前後無水未可以馬公厰證長安客話所云也

明范言鏡光閣詩尋芳偶到慈恩寺石榻山僧入定時獨上鏡光閣晚閣坐看雲氣動春池行厨竹裡烟初禁御漏花前日正遲寂寞東房無好約青



袍白馬欲何之

○李長沙西涯別業在地安門北今其遺址無考  
西涯遺址不可問而響閘鐘鼓樓慈恩寺廣福觀皆  
在十二咏中其地當與月橋相近蓋響閘卽月橋下  
閘而鐘鼓樓則園中可遙望耳

長元按西涯爲李文正幼時故居其誥命碑陰記  
云吾祖始居白石橋之旁後築入地安門內移于  
慈恩寺之東海子之北則今鼓樓斜街沿湖一帶  
當卽是西涯也惜爲市廛所掩人未之考耳

宸垣識畧

卷八

十九

明李東陽宿海子西涯舊隣詩匹馬緣溪却度橋  
華門踈樹影蕭蕭東隣舊路原相接北郭幽期豈  
待招滿地月明如白晝一燈人語共清宵悠悠二  
十年前事都向春風夢裡消

再經西涯詩新築湖堤面面平亂橋欹岸石縱橫  
輕漚著水驚還去老馬緣溪戀復行舊日隣家今  
幾在別來光景共誰爭匆匆不盡逢僧話剛說無  
生便有情

○法華菴與海印寺相近卽李文正別業地



湯右會過法華菴詩玉河屈曲貫城流滙作風漪  
十頃幽清浪似翻龍鉢底閒雲遙接雁池頭老慚  
佛法三乘入病想僧房一榻休他日蒲蓮浩如海  
可知宜夏復宜秋

重過法華菴詩慈恩寺外碧湍流故老猶傳地最  
幽銀漢影斜天左界鏡光湖接水西頭烟雲日日  
從舒卷衰病年年未退休九十劫如風雨疾蟪蛄  
那復問春秋

長元按法華菴見于湯少宰懷清堂詩中其地與

宸垣識畧

卷八

二十

文正碑記相合應在今鼓樓斜街

○響閘在月橋東

施閘章集響閘詩片雨城頭送夕陽池邊樓館受  
風涼潺潺流水管絃思裊裊浮雲荇藻香近浦雕  
闌齊繫馬入筵雪鱸旋烹魴登臨莫引江湖興楊  
柳河橋似故鄉

長元按淶水亭雜識云響閘卽月橋下閘始今萬  
寧橋澄清閘也

○廣福觀在鼓樓斜街有碑一遺蹟不可考



長元按今鼓樓斜街內分二道西北出者通鼓樓  
西大街西出沿湖至銀錠橋者乃昔時西涯不知  
何年列居市肆使幽清之地變爲囂塵矣

廣化寺在今鴉兒胡同無碑碣可考左爲海會菴右爲  
興善寺有明崇禎七年獎諭司禮監太監曹化淳詩  
碑

廣化寺在日中坊雞頭池上元時有僧居之日誦佛  
號每誦一聲以米一粒記數凡二十年積至四十八  
石因以建寺

宸垣識畧

卷八

三

○萬嚴寺元至治中建今無考鴨兒胡同有萬善寺  
龍華寺在簪兒胡同明成化三年建賜額曰龍華有明  
碑二 本朝康熙五十二年重修

勅改曰瑞應寺有

聖祖御書聯扁并吏部侍郎湯右曾碑是年夏寺中文  
官果生並蒂駢顙青熒光澤僧持獻

行在羣漢爲

賜額之應有

聖祖御製詩勒石



寺門有稻田千頃南客數過玩之西有小龍華寺

明張嘉猷詩地有龍華勝心隨石榻清春風一枕  
到孤月萬松明花散諸天雨鐘鳴不夜城抽簪如  
可得于此悟無生

明馮有經詩湖際先朝寺幽棲驗物情磬聲松下  
靜鳥語竹間清菰米羞香飯園葵薦露羹重來知  
幾日虛負老僧盟

高士奇龍華寺看新竹詩拂檻清陰細窺簾綠影  
深露香生靜夜風籟發禪心解籜猶含粉抽條已

宸垣識畧

卷八

三

滿林渭川千畝意相對日披襟

德勝門水次稻田八百畝以供御用內官監四十人  
領之

心華禪寺在三聖菴西卽小龍華寺

十刹海在龍華寺西東向明萬歷中三藏僧徧融建

本朝康熙三十重修

十刹海方五十畝室三十餘間相比如號舍佛殿亦  
分一舍不更廣也

明釋懿修十刹海詩十刹海非利凝然古德風市



居岩壑裡門向水田東耆宿推三藏師資事徧融  
乞隨瓢偃仰立儼獄衡嵩法聽俱高衲執巾無侍  
童直言等貴賤醒語破愚蒙僧不驕恩帑佛寧藉  
像工平平數椽屋密密六時功哀憫西山寺游觀  
額大雄

清虛觀在舊鼓樓大街有明景泰五年胡濙碑

玉皇廟在舊鼓樓大街東明建有 本朝順治年鼎一  
無碑碣可考

北藥王廟在舊鼓樓大街北明嘉靖中建有 本朝順

宸垣識畧

卷八

三

治間大學士洪承疇碑二

雙寺在大石橋胡同東曰嘉慈西曰廣濟明成化間建  
萬歷中修有碑五

妙緣觀在大石橋北妙緣觀胡同舊有真武廟明景泰  
三年擴而新之賜名妙緣觀成化間修有碑二俱胡  
濙撰 本朝乾隆五年重修有刑部侍郎張照書碑  
又觀中有虛靖真君大道碑碑陰刻冲元亭書養心  
百字今存

明李東陽過真武廟懷朱文鳴故友詩淼淼蒼波



白鷺飛苔痕長滿釣漁磯松陰不改三株樹雀夢  
還醒一羽衣細數隣家遺老盡久懷同學故人稀  
沿流不覺尋詩遠把酒看花事事違

千佛寺在德勝門東八步口妙緣胡同明萬歷九年孝  
定皇太后建 本朝雍正十一年重修

賜名拈花寺殿額皆

世宗暨

今上御書有

世宗御製碑寺內明鑄諸銅像今存

宸垣識畧

卷八

十四

明御馬監太監楊用受僧徧融指鑄毘盧世尊蓮花  
寶座千佛旋繞四面若朝者然鑄十八羅漢二十四  
諸天復塑伽藍天王等像

明官撫辰千佛寺詩春鳥聲聲佛蓮花朵朵燈瞻  
聽惟畏愛久此卽高僧

高士奇登千佛寺壽望樓詩兀兀終朝懶不勝題  
橋有志歎無能故山歲晚歸難定高閣晴來每一  
登飲啄愛看林下鶴蕭閒那及寺中僧松枝豆蔻  
催年近苑外冲冲聽繫冰



碧峯寺在小石橋胡同有明萬歷間重修碑

華嚴鐘廠在德勝門東其地有真武廟有 本朝順治

辛卯劉芳遠碑華嚴鐘僅存其一舊懸萬壽寺今移于覺生寺餘鐘俱無考

華嚴鐘廠舊鐘高二丈餘濶一丈餘者尚有十數仆地上皆楷書佛經

佑聖寺在德勝門大街唐咸通中建明嘉靖間重修有張文憲碑

壽明寺在佑聖寺東有明弘治及正德間二碑

宸垣識畧

卷八

五

北之西曰德勝門元爲健德門明正統初改今名

崇禎甲申三月兵部右侍郎王家彥協理京營守德勝門城陷自投城下不死折臂及足僕扶入民舍自縊死或云自縊于城樓 本朝賜諡忠毅

德勝橋在德勝門內西有積水潭潭水注橋下東行轉西南爲李廣橋徑僻岸無行人古槐濃蔭如罨畫溪每歲六月六日中貴人用儀仗鼓吹導引洗馬于德勝橋之湖上三伏皆然

崇禎時洗馬于積水潭導以紅仗中有數頭錦帕覆



之最後獨角青牛至諸馬莫敢先焉

明朱德潤觀內廐洗馬詩黃雲灑雨沙場秋灘高  
水平疑不流曉霜襲透蒼駝裘園人浴馬津水頭  
綠驃連錢雙驂驪日光射波脂膩浮青絲脫鞵黃  
金鈎輕爬短刷濕未休三花剪鬣平且柔籟雲駿  
氣將無儔束芻斗豈馬羞茫茫豐草生林邱霜  
蹄何爲踏長楸振鬣一躍期天游

永泉菴在德勝橋東有 本朝康熙間大學士張玉書  
碑

宸垣識畧

卷八

美

弘善寺在德勝橋東弘善寺街明成化七年有勅建碑  
正黃旗蒙古都統署在德勝門大街石虎胡同  
正黃旗滿洲都統署在德勝門橋南  
愉郡王府在龍頭井

水關在德勝門西里許水自西山經高粱橋來穴城趾  
而入有關爲之限

牖河水門在和義門北金水河水門在和義門南肅  
清門廣源閘別港有英宗文宗二帝龍舟

考按元西城三門明徐達改建都城廢肅清門餘



平則和義二門仍舊制蓋今之西直門卽元之和義而肅清遺址當自迤北而西也又西直門外長河萬壽寺西有廣源閘土人呼爲斗府閘其始建在元至正二十六年距西直門七里以今証昔遺閘遺閘相連可知卽別港亦可約畧計矣

○蓮花社有亭在水關西

○蝦菜亭在蓮花社西水部戴大園建今俱無考

查嗣琛雜咏詩蝦菜亭虛水浸沙城頭風折雨絲斜秋來南客多鄉思不看荷花看稻花

宸垣識畧

卷八

七

積水潭上有鎮水觀音菴明永樂間建 本朝乾隆二

十六年改建 賜名滙通祠有

御製詩碑暨御書額

元趙孟頫海子卽事詩白水青山引興多紅裙翠袖奈愁何祇從暮醉兼朝醉聊復長歌更短歌輕燕受風迎落絮游魚吹浪動新荷餘杭溪上扁舟好何日歸休理釣簑

淨業寺從德勝門西循城下行徑轉得此寺昔爲智光寺之基有明宣德六年鐘一東有軒二楹可坐前舊



作版棚列席浮尊宴飲殊適今廢湖上有魚藕監  
明朱國祚宿淨業寺詩僧樓佛火漾空潭德勝橋  
西積水含一夜朔風吹樹杪剗門飛雨遍城南  
朱彞尊淨業寺看荷花詩香剝綠隄轉官橋信水  
流綠雲千萬頃不見采蓮舟

高士奇淨業寺看荷詩僧舍無人滿綠苔新荷一  
頃雨中開寺前多少衝泥客誰爲看花趁曉來

太平菴在淨業寺西循城垣有橋橋下有水關清流漑  
漑南注入大湖岸左爲菴背城臨湖可數頃許

宸垣識畧

卷八

天

德勝門西不半里有一道場爲王聚洲在工垣時建  
稱滇省香火院相傳草創經始直墜回塘掘出石勒  
太平菴三字因以爲名

明黃景昉同人集太平菴詩不遠城隅勝風塵已  
覺寬隔溪鳴布穀新果薦文官鐵瓦通泉古冰壺  
濯夢寒春衣仍可典無畏酒杯乾

○米仲詔漫園在積水潭東有閣三層仲詔嘗爲湛園  
勺園及此而三

○定國徐公別業從德勝橋下右折而入額曰太師圃



地頗疎曠有臺有沼瀕湖之園此爲第一

○相國方公園在城北水關西與太平菴相接卽元石湖寺址

○劉茂才園地在湖中乃南北最修處所以獨勝

金剛寺在積水潭東南抄手胡同又名般若菴寺有石刻金剛經今無存惟明姚希孟募緣疏碑 本朝大理寺丞高去奢碑在庭中

般若菴背湖水面曲巷舊有竹數叢前小閣後靜室紙窗棊几殊有幽趣後改剏大殿高閣往昔清深幽

宸垣識畧

卷八

十五

遠之致亡矣士大夫看蓮北湖多一憇寺中

明顧錫疇詩結夏禪林迴無門可閉關湖光依北閣爽氣借西山日永諸天靜鐘清初地閒新辭魔眷屬定入夜雲還

興德古刹在金剛寺後今名興德禪林

○蓮花菴從興德寺折北而西疎林朗樾含吐餘清後一臺瞰湖陽諸寺若列眉案今未詳其處

明于慎行蓮花菴詩禪宮遙倚北樓開樓下平湖落照來金水環城全象漢蓮花湧寺宛成臺諸香



各捧空王座一葉能浮太乙杯便是忘歸歸亦醉

夕陽清角莫相催

固山貝子

諱弘景

府在蔣養房胡同

長元按貝子係

聖祖派下無封號與諡謹書其諱

響鈴寺在鳴玉坊今新街口祝壽寺卽普慶寺俗猶仍其名

龍王廟在新街口雍正七年

勅建乾隆十八年易蓋黃瓦

宸垣識畧

卷八

三

惠郡王府在西直門新街口

廣濟寺在西直門新街口明正德九年爲梅樂禪師勅建有明碑二

崇元觀在西直門內新街口俗名曹公觀爲明瑄曹化淳建門有緯碣上書三界聖境四字 本朝乾隆二十三年修有

御書聯額御製詩碑每歲正月初一至初十日廟市

正黃旗護軍統領署在西直門內崇元觀後寬街

正黃旗漢軍都統署在西直門內丁家井



正黃旗覺羅宗學在西直門內北衛兒胡同

永泰寺在西直門高井胡同有明碑二

西直門內橫橋西北有寺曰永泰建于元明正統間  
修武伯沈清新之天順間賜額永泰

萬佛寺俗呼黑塔寺在北草廠黑塔寺胡同有明崇禎  
間碑一又 本朝康熙間碑一

崇壽寺在西直門內新街

萬寧寺在西直門內新街

西之北曰西直門元爲和義門明永樂十九年立

宸垣識畧

卷八

三

明弘治戊午夏京師西直門熊入城守衛者不知覺  
有被傷者鈞陽馬公謂野獸入城非宜乞嚴武事備  
盜賊何孟春謂同列曰熊之爲兆旣當備盜亦宜慎  
火未幾城內在處火災禮部燬焉

補三等威靖伯第在西四牌樓北驢肉胡同

一等忠達公第在地安門外西城根

一等恭誠侯第在地安門外西北

一等武毅謀勇公第在德勝門街煤廠胡同

三等承恩公第在長橋街



三等承恩公第在西直門南小街

宸垣識畧

卷八

三

宸垣識畧卷八




宸垣識畧


卷九卷十

衆

EM110  
934  
=5








外城圖











宸垣識畧卷九



仁和吳長元太初氏輯

外城東

長元按外城敘次二書雖屬明晰然正陽門外竟接天壇與三里河橋則疎脫太甚觀者茫然莫辨今不分五城以猪市大街劃分四段其前門市廛坊曲畧述大概又採錄省郡會館之著者以便公車戾止則是書簡明之意也附繪圖于簡端正陽外門設而不開惟

宸垣識畧

卷九

大駕由之月城東西設二洞子門爲官民出入

觀音大士廟在月城內之東邊有明萬歷壬辰修築都城碑記兵部職方司郎中虞淳熙撰又本朝刑部

尚書張照碑

關帝廟在月城內之西邊有明萬歷間焦竑碑記董其昌書

龍王堂在東洞子門外東城根又名朝陽閣明建本朝乾隆間重修每歲僧人募緣捨粥自十月十五日起至來春二月十五日止



東月墻在東洞子門外至正陽橋形如扇面列肆居之  
其傍城夾道曰荷包棚

正陽橋在正陽門外跨城河爲石梁三其南綽楔五楹  
甚壯麗金書正陽橋清漢字

大街石道之旁搭蓋棚房爲肆其來久矣今仍之

明崇禎七年純國公朱純臣家燈夕被火于是司城  
欲毀棚房之擁塞衢路者金侍御光辰恐其擾民奏  
請停止

大街東邊市房後有裡街曰肉市曰布市曰瓜子店迤

宸垣識畧

卷九

二

南至猪市口其橫胡同曰打磨廠內稍北爲東河沿  
曰鮮魚口內有南北孝順胡同長巷上下頭條二條  
三條四條胡同曰大蔣家胡同東南斜出三里河大  
街內有小蔣家胡同水窖胡同此皆商賈匠作貨棧  
之地也

查樓在肉市明巨室查氏所建戲樓 本朝爲廣和戲  
園街口有小木坊舊書查樓二字乾隆庚子燬于火  
今重建書廣和查樓

魏之琇廣和樓觀劇詩春明門外市聲稠十丈輕



塵擾未休雅有閒情徵鞠部好借勝侶上杏樓紅  
裙翠袖江南艷急管哀絲塞北愁消遣韶華如短  
夢夕陽帘影任勾留

蕭公堂在打磨廠明萬歷二年建爲中城南城分界處  
長元按祠內刊洪都鄉祠四字所居皆江西人據  
云蕭公生于唐時不知其名爲臨江郡船長于太  
陽洲得道仙去封順天王感應蕭公蓋鄱陽湖之  
神也 本朝以此祠爲中南二城分界

北營內北東守備署在蕭公堂後東河沿

宸垣識畧

卷九

三

○金忠潔公鉉故居在打磨廠今無考

南城吏目署在打磨廠新開路口

靈佑宮在打磨廠明嘉靖年建祀許旌陽真人係江西  
會館有嚴嵩額存後樓上又天啓二年鼎一

關帝廟在打磨廠東口有明萬歷二十八年鼎一

○吉安二忠祠在鮮魚口內手帕胡同明建祀宋文文  
山謝疊山兩公今圯廢門額尚存

崇真觀在打磨廠之南巷明司禮監張政捨宅建正統  
十四年賜額景泰四年國子監祭酒胡濙碑



關帝廟在高廟胡同有明嘉靖間鼎一

中城吏目署在北蘆草園

吳越王錢鏐祠在蘆草園雍正二年

敕封誠應吳越武肅王其裔孫世章創建

西竺菴在南蘆草園

玉泉菴在南蘆草園西蓆兒胡同

乾泰寺在冰窖胡同康熙三十九年重修有禮部尚書

杜永臻碑

鐵山寺在三里河橋西明正德間僧宗洪號鐵山者募

宸垣識畧

卷九

四

緣修橋有修撰周敘重修三里河碑

三官廟在三里河橋東羽士居之二槐樹甚古

南泉寺在三里河橋北灣已圯

三里河元時名文明河接通惠河為漕儲運道今鐵閘尚存

大通橋去通州四十里形勢高通州五丈置十閘方可行舟三里河在天壇前去通州五十里高通州一丈九尺置二閘便可行舟但一二走沙耳

正陽門外東偏有古三里河一道東有南泉寺西有



玉泉菴至今基下俱有泉脈由三里河繞出慈源寺八里莊五箕花園一帶直抵張家灣烟墩港地勢低下故道俱存冬夏水脈不竭現今天壇北蘆葦園草場九條巷其地下者俱河身也高者卽舊馬頭明白易見不假經畫稍加修治卽可復也但附近勢家花園故成化間楊茂雖嘗建議竟沮不行誠按此修濬則公私大船俱可直抵三里河不但便剝船而已

原按張爵紀五城坊巷胡同南城正東坊有西三里河東三里河蘆葦園崇南坊則有南河漕于家

灣遞運所纜竿市又有三轉橋紀家橋板橋雙馬莊八里莊十里河皆三里河入張家灣故道今其名雖存而深谷爲陵遺蹟漸不可考矣

長元按今草場胡同東有平樂園南官園北官園賈家花園等名要皆昔時園亭遺址

關帝廟在薛家灣係舊刹前有枋曰關帝聖境

明教寺在閭王廟前街明成化年建碑磨泐無考

天仙廟在木廠胡同創于明隆慶間羽士居之今爲禪

院有萬歷二十九年王汝升碑 本朝康熙丁丑詹



事李錄于重修碑

永壽寺在石虎胡同係舊刹有勅賜額

泰山行宮在蒜市口明天順年建有萬歷間太常寺少

卿徐富庶吉士姜逢元二碑

中營叅將署在崇文門外抽分廠

崇文門稅務署在崇文門外大街

查嗣琛雜詠詩九門征課一門專馬跡車塵互接  
連內使自收花擔稅朝朝插鬢掠雙錢

中營東南二守備署在上三條胡同

宸垣識畧

卷九

六

天仙廟在上三條胡同

崇恩觀在上四條胡同

臥雲菴在上四條胡同

長元按東城寺觀士大夫游歷者鮮故無碑碣

○水木清華亭元侍御史王儼別業在文明門外東南

里許

今崇文門

園池構築甲諸邸第許有壬記云北瞻闔

闔五雲杳靄西望舳舻汎汎于烟波浩渺雲樹參差  
之間虞道園有詩

○淨度寺在崇文門東南有元中丞張養浩作其子雁



奴墳銘今無考

火神廟在花兒市明隆慶一年建爲神木廠悟元觀下  
院有萬歷間右通政李琦碑 本朝乾隆四十一年  
重修有左都御史崔應階碑每月逢四日自廟前至  
西口開市

東城正指揮署在花兒市

禮拜寺在花兒市

無量菴在中四條胡同

都竈君廟在花兒市明建無碑可考有古栢一 本朝

宸垣識畧

卷九

七

康熙間重建有國子監祭酒孫岳翰林院編修馮雲  
驢二碑門外鐵獅子二康熙初年鑄每年八月初一  
初二初三日廟市

崇興寺在花兒市東康熙二十年重建有鐘一  
萬福寺在花兒市東瀟管

太平宮俗名蟠桃宮在東便門內大橋南羽士所居係  
明刹有康熙元年工部尚書吳達禮重建後殿碑每  
歲三月初一初二初三日廟市

查昌業上巳沿通惠河至太平宮觀廟市詩十丈



紅塵過雨清惠河添漲繞重城瑤池香渺春雲黯  
闔苑花鮮曉日明正是蘭亭修禊節好看曲水麗  
人行金梁風景真如畫不枉元宮號太平

普陀寺在東便門內大橋北舊有勅建碑今無考

觀音菴在蟠桃宮南舊名雲深處康熙年建室宇精雅  
傳爲宦家別業所改

○崇恩福元寺元至大元年建奉安武宗御容武宗及  
二后爲東西二殿藏玉冊十有二牒玉寶一鈕有姚  
燧撰碑

宸垣識畧

卷九

八

白雲寺在坑兒胡同

增福寺俗名財神廟在白雲寺後

火神廟在柴市明成化間建有正德七年建昌侯張延  
齡碑

東城吏目署在東河漕

○金山寺在崇北坊今無存

天龍寺在下鍋腔胡同係浙金華會館明萬歷中建

本朝康熙二年修有雍正五年碑

卧佛寺在崇興寺東口入山門有圓殿佛立其中後殿



有卧佛長一丈二尺有十三佛環立肩背後寺無碑  
記祇西廊一鐵鐘明正德戊辰年所鑄稱妙音寺

長元按寺有乾隆丙戌年翰林侍讀學士圖塔布  
碑又張爵五城坊巷志崇南坊有妙音寺今無存  
寺內正德間鐘或是彼處移來未可知也

宋光熊游卧佛寺詩寺門東接禁城陰野水平沙  
古木森留示人間老病死色空真諦悟禪心

爐聖菴在廣渠門內創于明代係山西冶行所建祀老  
君有乾隆十一年都御史孫嘉淦二十一年御史戴

宸垣識畧

卷九

九

章甫二碑其西偏爲潞安會館

隆安寺在花兒市東南明天順間廢刹也萬歷乙酉蜀  
僧翠林募修結淨土社堂僧徒念佛歲元旦設果餌  
享佛盤千數名曰千盤會寺後一閣崇禎元年偕大  
爲立

考按隆安寺今存創于明景泰五年寺中有題名  
碑可考

長元按隆安寺土人相傳唐刹然景泰五年碑外  
別無可證惟殿前一栢樹大十餘圍殆四五百年



物其爲元刹無疑

孫廷銓春日隆安寺訪山曉上人時自天童應

詔入都詩遠公廬阜朗公房時許題詩在上方古

寺日長餅鉢靜故山春暖薜蘿香一乘聞法超禪

果三殿承暉接御牀歸計未成心已滅自持鐘

梵禮空王

三官廟在隆安寺西乾隆年建

廣渠門在外城之東

義學在廣渠門內雍正間韓城寧永祿捐貲創始乾隆

宸垣識畧

卷九

十

間紳士公輸增益之內分六齋課徒約二百人冬季

施粥百日有副憲莊存與閣學朱珪二碑

福寧禪林在興隆街東明天順中建有正德十一年工

部都水司主事翁洪碑

安化寺在崇南坊興隆街明釋曇蘊開山正統八年賜

額有景泰六年三衢釋大善弘治十六年光祿卿張

天駿二碑

隆興菴彌勒菴俱在興隆街室宇完整無碑碣可考

南臺寺在安化寺南康熙年重建有鐘一



育嬰堂在安化寺南夕照寺西 本朝康熙元年建雍

正二年

世宗賜功深保赤扁并 御製育嬰堂碑記頒賜帑金  
千兩令有司擇謹愿者董其事

夕照寺在萬柳堂西北創建年月無考或云燕京八景  
有金臺夕照此寺之所由名也據趙吉士育嬰堂碑  
記云夕照寺順治初已圯僅存屋一楹蓋其來久矣  
雍正間文覺禪師元信嘗退居于此殿宇修潔完整  
乾隆間地藏殿兩墻左爲王安昆書高松賦右爲陳  
宸垣識畧

卷九

十一

壽山畫雙松皆一時名筆

長元按東南寺院多停旅櫬故舊址重新頗爲宏  
敞夕照南臺是其最著者也

魏之琇過夕照寺詩閒來僧院愛幽清斜日軒窗  
迥自明鐘磬不聞林鳥寂鮑家詩唱古先生

拈花禪寺卽萬柳堂在廣渠門內東南角爲 本朝大  
學士益都馮溥別業後歸倉場侍郎石文柱康熙四  
十一年石氏建大悲閣大殿彌勒殿捨僧住持

聖祖御書拈花禪寺額賜僧德元今恭懸大悲閣上



康熙時開博學鴻詞科待詔者嘗雅集于此檢討毛  
奇齡有萬柳堂賦今基周圍一頃餘內有小土山卽  
昔時蓮塘花嶼也檢討陳其年有萬柳堂修禊詩序  
朱彝尊上巳萬柳堂讌集和相國馮夫子韻詩不  
到閒園已隔年綠楊高映女牆邊無妨並馬橫橋  
渡更許深杯曲水傳徑仄易侵蘋葉小日晴況有  
杏花妍舞雩幸忝從游列澹沲春光過禁烟 小  
徑升堂步履偕隄沙遙築避風臺歌翻驟雨新荷  
好地比崇山峻嶺佳露井有華滋藥甲春衣無桁

宸垣識畧

卷九

十一

挂松釵永和會後斯游最禊飲蓬池未許儕

徐乾學萬柳堂陪讌益都公詩絲綸閣外唱彤駟  
攜客還爲杜曲遊種樹已成金澗勝鑿池初引玉  
泉流綺堂晴帶千峯秀碧宇雲開萬井秋醉吐車  
茵何足道夕陽洗爵重淹留

杭世駿過拈花寺詩清楚三時響粥魚亂花空發  
老僧居危闌曲處青山露一桁斜陽曬佛書 半  
天婀娜綠梯抽拂拂新條亂打頭兩翼畫闌紅不  
斷荻芽菱葉滿春流 溪風掠過打魚磯匝地春



陰緣正肥頭白僧伽破禪寂柳花吹點水田衣原注

寺卽馮益  
都萬柳堂

法藏寺在霍家橋俗呼白塔寺蓋彌陀寺也金大定中  
建明景泰間修更曰法藏有祭酒胡濙沙門道孚二  
碑道孚戒壇第一代戒師世稱鵝頭祖師北地多風  
故塔不空無可登陟法藏寺彌陀塔中空可登塔崇  
十丈窻八面窻置一佛凡五十八佛佛設一燈歲上  
元夜僧燃燈遶塔奏樂金光明窻樂作天上矣

明郭正域法藏寺詩古剎城南寺蓮花處處開金

宸垣識畧

卷九

十三

輪平地轉香雨半天來清話逢元度論文有辨才  
真如非幻境雲水兩徘徊

○大悲寺在崇南坊有勅建碑久廢

左安門在外城南之東

太陽宮在法藏寺西 本朝順治初年建奉太陽日君  
羽士居之

長元按殿庭有無字碑一或明舊碑磨去亦未可  
知其創建年月無考

五虎廟在太陽宮後係明舊剎 本朝康熙年重建無



碑可考殿前古松一株濃陰滿院蓋二百餘年物也  
寺僧云昔時五虎廟塑關張趙馬黃西蜀五將得名  
後燬于火關聖加封帝號今前殿祇奉關帝而五虎  
之名仍舊

雲集觀在五虎廟東北 本朝康熙年建亦羽士所居  
後有斗姥閣旁翼二亭修飾甚完整

延慶寺在纜竿市無舊碑可考有康熙十年鼎鑪一  
華嚴寺俗稱槐寺在三轉橋地名魏村社大市莊有遼  
天會五年梵書尊勝陀羅尼石幢仙露寺講經比丘

宸垣識畧

卷九

十四

圓秀開國男任師誨立明正統二年重修

景福寺舊名石佛寺在三轉橋有明正德間費宏陳天  
祥二碑

關帝廟在蒜市口

清化寺在正東坊三里河陽明宣德王子奉聖夫人東  
安里王妙秀命其弟義勇後衛百戶榮以賜金買保  
安寺基卽蔬圃爲寺今存其街卽以寺得名有明宋  
拯李廷相二碑

明程敏政宿清化寺詩早脫朝簪出帝城喜分禪



榻坐深更頓疑身在山中住追笑詩從馬上成把  
釣未應歸計拙照人偏愛佛燈明枕酣一夜清無  
夢蕉鹿當年亦浪驚

南城正指揮署在清化寺街

明因寺在三里河東故三聖寺也明萬歷初明肅皇太  
后建賜額有李伯時渡海尊者卷不知何年被人賺  
去存者贗本而僧不知也萬歷二十九年紫栢大師  
自五臺來夜夢十六僧請掛瓶鉢亭午有負巨軸售  
者軸凡十六貫休所畫羅漢也師歎異購之各係以  
贊傳寺中天啓二年董其昌過此書佛成道記自稱  
香光居士凡十二版蓋宗伯三十年前見紫栢于此  
寺索書成道記尋前諾也今搨石置僧寮左壁

考按今明因寺有十六羅漢畫軸上有明萬歷時  
釋真可贊似是後人偽託非當時真蹟王祖嫡何  
洛文二碑尚可讀畫其昌成道記石刻在寺中

姚彬關王廟在慈源寺東數百武相傳卽元崇恩萬壽  
宮殿中塑像甚古俗傳吳將姚彬盜關公馬被獲強  
不屈廟塑縛彬像公戎服作色左顧彬彬反面色不



屈侍將七人怒視彬縛彬者仰公顏色而受命馬回望其色歎沫人曰隋時塑也

考按姚彬關王廟塑姚彬盜馬被縛像如帝京景物畧所云今存趙吉士云殆元時塑也

藥王廟在天壇之北明武清侯李誠銘建左墀碑文恭順侯吳惟英書 本朝康熙間重修有詹事沈荃碑天慶寺在藥王廟之西原遼之永泰寺金大安中兵毀元至元壬申重建僧舍有雅致亭有李龍眠羅漢十六軸元學士王恽碑云役初作掘地得廢鐘所刻天宸垣識畧

卷九

六

慶二字考之蓋有遼建號也卽爲新寺名明天順嘉靖重修有蹇英徐階二碑

蹇英重修天慶寺碑畧云距城南三里河之濱曰魏村社其地幽曠間寂林木叢茂有古刹曰天慶其創始不可考宣德中僧德誌仍其故址更新之建大殿禪堂齋堂丈室以次而成天順戊寅十月或請于朝仍賜額曰天慶寺

○圓覺寺在魏村社明景泰中建金井在魏村社

考按圓覺寺在三里河橋東寺已無存今其地猶



仍寺名金井無考

永濟橋在金臺書院東有乾隆四十七年重修碣

金臺書院在慈源寺東本義學康熙四十一年

聖祖御書廣育羣材額以賜乾隆十五年改爲書院有御製碑

慈源寺在金魚池之東明成化二年指揮朱善建有太常少卿潘宸碑 本朝康熙甲寅重修有致仕大學士衛周祚碑

魚藻池俗呼金魚池在三里橋東南天壇之北畜養朱

宸垣識畧

卷九

七

魚以供市易舊志云金時故有魚藻池池上有殿榜以瑤池殿之址今不可尋矣居人界池爲塘植柳覆之歲種金魚以爲業池陰一帶園亭甚多南抵天壇一望空濶每端午日走馬于此

葉映榴五日集金魚池詩客心爭良辰芳讌卜清晝深樹含涼風方塘迴碧溜鬢花露蕊鮮蘭根土香瘦亂離所見花入眼如故舊回首異河山撫懷驚節候茲借勝侶游盤格忘粗陋藉草傾蒲觴丹砂笑勾漏一擲喝卷波十巡誇射覆掬水擾游鱗



腮鬢炫金繡投餌若濛開徘徊若避就魚知人樂  
無吾從惠莊後談詭清具移酒渴晚汀漱被襟連  
臂歌岸憤緣溪走肴核紛道旁酣呼雜老幼佩萱  
游女歸鞍馬如輻輳釵符壓輕蟬朱索牽衫袖歌  
舞喧城隅啁啾和猿狖長安驚繁華荆楚猶戰鬪  
杯酒酌左徒獨醒世所詎慷慨誦離騷誰爲後來  
秀天涯詩酒懷芬芳同蘭臭雙鬢不易青一醉塞  
機寶斜陽樹杪催苙月女墻逗歸鞭指西爽蒼然

滿烟岫

宸垣識畧

卷九

十八

王士禎詩端陽躡柳足歡娛霧縠新裁勝六銖愛  
傍橫塘不歸去拔釵親市七星魚

又冬日過金魚池詩記來劇飲暮春天絡馬青絲  
白玉鞭却倚迴關望朱箔吳歌趙舞爲君妍折  
葦荒蒲臨斷岸暮雲寒雪壓重樓獨來不見高陽  
侶斜日烟波迥自愁

○李國明武清侯李偉別業在三里河旁疏水入園有  
金魚池遂以水勝可汎舟中有梅花亭砌亭爲瓣五  
鏤爲門爲窻繪爲壁甃爲池范爲器其形皆以梅又



有滙臺鳧樓船橋魚龍亭諸勝歷一水關長廊數百  
間水岸設村落宛如江浦漁市

明劉同升李園小集詩小橋行過柳溪灣爲訪園  
亭竟日間出郭已知依綠水登樓更喜見青山寒  
泉落木疑邱壑瘦馬深衣自往還剩采東籬尋舊  
約君應無夢到塵寰

長元按李園已無考今東小市空曠十餘畝有平  
橋渠水傳是故家園地疑卽其遺址

海潮寺在金魚池北係舊刹今傾圮

宸垣識畧

卷九

十九

真武廟在金魚池北已圮

普賢禪林在安國寺東頗完整比丘尼居之

安國寺在三里河橋南灣明天順元年建碑廢無考

關帝廟在安國寺西有明隆慶年鼎一

東小市在半壁街南隙地十餘畝每日寅卯二時貨舊  
物者交易于此惟估衣最多

南營東南一守備署在三里河橋東小市

慈谿會館在東小市地甚寬敞每逢科場直隸學政錄  
取遺才于此



精忠廟在東小市西 本朝康熙年建有乾隆戊子大學士劉統勳碑門外鑄秦檜夫婦跪像旁有喜神廟為梨園子弟公所有乾隆丙申詹事劉躍雲碑

吳巖謁精忠廟詩痛飲黃龍未必酬幽燕遺廟壯千秋可憐屈膝秦長脚得藉陳王解免不

金陳王  
九室放

檜南還  
主和議

紫竹林在精忠廟南俗名担子市  
南營守備署在三里河橋大街西  
街道廳署在東珠市口大街

宸垣識畧

卷九

二十

中營游擊署在正陽門外猪市口

天壇周十里在正陽門外永定門之東明永樂十八年  
建繚以垣墻周九里十三步今仍之

圓丘又稱天壇形圓象天南嚮三成上成徑九丈高五尺七寸二成徑十有五丈高五尺二寸三成徑二十一丈高五尺上成石面九重自一九環甃遞加至九九二成自九十遞加至百六十有三三成自百七十有一遞加至二百四十有三合二三五七九陽數每成四出陛皆白石九級上成石闕七十有二二成百



有八三成百八十合三百六十周天之度柱如之內  
壝形圓周百有六丈四尺高五尺九寸壝門四皆六  
柱三門柱及楣闕皆白石扉皆朱櫺壝外東南內地  
燔柴鑪一高九尺徑七尺甃以綠琉璃瘞坎一東南  
燎鑪四分設于壝東西門之左右壝北門後爲

皇穹宇南嚮環轉八柱圓檐上安金頂基高九尺徑五  
丈九尺九寸石闌四十有九東西南三出陛各十有  
四級左右廡各五間一出陛殿廡覆瓦均青色琉璃  
圍垣形圓周五十六丈六尺八寸高丈有八寸南設

宸垣識畧

卷九

三

三門崇基石闌前後三出陛各五級外壝東門外東  
北隅爲 神庫 神廚各五間井亭一祭器庫樂器  
庫樓薦庫各三間又東爲宰牲亭井亭各一壝外內  
垣門四東曰泰元南曰昭亨西曰廣利北曰成貞皆  
朱扉金釘縱橫各九昭亨門外東西石坊各一

張英長至日 上躬祀 南郊恭紀至日躔南極  
初陽紀仲冬繡裳添綵線玉琯應黃鍾慶典同雨  
夏明禋掌秩宗齋宮香霧繞泰時碧雲封視版臨

深殿 親郊出 九重霜華迎 翠輦燿火照寒



松登降聞 天語堂皇仰 帝容瑤臺 三后配  
黼帳百神從 繭栗燔柴饋 星辰護燭龍 祠官調寶  
瑟舞羽間 金鏞一德符 穹昊羣僚秉肅 離遙瞻蒼  
壁薦共睹紫烟濃

施閨章陪祀 郊壇詩園丘 清曉露氤氳 拜舞衣  
冠鷓鷯分碧殿 朱旗列宿繞黃鐘 清磬九霄聞雪  
澄泰時光連海 柴望天門氣作雲 肅穆祠官能備  
物馨香還賴 聖明君

李之芳陪祀 郊壇詩太乙 瑤壇接露臺 龍旌遙  
拂 翠華來仙韶 細度雲門奏 玉殿初明泰 時開  
千尺爐烟天外轉 九重蔽佩月中迴 祠官解有  
登封意 獨向甘泉擁賦才

祈年殿在成貞門北壇圓三成南嚮上成徑二十一丈  
五尺二成徑二十三丈二尺六寸三成徑二十五丈  
面甃金甃圍以石闌四百二十南北三出陛東西一  
出陛上成二成各九級三成十級壇上建 殿制圓  
內外柱各十有二中龍井柱四檐三重上安金頂左  
右廡各九間均覆青琉璃前爲 祈年門崇基石闌



前後三出陛各十有一級門外東南燔柴鑪一瘞坎  
一燎鑪五內墻周百九十丈七尺二寸門四北門後  
爲

皇乾殿五間上覆青琉璃南嚮正面三出陛東西一出  
陛各九級石闌五十有九內墻東門外長廊七十二  
間二十七間至 神廚井亭又四十七間至宰牲亭  
爲祭時進俎豆避雨雪之用墻外圍垣東西北三面  
各有門南接成貞門

徐乾學孟春扈從 祈穀壇詩鑾輿曉出鳳城邊

宸垣識畧

卷九

三

聖主勤民爲祝年蒼輅初陽方布令瑤臺瑞氣  
早占天風和宛宛聞仙樂日麗遙遙敞 御筵執  
簡小臣隨豹尾欣逢盛事賦甘泉

成貞門外西北爲

齋宮東向正殿五間崇基石闌三出陛陛前左設齋戒  
銅人石亭一右設時碑石亭一後殿五間左右配殿  
各三間內宮墻方百二十三丈九尺九寸中三門左  
右各一門墻外環池前跨石梁三左右各一東北隅  
鐘樓一外宮墻方一百九十八丈二尺環以迴廊一



百六十三間復遶以深池宮門石梁均與內同

王士禎天壇齋宿詩穹于中宵啓齋心上日虔星  
河明泰時燎火動甘泉紫禁傳清漏青松覆 御  
烟竹宮空望拜不數漢皇年

廣利門西北爲神樂署東向大門三間中疑禧殿五  
間後顯佑殿七間凡奉祀協律各廨舍均連檐通脊  
分設廊廡中西爲犧牲所大門三間南嚮房九十三  
間中祀 犧牲之神後爲官署東西列屋以飼牲牽  
外垣內西南鐘樓一

宸垣識畧

卷九

十四

馮廷櫬春杪集神樂觀送同年之官詩尺五天邊  
春晝晴同遊南陌麴塵生客來彌勒龕中坐詩向  
桃花潭上成文苑千秋應作傳酒徒四海舊知名  
于今卻被閒人笑好事羅郎又送行

園丘 祈年殿共圍垣六重內垣高丈一尺址厚九尺  
頂厚七尺周千二百八十六丈一尺五寸外垣高丈  
一尺五寸址厚八尺頂厚六尺周千九百八十七丈  
五尺西向門二南北並列南入 園丘北入 祈年  
殿皆三門角門一



考按朱彝尊原書南城壇兆止載明代而不及金元考元史祭祀志中統十二年于麗正門外東南七里建祭臺設昊天上帝皇地祇位成宗卽位始爲壇于都城南七里則知元之郊壇亦在城南又考析津志郊天臺在京城之南五里卽金大定時拜郊所建然則原書載在郊坳金之拜郊臺者卽是也今所述緣起于此以存金元壇兆舊典而其詳則見于郊坳云

又按明代泰元門內有崇雩壇今則雩祭之禮皆

宸垣識畧

卷九

五

于 園丘敬謹將事至泰元門迤東今惟建設神庫祭器庫及宰牲亭井亭其崇雩壇不復存矣

明黎民表雨後經天壇沙河詩平沙雨濕草茸茸  
白玉高壇紫翠重馬上行人看不厭石廊流水遶  
疎鐘

天壇井泉甚甘冽居人收汲焉

王士禎竹枝詞京師土瓜少甘泉顧渚春芽枉費  
煎只有天壇石磬好清波一勺買千錢

天壇生龍鬚菜又益母草羽士煉膏以售婦科甚效



永定門在外城之正南

長元按永定門東扇屬南城西扇屬中城以街心  
分界

東城會館之著者東河沿曰奉新浮梁句容打磨廠曰  
粵東臨汾寧浦鮮魚口曰南康孝順胡同曰長沙長  
巷頭條胡同曰武林南昌汀州江右長巷二條胡同  
曰廣豐浦城涇縣長巷三條胡同曰金溪元寧臨江  
南城長巷四條胡同曰岳陽貴池上新德興新城南  
雄樂平休寧高廟胡同曰蕪湖深溝口曰江山高井

宸垣識畧

卷九

六

胡同曰寧州進賢五河鸞慶胡同曰襄陽粵西墻縫  
胡同曰瀘溪草廠頭條胡同曰廣州麻城金箔二條  
胡同曰邵武黃岡應城三條胡同曰南陵太平五條  
胡同曰寶慶仙裕黃梅六條胡同曰孝感七條胡同  
曰南安袁州惠州八條胡同曰辰沅漢陽九條胡同  
曰蘄州十條胡同曰上湖南湘潭長郡新開路曰常  
山曲沃安陸南蘆草園曰京江蓆兒胡同曰石埭德  
化廬陵大蔣家胡同曰貴州旌德雲間吉安小蔣家  
胡同曰陽平晉翼旌德永善胡同曰漳州東猪市大



街曰南康三里河大街曰淮安薛家灣曰鄞縣閭王  
廟前街曰宜黃雲夢石虎胡同曰嚴陵半壁街曰金  
華東小市曰慈谿崇文大街曰山東廣渠門內爐聖  
菴曰潞安補水窖胡同曰平鎮

宸垣識畧

卷九

三

宸垣識畧卷九







橋坊虎

中藏中

西坊

任家頭橋  
斗母宮

校殿鷄大小開趙厨  
尉若兒燕燕王追子  
營寺荐荐廟子營

中城  
指揮  
高臺街  
養羊宮  
靈佑宮

鮑家巷  
什兒  
蠟燭信  
崇興廟  
東岳廟  
城隍廟

粉坊街  
子堂  
潘家河沿  
賈家  
南堂子  
黑英溝  
四平園

菓子巷  
保安抱頭兵延福街  
寺街張兒馬兵馬司

半截  
爛麵  
史家  
教子  
法源寺  
法源寺  
法源寺

牛街  
糖房  
乾麵  
肉款  
關柵  
聖安寺

老君地  
右虎  
南燕閣  
街林廣

絨線  
黑絲坊  
千佛寺  
崇效寺  
古林院

先農壇  
卷聖佑

黑龍潭

陶然亭

龍泉寺  
大清觀

桃花坑  
金頂廟  
王皇廟

豆兒柳

火藥局

外城西南

卷十

新方口

西馬道

東馬道





宸垣識畧卷十

仁和吳長元太初氏輯

外城西

西月墻在西洞子門外至正陽橋形與東月墻同其傍城夾道曰帽兒棚

大街西邊市房後有裡街曰珠寶市曰糧食店南至猪市口又西半里許有裡街曰煤市橋曰煤市街南至西猪市口其橫胡同曰西河沿曰大柵闌曰大齊家胡同曰小齊家胡同曰王皮胡同曰蔡家胡同曰施

宸垣識畧

卷十

家胡同曰掌扇胡同曰雲岩寺胡同曰濕井胡同曰乾井胡同在煤市橋者東曰廊房頭條胡同二條胡同三條胡同西曰火扇胡同曰茗帚胡同曰炭兒胡同曰楊梅竹斜街在煤市街者西曰李紗帽胡同曰栢興胡同曰小馬神廟曰大馬神廟其東卽齊家諸胡同大柵闌西南斜出虎房橋大街內觀音寺前分街復并于此皆市廛旅店商販優伶叢集之所較東城則繁華矣

萬壽關帝廟在西河沿係舊刹 本朝爲中北二城分



界處

地藏菴在西河沿排子胡同有康熙二十年鼎一七聖祠俗名蝎子廟在火扇胡同

大弘廟在三眼井係舊址康熙三十六年僧明泐重建有大學士張玉書碑

延壽寺在西河沿五斗齋西南地名延壽寺街寺在遼金稱巨剎遼主嘗臨其地金人以棲道君及汴京所獲車輦悉置于寺意今琉璃廠皆昔之寺基明正統間太原僧湛然重建開渠得斷碑有延壽字可辨因

宸垣識畧

卷十

二

仍其名

松漠紀聞燕京蘭若相望大者三十有六然皆律院自南僧至始立四禪院曰大覺招提竹林瑞像延壽院主有質坊二十八所僧職有正副判錄或呼司空宋童貫蔡攸率師入燕號撫定勒碑于延壽寺紀功正乙祠在西河沿康熙五十一年建有檢討諸起新碑關帝廟在西河沿響閘橋俗名粗旗杆廟明舊剎本朝重修

湯右曾宣武門東城下曉行詩老去應官有底忙



未明先起攬衣裳人從鴉鵲聲中出路入輪蹄影  
裡長牖下已添新水勢城陰初散曉烟光隔河樓  
上花枝好尚護重衾半篆香

坂子廟在櫻桃斜街

觀音寺在大柵闌西名觀音寺街前殿有明成化丙午  
年鐘一

擡頭菴在觀音寺街後胡同內今比邱尼居之庭前古  
槐一株大數圍腹空而枝葉茂蔚數百年物也

火神廟在李紗帽胡同康熙年建明留守衛地

宸垣識畧

卷十

三

大學士朱文安軹邸在煤市街有

世宗御書朝堂良佐額

雲居寺在煤市街東雲居寺胡同係舊刹無碑碣

馬神廟在煤市街大馬神廟胡同有明萬歷間鼎一

玉極菴在王廣福斜街有明天啟三年鼎一 本朝康

熙間有御史張世圻重修碑

中城副指揮署在西猪市大街

萬善給孤寺在西猪市大街傳創自唐貞觀間 本朝

重修有順治十六年給事中史彪古康熙三年御史



方吉午二碑

施閏章給孤寺同季天紳作古寺陰陰五月涼郊  
壇松色上衣裳雲依初地從侵檻雨過高城各盡  
觴消渴茂陵甘寂寞棲遲金馬散清狂飄蓬聚散  
同爲客何處人間是醉鄉

大學士李文貞光地邱在西猪市大街有

聖祖御書夾輔高風額

準提巷在石頭胡同

萬佛寺在胭脂胡同

宸垣識畧

卷十

四

芥子園在韓家潭康熙初年錢唐李笠翁漁寓居今爲  
廣東會館

長元按笠翁芥子園在江寧省城有所刊畫譜三  
集行世京寓亦仍是名

五道廟在虎坊橋東北

考按五道廟旁有玉帝殿明兵部尚書新城王象  
乾撰記立石以斯地爲正陽宣武二門龍脉交通  
之地因括其意名其碑曰交龍碑

梁家園在十間房南明時都人梁氏建亭榭花木極一



時之盛地窪下有水可以泛舟後圯廢乾隆間卽其地建壽佛寺

王士禎過梁家園憶昔遊詩此地足烟水當年幾  
溯游故人皆宿草衰柳又驚秋門冷颼颼竄霜寒  
雁鶩愁永懷川上歎逝者竟悠悠昔與宋荔裳諸君泛舟于此  
壽佛寺卽梁家園乾隆四十四年僧蓮性募建

考按春明夢餘錄云梁園在京城之西南廢城邊  
引凉水河入其中今凉水河流經南苑由張家灣  
入白河在外城之外所稱引水故道不復存矣其

宸垣識畧

卷十

五

曰廢城蓋遼城也

長元按梁園近章家橋水道見宣武城河按語中

吳梅村寓居在虎房橋北魏染胡同

長元按康熙間湯少宰寓此集聯云旁人錯比揚  
雄宅異代應教庾信居手書懸于柱

孫少宰承澤故居在章家橋西名孫公園

朱彝尊集孫侍郎研山齋詩勝序愁初豁高齋近  
許過圖書留客少花藥閉門多興每耽邱壑衣從  
挂薜蘿千秋論述作出處本同科



興勝寺在十間房有明天啟二年銅鐘一 本朝康熙辛巳長洲汪士竝書禪逕清閒額懸之門楣

鐵老鶴廟在十間房僅屋一間祀關帝庭前古槐一有明嘉靖甲寅劉鐸碑又萬歷庚子鑪一殿鴟吻上設鐵雀二隨風旋轉以驅鳥巢故名

琉璃廠在西河沿南楊梅竹斜街之西內有琉璃窰本朝設滿漢監督董其事燒造五色琉璃瓦廠地南北狹而東西長約二里許

燈市向在東安門今散置正陽門外及花兒市琉璃

宸垣識畧

卷十

六

廠猶市集市諸處而琉璃廠爲尤盛廠前陳設雜伎鑼鼓聒耳遊人雜遝市肆玩好書畫時果耍具無不畢集自正月初四五至十六七而罷名曰光廠

勅建火神廟在琉璃廠東乾隆十年步軍統領衙門委官重修有兵部尚書忠勇公福隆安碑

仁威觀在琉璃廠明正統年建

王阮亭寓居在琉璃廠火神廟西夾道有藤花爲阮亭手植尚存

遼御史大夫李內貞墓在琉璃廠東



考按乾隆三十九年審廠取土掘得李內貞誌石以古墓復封識存其舊誌云遼故銀青榮祿大夫檢校司空行太子左衛率府率御史上柱國隴西李公諱內貞字吉美瀋人保寧十年六月一日薨于盧龍私第享年八十其年八月八日葬于京東燕下鄉海王村

大隱菴在鐵廠北口西河沿明嘉靖間建蓋餘姚鄉祠也有本朝康熙六十年重修碑

延壽菴在琉璃廠西明萬歷間重修皆內官鳩葺

宸垣識畧

卷十

七

永興寺在南柳巷寺門東向南行約五十步折而東有興仁寺南向其建置年月無攷

考按今南柳巷有永興庵門東向當卽寺之遺址興仁寺已廢

長元按今十間房有興勝寺疑爲興仁之訛

北營內北西守備署在宣武門外鐵廠

海波寺在清廠迤北其地名海波寺街今廢

朱竹垞寓居在海波寺街有古藤書屋

朱彝尊自禁垣移居宣武門外詩詔許携家具書



難定客蹤誰憐春夢斷猶聽隔城鐘

北極菴在清厰祀玄帝有明萬歷間朱之蕃碑

龍王廟在清厰無碑碣可考門外有巨潭蓋古刹也

永光寺在清厰西卽元大萬壽寺也曹洞下青州辨公居之有大萬壽寺開山傳法歷代宗師實蹟碑記文字磨泐又明正統十一年本山住持本恩立石昭化寺住持妙清碧潭篆額碑稱辨公居此湛然屏山二居士爲其上首外護湛然卽耶律文正王楚材屏山金李翰林純甫也寺有許道寧畫屏

宸垣識畧

卷十

八

元納新萬壽寺懷古詩皇唐開寶構歷劫抵金時絕妙青松障清涼白玉池長廊秋屨響高閣夜鐘遲獨有乘閒客扶藜讀舊碑

原按寺東清厰有巨潭易之詩所云清涼白玉池疑卽此

聞喜菴在趕驢市係聞喜人旅寓有康熙間重修碑

北城吏目署在椿樹三條胡同

四川營在虎房橋路西迤北爲四川石砮女帥秦良玉屯兵之所因名



明莊烈帝召賜女帥秦良玉詩蜀錦征袍手製成  
桃花馬上請長纓世間不少奇男子誰肯沙場萬  
里行

中營東南一守備署在四川營內棉花一條胡同

圓通菴在棉花五條胡同今比邱尼居之乾隆間重修  
有刑部尚書汪由敦碑

天仙菴在棉花九條胡同比邱尼居之

正覺菴在西草廠胡同比邱尼居之

施愚山寓居在鐵門今宣城會館

宸垣識畧

卷十

九

王士禎過宣城館詩暮天黃葉落一過西州門無  
復高人蹟空聞宿鳥喧新阡思挂劍舊館憶開尊  
南望澄江水誰招屈宋魂

北城正指揮署在菜市北鐵門

○仙露寺析津志云近菜市居民掘得石函乃遼世宗  
天祿三年所瘞中藏舍利無有匣如石槲而短小旁  
刻僧志愿記始知此地卽仙露寺遺址地名千人邑  
比邱尼皆曰邑頭陀記後有千人邑三字具列大遼  
皇帝皇后東明王夫人永寧大王燕國大王名



○元趙栗夫舊居在菜市街西今無考

元陳一夔贈趙栗夫詩菜市街西新卜居豆棚花  
蔓共蕭疎胸中富有書千卷誰笑家無擔石儲

南營遊擊署駐菜市口西

廣慧寺在宣武門外司家坑明嘉靖中太監劉成朱仲  
重修有余一鵬碑

玉虛觀在罐兒胡同有明胡濙李錦二碑其舊志金元  
碑無考

金有玉虛觀元有玉虛宮今之玉虛觀未審卽其遺

宸垣識畧

卷十

十

址否元一統志元玉虛觀在舊城仙露坊南有金戶  
部主事雲騎尉龐鑄二碑元叅知政事楊果碑

接待寺在炸子橋有明正德二年刑部尚書閔珪碑

松筠禪林在炸子橋明楊椒山先生故寓卽以祀焉

本朝乾隆四十九年重修

尤侗謁楊椒山祠詩諫草留遺石年年化碧痕悲  
風吹古木大鳥叫祠門青史平生事丹楹故國恩  
永陵北望在流涕向黃昏

朝慶禪林在椒山祠對門



三忠祠在上斜街明天啟四年敕建以祀沁水張忠烈  
公銓襄陵高忠節公邦佐大同何忠愍公廷樾三公  
皆山西人故額曰山右三忠祠三忠皆死于遼東王  
事左附祀明二十人右附祀 本朝六十四人  
順城門西河年例初伏洗象導以紅棍鳴鼓下鳴鑼起  
有官以隸其事兩岸觀者如堵

王士禎洗象行水關蒼蒼柳陰碧寶馬流蘇分絡  
繹日中傳呼洗象來玉河波射珊瑚赤須臾鉦鼓  
干雲霄萬夫聲寂如秋宵虎毛蠻奴踞象頂邱山

宸垣識畧

卷十

十一

不動何岩巖岸邊突兀二十四直下波濤若崩墜  
縱橫欲蹴鼉鼉宅騰達還成鵝鶴隊乍如昆明習  
鬥戰萬乘旌旗眼中見又如列陣昆陽城雷雨行  
天神鬼驚奴子胡旋氣迺壯忽沒中流躍巨浪撒  
波一躍萬人呼幡然却出層霄上今年宰相收夜  
郎扶南盤况求王章遠隨方物貢天闕屹然立仗  
金堦旁 聖朝自不貴異物致此亦足威遐荒黃  
門鼓吹暮復動海立山移呼浩洶大秦獅子多威  
神山林豈是天家珍



明正統五年翰林侍講劉球奏天雨連綿宣武街西河決漫流與街東河會合二水汎溢淹沒民居請修築以消其患仍會官計議于城外宣武橋西量作減水河以洩城中諸水上命工部右侍郎邵旻成國公朱勇勘視旻等稱言實具修築事宜以聞復命欽天監正皇甫仲和審視作減水河利否仲和言宣武門西舊有凉水河東城河南岸亦有舊溝皆可疏濬以洩水勢上是之

原按明成化中楊尚書鼎喬侍郎毅同袁叅將右

宸垣識畧

卷十

會勘稱三里河源出彰義門外玉匠局等處馬跑等泉則自西而東不知從何處流入劉忠愍所云凉水河及城河南岸舊溝亦不辨所在海波寺久廢其街之南有清厥潭上有龍王堂又南東爲章家橋又南爲虎房橋橋西南爲潘家河沿計新城未築時無地無水今其故道皆不可考矣

考按宣武門外橋東今有響水閘其明時所築減水河故道已不可考凉水河源出鳳泉詳郊垌門元劉崧順承門送別詩送客出城秋已涼太行南



上楚天長順承門外斜陽裡蕎麥花開似故鄉

○李將軍園在西城其遺址無考

徐乾學飲李將軍園詩宣武門西別業幽羣公載  
酒共銷憂石迴鸚鵡依雕檻泉噴珠璣入畫樓倚  
樹詩成欣暇日看山人醉坐深秋六龍正向榆關  
度留得陽和遍九州

○同園在西城今無考

查慎行上已後五日同園看花詩結鄰真喜近斜  
街步履尋春又一回五日重來光景換早花零落

宸垣識畧

卷十

三

晚花開 山桃含笑海棠妍素柰香清亦可憐小  
雨乍晴晴又雨今年天是養花天

長椿寺在土地廟斜街明慈孝皇后建以居水齋禪師  
其大弟子爲神宗替修賜千佛衣及姑裁衣各八百  
件米麥等物動千石有二庫以二中官專貯三宮布  
施金錢有滲金多寶佛塔高一丈五尺有萬歷中工  
部郎中米萬鍾書水齋禪師傳碑 本朝乾隆二十  
一年重修有兵部尚書宋德宜碑

長椿寺大殿旁藏佛像十餘軸中二軸黃綾裝裱一



繪九朶青蓮花捧一牌題曰九蓮菩薩之位明神宗  
母李太后也一繪女像具天人姿戴毘盧帽衣紅錦  
袈裟題菩薩號下注崇禎庚辰年恭繪烈皇帝生母  
孝純劉太后二圖不知何時安奉寺內今乃委積塵  
埃中

考按今祇女像戴毘羅帽一軸九蓮花一軸無並  
無字樣

明徐本高過長椿寺贈水齋上人詩涼秋新月影  
生苔古栢蒼蒼有徑開清楚數依祇樹起天花如

宸垣識畧

卷十

古

共妙香來三千遍界身能定七十餘年心未灰我

自朝衣淄欲染堂前童侍莫相猜

水齋號歸  
空名明陽

毛奇齡陪益都公長椿寺飯僧詩珠林高向帝城  
開臘日同登說法臺貝葉翻經龍聽去天花作供  
鳥啣來深厨香積維摩饌小品籤投殷浩才誰信  
經冬尋寶樹杪樞猶是舊時栽

查嗣堧雜詠詩跨鳳前身事不虛九蓮經授夢初  
回龍章鳳額招提遍不及慈寧聖母書

北營叅將署在宣武門外斜街



趙吉士寓居在長椿寺西今爲全浙會館內有景賢祠  
紫藤僧舍乾隆間茗上孫人龍作祠記仁和趙佑跋  
長元按孫記云館卽趙氏寄園考爲前明冉駙馬  
月張園遺址則今教子胡同所稱寄園豈趙氏另  
一別業耶又冉都尉月張園朱竹垞載阜成門傍  
城垣下此云卽其遺址殆傳聞之誤

都土地廟在土地廟斜街卽元之老君堂每月初三十  
三二十三日有廟市

聖恩寺在斜街東廣寧門大街遼開泰間重修有大悲  
宸垣識畧

卷十

五

閣閣後有方石甃八角塔今寺存而閣與塔俱無

析津志凡載昊天憫忠聖安等寺俱云在舊城而此  
寺亦云舊城則今之聖恩寺當卽唐時遺址無疑

增壽寺在廣寧門大街之北明敕建碑無考 本朝乾  
隆二十一年重修有

御書額

懺園在增壽寺夾道貫撫王燕別業今尚存

毛奇齡遊王大中丞園林詩攬勝覓佳園入門生  
隱心岩從雲外接人向洞中尋絕閣摩天豁空壇



負日陰恍疑臨塞峽騎馬度彈琴

居庸關有彈琴峽水聲如琴

復磴風前折陰崖雪後寒橋迴雙澗落石隙一

亭安翠柱遮行幔銀牀漱急湍林疎垂縷絡尚有

蔓胡蟠

西城正指揮署在廣寧門大街

大慈仁寺在斜街西廣寧門大街之北門額曰大報國

慈仁寺亦稱報國寺元時二松無存毘盧閣已久圯

矣 本朝乾隆十九年發帑重修有

御書聯額及詩碑寺有窰變觀音像相好莊嚴有

宸垣識畧

卷十

十六

御製記并詩每月逢五六日有廟市

燕都遊覽志大慈仁寺殿前二松相傳元時舊植臺

右一株尤奇寺後毘盧閣甚高望盧溝橋行騎歷歷

可數閣下窰觀音像高可尺餘寶冠綠帔手捧一梵

字輪相好美異僧云得之窰變非人工也

慈仁寺本爲周太后弟吉祥建而寺有成化二年御

製碑止云爲太后祝釐不及吉祥蓋當時尚諱言其

事唐應德詩云同行更說前朝事繡蟒銀魚有故僧

至歸熙甫作記始詳言之寺建于故報國寺山門之



東都人至今目爲報國寺然實非報國寺舊址也  
慈仁寺亦呼報國寺蓋先有報國寺在寺之西北隅  
今僧院中尚有遼乾統三年尊勝陀羅尼石幢

考按今報國寺西北隅有寺無額土人呼爲小報  
國寺遼幢無考

施閨章慈仁寺松詩直欲凌風去翻從拂地看摧  
殘經百折偃仰鬱千盤老閱山河變陰兼日月寒  
支離爾何意不厭卧長安

尤侗清明日登毘盧閣詩滿城土雨踏青難梵閣

宸垣識畧

卷十

十七

岩堯一倚闌北闕雲開燕市近西山日落漢陵寒  
蒼松骨老龍鱗動綠柳腰低燕語殘斗酒雙柑休  
惜醉春風不易到長安

高珩九日獨登報國寺閣詩野色橫今古西風滿  
帝州山寒雲外出水遠日邊流萬象秋皆靜浮生  
倦亦休長松幽意愜少爲夕陽留

○槐樓在報國寺左武清侯李偉別業今無考

廣德寺在宣北坊慈仁寺之左殿階東有匡山釋宗材  
碑文稱寺係古刹明正德間重修嘉靖六年太監金



允等塑香花菩薩于殿中今鐘鼓樓皆圮矣

善果寺在宣武門外西南二里白紙坊舊名唐安寺創于南梁明天順間復建有修撰嚴安理太常卿張天瑞禮部尚書周洪謨光祿少卿李紳四碑 本朝順治十七年

世祖章皇帝臨幸其地有康熙十一年大學士馮溥碑考按善果寺在廣寧門大街北巷內

馮溥九日登善果寺毘盧閣詩寶閣峻嶒俯 帝京芙蓉西望削初成龍窺方丈三更雨天假重陽

宸垣識畧

卷十

六

一日晴入眼黃花矜晚節舉頭鴻雁惜歸程茱萸剩有仙人佩池草何緣寄遠情

歸義寺在善果寺西遼刹也天王殿前一碑無撰書人姓氏額題彌陀邑特建起院碑文稱寺肇自清寧七年買徐員外地遂爲歸義寺

考按善果寺西半里有菜圃遼碑在焉倚晴閣雜抄謂其地卽歸義寺以碑考之似別爲一寺而歸義寺乃在其北買徐員外地云殆誤讀耳

歸義寺在舊城時和坊內有大唐再修歸義寺碑幽



州節度掌書記榮祿大夫檢校太子洗馬兼侍御史  
上柱國張冉撰畧曰歸義金剎肇自天寶迫以安氏  
亂常金陵史氏歸順特詔封歸義郡王兼總幽燕節  
制始置此寺詔以歸義爲額大中十年庚子九月立  
石

考按歸義寺朱彝尊所引諸書俱以爲遼剎考析  
津志則寺實建于唐遼時石幢久淪土中 本朝  
乾隆十九年土人于菜園掘得之記二篇今置善  
果寺內

宸垣識畧

卷十

十九

查慎行歸義寺詩地作隣人業苔侵破廟堦兩三  
碑背字猶記會同年

○紫金寺在宣武門外迤西寺門西向有明嘉靖三十  
二年尚寶卿李圻碑謂寺始建于宋云

考按紫金寺已廢其遺址在善果寺東南百餘步  
明李圻碑今移在西便門大街華藏菴門外橫卧  
道左離故處里許矣

○晚翠閣顧俠君寓居近西便門

查慎行顧庶常招飲晚翠閣詩萬卷書多插架仍



肯教輕棄短檠燈簾前涼以三更雨屋裡清于六月水朝爽不名名晚翠閒官何似似高僧依稀宜北坊西角鴻爪留泥我亦曾

西城吏目署在西便門內

西便門在外城之西北隅

華藏庵在西便門大街

○一莖菴在西便門內 本朝龔尚書芝麓別業所改  
內有妙光閣香林亭

湯右曾過妙光閣詩披蘇香門入穿雲小閣登松

宸垣識畧

卷十

二十

間耿殘照天外刷秋鷹勝節清游數流年百感增  
西風重九日吹灑酒三升

○遼大昊天寺故基在西便門大街之西今已廢爲農圃有寶塔無考惟井泉尚存

昊天寺遼刹也碑記無一存者訪之惟萬歷間山陰朱敬循一碑其建置本末俱不詳塔址已爲居民所侵寺門一井泉特清冽不下天壇夾道水也

遼道宗喜作字秦越大長公主捨棠陰坊第爲大昊天寺帝爲書碑及額在燕京舊城



元王惲登昊天寺寶嚴塔詩高標直上跨蒼穹物  
外方知象教雄九陌市聲開曉色兩都喬木動秋  
風遙憐漢馬屯湘渚安得長書附塞鴻寂歷村墟  
野烟外誰家簾幙夕陽紅

王士禎柬陳藹公于昊天寺詩重來依老衲蘭若  
倚西城白日一何速青山無世情冢中王輔嗣林  
下古先生好共蟬連語寧論世上名

寺考多古  
冢故戲及

朱竹垞寓居在槐市斜街

朱彝尊移居槐市斜街詩莎衫桐帽海樓鞋隨分

宸垣識畧

卷十

三

琴書占小齋老去逢春心倍惜爲貪花市住斜街  
屠門菜市費羸驂地僻長稀過客談一事新來  
差勝舊昊天寺近井泉甘

槐籬查初白寓居在槐市斜街

查慎行十月望後周桐野王樓村過槐籬看菊留  
小飲詩老瓦盆中花十本上槐街裏屋三間眼前  
此景殊不俗輦下幾人能愛閒我已掀泥除蘚徑  
客方冒雨叩柴關寒林瘦竹蕭蕭意着片疎籬卽  
故山



○婆娑亭飲山亭在彰義門內元馬文友別墅今無考  
廣寧門在外城之西元名彰義門

寶應寺在廣寧門東南地名南燕角相傳唐刹也有明  
萬歷中編修顧秉謙碑又萬歷三十二年鐘一旁有  
明司禮監王安墓

義嵐禪林在老君地康熙初年建

○燕角樓在府西南十五里遼建今其地猶名燕角  
考按遼燕角樓今無考惟土地廟之西其地猶有  
燕角兒之名閣讀如藁更考明張爵五城坊巷胡

宸垣識畧

卷十

三

同集于白紙坊亦載有燕角兒正在廣寧門右安  
門內西南角是明一統志所載正指其地况遼時  
城址其半在今外城之西則今燕角之地適當其  
東遼時樓址或卽在是

白紙坊南城諸坊白紙坊最大元于此設稅副使北自  
善果寺南至萬壽宮西極天寧寺皆是也自嘉靖築  
新城以城牆界之坊劃而爲兩矣今居民猶以造紙  
爲業

千佛寺在棗林街明嘉靖間重建有明碑一



崇效寺在白紙坊有明夏子開區大相二碑謂寺建于唐貞觀元年者祇據舊碑其所載他書不可考也嘉靖中太監李朗于寺中建藏經閣尚存

王士禎過崇效寺訪雪塢法師看棗花詩祇園棗花時招携共游散彷彿旃檀林吹香綠陰滿射覆叱來來樂府歌纂纂樂此淡忘歸林中文陽緩玉謝居東日頗愛支道林亦有雁門僧宗雷並招尋我來空寂舍一契山水心復有二三子清言滌煩襟遞捉玉麈柄流憇青松陰何必嶮縣遊而憶

宸垣識畧

卷十

三

廬山岑

朱彝尊崇效寺詩繚垣途轉曲入寺淖初乾尚有殘僧在同尋斷碣看白花秋細細紅棗曉攢攢更上荒臺望遙山五髻盤

曇花寺在崇效寺西北明建

聖壽寺在崇效寺後相傳唐刹無碑碣可考

古林院在白紙坊祀關帝前有戲臺蓋里社祠也有明

萬歷二十年鐘一

火藥局在白紙坊西南



右安門在外城南之西

南營西南二守備署駐右安門牛街

禮拜寺在牛街回人所居內碑碣皆回部書

聖安寺在牛街東聖安寺街金時所建明正統中賜名普濟 本朝乾隆四十一年發帑重修額曰勅重建古刹聖安寺內殿額皆

御書舊有三世佛像三尊今移 靜明園供奉又旃檀銅佛像一尊今移于 寧壽宮供奉其他像皆重塑莊嚴完好寺東廊有碑二其一前刻旃檀佛像有諸

宸垣識畧

卷十

十四

表臣記後刻達摩像有李言贊其一前刻觀音像後刻關帝像俱勒萬歷己丑八月字明僧慶德碑無考惟張壽朋碑尚存寺有古松二株俱百餘年物獨兩楸樹則無之金元碑俱無考

聖安寺有金世宗章宗二朝像朱竹垞云考宋顯夫城南俚歌有停驂惆悵聖安寺後堂空祀李宸妃則寺所留像不獨二帝矣

聖安寺地名東湖柳村中有佛像三諸天像四以藤爲胎泥金裝飾瓔珞甲冑俱嵌珊瑚青金諸寶石莊



嚴精好寺僧云明崇禎時大內賜出

宋犖夏日柳湖僧舍詩向夕微風起遙天片月斜  
禪宮添闕寂 帝里得烟霞小院搖清碧長楸落  
晚花西山還對我空翠浩無涯

寄園在菜市西南教子胡同康熙中戶科給事中趙吉  
士別業今存老屋數間樹木甚古

查慎行九日遊趙恒夫寄園詩縈成曲磴疊成岡  
高着樓臺短着墻花氣清如初過雨樹陰濃愛未  
經霜熟遊不受園丁拒放眼從驚客路長亦有東

宸垣識畧

卷十

三

離歸不得四年京洛共重陽

沈德潛移居寄園詩屋角時聞噪晚鴉土墻一帶  
任周遮行人欲認詩人寓老樹邨邊第二家 苔  
垣舊剩玲瓏句土室新安曲盞牀莫話寄園全盛  
事酒旗歌扇已滄涼

○竹林寺遼道宗八年楚國大長公主捨私第爲寺賜  
額竹林又曰金熙宗駙馬宮也寺僧云一塔無影

考按竹林寺明景泰中重建易名法林在筆管胡  
同今廢爲菜圃有天順間翰林學士呂原碑其塔



已無可考

永慶寺在教子胡同今尚存殊隘陋有鐘一上鑄萬歷壬寅五月字

憫忠寺在菜市西南爛麩胡同之西唐貞觀十九年建東西有兩塔高可十丈是安祿山史思明所建明正統中改名景福本朝雍正九年發帑重修

賜額曰法源寺有

世宗御書聯額又御製法源寺碑內閣學士禮部侍郎勵宗萬奉 敕書乾隆間有

宸垣識畧

卷十

三六

皇上御書心經碑四十三年重修

唐太宗憫東征寺卒戰亡收其遺骸葬幽州城西十餘里爲哀忠墓又于幽州城內建憫忠寺中有閣諺曰憫忠高閣去天一握

考按唐時幽州鎮城遺址在今外城之西及廣寧門外地故寺在其東采師倫書重藏舍利記稱寺在于城東門內百餘步又景福元年碑亦云大燕城內地東南隅有憫忠寺門臨康衢可互證也今則在外城之西隅矣廊下石刻及磚塔俱無考



蘇靈芝書寶塔頌今在憫忠寺

是碑陷文甚多  
朱竹垞有案

采師倫正書重藏舍利記在京師憫忠寺碑建于唐會昌六年九月此初復佛寺之文也

考按累朝遺碣如唐蘇靈芝書寶塔頌景福元年重藏舍利記及遼大安間觀音地宮舍利函記金大定間禮部題名記諸碑皆足以資考證

元張翥登憫忠閣詩百級危梯遡碧空憑闌浩浩納長風金銀宮闕諸天上錦繡山川一氣中事往前朝僧自老魂來滄海鬼猶雄只憐春色城南苑

宸垣識畧

卷十

七

寂寞餘花落舊紅

王士禎九日獨游憫忠寺詩閒居愛重九獨往果幽尋初地凭高閣諸天落梵音雁王投極浦鹿女蹋空林玉輦經行地青松馳道深

魏之琇游憫忠寺詩琳宮深邃栢蒼蒼懺佛臺因古國殤妙法有源逢 聖世孤忠堪憫惜唐皇老

僧戒約温而厲寺係律門游客詩情慨以慷莫向殘碑

說安史景山鼙鼓更淒涼

宋謝枋得被魏天祐強赴燕京問謝太后攢所及瀛



國公所在再拜慟哭已而卧病遷憫忠寺見壁間曹娥碑泣曰小女子猶爾吾黨不汝若哉不食而死明景泰中謚曰文節

明袁繼成燕都弔謝疊山詩北風塵起征車促南火傷心不再噓三敗猶還仲母在兩旬忍餓漢臣如歸降當日原無表却聘留今只有書天使先生沈卜市建陽橋亦首陽居

明御史趙譔祠在憫忠寺西崇禎甲申殉難墓在祠後乾隆間謚忠愍

宸垣識畧

卷十

天

○尉使君寺北魏元象元年幽州刺史尉長命造後改爲智泉寺唐則天時改爲大雲寺開元中改龍興寺在憫忠寺前隋造塔藏舍利處

考按元一統志唐大中時節度使張信伸奏立精舍并東西浮圖曰殊勝曰永昌賜額延壽遼保寧中建殿九間窮極偉麗金海陵天德三年爲宮世宗大定二十一年命有司別錫地重建今無考

○綿山寺在憫忠閣西

○靈虛觀在憫忠寺前蝦蟆岸內有古槐今俱無考



○白馬寺在宣南坊憫忠寺南地名添官保隋刹也殿後尊勝陀羅尼幢上刻仁壽四年正月上旬造明洪熙間重建有翰林學士張元楨工部尚書張文憲二碑其東有僧塔塔前有古碑已爲侵占者所毀矣今寺已圯其地名白馬寺坑明碑尚存

朱彝尊白馬寺詩仁壽千年寺今存半畝宮落鐘橫道北瓦塔限墻東客至愁嗥犬僧寒似蟄蟲夕陽留未去雙樹烏呼風

火神廟在白馬坑西明宣德四年建元火焰營舊址也

宸垣識畧

卷十

五

有明碑二 本朝乾隆間重修有編修茅元銘碑

○靜寧寺在都城之南北已久明天順間內監潘英爲之重建賜額崇福有翰林學士商輅碑又播陽釋道源碑今已圯廢土人尚目之曰新寺

原按萬歷初孝定皇太后營造愈衆而一經修建寺額輒更如憫忠靜寧相去甚邇同更曰崇福後人之考證實難

○宏仁萬壽宮明萬歷四十三年勅建中爲文昌殿左以祀諸葛孔明封號曰天樞上相右以祀文信國封



號曰天樞左相皆目之曰真君祀雷神于後殿設禮  
斗臺最後建高閣十三楹曰太極造運寶閣以安昊  
天上帝有神宗御製碑

考按宏仁萬壽宮在盆兒胡同之西遺址僅存無  
寸椽矣土人猶呼爲萬壽東宮因其西百餘步尚  
有萬壽西宮也文昌像及諸葛孔明等像俱移于  
盆兒胡同玉皇廟內

徐乾學玉皇閣詩崇臺臨廣陌列館俯平臯片水  
寒烟積千峯秋靄高苑墻獵騎過津樹野鷗號落

宸垣識畧

卷十

三

葉崇仙竈殘霞冑客袍蒼然收塊莽靜若遠城壕  
旅鬢繁霜換流年逝水溜得閒頻載酒乘興卽揮  
毫公子江籬佩佳人金錯刀書鞭殊未已臘屐不  
言勞莫忘城南飲今朝意氣豪

萬壽西宮在盆兒胡同西明萬歷間建今尚完整有關  
帝殿呂祖殿其後斗姥閣三層高四五丈亦有神宗  
御製碑

長元按廟額書關帝廟神宗御製碑係封關聖爲  
翊天大帝其萬壽西宮之稱乃土人因在萬壽宮



西而名之耳

○城南道院在望遠村東去陶然亭二里

查慎行移寓城南道院納涼詩不信人間有鬱蒸  
好風來處晚涼增滿城鐘磬初生月隔水簾櫳漸  
吐燈書少只宜高閣度墻低聊當曲闌憑白鬚道  
士休相避我已身如退院僧

○樵沙道院在城南查慎行詩云樵沙古道院風氣清  
瀏瀏入門樹干霄檜栢榆槐楸蓋古刹也今無考

玉皇廟在盆兒胡同明萬歷中建有光祿少卿史紀事

宸垣識畧

卷十

三

碑 本朝順治十四年重修

世祖章皇帝臨幸其地有大學士金之俊碑

蓮花寺在七井胡同

水月禪院在爛麵胡同建置年月無考有順治十六年  
西洛王無咎書額

京師二月淘溝穢氣觸人南城爛麵胡同尤甚深處  
各二丈開時不通車馬此地在憫忠寺東唐碑稱寺  
在燕城東南隅疑爲幽州節度使城之故濠也

考按爛麵胡同在宣南坊所稱唐碑卽憫忠寺條



下所載景福元年重藏舍利碑也唐幽州節度使  
城其址半在今外城之西則城濠故址或當在此  
○怡園在橫街西七間樓康熙中大學士王熙別業中  
有額曰席寵堂曰耆年碩德曰曲江風度皆  
聖祖御賜今亭館已圯其地析爲民居矣

毛奇齡怡園詩山莊清沐駐驂驪曲徑通街出巷  
南纔到射堂門啟處門紗映出一山藍 青溪百  
折泐流低不見桃花路已迷欲向岩前尋舊迹漁  
舟尚在洞門西 赤闌斜度暗杉關樹底吹笙鶴

宸垣識畧

卷十

三

自還行過摘星岩畔望紅亭高出碧雲間 小雨  
初過景倍清山堂設饌午烟晴綠腰唱罷彈俱歇  
滿耳惟聞流水聲 草花續樹晚猶生石棧連雲  
斷復行怪道午橋風景別一花一石手經營 平  
門近市亘修廊西北高樓傍粉牆桂檻下臨光德  
里柳絲低拂永豐坊

長元按七間樓在橫街南半截胡同口卽怡園也  
相傳爲嚴分宜別墅其北半截胡同有聽雨樓則  
東樓別業今歸查氏又王氏青箱堂在米市胡同



關帝廟北今歸胡大司寇其宗祠在繩匠胡同南  
外爲民居有王氏宗祠四字磚刻尚存

查慎行集聽雨樓詩白髮春垂暮紛紛日校書忽  
聞傳尺牘招我過園廬簾引新雛燕牀拋舊佩魚  
此中饒勝賞大可賦閒居

大學士陳文簡

元龍

邸在繩匠胡同北有

聖祖御書愛日堂額西有園亭通北半截胡同

關帝廟在米市胡同南明天啟乙丑年內官建有大學  
士顧秉謙碑又 本朝康熙間鼎鑪一寺僧云

宸垣識畧

卷十

三

聖祖嘗幸其地故廟中門不開

會同四譯館在橫街中

華嚴菴在四譯館東係舊刹無考

千佛寺在橫街中

張相公廟在延旺廟街舊係關帝廟 本朝康熙二十

二年蕭山紳士重建祀文武二帝暨宋封浙江潮神  
靖江王張公有少詹事周之麟碑

保安寺在米市胡同東保安寺街明正統年賜額有嘉  
靖間右通政郭秉聰 本朝乾隆間釋通理二碑



玉皇廟在保安寺東明崇禎二年建

元帝廟在驟馬市明建今爲收稅局前宇祀馬神有

本朝順治間大學士王熙禮部尚書劉廷玉二碑門外東西半里許每日黎明貨賣舊物名西小市

晉陽菴在潘家河沿南口內有銅觀世音像高三尺餘下有欵識云大唐貞觀十四年尉遲敬德造黎秘書民表隸書古佛菴三字極工後像移置稽山會館

考按古佛菴在受水塘像自晉陽菴移彼復移稽山會館在虎坊橋東今浙紹鄉祠也旁有眼藥菴

宸垣識畧

卷十

三

供銅大士一尊并善才龍女銅質甚古潤並無尉遲敬德欵識或係後人更換或本屬相沿附會之說朱原書未考

崇興寺在粉坊街北口崇興寺胡同明天順四年勅建有成化二十年磬二今比邱尼居之

響鼓廟在崇興寺南亦古刹也踞高阜前後神宇各三楹有萬歷間磬一

黑窖廠爲明代製造甄瓦之地本朝均交窖戶備辦此廠遂廢其地坡壠高下蒲渚參差都人士登眺往



往而集焉

長元按今廢窰上建真武殿三楹翼以小屋道人  
居之路口有靈官閣坡徑紆迴盤折而上可以眺  
遠名曰窰臺夏間搭涼篷設茶具重陽後葦花搖  
白一望彌漫可稱秋雪亦城南一勝地也

沈德潛九日同人黑窰廠登高詩崇岡突兀俯南  
城木落寒林眼倍明雙闕參差佳氣合三關層疊  
暮雲橫風霜慘澹重陽節燕趙悲歌終古情況有  
酒人同會合一杯便欲酌荆卿

宸垣識畧

卷十

三

龍泉寺在黑窰廠西不知創于何時有明謝一夔碑載  
成化間僧智林修復爲溜流掛錫之地 本朝康熙  
間僧海巒重修

太清觀在龍泉寺南地名珠營明萬歷間建無碑今圯  
廢惟山門尚在羽士居之

慈悲庵在黑窰廠南近城垣西偏爲陶然亭北院內有  
遼壽昌五年慈智大德師佛頂尊勝大悲陀羅尼幢  
并記又庭前有金天會九年四月石幢四面各鏤佛  
像其三隅刻咒文皆西域梵書而標以漢字曰淨心



法界陀羅尼觀音菩薩甘露陀羅尼智炬如來心破  
地獄陀羅尼惟一隅漫漶僅辨年月則招提勝境由  
來舊矣

陶然亭康熙乙亥江郎中溱所建取白居易詩更待  
菊黃家釀熟與君一醉一陶然今士大夫恒于此讌  
集焉

湯右曾秋日登大悲庵後亭詩石幢重到訪遺經  
秋色蒼然落此亭鴻雁影低連古堞蒹葭聲冷繞  
迴汀如絲氣上龍泓白滿月光搖佛髻青願證諸

宸垣識畧

卷十

三

天菩薩戒自今刀几謝羶腥

杭世駿詩溪風吹面蹙晴瀾葦路蕭蕭鴨滿灘六  
月陶然亭子上葛衣先借早秋寒

○刺梅園在南城近黑龍潭今無考

曹貞吉游黑龍潭還過刺梅園詩刺梅花未發有  
約故人來落葉紛如夢松風對舉杯城陰春似水  
石磴雨生苔三徑遙相待蓬門盡日開

○封氏園在南城有古松相傳金源時物今無考

查慎行過封氏園飲矮松下詩刺蘼花外矮松前



指點遊踪廿四年枝亞平行妨翠鬣杖端摩頂透  
青天與誰作伴人先老閱世如流我獨憐賣却朝  
衫充一醉免教歸欠酒家錢

長元按同園刺梅園疑卽李將軍封氏二園俟考  
黑龍潭在先農壇西偏有龍王亭亦爲祈禱雨澤之所  
乾隆三十六年命工鳩治修飾整潔

京師有三黑龍潭一在城西畫眉山一在房山縣一  
在南城黑窩廠其潭一方池爾水涸時中有一井以  
石甃

宸垣識畧

卷十

三

施閏章九日同人集黑龍潭以偶病未赴詩長安  
雲物易爲秋九日羣登傍浦樓雷雨此中生絕壑  
蒹葭何處有孤舟西山倒影當尊酒大漠悲風試  
客裘誰信少文懷五嶽良時偏卧不同遊

徐乾學集黑龍潭詩城南仙館問幽踪陶穴人家  
路幾重古堞寒雲連絕塞高壇深樹祀先農絳霄  
九奏看翔鶴碧甃千年起蟄龍宴坐繩牀無一事  
洞門餘靄落青松

○祝家園在先農壇西左都御史祝氏別業今無考



王士禎同人招集祝氏園詩黃門休沐暇池館愜  
招尋人語碧苔徑鶴鳴修竹林微風交落絮流水  
澹春陰坐愛儵魚樂悠然濠上心

趙作舟同人集祝園詩誰憐濠濮意酒罷獨登樓  
蒸動知魚樂花飛入客愁無心同止水何地不虛  
舟芳草美人暮驚風吹未休

毛奇齡姬曼殊詩堦草銜虛檻亭榴接斷垣酒闌  
携錦瑟請唱祝家園

西河注云梁尚書清標有祝家園桂枝香詞姬最愛歌之

都城隍廟在橫街之東先農壇西北 本朝康熙年建

宸垣識畧

卷十

三

內塑城隍行宮每歲清明中元十月朔日都人迎賽  
祀孤

東嶽廟在都城隍廟東 本朝建有順治丙申內翰林

劉澤芳乾隆丁酉編修曹學閔二碑

○野鳧潭在祈穀壇西北積水十餘頃四時不竭每旦  
有野鳧游泳其間因名之

查慎行詩潭潭積潦浸城隈不長菰蒲長水落我  
夢江湖歸未得野鳧何事却飛來

○南園在虎坊橋南爲崑山徐司寇乾學別業今遺址



無考

徐乾學奉邀說巖先生同姜朱二翰林虎坊別墅  
宴集詩半歲苦淹病病起乍行藥眷焉思所欽蹤  
跡久寥濶市南虎坊園幽居帶林薄雅堪延野色  
憑眺有茵閣相期展塵事竟日共盤礴巾車方及  
門高駕俄趾錯青絲挈春釀促坐成小酌極望郊  
壇樹微風韵遙鐸驚沙白皚皚流靄青漠漠人生  
俯仰間適志原無著伊予經宿疴盤辟類繫縛翼  
大不能運如彼雕陵鵲託契惟沉冥縈懷但邱壑

宸垣識畧

卷十

三

稷禹佐明時巢許欣有託己能齊鵬鷃詎復岐龍  
夔粲粲濩澤公開濟負偉畧枯枝廢雕鏤不材終  
瓠落潛見理則殊奚煩更咨度何爲王僧孺只解  
京華樂吳歛讓邊筑蓴羹比羊酪二君聽我言盃  
落大嗚喙幸得張東門無爲詠場藿

萬明寺在虎坊橋東南香廡爲元水浙庵遺址 本朝  
康熙間重建殿宇壯麗稱巨剎焉

眼藥菴卽浙紹鄉祠之旁室明時稱稽山會館在虎坊  
橋東菴內古銅大士像傳是晉陽庵移置者



仁壽寺在先農壇北顯德廟遺址也明萬歷元年伏牛山行者真玉卓錫于此內官張朝因宮女陳秋香聞之仁聖太后遂捐貲屬司禮監馮保建寺有李廷機劉效祖二碑今無存 本朝乾隆間士民重修殿宇甚完整

靈佑宮在先農壇北仁壽寺之東舊爲十方道院明萬歷癸丑司禮監魏學顏闢地數十畝建閣一爲殿五請于朝賜護國靈佑宮有大學士葉向高碑 本朝乾隆間重修

宸垣識畧

卷十

四

天仙廟在靈佑宮西本宮內旁殿今爲他羽士居之

施閨章天仙宮尋徐善長詩城東仙觀遠白日到人稀移病從開卷官閒肯息機青蘿深石壁高樹隱郊扉却許論詩客淹留坐不歸

中城正指揮署在鷓兒胡同

斗姥宮在天橋西康熙年建有

聖祖御書普慈延壽閣二額三十四年翰林侍講學士高士奇碑四十四年翰林侍讀學士查昇碑今士民重修甚完整



真武廟在斗姥宮東建于明代 本朝康熙間重修有翰林編修左敬祖碑

先農壇一名山川壇在正陽門外西南永定門之西與天壇相對繚以垣墻周回六里中有天神壇地祇壇太歲壇先農壇藉田俱在其內

先農壇制方南向一成方四丈七尺高四尺五寸四出陛各八級東南爲瘞坎壇北爲殿五間以藏 神牌東 神庫西 神厨各五間左右井亭各一東南爲觀耕臺方廣五丈高五尺面甃金磚四圍黃綠琉璃南宸垣識畧

卷十

聖

東西三出陛各八級繞以石闌柱前爲藉田後爲具服殿五間南向三出陛南九級東西各七級東北爲神倉中廩制圓前爲收穀亭左右倉十有二間後爲祭器庫繚以周垣南門一每歲親耕有 御製三十六禾詞被樂人歌之

徐本 聖主躬耕藉田恭紀旭日旌旗輦路分肇開東作邁思文燃蕭默祝千村雨秉黛深鋤一片雲柳漸鳴鳩春意滿杏初飛燕午風薰袞衣成禮臨黃幄次第公卿致力勤 鳳城環繞綠疇多羣



仰躬耕駐玉珂兆姓盡知敦本意老農齊唱得  
年歌兩岐定見舒新麥同穎欣看長瑞禾帝德  
天心相契合豐登寰宇共誠和

張湄 聖主躬耕藉田恭紀蒼龍勤夙駕元鳥協  
春聲土潤蒲芽淺香霏杏樹晴枝燈融絳蠟貝闕  
吼華鯨下界祥光動東方曉氣清風雷爭啟蟄日  
月會飛旌嶽嶽青壇立昫昫綺陌橫民依先本計  
帝力率深耕仗外耰耨集星前劍佩迎落花侵  
輦道新柳拂帷城禮自三推始躬爲百辟程子

宸垣識畧

卷十

聖

來終御畝寅亮法天行葱菁遵途熟朱紘映旭明  
扇和風翕習含澤水晶瑩樵燎看旁達禾歌取載  
賡咨諏紆睿顧望幸愜輿情干耦田功發雙岐  
地秀呈豈惟馨黍稷迄用美坻京化洽羣侯仰膏  
流品物亨隴烟翔雉羽村暖悅鷓鳴伐鼓遙村社  
吹簫小市錫佳辰過冷節比戶賜香秔洋溢呼嵩  
韻殷勤獻曝誠夏畿猶有諺堯德不容名瑞表金  
穰異鑿迴玉步鏗葩雲追蓋遠翠矧傍輪平禁苑  
行觀刈郊宮幾奉盛靈山傳甕現好雨襍珠傾快



慰豚蹄祝潛消箕舌征苗畬由 寶訓庾廩寄蒼  
生共坐春臺上欣隨木向榮

太歲殿在先農壇之東北正殿七間南向三出陛各六  
級東西廡各十有一間前爲拜殿七間東南燎鑪一  
壇內垣南北東西各三門

明初肇祀太歲禮官禱議因及陰陽家說十二時所  
直之神太祖乃定祭于山川壇之正殿而以春夏秋  
冬四月將分祀兩廡嘉靖間禮臣言太歲之神自唐  
宋以來不在祀典惟元有之祭于太史院國朝始有  
定祀按說文太歲木星也一歲行一次十二辰而一  
周天其爲天神明矣亦宜設壇露祭

宸垣識畧

卷十

聖

神祇壇在先農壇內垣外之東南正南三門繚以重垣  
東爲

天神壇制方南向一成方五丈高四尺五寸五分四  
出陛各九級壇北設青白石龕四鑊以雲龍各高九  
尺二寸五分祀 雲雨風雷之神壇方二十四丈高  
五尺五寸墼正南三門六柱東西北各一門二柱柱  
及楣闔皆白石扉皆朱櫺西爲



地祇壇制方北向一成廣十丈縱六丈高四尺四出  
陛各六級壇南設青白石龕五內鑲山形者三祭  
五嶽五鎮五山之祇鑲水形者二龕下四圍鑿池祭  
則貯水祭 四海四瀆之祇各高八尺二寸壇東從  
位石龕山水形各一祭 京畿名山大川之祇西從  
位石龕山水形各一祭 天下名山大川之祇各高  
七尺六寸壇方二十四丈高五尺五寸壇正北三門  
六柱東西南各一門二柱柱及楣闕皆白石扉皆朱  
櫺

宸垣識畧

卷十

四

明嘉靖九年改定風雲雷雨神牌次序曰雲雨風雷  
上曰雲雨風雷天神也嶽鎮海瀆地祇也城隍人鬼  
也焉可雜于一壇而祭之議以城隍之神歸于本廟  
于常祭外添祭一壇

壇垣東門外北爲

慶成宮南向正殿五間崇基石闕前左右三出陛各九  
級後殿五間左右配殿各三間正殿前時辰牌石亭  
一內宮牆南三門東西掖門各一外宮南中三門左  
右各一門東南鐘樓一外垣周一千三百六十八丈



東向門二南北並列南入先農壇北入太歲殿皆三門角門一

○旗纛廟在太歲殿之東明永樂中建神曰旗頭大將曰六纛大神曰五方旗神曰主宰戰船之神曰金鼓角銃砲之神曰弓弩飛鎗飛石之神曰陣前陣後神祇五猖等衆皆南向旗纛藏內府仲春遣旗手衛官祭于廟霜降祭于教場歲暮祭于承天門今廟廢

觀音寺在先農壇南近永定門建于明萬歷中崇禎時王應魁鑿井施茶今井存有編修魯元寵碑

宸垣識畧

卷十

四

佑聖菴在觀音寺南

西城會館之著者西河沿排子胡同曰江夏三眼井曰婺源延壽寺街曰潮州長元吳柴兒胡同曰鄱陽楊梅竹斜街曰含和廊房三條胡同曰浮梁施家胡同曰青陽煤市街曰漳郡乾井胡同曰贛寧百順胡同曰晉太平王廣福街曰汾陽新建留守衛曰高安石頭胡同曰黃巖西猪市曰潞安贛寧奉天九江平定仁錢翼城浙紹李鐵鍋斜街曰襄陵三原延定肇慶外郎營曰瓊州韓家潭曰廣東櫻桃斜街曰貴州章



家橋曰渭南朝邑玉皇廟曰富平梁家園曰惜字孫  
公園曰泉郡鐵老鶴廟曰大荔蒲城麻線胡同曰郢  
中南柳巷曰建寧華州北柳巷曰南豐青厰曰廣西  
鳳翔漢中四川營曰延安四川海寧椿樹頭條胡同  
曰績溪龍谿二條胡同曰永春邵陽仇家街曰雷陽  
驛馬市曰中州三晉直隸鐵門內曰宣城順城門大  
街曰關中才盛翼城韓城歙縣直隸建昌咸長撫臨  
永濟香爐營頭條曰江山上斜街曰山右將軍頭條  
曰雲南山左土地廟斜街曰全浙彰義門大街曰洪  
銅河東貴州江甘儀爛麩胡同曰常昭南半截胡同  
曰元寧北半截胡同曰吳興繩匠胡同曰中州休寧  
延旺廟街曰雲南保安寺街曰豐城河間奉新羊肉  
胡同曰奉新賈家胡同曰江震潘家河沿曰齊魯橫  
街曰全浙淮安南下窪子曰鄞縣粉坊街曰延平廉  
州天津下窪子曰福州福清東磚兒胡同曰浦城牛  
血胡同曰巴陵鶴兒胡同曰平介補外郎營曰潮州

涇陽

宸垣識畧卷十

宸垣識畧

卷十

異




宸垣識畧 卷十一卷十二

星

地110  
934  
36







西山圖卷十一



宸垣識畧卷十一

仁和吳長元太初氏輯

苑圃

南苑在都城南二十里永定門外元爲飛放泊明永樂時增廣其地周垣百二十里我朝因之設海戶一千六百人各給地二十四畝春蒐冬狩以時講武長元按高士奇云明永樂間繚以周垣百六十里育養禽獸又設二十四園以供花果內有三水故以海名

宸垣識畧

卷十一

南苑繚垣一萬九千二百八十丈爲九門正南曰南紅門東南曰迴城門西南曰黃村門正北曰大紅門稍東曰小紅門正東曰東紅門東北曰雙橋門正西曰西紅門西北曰鎮國寺門內海子五

考按朱彝尊所引明一統志稱南苑繚垣一萬八千六百六十丈中有海子三者實未詳考

南苑總尉一人正四品防禦八人正五品屬奉宸苑

大紅門

亦稱北紅門

內更衣殿南向門殿二層舊有南苑官

署房三層共十八間



舊衙門行宮在小紅門西南建自前明 本朝順治中  
重葺門殿四層皆有

御書聯額後殿東爲蔭榆書屋西爲西書房南爲書室  
平臺樓之東另一官門內殿二層後爲佛室

晾鷹臺在南海子內高六丈徑十九丈有奇周徑百二  
十七丈本元仁虞院凡

大閱例于晾鷹臺舉行

張英南苑講武恭紀時平講武近岐陽甲冑蒐春  
出建章洛水旌旗周甫草西京詞賦漢長楊御圍

宸垣識畧

卷十一

二

雲氣成龍虎天廐星精本驪霜畫戟雕弓森羽衛  
射生羣與奉 君王

金德瑛南苑大閱恭紀組練飛馳捷羽翰城南草  
淨列營寬六師盡識尊尊誼萬乘親升將將壇鼓  
角濤喧驚野外旌旗雲合映林端正當雪積霜凝  
候挾纊恩深士不寒

齊召南南苑大閱恭紀禡牙金甲照南山軍令  
重瞳曉自頒三陣指揮天地合百年清晏虎貔閒  
笳風羽箭千鷗落苑雪桃花萬馬還共說 至尊



雄略盛御園親取大弓彎

雙柳樹在海子居中之地舊有古柳二株先後凋枯隨時補植並蒙題咏有水一道爲飲鹿池崑崙石在池之西四面勒

御製南苑雙柳樹暨春雲海戶謠雜言東偏石幢勒甲子年題句

長元按南苑西苑暢春圓明等處宮室亭臺歷年御製題咏甚多茲不能備列惟已勒石者則謹舉其目焉

宸垣識畧

卷十一

三

南行宮在南紅門內里許門對苑牆宮門二重前後殿二層後殿額曰暢遠襟

新衙門在鎮國寺門內約五里許建自前明門殿三層宮門前鐵獅子二上鐫延祐元年十月製元時物也後殿東爲裕性軒古秀亭西爲澹思書屋陶春室皆御書聯額

團河行宮在黃村門內六里許宮門內前殿額曰璇源堂後殿額曰涵道齋別室爲鑿止書屋皆

御書 東所大宮門內有東西配殿九間房河中殿宇



平臺石板房石亭水柱房六方亭河亭圓亭 六方亭在北山之上額曰鏡虹河亭接苑墻之南其下卽團泊之水流向苑外團河迤邐而入鳳河者也圓亭額曰雲隨

西直門外高粱橋之北宮門內爲 倚虹堂堂西二里許爲

樂善園

舊爲康親王園亭

門北向內跨小溪南爲穿堂東向日意外味轉石徑而南爲於此賞心內爲含清齋東爲瀟碧北爲約花闌南有軒爲雲隨波動 含清齋對

宸垣識畧

卷十一

四

河敞宇爲池月岩雲中穿堂爲翠微深處內爲蘊真堂南爲氣清心遠別院有室曰鸞舉軒垣外是爲園之南門

於此賞心之西南爲又一村左有亭爲攬衆翠 意外味之西穿堂爲得佳賞西爲蘭秘室爲環青亭碧蘭秘室之北有亭爲賞仁勝地

園門內有樓爲冲情峻賞東北爲紅半樓其旁峙岩上者爲踞秀亭 冲情峻賞之西南有室爲畫所不到東爲掛長虹再東爲蔭林宅岫內爲古歡精舍



園門以西臨河敞宇爲自然妙有西室爲風湍幽響  
再西有軒爲詩畫間爲玉潭清謚亭爲箇中趣亭北  
敞宇爲坐觀衆妙西出河口折而南有室爲致灑然  
接宇爲光碧涵暉東曰遠青無際爲雲林畫意再東  
有軒爲心乎湛然折而南爲綠雲間

樂善園西八里許路北設關門長衢列肆曰萬壽街  
從此北達 暢春園

暢春園在南海淀大河莊之北繚垣一千六十丈有奇  
本前明戚畹武清侯李偉別墅

宸垣識畧

卷十一

五

聖祖因故址改建爰錫嘉名  
皇上祇奉

慈闈于此因在 圓明園之南亦名前園

宮門內有小河環繞中爲

九經三事殿殿後二宮門中爲 春暉堂後爲垂花門  
內殿曰壽萱春永後倒座殿爲嘉蔭兩角門中爲積  
芳亭正宇爲雲涯館後度橋循山而北有河池南北  
立坊曰玉澗金流門內爲瑞景軒爲林香山翠後爲  
延爽樓樓後河上爲鳶飛魚躍亭稍南爲觀蓮所左



爲式古齋齋後爲綺榭

考按園內築東西二隄長各數百步東堤曰丁香西堤曰蘭芝西堤外別築一堤曰桃花東西兩堤之外大小河數道環流苑內出西北門五空闡達垣外東經水磨村趨清河西流則由馬廐注入圓明園自宮門至此爲暢春園中路

王鴻緒 賜遊暢春園恭紀西嶺千重水流成裂  
帛湖分支歸 御苑隨景結蓬壺玉凍凌波迥瑤  
臺入漢孤上林曾有賦于此見真圖 湖映千林

宸垣識畧

卷十一

六

綠山圍一苑青花間開鳳閣樹杪出龍亭香氣無  
邊散鶯聲不斷聽更看幽絕處魚網掛烟汀

蔡升元 賜遊暢春園恭紀高齋凌碧漢甲觀俯  
清漪靜檻無遺照澄淵豈易窺燕閒仍典籍苑囿  
亦茅茨儉德尤堪紀規模百世師 若比武陵源  
尤堪避俗喧桑麻新闢野桃李儼成村列肆符天  
市平疇接禁園吾 君遊息處念念在黎元

胡會恩 暢春園侍宴恭紀黃綸夙戒下瑤天遴  
集儒臣禁苑前曉月聯鑣三事後薰風鳴珮五雲



邊晝長緩遞花間漏宮靜惟聞柳外蟬清切尙方  
調玉膳年來三度渥瓊筵 畫鷁蘭旌曲岸隈乘  
查真向御溝來舟移碧島千林靜身在冰壺一鏡  
開不盡清輝含草樹無邊佳氣拂樓臺雲牕四面  
芙蓉發高燕香浮白玉杯

張廷瓚 暢春園引見恭紀西山蒼翠護 宸居  
簪珮趨承到玉除地接平疇觀稼穡牕迎深綠擁  
圖書柳絲細織春烟外鶯囀初調晝漏餘身入上  
林深闕地揮毫獻賦愧相如

宸垣識畧

卷十一

七

雲涯館東南過板橋爲劔山上爲蒼然亭下爲清遠  
亭由山東轉爲龍王廟過清遠亭沿堤而南河上有  
門西向日廣渠門內爲 澹寧居前爲

聖祖御門聽政選館引見之所後爲

皇上舊時讀書處

大東門北山循河西上爲淵鑒齋後臨河爲雲容水  
態左廊後爲佩文齋齋後西爲葆光東爲蘭藻齋  
淵鑒齋之前水中殿宇爲藏暉閣閣後爲清籟亭  
佩文齋之東爲養愚堂爲藏拙齋 淵鑒齋東過小



山口北有府君廟府君像如星君  
旁殿奉呂祖像

查慎行淵鑒齋乘舟至瑞景軒蕊珠院露華樓徧  
觀各種牡丹恭紀宣喚欣承異數加高從雲漢泛  
仙槎行陪閨苑神仙侶看徧春風穩重花濃淡何  
心隨造化丹青難貌是韶華旃檀別殿分明到只  
作華胥好夢誇 艷極真宜過雨看枝頭肅肅尙  
朝寒盤盂向背開瓊扇瓔珞高低現寶鬢白日光  
中雲五色明波濯處錦千端天邊頃刻成新瑞點  
出靈砂九轉丹 萬卉千葩未覺凋掃宮老監記

宸垣識畧 卷十一 八

牙籌薌林不斷通三島花海無邊際十洲佳氣茵  
葢蒸作霧餘霞縹緲結成樓蕊珠一本尤奇絕徑  
尺重臺兩並頭 瑤階釵砌望迴環映徹層層著  
色山 御譜新標題品外花名九十餘  
種皆 御定佳名微別  
淺深間心如草木春知閨天並 君王霽在顏一  
片爐烟成百和袖中攜得國香還

蘭藻齋東北山後西宇為疏峯循岸而西臨湖為太  
樸軒東石徑接小東門溪北為清溪書屋導和堂西  
穿堂門外為昭回館 清溪書屋西為藻思樓竹軒



清溪書屋雍正間改  
恩佑寺奉 御容導和堂東穿堂門卽 恩佑寺  
佛殿後也

恩佑寺建于苑之東垣內山門東向外臨通衢門內  
跨石橋有正殿配殿寺右爲 恩慕寺爲

孝聖祝釐之所殿宇規制與 恩佑同

考按自劔山至此爲暢春園東路

春暉堂之西出如意門過小橋爲玩芳齋山後爲韻  
松軒

勵杜訥韻松軒卽事詩一過紅橋便有亭勝于蓬

宸垣識畧

卷十一

九

島隔滄溟當堦十畝翻紅藥入望千峰擁翠屏  
文鱗縱壑任逍遙鶴唳清音徹絳霄俛仰濠梁聊  
自適荷風微度遠香飄

二宮門出西穿堂門爲買賣街南垣外爲船塢門內  
別宇曰西墅接無逸齋東門

由船塢西行數武跨河上爲韻玉廊西爲松篁深處  
自右廊入爲無逸齋門內正殿爲問安憩息之所西  
廊內爲對清陰廊西爲蕙畹芝原

查慎行無逸齋看新竹恭紀地闢琅玕塢天通箭



栝門烟霄連別苑雷雨過前軒簌簌風開籜洄洄  
水注根移栽初尙淺培護久能繁惜笋寧充饌抽  
稍盡出藩幾年成翠幕一徑轉蒼垠潤滴莓苔砌  
高扶薜荔垣涼陰清有氣新粉淨無痕直節人皆  
見虛心道亦存律堪調鳳吹名豈愧龍孫好報平  
安信休孤長養恩親從天上看不羨白沙村

無逸齋北郭門外南爲菜園數十畝北則稻田數頃  
齋後稍東有關帝廟

聖祖御書額曰忠義過板橋方亭爲蓮花岩對河爲松  
宸垣識畧

卷十一

十

栝闡廟後爲娘娘殿殿臺方式建水中

考按松栝闡河之東卽蘭芝堤西岸卽桃花堤

凝春堂在淵鑒齋之西東爲純約堂其右河廳爲迎

旭堂 純約堂東爲招涼精舍河廳之西爲轉灣橋

北圓門爲憩雲 迎旭堂折而北爲曉烟榭河岸以

西爲松栝室額曰翠岩山房左爲樂善堂別院有宇

爲天光雲影 松栝室後臨河爲紅葉亭白天光雲

影後廊登山東宇爲綠牕山北爲回芳墅紅葉亭東

爲秀野亭自回芳墅北轉山口水榭閣爲葉珠院



額曰憑虛暢襟 藥珠院北埠上層臺爲觀瀾榭東  
河廳爲坐烟棹臺榭後爲蔚秀涵清爲流文亭 藥  
珠院西過紅橋爲集鳳軒軒前連房九楹中爲穿堂  
長元按乾隆戊辰九月大西門樓集侍衛校射  
上親發二十矢中十九矢有集鳳軒紀事詩勒石

齊召南大西門觀 御射恭紀 曠曠初日照西山  
百尺樓開紫翠間 御苑經寒欣草淺秋風講武  
值農閒虎熊的畫君臣鵠鴻鷺墀分左右班何幸  
此時叨侍從大弓親覩 至尊彎 騶虞聲節九

宸垣識畧

卷十一

十一

相當五色雲環 御葢黃但聽舉旌權破的真看  
隨手會穿揚百年禮樂乾坤泰萬國車書日月光  
神武祇應崇不殺仰占弧矢直天狼 侍臣如  
堵並呼嵩巧力分明不可同容節中和 天子射  
弛張高下 聖人弓會聞作賦誇雙兔更說題詞  
數六熊何似我 皇能百中間臨矍相教羣工  
射罷還揮七寶鞭驪躡蹠躡過橋前千峯金碧明  
流水萬樹丹黃寫遠天豈爲從禽矜羽獵祇緣祭  
獸應秋田由來武事關 文德好憶岐陽刻石年



穿堂門北正殿稍左爲月崖右爲錦波亭度河橋西爲俯鏡清流 穿堂門西出循河而南爲大西門延樓其外卽西花園馬廐 集鳳軒後河橋西爲闌口門闌口北爲小西門北一帶延樓自西至東北角西樓爲天馥齋自東轉角樓再至東面中樓爲雅玩齋天馥齋東爲紫雲堂堂之西過穿堂北爲西北門卽苑墻也

考按自玩芳齋至此爲暢春園西路

西花園在 暢春園西前臨河正殿爲

宸垣識畧

卷十一

三

討源書屋後殿宇爲觀德處

沈德潛敬和 御製討源書屋元韻玉泉山色滿

林園澗水依然夾道奔花亞雕闌紅破萼苔侵鈿

砌綠添痕龍飛鳳舞欽 皇祖有聖春露秋霜

感 聖孫一月萬川澄印處周情孔思見真源

園西南門內爲承露軒後廈爲就松室東有龍王廟西北有門卽西花園之大北門也內正宇五楹後室舊稱爲東書房其右爲 永寧寺詳郊後爲船塢寺西爲虎城爲馬廐再西爲閱武樓



西花園之前有荷池沿池分四所爲 皇子所居曰南所東所中所西所俱有正殿正室

圓明園在掛甲屯之北距 暢春園里許爲

世宗藩邸 賜園園名

聖祖御書

世宗有圓明園記

今上製圓明園後記俱勒石

園內爲門十八南曰大宮門曰左右門曰東西夾道門曰東西如意門曰福園門曰西南門曰水閘門曰

宸垣識畧

卷十一

三

藻園門東曰東樓門曰鐵門曰明春門曰隨牆門曰藥珠宮門西曰隨牆門西北曰北樓門爲閘三西南爲一空進水閘東北爲五空出水閘爲一空出水閘大宮門前輦道東西皆有湖是爲前湖 二宮門爲出入賢良門內爲

正大光明殿後爲 壽山殿東爲洞明堂正大光明東爲

勤政親賢殿東爲飛雲軒靜鑑閣其北爲懷清芬又北爲秀木佳蔭後爲生秋庭靜鑑閣東爲芳碧叢爲



保合太和正殿後爲富春樓東爲竹林清響殿後有湖亦稱前湖正北爲圓明園殿後爲奉三無私殿又後爲

九州清晏殿東爲天地一家春西爲樂安和又西爲清暉閣閣前爲露香齋左爲茹古堂爲松雲樓右爲涵德書屋

徐本甘霖普降 特召大學士內廷翰林圓明園泛舟恭紀甘霖昨喜徧郊畿 詔許新晴覽翠微萬井膏腴方被澤一園草木已含暉波隨權影初

宸垣識畧

卷十一

十四

生穀涼沁荷香暗襲衣幸奉良遊瞻 聖藻疇咨念念切民依

彭啓豐甘霖普降 賜圓明園泛舟恭紀上林風景畫圖工倒影樓臺萬象中秀簇方壺瞻眺遠恩深太液泳游同涼颺拂處榆槐綠綺浪翻時菡萏紅仰觀 宸章親灑翰作舟還重濟川功 宵旰殷懷若雨暘 萬幾遊覽悅時康臣鄰一德觀元化禁近承恩覲 帝光繞楫鳧鷖淡容與忘機鷗鷺共游翔欲知圖繪幽風意早盼黃雲稻隴香



介福甘霖普降 賜圓明園泛舟恭紀篆烟刻漏  
日長時雨霽涼生太液池躍浪文魚依檻近凌風  
沙鳥度舟遲垂楊影裏瞻 天藻流水聲中進小  
詩盛典幸逢 幾暇候銜恩均托上林枝  
鏤月開雲在富春樓之後卽紀 恩堂北爲御蘭芬鏤  
月開雲後有池一區池西北爲

天然圖書樓北爲朗吟閣又北爲竹邁樓東爲五福堂  
迤北爲竹深荷靜東南爲靜知春事佳又東渡河爲  
蘇堤春曉由五福堂渡河而北山阜旋繞內爲

宸垣識畧

卷十一

十五

碧桐書院殿宇三重西巖上爲雲岑亭書院之西爲  
慈雲普護前殿南臨後湖其北樓宇上祀觀音下祀關  
帝東爲 圓明園昭福龍王殿西臨湖有樓爲  
上下天光後爲平安院西折而南度橋爲

杏花春館西北爲春雨軒西爲杏花村南爲礪壑餘清  
春雨軒後東爲鏡水齋西爲抑齋又西爲翠微堂杏  
花春館之西度碧瀾橋爲

坦坦蕩蕩前爲素心堂後爲光風霽月堂東北爲知魚  
亭又東北爲萃景齋西北爲雙鶴齋其南爲



茹古涵今南向後方殿爲韶景軒前爲茂育齋西爲竹香齋又北爲靜通齋茹古涵今之南爲

長春仙館門殿三重後爲綠蔭軒西廊後爲麗景軒長春仙館之西爲含碧堂後爲林虛桂靜左爲古香齋東有閣爲抑齋林虛桂靜東稍南爲墨池雲爲隨安室長春仙館迤西爲藻園內爲曠然堂爲貯清書屋曠然堂東池上爲夕佳書屋北爲鏡瀾榭東南爲凝眺樓懷新館西北爲湛碧軒西南爲湛清華

萬方安和在杏花春館西北建宇池中形如卍字度橋宸垣識畧

卷十一

六

稍北石洞之南爲

武陵春色池北軒爲壺中日月長東爲天然佳妙其南廈爲洞天日月多佳景武陵春色之西爲全碧堂東南爲小隱棲遲堂後由山口入東爲清秀亭西爲清會亭北爲桃花塢塢西爲清水濯纓室又西稍北爲桃源深處塢東爲綰春軒軒東北爲品詩堂

山高水長樓在萬方安和西南西向後擁連岡前帶河流中央地勢平行凡數頃北度橋梵刹一區爲月地雲居前殿方式四面後有樓東爲法源樓又東爲



靜室西度橋折而北爲劉猛將軍廟循山徑入爲  
鴻慈永祐卽安祐宮前琉璃坊左右華表南爲月河橋  
又東南爲致孚殿安祐門前有白玉橋內爲安祐宮  
殿敬奉

聖祖 世宗神御西北爲紫碧山房前爲橫雲堂山房  
東岩洞中爲石帆室東南爲豐樂軒北爲霽華樓迤  
東爲景暉樓橫雲堂西池上爲澄素樓爲引溪亭鴻  
慈永祐東垣外徑連岡三重度橋而東則

彙芳書院內爲杼藻軒涵遠齋齋前西垣內爲翠照樓  
宸垣識畧  
東垣內爲倬雲樓又東爲眉月軒倬雲樓南爲隨安  
室又東敞宇爲問津逾溪橋有石坊爲斷橋殘雪

日天琳宇在彙芳書院之南西前樓下之正宇也其制  
有中前樓中後樓西前樓西後樓各有穿堂中前樓  
南有天橋與樓相屬天橋東爲燈亭西前樓南爲東  
轉角樓西轉角樓中前樓之東垣內八方亭爲楞嚴  
壇又東別院爲瑞應宮前爲仁應殿中爲感和殿後  
爲晏安殿東南稻田彌望河水周環中有田字式殿  
凡四門東北面皆有樓北樓爲



澹泊寧靜東爲曙光樓殿東山門外爲扶翠樓西門外  
別院內爲多稼軒東臨稻畦爲觀稼軒爲怡情悅目  
爲稻香亭又東北爲溪山不盡爲蘭溪隱玉多稼軒  
西池南爲水精域西爲靜香書屋爲招鶴磴池後東  
北爲寸碧西北爲引勝正北爲互妙樓河西爲  
映水蘭香東南爲釣魚磯北爲印月池池北爲知耕織  
爲濯鱗沼西南爲貴織山房以祀蠶神東北爲  
水木明瑟稍西爲文源閣上下各六楹閣前有巨石名  
玲峯西爲柳浪聞鶯西北環池帶河爲

宸垣識畧

卷十一

六

瀛溪樂處後爲雲香清勝東垣爲芰荷深處折而東北  
爲香雪廊其東樓爲雲霞舒卷樓北亭爲臨泉南爲  
薰芳總春之廟殿額爲蕃育羣芳東北樓爲香遠益  
清西爲樂天和爲味真書屋又西爲池水共心月同  
明廟東沿山徑出爲普濟橋迤北對稻塍爲  
多稼如雲前爲芰荷香東稍南爲湛綠室東北爲  
魚躍鳶飛東爲暢觀軒西南爲鋪翠環流樓南有室爲  
傳妙又南出山口爲多子亭魚躍鳶飛之東禾疇彌  
望河南北岸彷彿農居村市者爲



北遠山村北岸石垣西偏爲蘭野後爲繪雨精舍其西南爲水村圖又西有樓前爲皆春閣後爲稻涼樓又西爲涉趣樓右爲湛虛書屋西南有室臨河西向爲西峯秀色河西峯巒峻峙爲小匡廬後有龍王廟東爲含韻齋爲一堂和氣東南爲自得軒後垣東爲嵐鏡舫西爲花港觀魚西峯秀色迤東東西船塢各二所北岸爲安瀾園正宇曰

四宜書屋東南爲荏經館又南爲采芳洲後爲飛睇亭東北爲綠帷舫四宜書屋西南爲無邊風月之閣爲宸垣識畧

涵秋堂爲烟月清真樓樓西稍南爲遠秀山房樓北度曲橋爲染霞樓

長元按安瀾園倣海昌陳氏園名之荏經館采芳洲飛睇亭綠帷舫無邊風月之閣涵秋堂烟月清真樓遠秀山房染霞樓并正宇四宜書屋爲安瀾園十景

方壺勝景在四宜書屋之東臨池樓宇也南建坊二座其北樓宇爲噉鸞殿爲瓊華樓噉鸞殿東爲葉珠官南船塢有龍王廟西北爲三潭印月又西北度橋爲



天宇空明爲澄景堂堂東爲清曠樓西爲華照樓  
澡身浴德在福海西南隅卽澄淵榭南爲含清暉北爲  
涵妙識折而西向爲靜香館又西爲解愠書屋西南  
爲曠然閣北度河橋爲望瀛洲其北爲深柳讀書堂  
爲溪月松風

平湖秋月有福海西北隅正宇西爲流水音東北出山  
口臨河爲花嶼蘭皋折而東南度橋爲兩峯插雲又  
東南爲山水樂其北爲君子軒爲藏密樓

蓬島瑤臺在福海中央門南向正殿前東爲暢襟樓西  
宸垣識畧  
卷十一  
爲神仙三島東偏爲隨安室西偏爲日日平安報好  
音由蓬島瑤臺東南度橋爲東島有亭曰瀛海仙山  
西北度橋爲北島正宇

接秀山房在福海東隅後爲琴趣軒北爲澄練樓爲怡  
然書屋爲尋雲樓稍東佛堂爲安隱幢南爲攬翠亭  
接秀山房之南有敞宇依山臨河爲

別有洞天西爲納翠樓西南爲水木清華之閣稍北爲  
時賞齋別有洞天迤西爲

夾鏡鳴琴南爲聚遠樓東爲廣育官前建坊座後爲凝



祥殿宮東爲南屏晚鍾又東度橋爲西山入畫爲山  
容水態夾鏡鳴琴之西爲湖山在望爲佳山水爲洞  
裏長春

涵虛朗鏡在福海東卽雷峯夕照正宇其北爲惠如春  
爲尋雲榭又北爲貽蘭庭爲會心不遠其南爲臨衆  
芳爲雲錦墅爲菊秀松蕤爲萬景天全

廓然大公在福海西北隅平湖秋月之西正宇前爲雙  
鶴齋西北爲規月橋東北爲綺吟堂又北爲採芝徑  
又北經岩洞而出爲峭蒨居北垣門外有樓爲天真  
宸垣識畧

卷十一

三

可佳峭蒨居西爲披雲徑又西爲啓秀亭西稍南爲  
韻石淙西北平臺臨池爲芰荷深處垣外爲影山樓  
雙鶴齋西爲環秀山房西北爲臨湖樓

長元按雙鶴齋規月橋綺吟堂採芝徑峭蒨居天  
真可佳披雲徑啓秀亭韻石淙影山樓爲廓然大  
公十景

坐石臨流在澹泊寧靜之東溪水周環軒宇東向其東  
南當碧桐書院正東爲

麴院風荷西佛樓爲洛迦勝境麴院風荷之南跨池東



西橋九空枋楔二西爲金鰲東爲玉蝀金鰲西南爲  
四圍佳境玉蝀東爲飲練長虹又東南度橋折而北  
設城關爲寧和鎮其南爲東樓門麴院風荷之北爲  
同樂園層樓南向前爲清音閣東爲永日堂中有南  
北長街街西爲抱璞草堂街北度雙橋爲舍衛城前  
樹枋楔三城南面爲多寶閣內爲山門正殿爲壽國  
壽民後爲仁慈殿又後爲普福官城北爲最勝閣  
洞天深處在如意館西稍南前宇乃 諸皇子所居爲  
四所東西二街南北一街前爲福園門四所之西爲

宸垣識畧

卷十一

三

諸皇子肄業之所前爲前垂天殿中爲中天景物東  
爲斯文在茲後爲後天不老

長元按 圓明園

御製四十景各有小序并詩今自正大光明至洞天深  
處凡另行頂寫者卽四十景之目也

長春園本 圓明園東垣隙地舊名水磨村依長春仙  
館命 名園內諸河之水東出七空開灌溉稻田  
官門內正殿爲

澹懷堂後爲衆樂亭後河北敞宇爲雲容水態西稍南



爲長橋雲容水態西北官門內爲舍經堂後爲淳化軒東西廡嵌

御定淳化閣帖石刻後爲蘊真齋額曰禮園書圃舍經堂東爲霞翥樓額曰味腴書屋爲淵映齋堂西爲梵香樓爲涵光室澹懷堂以西濱河水石之間爲

菴園門西向內爲朗潤齋東爲湛景樓又東爲菱香泚朗潤齋有石立于門內爲青蓮朶

卽宋德壽宮芙蓉石

齋東南

山池間爲標勝亭又東南爲別有天西北爲韻天琴南角門外別院爲委宛藏是爲八景有

宸垣識畧

卷十一

三

御製詩勒標勝亭西壁又

御製重摹梅石碑置青蓮朶側詩

園後河北岸爲思永齋北爲山色湖光共一樓齋東別院爲

小有天園引西湖汪氏園也思永齋西南河外爲得全閣南爲寶雲樓齋北水滙中有圓式樓宇三層爲海岳開襟四旁枋楔各一海岳開襟東北爲諧奇趣東爲法慧寺山門樓殿凡二層有

御書額東爲實相寺山門殿閣凡三層有



御書額 由實相寺度城關而東迤南爲交翠軒爲熙  
春洞北爲愛山樓爲澤瀾堂愛山樓東北爲平疇交  
遠風爲轉湘帆平疇交遠風之東爲叢芳榭爲琴清  
齋叢芳榭之東爲

獅子林八景曰獅子林虹橋假山納景堂清閨閣藤架  
磴道占峯亭又續題八景曰清淑齋小香幢探真書  
屋延景樓畫舫雲林石室橫碧軒水門 獅子林之  
南爲玉玲瓏正宇爲正誼明道北爲林光澹碧東爲  
鶴安齋西爲蹈和堂

宸垣識畧

卷十一

十四

鑑園之後有船塢由鑑園北山徑折而東爲 東官  
門樓宇東向外爲護河有石橋

如園在鑑園西南內爲敦素堂北稍東爲冠霞閣爲明  
漪樓由如園山徑西行卽澹懷堂之東垣門

清漪園在萬壽山麓 圓明園西二里許臨昆明湖  
宮門東向兩石梁下爲溪河左右單門內爲

勤政殿有

御製座右銘萬壽山昆明湖記 殿後北達怡春堂西  
爲玉蘭堂北爲宜春館館西爲樂壽堂前有大石鐫



御題青芝岫二字東曰玉英西曰蓮秀

長元按青芝岫卽明米萬鍾所運大石置良鄉者  
樂壽堂後折而西爲方池池北爲樂安和西爲長廊  
達石丈亭西北爲養雲軒餐秀亭亭後石壁勒

御書燕臺大觀四字西爲無盡意軒稍北爲圓朗齋無  
盡意軒之後爲慈福樓樓西爲 大報恩延壽寺詳

峒

羅漢堂後爲寶雲閣閣西爲邵窩爲雲松巢又西  
爲澄暉閣東南有三層樓額曰山色湖光共一樓西  
爲聽鸞館館西爲石丈亭爲石舫舫北有樓爲延清

宸垣識畧

卷十一

五

賞西爲曠觀齋又西爲水周堂 自此以北建城關  
關上有樓奉關聖循城北折而西爲園之西門  
怡春堂後城關以北爲

惠山園內池數畝池東爲載時堂北爲墨妙軒內貯三  
希堂續摹石刻墻壁間嵌墨妙軒法帖諸石園池之  
西爲就雲樓稍南爲澹碧齋池南折而東爲水樂亭  
爲知魚橋就雲樓之東爲尋詩徑徑側爲涵光洞迤  
北爲霽清軒軒後有石峽其北卽園之東北門

長元按惠山園倣無錫秦氏寄暢園也載時堂墨



妙軒就雲樓澹碧齋水樂亭知魚橋尋詩徑涵光  
洞爲園中八景

惠山園西爲雲繪軒東爲迎綠軒後爲隨安室又西  
爲花承閣閣之左爲多寶琉璃塔下有碑勒

御製頌 西北度橋爲城關又西折而北爲園之北樓  
門在萬歲山之北門外以南爲長橋 長橋南佛寺  
三座曰須彌靈境曰善現寺曰雲會寺 雲會寺北  
爲構虛軒爲繪芳堂西南爲清可軒西爲味閒齋齋  
北爲綺望軒繪芳堂北隔河爲嘉蔭軒

宸垣識畧

卷十一

三

官門前東西二堤廓如亭繡漪橋

詳見  
郊坰

界湖橋之北爲景明樓樓西南湖中爲藻鑑堂堂西  
湖岸爲暢觀堂西北湖中圓城爲門四其上爲治鏡  
閣閣北湖岸爲延賞齋

長元按延賞齋左右廊嵌耕織圖石刻河北立石  
勒耕織圖三字

靜明園在玉泉山下康熙十九年建初名澄心三十一  
年更今名康熙雍正間嘗 閱武于此  
宮門南向內正殿爲



廓然大公殿北臨後湖湖中爲

芙蓉晴照西爲虛受堂堂之西山畔有泉爲

玉泉趵突上爲龍王廟

考按玉泉從山根仰出噴薄如珠寶與趵突之義

允合詳見 御製記中

泉上碑二左刊天下第一泉五字右刊

御製玉泉山天下第一泉記龍王廟南循石徑入爲

竹籬山房南爲開錦齋後爲觀音洞賞遇樓觀音洞南

爲真武廟爲呂祖洞旁爲雙關帝廟廟南爲

宸垣識畧

卷十一

七

聖因綜繪西爲寫流軒後爲層明宇又西爲福地幽居

爲冠峯亭迤西梵宇爲華藏海又西爲

繡壁詩態西爲

溪田課耕

臨河皆水田

又西爲迸珠泉

繡壁詩態之北爲

水月庵東爲城關庵北爲聖緣寺寺北爲仁育宮奉

東岳天齊大生仁聖帝像又北爲

清涼禪窟後爲嘉蔭堂東爲霞起樓西爲犁雲亭仁育

宮前度石橋爲園之西宮門達香山蹕路也清涼禪

窟之北爲涵光齋西爲飛淙閣東爲練影堂稍南爲



掛瀑簷涵漪齋西夾墻門外爲妙喜寺門殿三層西爲靜宜園界

采香雲徑在清涼禪窟之北南有樓曰靜怡書屋稍北折而東爲招鶴庭南爲

峽雪琴音迤南山巔爲

玉峯塔影前爲香岩寺後爲妙高臺北峯上爲妙高寺有妙高塔又後爲該妙齋妙高峯西爲崇靄軒東爲含醇室爲詠素堂 含經堂在妙高寺東山麓其東北臨溪爲書畫舫含經堂南有樓曰

宸垣識畧

卷十一

天

風篁清聽東爲如如室西爲近青閣又西稍南爲飛雲岷西度橋而南有池池東爲延綠廳西爲漱遠綠爲試墨泉又西爲

鏡影涵虛南爲分鑑曲爲寫琴廊爲觀音閣寫琴廊迤南爲含暉堂爲清音齋齋前爲

裂帛湖光齋西山麓爲碧雲深處東爲心遠閣由心遠閣折而北爲羅漢洞又上爲水月洞又西山麓爲古華嚴寺寺後爲

雲外鐘聲東爲伏魔祠碧雲深處以南爲



翠雲嘉蔭後爲翠雲堂東爲甄心齋

翠雲嘉蔭卽華滋館門額翠雲

嘉蔭之東爲小南門稍南爲東宮門

靜明園南宮門西南爲影湖樓 小東門外長堤石橋

上建石枋二迤東爲界湖橋橋下水北注玉河又北至青龍橋卽達清漪園之輦道也

長元按自廓然大公至翠雲嘉蔭爲靜明十六景

靜宜園在香山前爲城關內東西各建坊中架石橋下爲月河度橋爲 宮門內爲

勤政殿南北配殿前爲月河殿後北爲致遠齋南向西

宸垣識畧

卷十一

五

爲韻琴齋聽雪軒東有樓爲正直和平殿後西爲橫秀館東向南爲日夕佳亭北爲清寄軒橫秀館後建坊內爲

麗囑樓後爲多雲亭麗囑樓後南爲

綠雲舫麗囑樓迤南爲

虛朗齋前爲石渠爲流觴曲水爲畫禪室後爲學古堂東爲郁蘭堂西爲佇芳樓又後宇爲物外超然其外東西南北四面各設宮門

考按虛朗齋相傳卽永安村地學古堂前周嵌



御製靜宜園二十八景詩刻石

東宮門外石路二南達香山寺東建城關達于帶水  
屏山門宇南向西爲對瀑北爲懷風樓其左爲琢情  
之閣東南爲得一書屋西爲山陽一曲精廬帶水屏  
山之西爲

瓔珞岩其上爲綠雲深處瓔珞岩東稍南爲

翠微亭亭東爲

青未了亭迤西山岩際爲

馴鹿坡坡西有龍王廟下爲雙井其上爲

宸垣識畧

卷十一

三

蟾蜍峯

考按蟾蜍峯又謂之蝦蟆石雙井水東北注松塢  
雲莊內入知樂濠由清音亭過帶水屏山繞出園  
門外是爲南源之水

蟾蜍峯稍東爲松塢雲莊又東爲憑襟致爽後爲  
棲雲樓香山寺前石橋下方池爲

知樂濠

香山寺在瓔珞岩之西前建坊山門東向南北爲鐘鼓  
樓上爲戒壇內正殿後殿又後六方樓二層又後山



巔有樓正殿門外有

聽法松山門內有娑羅樹

聽法松三字鑄于石闌

寺北爲觀音閣

後爲海棠院院東爲

來青軒有

聖祖御書西爲妙高堂北爲無量殿

湯右曾來青軒敬瞻

御書恭紀丹梯翠磴引躋

攀忽到天開地闢間別有樓臺連碧落盡消烟霧  
出青山光涵象外千重影氣結空中五色斑奕鳥

華軒懸

御扁墨痕鮮潤似初頒

宸垣識畧

卷十一

三

來青軒西南爲歡喜園東西各有枋楔寺稍西六方  
亭爲

暖霜臯寺西北由盤道上爲洪光寺山門東北向內建

毘盧閣殿正殿左爲太虛室又左爲

香崑室洪光寺前盤道間敞宇爲

霞標磴宇北爲

玉乳泉泉西稍南爲

絢秋林林北爲

雨香館爲灑蘭書屋其南爲林天石海



考按自勤政殿以迄雨香館爲內垣凡景二十  
內垣凡六門曰東南門曰東北門西曰約白門西南  
曰如意門西北曰中亭子門北曰進膳門  
麗囿樓北度嶺爲

晞陽阿西爲朝陽洞後爲觀音閣晞陽阿北爲  
芙蓉坪樓東敞宇爲靜如太古芙蓉坪西南爲  
香霧窟後爲竹鑪精舍其北岩間有

御書西山晴雪石幢爲燕山八景之一又北爲潔青履  
香霧窟南稍東爲

宸垣識畧

卷十一

三

栖月崖其西宇爲得趣書屋詎崖半里許設石樓門鐫  
題曰雲關崖北爲

重翠崦其下爲龍王堂下有泉崦東南爲玉華寺山門  
東向內正殿二層西南宇爲

玉華岫其東爲臯塗精舍寺西南峯石屹立上勒  
御題爲森玉笏東北爲超然堂堂南爲曠覽臺後爲碧  
峯館森玉笏東北峯上有亭爲

隔雲鐘以遙聞大覺生寺華嚴鐘聲也

考按自晞陽阿以迄隔雲鐘爲外垣凡景八



長元按乾隆二十六年

皇太后八旬萬壽 賜三班九老宴遊香山次日 命  
畫工艾啟蒙繪圖文職九老顯親王衍璜恒親王  
崇志大學士劉統勳協辦大學士官保吏部尙書  
託庸戶部尙書素爾訥刑部尙書楊廷璋刑部侍  
郎吳紹詩工部侍郎三和武職九老都統四格都  
統曹瑞散秩大臣國多歡散秩大臣銜甘都副都  
統伊崧阿副都統薩哈岱副都統李生輝副都統  
富僧阿副都統色瑞察致仕九老刑部尙書銜錢

宸垣識畧

卷十一

三

陳羣內大臣福祿禮部尙書陳惠華兵部侍郎彭  
啟豐禮部侍郎銜鄒一桂副都御史呂熾內閣學  
士陸宗楷詹事府詹事陳浩國子監司業銜王世  
芳此 國家

崇禱之曠典而亦山靈未有之奇遭佇見

聖化日長宏開壽域際斯 恩遇來遊來歌者正不乏  
人矣

宸垣識畧卷十一



宸垣識畧卷十二

仁和吳長元太初氏輯

郊坰一

德勝門在京城北之西有

御製詩碑

松林閘在德勝門外城河北閘水自玉泉山發源由高梁橋東北流至德勝門外分爲二一由水關入內城是爲御河一出松林閘東流經安定齊化二門歸通州與白河合閘上勒

宸垣識畧

卷十二

御製詩

北城兵馬司副指揮署在德勝門外

龍王廟在松林閘明嘉靖間重修

宏慈寺有前後二寺在德勝門外東北

考按宏慈前後二寺相去不半里似一寺而分者攷寺爲元興國禪林茲于後寺荒草中搜得明肇迹有元統三年興國禪林之語翰林沈荃作重修碑記殆本此

長泰寺在宏慈寺北俗名火神廟 本朝初年建



土城關在德勝門外相傳是古薊州遺址亦曰薊邱舊有樓館並廢但門存二土阜旁多林木蒼鬱蒼翠京師八景有薊門烟樹卽此有

御書薊門烟樹四字爲燕京八景之一

出德勝門八里爲土城元之舊也正統十四年十月額森奉上皇車駕登土城以通政司左叅議王復爲通政中書舍人趙榮爲太常少卿出見上皇于土城卽此地也

元時居庸關盧溝橋俱有過街塔按歐陽元功詩薊

宸垣識畧

卷十二

二

門城頭過街塔一一人通寶間則薊邱城門亦有之矣

明姚廣孝薊門詩雲樹依依接遠邱時來飛雨灑征裘不知銅馬坊何在惟見桑乾水自流

明金幼孜薊門烟樹詩野色蒼蒼接薊門淡烟疎樹碧氤氳過橋酒幔依稀見附郭人家遠近分翠雨落花行處有綠陰啼鳥坐來聞玉京盡日多佳氣縹緲還看映五雲

明吳寬長至出土城詩馬上衝寒出北門豁然平



曠識乾坤地連周圍民猶小天作燕山勢獨尊看  
月未忘黃土寺披烟仍見白浮村百官令節長來  
此籩豆如流習駿奔

施閏章薊門詩薊門風當雨風定是初晴北闕雲  
中迴西山馬上明長楊春出獵細柳暮移營儒術  
慙疎濶爲郎白髮生

○瑞光寺大勝寺海雲寺俱在土城今無考

明程敏政土城瑞光寺詩日下土城根夷猶古寺  
門水聲牆外急人影樹中繁燕薊諸關擁金元一

宸垣識畧

卷十二

三

堠存故人期不至馬上共誰論

明吳寬大勝寺詩高樹叢生積水清亂蟬齊噪夕  
陽明青苔滿地留人迹黃土何年繫寺名便與詩  
家謀共隱不從衲子話無生繩牀久坐涼陰下縛  
木爲橋喜更平

明程敏政與李賓之遊海雲寺詩偶過都城北來  
遊古礪濱微風清細暑小雨浥輕塵忽起殊鄉念  
聊閒薄宦身何時重載酒同作看花人

○賢樂堂在德勝門外土城元延祐中賜太保曲出別



業堂名趙孟頫題後有亭曰燕喜取詩魯侯燕喜也  
○大壽元忠國寺元托克托建爲皇太子祝釐在土城  
本裕倉豐盈倉在德勝門外

北營外西北守備署在德勝門外大關

臥虎橋卽土城外大石橋

原按今之土城卽元大都城故址元時所稱健德  
門乃今之土城關北也

多寶佛塔禪院在德勝門土城外西北里許舊名千佛  
寺明萬歷乙酉慈聖宣文明肅皇太后建有吏部尚

宸垣識畧

卷十二

四

書趙志臯碑

北極寺在德勝門土城外

碧霞元君廟在北極寺之東俗稱北頂

功德林在土城西北里許有養濟院勅曰功德林雍正  
元年重修

○雙線舖在德勝門北明景泰元年築

原按元至元十八年置雙線局提領副使各一員  
當在其地

慈度寺在土城關東北建于 本朝初年俗名黑寺以



其與雙黃寺同爲喇嘛所居此覆以青瓦故名有  
聖祖御書額

察罕喇嘛廟在慈度寺北俗呼後黑寺康熙五十二年  
聖祖賜無量壽佛二尊供奉大殿

慈救寺在曹八里屯北頂東南距德勝門八里許舊名  
五聖庵

西紅廟在德勝門外正黃旂教場北

東紅廟在西紅廟東舊稱團營關帝廟俗稱東紅廟順  
治十二年奉

宸垣識畧

卷十二

五

勅重建 賜名忠義殿有

世祖御製碑

考按明景泰間于謙選三大營兵分十營團練號  
曰團營英宗復辟廢之成化間復立增爲十二此  
廟乃明代團營所祀之神

○鷹房在德勝門外中鄉土城關外水磨村之東今僅  
存其地名

明雷思霈詩遼城金壘古鷹房羊角風沙接大荒  
野窟舊無狐兔蹟小池今有芰荷香黃鸝獨語遮



深柳粉蝶叢飛戀短牆千古幽州還禹甸卜年開  
統憶先皇

安定門在京城之東

方澤壇在安定門外北郊形方象地方折四十九丈四尺四寸深八尺六寸濶六尺澤中貯水方丘北向二成上成方六丈下成方十丈六尺均高六尺上成正中六六方磬外八方均以八八積成縱橫各二十四路二成倍上成八方八八之數半徑各八路以合六八陰數皆磬以黃色琉璃每成四出陛各八級皆白石二成上南左右設五嶽五鎮五

宸垣識畧

卷十二

六

陵山石座鑿山形北左右設四海四瀆石座鑿水形均東西向水形座下鑿池貯水以祭內壇方二十七丈二尺高六尺厚二寸壇北三門六柱東西南各一門二柱柱及楣闔皆白石扉皆朱櫺壇北門外東北鐙杆一西北瘞坎一燎爐五外壇方四十二丈高八尺厚二尺四寸門制與內壇同東西門內從壇瘞坎南北各二壇南門後

皇地祇室五間北向覆黃琉璃圍垣正方周四十四丈



八尺高丈一尺北向設一門外壇西門外 神庫  
神廚祭器庫樂器庫各五間井亭二又西爲宰牲亭  
亭前井亭左右各一西北爲

齋宮東向正殿七間崇基石闕五出陛左右配殿各七  
間內宮門三間左右門各一外宮墻周百有十丈二  
尺門三東向門東北鐘樓一內壇周五百四十九丈  
四尺北西各三門東南各一門外垣周七百六十五  
丈西向門三角門一歲以夏至日祭

方丘舊址爲明嘉靖九年定 本朝因之屢加寬廣  
宸垣識畧 卷十二 七  
焉

施閭章陪祀 方澤詩雨後仙壇碧草芳遙聞玉  
露出芝房崇墉栢帶青霜氣方澤波含明月光  
天仗旌旗嚴咫尺精靈嶽瀆走蒼茫朝來回 輦  
西山見五色晴雲接建章

北營游擊署在安定門外大街  
東黃寺在安定門外鑲黃旗教場北順治八年  
勅就普靜禪林興建有

聖祖御書及碑記



世宗重修東黃寺碑又

皇上御製詩勒康熙碑陰

西黃寺在東黃寺西雍正元年建有

世宗御書聯額并御製碑又

皇上御製碑

清淨化城廟在西黃寺側乾隆四十八年建有

御製清淨化城塔記清漢蒙古梵字四體書

資福院在雙黃寺西北康熙六十年羣臣祝釐萬壽

聖祖允哲卜尊丹巴瑚土克圖諸蒙古汗王貝子貝勒

宸垣識畧

卷十二

八

公台吉塔布囊請

賜名資福

華藏寺在安定門土城外龍到村

護國天仙廟在土關之北大屯村內磬一鐘一皆明萬

歷年造

真武廟在永安莊何各村明正統間重修碑稱爲太清

觀羽士居之 本朝乾隆戊辰年重修

北路同知署在沙河去安定門四十里

施閏章沙河詩郭外青郊遠 宸遊數往還平蕪



元戰地遺鏃尚田間沙漲寒河水天高接塞山從  
來防北口征戍此時間

滿井出安定門外東行五里許井徑五尺餘清泉突出  
冬夏不竭好事者鑿石闌以束之水常浮起散漫四  
溢井旁蒼藤豐草掩映小亭都人詫爲奇勝

明林堯俞滿井詩寒泉凝碧甃一酌冷人心素纒  
無妨短銀牀半欲沈畦渟魚藻入林影鳥巢深偶  
值堤邊叟悠然似漢陰

朱彝尊滿井訪崙上人詩郊行方澤外路轉古城

宸垣識畧

卷十二

九

窪小雨乍撥火輕風無聚沙青蓮過橋寺紅杏隔  
墻花一笑遠公在催停轂鯨車

考按安定門外東行五里觀音寺之側有高井一  
潤百畝四時流溢或卽其地德勝門西北東鷹房  
村有稱爲滿井者廣可丈餘圍以甃甃泉味清甘  
四時不竭水溢于地流數百步而爲池居人汲飲  
賴之蓋郊北之水來自西山固無足異載筆者以  
相去不遠方名互訛未可知也

東直門在京城東之北



望京村墩臺在東直門外明景泰間築

望京館在城東北五十里孫侯村遼建爲南北使臣宿息飲餞之所宋王曾上契丹事日出燕京北門至望京館卽此

考按今其地名孫河屯或孫侯村之轉音也爲古北口孔道

春場在東直門外一里順天府尹迎春自場入于府舊有迎春亭今廢有碑存

北營外東北守備署在東直門外大街

宸垣識畧

卷十二

十

華光寺在東直門外之北有明天順間重修碑

○靈惠寺在東直門外之南有勅建碑今廢

明金忠潔公鉉墓在東直門外六里今墓碣存

金公鉉甲申三月以兵部主事巡視皇城盡節玉河時有中官呂胖子同死二公骨不可辨其家人遂同葬之玉河岸

碧霞元君廟在東直門外俗呼東頂

朝陽門在京城東之南門外築石道東至通州有

御製重修朝陽門石道碑



東城副指揮署在朝陽門外雞市口

中營外東守備署在朝陽門外大街

北營外西一守備署在朝陽門外雞市口頭條衚衕

天妃宮出朝陽門沿河往南明成化時建其地名大橋

北西河沿有大學士丘濬碑

東嶽廟在朝陽門外元延祐中建累朝歲時勅修編廟

戶守之 本朝康熙三十九年重建乾隆二十六年

修葺有

聖祖暨

宸垣識畧

卷十二

七

今上御書扁額并御製碑又御製詩

朝陽門外有東嶽廟其塑像劉鑾手製墀中豐碑三

道其一爲張天師神道碑趙文敏孟頫書其一爲仁

聖宮碑虞文靖集隸書其一爲昭德殿碑趙世延書

大都南城長春宮都提點馮道頤始作東嶽廟于宮

之東謀于其徒曰不得劉正奉名名手無以稱吾祠

且正奉嘗從吾徒游將無靳乎卽詣正奉言之正奉

以前勅未之許也是時廟未成民間以靈異禍福相

恐動事未甚顯灼馮去後正奉果恍惚若有所感者



病不知人者二日或爲之禱乃起謂門人子孫曰速爲我御我且之東嶽廟至廟疾良已會立廟奏御正奉祝曰願親造仁聖帝像旣而疾大安又進秩二品益喜曰是神之賜也因又造炳靈公司命君像而佐侍諸神有弗當其意悉更之蓋幾有神助者仰瞻仁聖帝巍巍乎帝王之度矣餘皆稱其神之所以名者初正奉欲造侍臣像心計久之未措手也適閱秘書圖畫見魏徵唐像乃矍然曰非若此莫稱爲相臣者遽走廟中爲之卽日成正殿仁聖帝兩侍女兩中侍

宸垣識畧

卷十二

十三

四丞相兩介士其西炳靈公兩侍女兩儀臣其東司命君兩道士兩仙官兩武士兩將軍皆出正奉之手善觀者知非他工所能雜其間也長春之白雲觀金人汾王先生十一曜奇妙爲世所稱道今遂配之畧不可優劣又上都三皇像尤古粹造意得三聖人之微亦正奉之所造也

查嗣琛詩阿哥尼後孰知名活脫爭傳正奉精昔日黃冠今紫綬莫將搏換等閒輕

勞宗茂謁東嶽行宮詩絳闕東郊近神功仰大生



祀隆三代典化治萬方平肅肅冠裳侍森森羽衛

紫緬思劉正奉妙手發精誠

像爲元正奉大夫劉元聖

考按劉鑾應作劉元觀學古錄輟耕錄可證其誤

至鑾在元前別是一人詳見皇城天慶宮所引析

津日記條下廟內趙孟頫碑存虞集趙世延二碑

今無考

○昆吾公廟金天德中建

○官窰場白虎廟元道士吳全節建

○元真觀明正德中大監劉瑾建有大學士李東陽碑

宸垣識畧

卷十二

三

淨住寺在朝陽門外乾隆三十二年修有

御製碑清漢字各一通

○元董宇定杏花園在上東門外植杏千株宇定張留

孫弟子三十八人之一也虞道園歐陽原功陳衆仲

揭曼碩果羅洛易之皆有題咏

元虞集風入松詞畫堂紅袖倚晴酣華髮不勝簪

幾回晚直金鑾殿東風軟花裏停驂書詔許傳官

燭香羅初剪朝衫御溝冰泮水拖藍飛燕又呢喃

重重簾幙寒猶在憑誰寄金字泥槭爲報先生歸



也杏花春雨江南

元張仲舉摸魚兒詞記蘭臺舊時風景西樓燈火  
如畫嚴城月色依然好無復綺羅游冶歡意謝向  
客裏相逢還有思陶寫金尊翠竿把錦字新聲紅  
牙小拍分付倦司馬繁華夢喚起燕嬌鶯姪肯教  
孤負元夜楚芳玉潤吳蘭媚一曲夕陽西下沈醉  
罷君試問人生誰是無情者先生歸也但留意江  
南杏花春雨和淚在羅帕

楚芳吳蘭  
二妓名

長元按詞苑叢談云道園詞題于羅帕柯敬仲購

宸垣識畧

卷十二

古

得之裝潢作軸張仲舉爲賦摸魚子紀其事兩公  
之詞皆極溫麗足爲玉堂佳話

○漱芳亭元道士吳全節建初燕地未有梅花閑閑嗣  
師從江南移至護以穹廬扁曰漱芳亭時羽士張伯  
雨號句曲外史從王溪月真人入京偶造其所若與  
西湖故人遇徘徊旣久不覺熟寢其中日暮歸道所  
由嗣師命作詩伯雨遂賦長歌有風沙不憚五千里  
將身跳入仙人壺之句嗣師大喜送翰苑諸公和之  
伯雨由是知名



朝日壇在朝陽門外東嶽廟南數武壇制方西向一成方五丈高五尺九寸面甃金磚陛四出皆白石各九級圓壇周七十六丈五寸高八尺一寸厚二尺三寸壇正西三門東南北各一門凡甲丙戊庚壬年親祭餘遣官每年春分日祭以卯時壇上金版朱書大明之神位

勞之辨朝日壇陪祀詩扶桑一出遍寰中壇墀春風禮向東位首三辰光燭物象尊兩曜晝懸空經天度數乾坤合掃地規模丘澤同九獻告終歸

宸垣識畧

卷十二

五

珮緩金烏已射古壇紅

黑松林在朝日壇外古松萬株森沈蔽日都人常游宴于此

明孫之茂蝶戀花詞落盡棠陰春已暮芳草多情纔過濛鬆雨柳絮顛狂飛不往秋千正在濃陰處廟口神弦初罷舞畫扇輕衫隨意城東步笑逐鈿車歸去路酒香一行青松樹

○月河寺在朝陽關南苜蓿園之西古名寶藏寺有一粟軒聚景亭諸蹟今皆圯廢



月河梵院僧道深別院也池亭幽雅甲于都邑道深通儒書明宣德中住西山蒼雪庵賜號圓融顯密宗師後歸老乃營此自娛自號蒼雪山人程敏政爲記  
○南北通法寺有勅建碑已廢

隆壽寺在朝陽門外有勅建碑今存其相近有長壽寺亦係勅建已廢

○東郭草堂明興濟伯楊善別業已廢  
太平倉萬安西倉儲濟倉在朝陽門外

蔬糧臺在朝陽關外六里舊傳唐太宗東征高麗屯兵  
宸垣識畧

卷十二

十六

虛設困倉以誘敵人俗因呼其地曰蔬糧臺

慈雲寺在朝陽門外八里莊乾隆三十三年

勅建有 御書石扁

東路同知署在通州去朝陽門四十里

東便門在外城之東北隅

裕豐倉萬安東倉在東便門外

大通橋在東便門外東至通州入白河開渠置閘而漕舟不行自大通橋起至通州石壩計四十里地勢高下四丈中間設慶豐等五閘以蓄水每閘各設官吏



編夫一百八十名造剝船三百隻大通河舊名通惠  
河元郭守敬所鑿俗亦名裏漕河 本朝康熙乾隆  
間屢加疏濬漕艘之分運京倉者實利賴焉有

御製閘五閘詩碑

通惠河源自昌平縣白浮村引神山泉西折南轉過  
雙塔榆河一畝泉玉泉諸水至西門入都城南匯爲  
積水潭東南出文明門東至通州高麗庄入白河總  
長一百六十四里一百四步元世祖至元三十年告  
成賜名曰通惠

宸垣識畧

卷十二

七

白浮泉今入清河一畝泉在甕山後已塞甕山下玉  
龍青龍等泉入西湖經高梁橋注皇城濠一自南流  
入內一自東會入通惠四里至慶豐慶豐十一里至  
平津慶豐地形高平津一丈許水陡絕故平津開則  
慶豐河身立見矣

明徐階夏日游通惠河詩頗憶三江遠乘流意若  
何水深秋氣入樹密雨聲多熟果當尊落驚禽拂  
棹過柳陰催繫纜欹枕聽漁歌

勞宗茂游二閘詩紅船白板綠烟絲好句揚州杜



牧之何事大通橋上望風光一樣動情思 慶豐  
纔過又平津立過通渠轉遞頻莫謂盈盈衣帶水  
勝他多少犢輪辛

○雙清亭在通惠河上元都水監張經歷園也今廢  
元宋褰春暮雙清亭小酌懷張孟功詩吏退公庭  
雁鶩行持杯暫對水雲鄉山開罨畫涵清影花落  
胭脂漾晚香酒幟隔津標柳陌漁舟避浪向蒲塘  
懷人不得同相賞空賦停雲第二章

大通橋公署在通惠河北岸門東有明夏言詩勒石

宸垣識畧

卷十二

六

藍靛廠金章宗鹿園遺蹟在大通橋東

大通橋東有鹿園方廣十餘里地平如掌古樹偃仰  
與高冢相錯傳是金章宗時故址

三忠祠在大通橋東里許地名槐村義士周珍創建祀  
漢諸葛武侯宋岳武穆王文信公祠後有濯纓亭卽  
河之畔

明何景明三忠祠詩三忠祠在帝城東檜栢陰陰  
沙院風朝暮衣冠頻下馬春秋香火一開宮中原  
涕淚江山遠異代精靈廟宇同漢業崩摧如宋業



古今南北恨無窮

○匏瓜亭元趙參謀別墅趙名禹卿有王鶚記王磐敘  
劉因詩去城東十里又曰東臯村當時日日趙匏瓜  
今莫詳其址

元王惲匏瓜亭詩築臺連野色架木繫匏瓜舍外  
開二徑壺中自一家愛吟歌白苧醜酒脫烏紗更  
喜南窻下秋風菊半華

長元按舊聞載匏瓜亭于右安門之南因帝京景  
物畧于草橋下有趙參謀之匏瓜亭在彌望間蓋

宸垣識畧

卷十二

十九

循元志之舊考謂去城東十里移于東便門外本  
王秋澗詩陽春門外望東臯也

廣渠門在外城之東

中營外東南守備署在廣渠門外關廂大街

尤侗過都城詩沙河門外草蕭蕭落日西山影寂  
寥空繞紫城尋陌路祇看白塔起雲霄天邊大老  
施行馬月下孤兒出射鵬三過長安緣底事使車  
不爲午門朝

神木廠在廣渠門外二里許明永樂時神木尚存有



御製神木謠勒石

北京神木廠大木俱刻字爲記其上有王二姊張點頭嫌河窄混江龍之名皮爛心存對面猶不見

延壽寺在馬坊去廣渠門十八里有浮圖一明嘉靖中建有禮部侍郎許成名戶部郎中李景二碑

圓覺寺在武基去廣渠門二十里明正統中司禮監金溶建初名報恩賜額圓覺有正統嘉靖間碑三

○蒯徹墓在廣渠門外八里莊古阜高可四尺墓前有井

宸垣識畧

卷十二

二十

原按于欽齊蒯徹墓在臨淄東二里漢書徹范陽人高祖曰徹齊辯士故卒葬此未知孰是

左安門在外城之東南

宏善寺在左安門外迤東魏村社明正德中太監韋霖建俗呼韋公莊園亭已圯海棠蘋婆柰子俱無存惟假山深溪在耳寺後有靜樂軒尚修潔西壁有康熙初禹之鼎畫雙鶴圖東壁有陳奕禧書徐渭畫鶴賦時稱二妙

韋公莊有柰子古樹婆娑數畝春時花開望之如雪



三夏葉特繁茂列坐其下烈日不到袁公安嘗謂戒  
壇老松顯靈宮栢韋莊柰子可稱卉木中三絕  
韋氏別業四圍多水荻花蘆葉寒雁秋風令人作江  
鄉之想寺南觀音閣蘋婆一株高五六丈寺內西府  
海棠二株高二尋每開時爛如堆綉香氣滿亭昔人  
恨海棠無香誤也

明王世貞集韋氏水亭詩偶成春服始挾侶問幽  
蹤芳草近寒食空林聞午鐘驚波雙鳥出迷路一  
僧逢欲竟名園賞停杯感慨重

宸垣識畧

卷十二

三

王士禎宏善寺看海棠詩韋杜城南十萬家東風  
處處酒旗斜不知冷節匆匆過猶見僧樓一樹花  
木魚聲靜佛香遲日午風簾自在垂好是維摩  
方丈室恰逢天女散花時

宋犖過韋公寺詩竟阻尋幽興空攜作賦才開樽  
思兔苑杖策過香臺畫棟秋雲隔松關暮雨催南  
征聞奏捷飛蓋會追陪

是日游安親王園不得進而返

查嗣璫雜咏詩一株柰子數畝雪六丈蘋婆萬朶  
霞少借山僧甕中酒來看宮監寺前花



○金井在魏村社明永樂嘗駐蹕于此飲而甘之遂命  
甃焉今無考

隆禧寺在左安門外迤西東臯村明弘治十三年太監  
李興建賜額隆禧有弘治萬歷間碑二

永定門在外城正南

南城副指揮署在永定門外

中營正南守備署在永定門外

燕墩在永定門外半里許官道西恭立

御碑臺勒

宸垣識畧

卷十二

三

御製帝都篇皇都篇均清漢書臺高二丈許繚以周垣  
碑立正中形方而長北面下刻諸神像頂刻龍紋

金臺在永定門外東南三里許巋然土阜有亭勒

御書金臺夕照四字爲燕京八景之一

金臺有三在易水東南者曰大金臺在大興縣東南  
者曰西金臺又曰小金臺卽燕昭王師事郭隗置干  
金于上以延天下士者金人慕其名亦築此臺在舊  
城內游者往往極目于斜陽之中徘徊留憩

原按隋上谷圖經黃金臺在易水東南十八里酈



道元注水經言昭王禮賓廣延方士不欲令諸侯之客伺隙燕邦故修建下都館之南垂則金臺在易州明矣京師故蹟傳是後人所築然自六朝至今垂之載記形之歌咏所當並存不廢夫燕之臺匪一京城之金臺安知非寧臺展臺之舊耶

長元按元納新南城咏古詩注金臺在大悲閣東南隗臺坊內其地約今白紙坊殆金所築也

明林環金臺夕照詩高臺曾此置黃金人去臺空碧草深落日未窮千里望青山遙映半城陰雁將

宸垣識畧

卷十二

三

秋色來平野鴉帶寒光過遠林昭代賢才登用盡不須懷古動長吟

曹仁虎黃金臺詩穹臺百尺薊邱邊北面猶思隗年未必懸金能致客只緣擁篲善尊賢甘棠世

胄遙分召析木封疆竟霸燕莫向通霞同弔古通霞

臺亦燕昭王築從來求士勝求仙

○元郊臺在麗正門東南七里其地約今永定門外明駙馬都尉鞏永固墓在永定門外

海會寺在馬家村明嘉靖間建 本朝順治間重修乾



隆二十二年復加繕葺正殿有范銅佛像有

御書額并御製詩碑

孫廷銓丙申長至 駕在南苑被命齋宿大紅門  
張幕海會寺和李坦園學士詩御宿迢遙接泰壇  
微微鐘漏夜將闌雙林月上金輪靜七校風清玉  
幃寒宣室夜談梁太傅桂宮晨敞漢祠官由來郢  
曲高難和徒傍卿雲借日看

凉水河其源出右安門外西南鳳泉東流經萬泉寺分  
爲二支一南經草橋一北經廣恩寺俱東注永勝橋

宸垣識畧

卷十二

西

合爲一東南流至小紅門之西入 南苑滙一畝泉  
及三海子諸水由五空橋出經馬駒橋東流至張家  
灣入潞河乾隆三十八年共修河道八千餘丈詳見  
疏濬事宜有

御製凉水河詩勒石大紅門外永勝橋東

碧霞元君廟在 南苑大紅門外土人呼爲南頂

九龍山在南頂永勝橋北岸乾隆間疏濬凉水河之土  
堆成自西至東約長三里高二三丈不等委蛇起伏  
宛如游龍環植桃柳萬株開廟時游人挈榼敷席羣



飲夏木陰陰水田漠漠不減江鄉風景也

吳巖游南頂詩柳映紅亭水映橋碧霞宮殿鬱宮  
堯年年五月開香社大好風光慰寂寥 龍岡委  
宛似卷阿披拂薰風爽氣多一帶葦柳臨水岸酒  
徒豪飲妓童歌

○永平館一名碣石館遼時朝士宴集之所明一統志  
云在府南一十里約今永定門外

南苑在永定門外二十里元爲飛放泊

詳苑  
圖

元靈宮在南苑小紅門內西偏順治十四年建內有朝

宸垣識畧

卷十二

三五

元門構元極殿奉

玉皇上帝內爲凝思殿奉三清四皇像東曰翊真殿奉  
九天真女梓潼像西曰祇元殿奉三官像官門後圍  
房一十六楹中三間爲靜室有

御製詩碑

永慕寺在小紅門西南康熙三十年建大殿五間東西  
配殿各三間後爲經庫爲

孝莊祝釐之所

德壽寺在永慕寺東順治十五年建後燬于火乾隆二



十年重修門殿二層後爲 御座房有

御製重修德壽寺碑

關帝廟在德壽寺西南里許建自前明 本朝乾隆三年重修殿三層

永祐廟在德壽寺東南二里許康熙十七年建門殿三層中奉天仙碧霞元君爲

孝康祝釐之所

涼鷹臺在南海子內中有殿殿傍涼鷹臺臨三海子築七十二橋以渡元之仁虞院也明天順三年修南海

宸垣識畧

卷十二

三

子大紅橋一小橋七十五

元時冬春之交天子親幸近郊縱鷹隼搏擊以爲遊豫之度謂之飛放至順二年築柳林海子堤堰

查慎行詩紅門草長少飛埃萬頃平疇掌上開一道修眉濃似畫近南遙識涼鷹臺

魏之琇詩涼鷹臺迴接漚汀民樂成歌囿沼靈七十二橋虹影度騎郎爭放海東青

海子西北隅清明日蟻集成邱中一邱高丈旁三四邱亦數尺竟日乃散土人呼爲螞蟻墳西墻有沙岡



委蛇歲歲增長高且三四丈土人曰沙龍

長元按螞蟻墳宛平志云相傳遼將伐金全軍沒此魂無主者化爲沙蟲感時序而動理或有焉竊以此語傳會詩東山篇鶴鳴于垤山東蟻塚有極高大者如塚墓然孟子所謂丘垤丘是自然高處垤乃蟻塚上土共盤馬于蟻封卽此是也以是知南苑蟻墳亦蟻垤之類惟清明日蟻集其上爲可異耳若純蟻叠成次日散去仍爲平地卽聚萬億之蟻不能纍纍若是理未可信以俟見者訪之

宸垣識畧

卷十二

七

寧佑廟在晾鷹臺北六里許雍正八年建大殿奉南苑安禱司土神像有

御書額并御製海子行詩

龍王廟在黃村門內 行宮之東額曰珠源寺半山房五楹曰拂雲岫西河房五楹日月漪皆

御書

海子內泉源所聚曰一畝泉曰團河而瀦水則有五海子考一畝泉在新衙門之北曲折東南流經舊衙門南至二閘凉水河自海子外西北來入苑滙之其水



發源右安門外之水頭莊東流折而入海子北牆至  
張家灣入運團河在黃村門內導而東南流逕晾鷹  
臺南過南紅門五海子之水自北注之又東流出海  
子東南是爲鳳河東流歷東安武清境至天津之雙  
口與永定河會渾水藉此蕩漾乃成清流又東至韓  
家樹入大清河又東至西沽入運雖五海子之水與  
凉水河團河時相灌輸而二河正流仍各判別若玉  
泉則由昆明湖達于長河穿禁城出東南流爲通惠  
河至通州入運並不經行海子與一畝泉團河渺不

宸垣識畧

卷十二

三

相涉綜而論之通惠河源在北入運最近凉水河源  
居中入運次近鳳河源在南入運最遠源委秩然不  
紊前代著述家未加稽考率以玉泉牽附海子支離  
可笑因詳訂之

團河一支醜爲鳳河其形如鳳源在南苑中流出東  
南隅至武清之緱上村河身深廣以下填淤斷續一  
遇伏秋雨潦散漫無歸雍正四年 命修水利查有  
凉水河發源水頭莊貫南苑出宏仁橋東流至高各  
莊東北流抵張家灣入運乃于高各莊分流南引至



緜上村入鳳河故道一路挑挖過雙口抵清沽港入  
淀河仍于分流之處各建一閘水小則開東閘啟南  
閘流入鳳河水大則閉南閘啟東閘洩入運河次年  
河成宛平灤縣武清東安一帶積潦盡消桐林牛鎮  
三間房等處開渠引水各營田數十頃

長元按以上二條從

御製詩注錄出源委分疏明晰條暢足訂歷來著述家  
之謬

采育古安次縣采魏里也去都七十里明初爲上林改

宸垣識畧

卷十二

五

名蕃育署統于上林苑不隸京府乃元時沙漠地永  
樂二年移山東西民填之有恒產無恒賦但以三畜  
爲賦計營五十八舊有鵝鴨城

采育東南二十里有阜高一丈廣三四十尺日聚燕  
臺歲秋社燕辭巢日必各將雛數千百聚此臺呢喃  
一二日然後分飛而去今無考

南路同知署在黃村

宸垣識畧卷十二



宸垣識畧

卷十三卷十四

共

地110  
934  
27





宸垣識畧卷十三

仁和吳長元太初氏輯

郊坳二

右安門在外城之西南隅

南營外南二守備署在右安門外關廂

廣恩寺在右安門外西三里菜戶營舊名清勝寺俗呼周橋寺寺有燕山府清勝寺慈慧大師塔幢宋宣和七年建

考按宣和五年金以燕京及涿易等六州還宋至

宸垣識畧

卷十三

七年十月宋郭藥師始以燕山叛降金此幢是七年二月所立故以宣和紀年

九蓮慈蔭寺在右安門外三里草橋之北明崇禎十五年建有悼靈王像

碧霞元君廟在右安門外十里草橋北數十武士人呼爲中頂

右安門外南十里草橋唐時有萬福寺寺廢而橋存天啟間建碧霞元君廟其北

吳巖游中頂詩十里城南綠滿川春風春柳自年



年名園幾廢靈祠在孤負看花穀雨天

歲以四月一日開廟

都人士女競喧奔花市闌珊廟市繁已見田田

好荷葉風流憶殺趙王孫

趙松雪萬柳堂觀荷贈歌伎解語花詩

草橋在右安門外十里衆水所歸種水田者資以爲利  
土近泉宜花居人以時花爲業有蓮池香聞數里牡  
丹芍藥栽如稻麻然諸花悉備獨不能養蘭惟萬明  
寺有蘭數本橋去豐臺十里中多亭館元廉右丞之  
萬柳堂趙參謀之匏瓜亭栗院史之玩芳亭要在彌  
望間然莫詳其處矣

宸垣識畧

卷十三

二

王士禎過草橋詩垂楊匝地板橋橫沙路青驢得

得行偶坐濠梁忘日暮可憐泉水在山清

橋西二水清濁

劃然至橋東合流土人云清者自西山來濁者渾河也

查嗣瑛襍咏詩草橋十里百花妍只有幽蘭種不  
傳生長山中畏塵土托根誰羨帝城邊

湯右曾自黃村歸經草橋詩按鷹臺北接春郊信  
馬閒行未覺遙尺五城南好光景到天烟色柳條  
條 右安門外舊池亭別墅參謀堂右丞今日草  
橋清淺水還留一縷照衰興



野雲廉公希憲于都城外創造園亭名花幾萬本京師號爲第一一日于萬柳堂張筵邀踈齋松雪兩學士歌姬劉名解語花左手折荷花持獻右手舉杯歌驟雨打新荷之曲松雪喜而賦詩爲一時佳話

元趙孟頫卽席贈歌姬詩萬柳堂前數畝池平鋪雲錦葢漣漪主人自有滄洲趣游女能歌白雪詞手把荷花來勸酒步隨芳草去尋詩誰知咫尺京城外便有無窮千里思

查嗣璫萬柳堂詩梁園千頃牡丹紅不及廉園一萬叢未老先歸賢相國肯將花事媚東宮

祖氏園在草橋水石亭林擅一時之勝游草橋豐臺者往往過焉乾隆初年歸于王氏今又易主矣

王士禎祖將軍園亭詩粼粼水石映前灘落落松簧返照殘蓮葉蕭條蒲葉短并將鳧雁作荒寒

宋犖遊祖氏園詩園林晴日散芳菲曲逕藤梢欲罷衣愛殺水亭風景好蒲芽纔吐燕初飛 插天高柳碧絲絲一片東風淡蕩吹彷彿隋家堤上過 露條烟葉叫黃鸝 亭北名葩取次看一枝將放



倚雕闌梁園記得春深日斗大花開綠牡丹 高  
臺突兀俯紅亭樹杪西山一抹青誰繫斑駁花鴨  
外故吹長笛使人聽

葉映榴和宋牧仲游祖氏園亭詩十年花信匆匆  
過見說南園憶舊遊記得故人聯袂去一觴一詠  
亦風流 十里芳塵馬足輕雨堤烟柳接山青入  
門苔路盤紆細行盡迴廊見水亭 湘竹屏風紅  
板橋一池春水映花嬌踏青人過驚沙鳥隔岸香  
來翠袖招 畫簾開處水雲涵花氣侵人酒易酣

宸垣識畧

卷十三

四

好景滿前應得句不須重唱舊江南

沈德潛看豐臺芍藥過王氏園詩開到將離四月  
天城南隨路訪平泉銖衣寶曆俱留眄瘦燕肥環  
總可憐一抹山橫飛鳥外孤筇人倚亂霞邊諸君  
終作探花使慘綠應推最少年 路入花源柳半  
遮亭臺舊是故侯家繁華頓醒三更夢明麗仍披  
五色霞邃戶飛飛通乳燕野田閣閣鬧鳴蛙登臨  
振觸鄉園景彷彿神遊藝水涯 地卽祖氏園王阮  
亭尚書賦詩所云  
水田一帶  
學僧衣也



年氏園在草橋

沈德潛過草橋年氏園看芍藥詩城南饒菰蒲陂  
塘淨寒綠閒園平田際徑術繚而曲同人赴嘉招  
林陰駐車轂亭臺位帖妥堆阜互起伏名花故將  
離繽紛耀羅縠插榦扶低亞篆牌分種莠對花把  
尊酒念舊感華屋白楊乍成樹朱輪已摧軸天時  
變燠寒人事有往復浩浩發高歌穠艷偶娛目吾  
徒一餉樂取適匪取足醒酒來清風松濤響謾謾

○金南郊臺在南城豐宜門外金大定間拜天于此又  
宸垣識畧

卷十三

五

名拜郊臺金因遼舊俗以重五中元重九日行拜天  
之禮重五于鞠場中元于內殿重九于都城外

○金太祖平遼碑在南城豐宜門外今無可考

元果邏洛納新詩十丈豐碑勢倚空風雲猶憶下  
遼東百年功業秦皇帝一代文章太史公石斷龍  
鱗秋雨後苔封鰲背夕陽中行人立馬空惆悵禾  
黍離離滿故宮

百泉溪在府西南一十里麗澤關平地有泉十餘穴匯  
而成溪東南流入柳村河



百泉地卑泥濘四時不乾一僧誓填之功未就旋壞已數年矣

元宋駸城南俚歌柳村南路百泉涌陷車躓馬汨  
泐深熒熒一僧獨負土治道不成徒苦心

豐臺在右安門外十八里居民尚以藝花爲業草橋河  
接連豐臺爲京師養花之所元人園亭皆在于此有  
御製豐臺行詩碑二

豐臺之名不知所始洵之士人并無臺也

原按金時郊臺在南城外豐宜門者金之南門也

宸垣識畧

卷十三

六

豐臺疑卽拜郊臺因門曰豐宜故目爲豐臺

王士禎豐臺看芍藥詩回首旗亭畫壁時重來已  
是十年遲應劉逝後風流盡只有恒河照鬢絲

宮錦千絲費剪裁泥他婪尾殿春杯老顛騰欲相  
料理乞取齊奴步障來 雨雨風風態自殊花花  
葉葉不會孤更添練鵲和蟬蝶便是徐熙六幅圖  
霑濕春衣更不嫌花枝姪姪雨簾纖鬢絲禪榻  
心情改閒看見童插帽簷

宋至豐臺看芍藥詩昨日慈仁買花歸插滿銅瓶



香徹夜今日豐臺賞花來補茵更坐芳叢下溥溥  
朝露猶未晞東風吹過珠還瀉珊瑚成堆玉作盤  
殷紅膩白紛低亞晴郊士女如雲屯野老孤亭容  
我借南國美人悵望遙賦手空懷鮑與謝適情無  
事張華筵白酒黃雞供村舍帽側狂歌驚四鄰醉  
來欲啖崑崙蔗長安貴游盡奢豪雜沓讙呶猶夢  
怕只應此地任棲遲手斧腰鎌遠訕罵

湯右曾豐臺看芍藥詩曉色聰隴錦障開殿春花  
事數豐臺天公雨露園公力等是批紅判白來

宸垣識畧

卷十三

七

休嗟狼藉市門前繞郭栽花萬畛連當日洛陽全  
盛日一枝姚魏直干錢

沈德潛豐臺看芍藥詩柔枝穠態若爲情客裡看  
花眼倍明略似少陵臨水見五家合隊麗人行  
文牕雕砌付蒼烟開到名花轉可憐猶有園丁閒  
把耒逢人還訴舊平泉

○韓御史遠風臺在豐宜門外西南四五里宜遷鄉約  
今豐臺相近

元王暉寒食日韓氏南莊讌集詩重城鞍馬厭紅



塵春草池塘發興新自擬嘯歌知道在不分賓主  
更情親青山似喜談時事白髮空慚滿領巾默數  
向來投轄飲不應驚座獨陳遵

補按今之豐臺疑卽遠風臺之遺址

長元按韓氏係總管通甫判府君美昆仲也所稱  
南莊卽遠風臺

○葆臺去城南三十里故老相傳金明昌時李妃避暑  
之臺有寺院甚壯麗乃故京藥師院之支院也今不  
可考

宸垣識畧

卷十三

八

廣寧門在外城之西門外築石道至盧溝橋有

世宗御製廣寧門外石道碑又

御製重修石道碑

南營外南三守備署在廣寧門外大街

天寧寺在廣寧門外元魏孝文帝建爲光林寺隋爲宏  
業唐爲天王金爲大萬安明宣德中修之名曰天寧  
正統中修之名曰萬壽戒壇 本朝乾隆二十一年  
重修有

御書聯額并御製碑



寺當元末兵火蕩盡文皇在潛邸命所司重修姚廣  
孝退自慶壽居焉宣德十年改今名

明王紱游天王寺次王時彥韻古寺尋幽竟夕暉  
敗垣芳草路依微鳥啼空院僧何在樹老閒庭鶴  
自歸靜對方池移石坐高臨孤塔看雲飛平生自  
信心無礙不是衰年始息機

尤侗夜投天寧寺宿詩昏黑應須到花宮接雉塚  
鐘鳴寒月靜鈴語夜風高千里獨爲客一官何太  
勞擔當依淨土破衲補征袍

宸垣識畧

卷十三

九

尤侗再遊天寧寺詩古刹先朝外道場三千精舍  
贊公房繡幢翡翠遺宮線寶鼎芙蓉隱御香虛殿  
蒼茫搖落日老松寂寞倚寒霜關山百戰多荆棘  
處處伽藍似洛陽

徐乾學天寧寺詩籃輿攜伴愜幽懷古寺寒鐘景  
色佳開閣青山方滿座入門紅葉已翻堦清談不  
厭王濛茗枯坐眞同蘇晉齋會向射堂還秉燭知  
君不惜酒如淮

禪房不設  
酒故云

朱彝尊寓天寧寺詩青豆房容借經旬且閉關日



邊連右輔樹杪豁西山六井泉相似千花塔易攀  
不應朝市客翻羨旅人閒 萬古光林寺相傳拓  
跋宮著書非柱下留客卽淹中味坼園蔬甲香携  
市酒筒波濤人海濶安坐作漁翁

天寧寺塔高十三尋爲十三級相傳中有舍利隋文帝  
建四周綴鐸萬計風定風作音無斷時塔前一幢書  
體道美亦開皇中立

王士禎天寧寺觀浮圖詩千載隋皇塔嵯峨俯舊  
京相輪雲外見珠網日邊明淨土還朝暮滄田幾

宸垣識畧

卷十三

十

變更何當尋法侶林下話無生

朱彛尊天寧寺大風和徐處士韻檻外開皇塔三  
千六百鈴天風吹不定一夜枕函聽砌咽寒蟲語  
牕搖獨樹形故人眠未穩吟傍佛前燈

考按天寧寺塔倒影之說帝京景物畧較諸說爲  
明顯今塔頂無珠塔後無大士殿倒影之蹟蓋不  
可得而考矣

大慈觀音寺又名海會禪林俗名南觀音寺在廣寧門  
西一里亦白紙坊地也明成化中上林苑監覃盈建



有

聖祖御書額又

世宗御書額并御製碑

普濟堂在廣寧門外迤西二里有

聖祖

世宗御書暨

今上御製碑

柳巷出廣寧門五里土名柳巷村有普濟菴妙智文殊

菴皆明嘉靖年建又財神廟 本朝乾隆元年重建

宸垣識畧

卷十三

七

士民祈賽香火甚盛

毛奇齡上巳同王光祿柳巷修禊詩細雨新吹九

陌塵桃花又放曲江春同來柳市傳觴客仍是蘭

亭修禊人 駿馬郊原籠碧絲紅竿挑餞踏花時

如何兩度芳林宴不作王融上巳詩

福生寺在盧溝橋北五里樟各村係舊刹名彌陀菴

本朝康熙間僧元信募修雍正時封禪師號文覺因

勅建以爲退院有

世宗暨



今上御碑其塔院在寺後乾隆十五年莊親王作銘  
濕水卽桑乾河至馬陁山爲落馬河出山謂之清泉河  
亦曰干泉至雍奴入筍溝謂之合口

濕水又東與洗馬溝合洗馬溝在府西南四十五里  
上承薊水西注大湖相傳光武北巡洗馬于此又云  
卽銚期奮戟處

桑乾泉卽溱洧水也其水潛承太原汾陽縣北燕京  
山之大池古老相傳有人乘車于池側忽遇大風飄  
之于水有人獲其輪于桑乾泉故知二水潛流通注  
矣桑乾水自源東南流右爲馬邑川水東南流合濕  
水桑乾水濕水並受通稱矣

盧溝河舊自宛平縣東經大興縣南至東安武清入白  
河卽桑乾故道也亦謂黑水水色最濁其急如箭

盧溝橋在廣寧門西南二十五里跨盧溝爲南北往來  
大道金大定二十九年作明昌三年橋成長二百餘  
步左右石闌刻獅子數百枚情態各異元明累加修  
葺 本朝康熙三十七年重修

賜名永定河乾隆間設分司管理之又



敕建永定河神祠于盧溝橋側有

御製文勒碑

元至正十四年四月造過街塔于盧溝橋

考按過街塔在西直門外迤西四十里距盧溝橋  
十餘里今存

金趙秉文盧溝詩河分橋柱如爪蔓路入都門似  
犬牙落日盧溝溝上柳送人幾度出京華

元楊奐盧溝詩燕姬歌處囀鶯喉燕酒春來滑似  
油自有五陵年少在平明騎馬過盧溝

宸垣識畧

卷十三

十三

明顧起元盧溝橋詩西山籠霧曉蒼蒼一綫柔乾  
萬里長窳是征夫望鄉處盧溝橋上月如霜

宋萃過盧溝橋詩盧溝橋畔雪霜多今日衝寒又  
一過不道鄉心南去急祇疑波浪似黃河

沈德潛過盧溝橋詩柔乾流百折到此激盤渦今  
古利名客俱從橋上過風沙揚日暮鎖鑰壯關河  
塵海茫茫際誰人發浩歌

西路同知署在盧溝橋

○符氏雅集亭蓋元人也袁清容謂之酒亭貢雲林謂



之野亭皆有題咏亭在盧溝橋側今不可考  
○青菰村及何將軍別業俱無考

元太保劉秉忠墓在盧溝橋北墓前石獸尚存

明姚廣孝春日謁劉太保墓詩芳時登壠謁藏春  
兵後松楸化斷薪雲暗平原眠石獸雨荒深隧泣  
山神殘碑蘚實文章舊異代人傳姓氏新華表不  
存歸鶴怨幾多行客淚沾巾

金閣寺在石景山有塔宜遠眺明正德中朱寧營建邀  
上幸焉山孤峯特立洞皆鑿石而成

宸垣識畧

卷十三

古

王士禎登石景山浮圖詩浮圖茲山頂峻嶒插孤  
標千盤歷詰曲直上凌風颺寒空稍明淨百里見  
纖毫茫茫塞上山浩洶連波濤渾河盪山來石壁  
如動搖咫尺居庸關鳥道迴青霄上谷接雲中設  
險非一朝 聖代亭障空九泥罷函殺關門閒落  
日士馬無矜驕迴身望漁陽城闕何奈奈薊邱植  
汶篁遺烈思燕昭望諸與騎劫智勇皆蓬蒿朔吹  
揚驚沙屯雲怒盤鵬慷慨一傷懷覽古心鬱陶逝  
將御冷風揮手辭塵囂



惠濟祠在石景山雍正年建以祀永定河神有

御製詩

明林衡署在石景山東南有古松數百株叅錯平野  
間蓋先朝果園

碧霞元君廟在石景山明萬歷中董常侍建

西便門在外城之西北隅

白雲觀在西便門外一里元太極觀故墟中塑丘真人  
像白皙無須眉都人正月十九日致醮祠下謂之燕  
九節 本朝乾隆二十一年五十二年兩次

宸垣識畧

卷十三

十五

勅修有

聖祖暨

今上御書聯額并御製碑又真人像前有木鉢一乃刻  
木瘦爲之上廣下狹可容五斗內塗以金恭刻

皇上御製詩其中石座承之繞以朱欄

長春真人姓丘氏名處機字通密號長春子登州棲  
霞縣濱都里人金大定丙戌年十九辭親居崑崙山  
丁亥謁重陽全真開化王真君喜于寧海請爲弟子  
戊申召見闕下隨還終南山貞祐乙亥金主召不起



已卯宋遣使來召亦不起是年五月太祖自柰曼國  
手詔致聘處機與弟子十八人往焉壬午見太祖于  
雪山之陽拳拳以止殺爲勸問爲治之道則對以敬  
天愛民爲本問長生久視之道則告以清心寡慾爲  
要太祖深契其言癸未乞東還賜號神仙爵大宗師  
掌管天下道教甲申八月奉旨居燕京太極觀丁亥  
五月改太極爲長春七月留頌而逝年八十至元已  
巳詔贈號長春演道主教真人

真人丘長春能燒金佐世祖軍國之用以功封以金

宸垣識畧

卷十三

六

印主教全真

觀前爲玉歷長春之殿有明碑四右有儒仙殿中塑  
赭面黑髯襍頭團花袍玉帶袞補按仙源錄有觀津  
張本者正大九年以翰林學士使北見留遂隱于黃  
冠居燕長春宮疑卽其人再入爲翕光之殿有明碑  
二中列七真像旁繪十八弟子曰趙道堅宋道安尹  
志平孫志堅夏志誠何志清張志素李志常基志清  
潘得冲孟志穩鄭志修鞠志圓于志可王志明宋得  
方張志遠楊志靜皆稱曰宗師又北爲貞寂堂有明



碑二中塑丘真人像二其大者雙瞳點漆精彩如生  
非阿尼哥劉鑾輩不能也

元袁桷遊長春宮詩珠宮敞殊界積構中天臺神  
清歷倒景青紅隱蓬萊羣山助其雄袞袞從西來  
八荒昔禹甸爲此增崔嵬舊邑環蟻垤清泉覆流  
杯雲低落日淨莽蒼同飛埃緬懷古仙伯采芝雪  
琤璫長春豈酒國殺氣爲之迴天風起高寒玉珮  
聲徘徊空餘水中輪歷錄環春雷之人去已久松  
聲有餘哀

宸垣識畧

卷十三

七

明朱國祚題白雲觀詩一言止殺古人難多少通  
臣藉爾安辛苦捐軀文信國得歸也擬著黃冠

徐乾學白雲觀詩浮圖寶鐸半空聞仙觀還看榜  
白雲霜樹紺園鴉自集岩花丹竈鶴依羣碑鏤仁  
壽留千載蹕駐崆峒記數君行樂祇應憑眺徧未  
妨徙倚到斜曛

是日遊天寧寺至此

朱彝尊白雲觀詩愛見晴山出郊西萬木踈偶尋  
樵子徑因訪羽人居活脫存遺像蒼涼感廢墟惟  
餘綵旛字髣髴鶴頭書 世祖興元日真人獨召



丘片言能止殺萬里不虛游羽蛻長春觀池枯太液流誰裁釋老傳乃與帝師儔

○真常觀長春別院真常李公所創在宮西一里與朝元閣相直有廢地一區真常構得之版築未施而逝弟子張誠明繼其志焉

冲和潘公長春弟子居燕廣陽坊居人有貨其屋者公買之以爲長春別館建正殿翼以左右室築琴臺于殿之陰金有琴二日春雷曰玉振皆在承華殿貞祐之變玉振爲長春所得命公蓄之故以名其臺觀

### 宸垣識畧

卷十三

六

成以清逸名之潘公自號九峯老人

考按白雲觀西有土阜一未識爲琴臺遺址否清逸觀久廢

○哀忠墓在觀西十餘里相傳唐太宗見隋煬帝征遼所亡士卒骸骨惻然憫之令悉收葬爲一大塚因名○觀西南五六里爲蕭太后運糧河今泯滅不可問矣廣恩寺遼之奉福寺在白雲觀西南地名栗園今土人猶呼爲三教寺遼之石幢浮圖及明碑俱不可考

考按遼史南京有栗園蕭韓家奴嘗典之疑卽此



地

崇壽寺土人呼爲鐵獅子廟寺門外鐵獅二趺下有鎮宅獅子字明弘治七年造寺在白雲觀西六里羊坊店有明大學士費宏吏部侍郎溫仁和二碑

普會寺遼之駐蹕寺也在玉河鄉池水村明嘉靖中太監蔡秀恭重建土人呼其地爲蔡公店殿前石幢一書大佛頂尊勝陀羅尼經後題大朝歲次己酉當是金定宗未立國號之時因稱大朝亦未可定殿後一遼時松及松下石幢鏤沙門奉航塔記皆不可考

宸垣識畧

卷十三

九

記稱師諱奉航俗姓李氏涿水新城縣人幼禮燕京左街駐蹕寺祥玉上人清寧元年受具大安五年提點涿州惠仁寺壽昌二年提點京北華嚴寺乾統八年遷化于駐蹕之本院門弟子善堅葬之刻石述師實行焉

永安寺在玉河鄉明萬歷年建

元星吉墓在玉河鄉以江西行省平章死難明宋濂撰碑

靜義菴在玉河鄉池水村有磬一識宣武門外竹林寺



比丘惠顯鑄造明景泰四年四月吉日殆本是竹林寺物後人移供于此者

普濟寺在池水村有鐘一明正德五年造

三官廟在池水村有明碑一萬歷己未中書舍人朱童蒙撰

圓通觀在三里河有磬一明萬歷甲午年造

無量菴在三里河有順治十六年重修碑無撰人姓名碑稱係古刹靈佑觀明正德間剏今爲廣種寺文明上人別院改額爲無量菴

宸垣識畧

卷十三

三

重興寺 藥王廟皆在三里河無碑碣舊器可考

圓覺禪寺在三里河路北明嘉靖間中涓麥某建 本朝乾隆十六年重修有

聖祖御書額又工部左侍郎董邦達碑寺有鐘樓懸銅鐘一識明嘉靖甲午年五月阜成門外三里河池水村太監麥某造

釣魚臺在三里河西北里許金主游幸處乾隆三十八年濬治成湖以受香山新開引河之水復于下口建閘俾資蓄洩由三里河達阜成門之護城河至東便



門入通惠河有

御書釣魚臺三字并御製詩

釣魚臺在府西花園村臺下有泉涌出漚爲池其水  
至冬不竭

明公鼐詩花石遺墟入戰圖薊門衰草釣臺孤不  
知良嶽宮前叟得見南兵入蔡無

宋準釣魚臺詩欲訪垂綸處長歌鷓鴣來澄波飛  
野鴨斷岸失孤臺正喜青藤共寧愁畫角催勝游  
應再續計日牡丹開

宸垣識畧

卷十三

三

吳煜釣魚臺詩金主鑾輿幾度來釣臺高欲比金  
臺可憐臺下王飛伯不及儵魚得奮腮

金人王鬱  
隱居釣臺

觀音寺在玉河鄉池水村金大定間比丘智完建明程  
敏政重修碑記誤以卽杭州天竺觀音像爲烏珠入  
杭徙而北者有

御製訂訛文勒石以正其謬

玉淵潭在府西十里卽玉河鄉元郡人丁氏故池柳堤  
環抱景氣蕭爽沙禽水鳥多翔集其間爲游賞佳麗  
之所元人游此廣和極一時之盛



明王嘉謨詩玉淵潭上草淒淒百尺泉聲散遠溪  
垂柳滿堤山氣暗桃花流水夕陽低

觀音菴在玉河鄉打錠廠有明萬歷四十七年鐘一

關聖廟在高麗莊有明碑一

勝泉寺在高麗莊有明碑一

三義廟在核桃園有明碑一 本朝順治十七年翰林

侍讀馮源濟碑一

碧霞元君廟在核桃園有康熙六十一年編修傅王露  
碑

宸垣識畧

卷十三

三

○廣慧寺在玉河鄉朱家莊明成化間因五華寺遺址  
修建今已圯

廣濟庵在玉河鄉池水村明天順元年建有金承安五  
年四月僧行臻塔幢

太乙集仙觀在京西鄉馮家里元元貞元年以其地界  
純一真人口全祐有栗五千株全祐相栗林隙地重  
岡環抱下有寒泉旁地衍沃可引灌溉構正殿三楹  
翼以兩廡繚以石垣王暉爲之作記大德元年勒石  
阜成門在京城西之南



西城副指揮署在阜成門外

夕月壇在阜成門外西郊壇制方東向一成方四丈高四尺六寸面甃金磚陛四出皆白石各六級方壇周九十四丈七尺高八尺厚二尺三寸壇正東三門西南北各一門凡丑辰未戌年

親祭餘遣官每年秋分日祭以酉時壇上黃版素書夜明之神位東向綠版金書

二十八宿之神位周天星辰之神位木火土金水星之神位俱南向

宸垣識畧

卷十三

三

勞之辨夕月壇陪祀詩水輪夕曜配朝暾設坎規模古制存尚白總依商帝色位西仍避太陽尊節因小盡奠留葉魄待初生桂露痕黍竊列卿空應象羞將衰髻照銀盆

萬明寺在月壇東有明萬歷間鐘一

慈明寺在南驢市口有明萬歷四年勅建碑

關聖廟在漏澤園有明碑一又 本朝康熙二十九年 中書高聯璧碑

○普濟藥王廟在南路園口已圯有明萬歷間磬一天



啟間鐘一崇禎間大香爐一

○泰山聖母宮在南路園口已圯有明崇禎間香爐一  
九天廟在大營鄉院後爲三聖殿有明碑二  
報恩寺在甘家口有明碑一

天仙聖母祠在甘家口有明碑一

廣福禪林在甘家口有明天啟間磬一

大悲菴在甘家口有明嘉靖間鐘一

寶塔寺殿前有塔高二丈餘計五層皆六面每面刻佛  
像有明正統十一年賜禮部劄付碑初名宰塔後改

宸垣識畧

卷十三

三

今名

慈悲院在阜成門西關大街乾隆二十八年潭柘僧募  
建爲收養老稚廢疾之所

衍法寺在阜成門外大路北有明正德七年大學士李  
東陽碑吏部尚書楊一清碑後殿有鐘一鑄遼尊勝  
陀羅尼幢記字又施食幢上刻神像皆乾隆三十六  
年寺僧掘得者

○資福寺明正德間僧圓昇建土人呼卧佛寺已圯廢  
今西直門大街迤南有寺數椽亦名資福乃寺僧移



棲于此而仍舊名有香爐一日資福永遠供奉明萬  
歷丙子鑄

慈慧寺去阜成門二里明萬歷壬寅蜀僧愚菴建 本  
朝乾隆二十二年奉

勅重修有御書額

寺中旃檀金像乃黃太史輝手自撥蠟精工特甚寺  
碑陶太史望齡撰黃太史書丹外有蜘蛛塔碑甘井  
碑金剛塔碑皆黃書並稱能品

○靜樂堂在慈慧寺後二里皆葬宮人處所謂宮人斜

宸垣識畧

卷十三

五

查嗣琛詩銅符抵玉魚井冷胭脂澁不及景陽宮  
生共君王入 蜘蛛塔繞虎皮牆老樹山門盡白  
楊夜半宮人斜上月冷隨環珮禮空王

永隆寺在阜成關外金源時建初名地藏寺明正統間  
重修改永隆禪寺在香山鄉又名漏澤園

西域寺在阜成關外馬家溝俗呼三塔寺明宣德年建  
爲灌頂廣善西天佛子大國師茶毘之所其大弟子  
烏巴廸呢雅寶哩等建灰塔立寺告成之日賜名西

域



嘉興觀在阜成門稍北而西北通白石橋

歐邏巴修士利瑪竇墳在白石橋西

○明太傅惠安伯張公園在嘉興觀之右牡丹芍藥各數百畝花時主人制小竹兜供游客行花塋中

查嗣琛詩花塋迢遞竹兜過百頃張園似錦窩四十餘年筋力盡主人看少客看多

慈壽寺去阜成門八里明神宗爲慈聖太后建成于萬歷六年殿宇壯麗左有永安壽塔十三級聳出雲漢四壁金剛像如生 本朝乾隆二十二年

宸垣識畧

卷十三

三

敕重修有御書額舊有明大學士張居正碑又閣臣申時行許國王錫爵瑞蓮賦勒碑寺左

九蓮菩薩者孝定皇后夢中授經者也覺而一字不遺因錄入大藏中旋在慈壽寺殿後建九蓮閣內塑菩薩像跨一鳳而九首寺僧相傳菩薩卽孝定前身

也

今寺內香雲閣下東偏供像一尊高尺雲有跨鳳九首之形

明陳萬言慈壽寺詩帝城門外刹舍衛國中臺初地三摩入慈宮萬壽開午鐘招雉雀夜雨積莓苔怪底花間客浮名逐夢來



王士禎登九蓮閣詩憑闌試騁望遠近一寒林不見西山色蒼茫雲外深

摩訶菴在慈壽寺傍明嘉靖丙午中官趙政建菴不甚大潔淨特甚前後多松檜四隅各有高樓疊石爲之登樓一望川原如繡西山蒼翠欲與人衣袂接萬厯後菴中杏花多至千餘遊人最甚天啟中樓爲魏菴所毀摩訶菴東偏金剛殿有明人重臨三十二體金剛經石刻

考按金剛經集篆三十二體石刻每經一章爲一

宸垣識畧

卷十三

三

體每體標以分書附以釋文明陳萬言及本朝

王崇簡有跋

王士禎游摩訶菴詩西院枕廻溪青山滿高閣祇園天氣佳苔砌餘紅藥鳥如迦陵響梵是魚山作微雨急來過紛紛幾花落東院更幽絕蒼苔引深處修篁蔽簾櫳風聲在高樹恍惚思舊遊繾綣未能去誰賦洞庭詩清如杼山句

高士奇摩訶菴看杏花詩青郊路轉見芳菲日暖園林燕子飛別圃乍經山杏落僧厨新煮藥苗肥



繁花舞蝶迎人面  
細草輕烟上客衣  
更向層臺高處望  
千峯螺黛送春暉

法藏菴在摩訶菴右又名永慶禪林爲摩訶別院

明馮琦宿法藏菴詩  
妙諦聞龍藏  
清談過虎谿  
更從雙樹杪  
借我一枝棲  
法界心常淨  
名琴手自携

曲終人境寂  
殘月竹房西

菴僧無鉉善琴

元福宮在摩訶菴西  
明正德五年建  
中有蒼松四株  
竒古後殿三清  
六真像皆范銅  
爲之配殿文昌  
與夾侍童子亦銅像  
旁鑄一騾銅質光潤  
絕似宣德鑿金

宸垣識畧

卷十三

天

薰爐色有崇禎問中書袁志學碑

宋犖自慈壽寺過元福宮詩  
鄰寺看碑入仙居  
載酒行荒涼  
前代蹟憑弔  
此時情塔院  
饑麕竄丹房  
野蕨生松陰  
留小憇格磔  
暮禽鳴

查慎行元福宮詩  
出屋聞遠籟  
入門走長松  
粘天百頃濤  
下有掉尾龍  
長養紀何朝  
云自明武宗迺鞭促斜照  
紫翠凝西峯

慈育院在十里莊舊稱碧霞元君廟  
康熙四十六年敕重修有御書聯額



報誠寺在十里莊半邊店寺門額識正德戊寅年蓋亦明所建也

靈感觀音菴 寶華菴皆在田村

顯應寺在阜成關外香山鄉黃村康熙五十八年因保明寺舊基修建有

御書聯額并清漢字碑

西黃村保明寺是比邱尼焚修之所寺建自呂姑明正統間姑諫阻北征不聽復辟後念之封爲御妹建寺賜額藏天順手敕三道有寺人司戶俗呼皇姑寺

宸垣識畧

卷十三

五

王士禎皇姑寺詩皇姑寺前風日晴畏吾村畔草痕生山桃堤柳自春色粥鼓鐘魚非世情鐵券南宮憐將相黃沙北狩誤公卿獨慙叩馬輸巾幘天市星文幾夜明

宋榮皇姑寺詩叩馬名高中斜陽幽寺帶芳叢黃沙翠輦當時恨畫幔雲旗異代崇流水若教能納諫奪門奚事更論功淒涼尼子迎神曲不少人間烈士風

雙林寺明萬歷初大璫馮保營葬地造寺曰雙林雙林



馮之別字也後西竺南印度僧足克戩古爾居之賜名西域雙林寺

足克戩古爾西竺南印土人萬歷四年東入中國初息天寧寺後過阜成門外二里溝見一松盤覆趺坐其下默持陀羅尼咒匝月不食僧耳環手鉢紅罽衣蒼紫面而髯鬚肖古達摩相長侍畢某奏之賜織金禪衣爲建寺曰西域雙林寺殿供三大士西番變相也寺後一土山山前一塔傍多朱櫻

葉映榴雙林禪院觀荷詩勝侶尋幽刹芳筵對水

宸垣識畧

卷十三

三

張宿紅窺鏡影高翠捧珠光雨後人尤愛觴傳我亦狂相看塵土氣俱付碧雲鄉

湯右曾過雙林寺詩高柳鳴蟬已到門小橋雨壞晝昏昏茶香一勺知新味鴻爪何年識舊痕乍落槐花秋夢冷自翻荷葉午風喧痴人未用痴相惜寶帶華纓一笑論

長元按足克戩古爾入中國之時正馮瑄建寺之時其後馮敗而寺存因以居之賜名西域雙林寺增設西番變相非特建也六研齋筆記載番僧鎖



喃曩結自述云初至中國住五臺山羅喉寺二年  
遇太監劉潤引至北京雙林寺萬曆三十年五月  
啟奉明肅皇太后命住萬壽庵持咒卽萬壽寺三年有  
番經廠太監張貴奏于御前令引見命住雙林寺  
設壇濟幽四十九晝夜賜紫衣寶冠命西經廠掌  
壇教授中貴云云其敘甚詳帝京景物畧所載多  
傳聞之誤也

興教寺在雙林寺東明成化中建以居大興法王結  
幹領占者

宸垣識畧

卷十三

三

長元按鎖喃曩結云先代和尚班的荅祖乃成化  
皇帝國師歿于東土賜法王寶殿塔院

神虎橋在雙林寺西二里橋有四石虎明萬曆中一虎  
夜逸遂名三虎橋

查慎行三虎橋詩狼石怒趁人風聲挾秋雨馬驚  
左右顧橋滑路難取誰呼北平守三發三飲羽我  
欲從之游入山射真虎

宸垣識畧卷十三



宸垣識畧卷十四

仁和吳長元太初氏輯

郊坳三

西直門在京城西之北門外修石道二十里至 圓明

園

王士禛城西詩都城負太行勃謁地形古城西富  
流水磬折頗參伍裂帛檐渟著淵淵乃句矩北上  
青龍橋雲峰燦可數皎如奩中鏡曉牕照眉嫵南  
過金口寺徧地鵝王乳錦石映文魚白蘋間紅菘

宸垣識畧

卷十四

吾家魯連陂簞笠渺烟浦小別二十年稻塍幾風  
雨安得半尺筮行歌鞭水牯

南營外南一守備署在西直門外西關

高粱河在西直門外半里爲玉河下游玉泉山諸水注  
焉高粱其舊名也自高粱橋以上謂之長河

濕水又東南高粱之水注焉水出薊城西北平地泉東  
注經燕王陵北又東經薊城北又東南流入濕水俗  
諺云高粱無上源清泉無下尾蓋以其源散漫難尋  
故也



長元按魏征南將軍劉靖碑云高粱河水出自并州黃河之別源侯立過于水道高粱河造戾陵過開車箱渠水流乘車箱自薊西北逕昌平東盡漁陽潞縣所潤合四五百里灌田萬有餘頃是水經注所云水出薊城西北乃車箱渠之下流而非高粱河之本源也又碑在大城東門內道左則魏晉時幽州城郭在今京城之西北可以概見

○齊園在西直門稍右園盡則高粱橋矣園中有板橋叢竹海棠甚多

宸垣識畧

卷十四

二

高粱橋西直門外石道轉北有坊二南坊曰長源永澤北坊曰廣潤資安過橋爲

倚虹堂由此溯長河爲

樂善園

詳苑圖

明朱茂昉清明日過高粱橋詩高粱河水碧灣環半入春城半繞山風柳易斜搖酒幔岸花不斷接禪關看場壓處掉都盧走馬跳丸何事無那得丹青尋好手清明別寫上河圖

王士禎小憇高粱橋詩昔日高粱道綺羅嬌上春



依然挑菜渚不見採蘭人  
新水生魚鱗輕絲漾麴  
塵不妨成漫興青草正如茵

高粱閘在西直門外迤北一里元至元二十九年建名  
西城閘

水從玉泉來三十里至橋下夾岸高柳絲垂到水綠  
樹紺宇酒旗亭臺廣畝小池蔭爽交匝歲清明日都  
人踏青游者以萬計浴佛日重午日游亦如之

○巡河廠在高梁橋稍西門外臨流諸山濃黛涵浴水  
光中都人多于此游觀

宸垣識畧

卷十四

三

廣通寺在巡河廠北元之法王寺也亦春游勝地有  
聖祖御書并御製碑

慈獻寺在廣通寺西係明舊刹乾隆間重修有  
御書額

極樂寺去高梁橋三里明成化中建門外有二柳高拂  
天長條踈地可掃馬蹄中有松亦佳成化中寺內牡  
丹最盛春日游騎恒滿寺東有雨花亭西爲通霞觀  
有老栢四株兩人抱之不能合也

圓明園干總署在水磨村



大佛寺在西直門北三里香山鄉畏吾村明正德中太監張雄建賜額曰大慧并護勅勒于碑寺有大悲殿重簷架之范銅爲佛像高五丈土人呼爲大佛寺嘉靖中太監麥口於其左增佑聖觀後山蓋真武祠時世宗好道寺藉此以存有大學士李東陽李本禮部尚書王錫爵碑記 本朝乾隆二十二年重修有

御書額

長元按嘉靖中御用監麥福掌團營當卽其人

○明大學士李東陽墓在畏吾村今無考

宸垣識畧

卷十四

四

查嗣琛畏吾村詩村童擔上沙丞相墓前石惟有宮中鴉飛來弔寒食

大真覺寺在極樂寺西明永樂時西域中印土僧板的達來貢金佛五軀金剛寶座規式詔封大國師建寺居之成化九年詔寺中準中印土式建寶座累石臺五丈藏級于壁左右蝸旋而上頂爲平臺列塔五各二丈塔刻梵字梵寶梵華 本朝乾隆二十六年重修有

御書聯額并御製碑



白石橋在西直門西里許有明萬駙馬白石莊臺榭古木爲附郭園亭第一

明劉榮嗣白石莊詩仙圃宜秋色相將戀夕曛松青新濯雨槐古舊侵雲竹牖池光合山亭石翠分鳳簫遺韻在擬向月中聞

朝真觀在白石橋西 本朝康熙三十三年重修有太常少卿勵杜訥碑

○延慶寺在朝真觀西

長元按燕都游覽志有延壽菴在白石橋西二里

宸垣識畧

卷十四

五

殿宇精嚴疑卽延慶寺

○元歐陽原功墓 李孟墓俱在香山鄉石井村

廣源閘在西直門西七里元至元二十六年建 本朝頻加修葺于此易舟入昆明湖達繡漪橋至 清漪園

萬壽寺在廣源閘西數十武明萬歷五年建殿宇極其宏麗左鐘樓前臨大道鐘鑄自永樂徑長丈二內外刻佛號彌陀法華諸品經蒲牢刻楞嚴咒銅質精好字畫整雋相傳沈度筆少師姚恭靖公監造名曰華



嚴鐘擊之聲聞數十里有敕建碑大學士張居正撰  
後鐘棄于荒地 本朝乾隆十六年移鐘于城北覺  
生寺有

御製碑清漢蒙古西番四體書

明朱國祚萬壽寺詩貝葉三車少華鐘萬石餘聲  
仍到長樂地合置精廬瀟灑人王界莊嚴學士詩  
秋來霜落後流響更何如

萬壽街在萬壽寺西路北設關門有長衢列肆北達  
暢春園居人稱爲蘇州街

宸垣識畧

卷十四

六

魏之琇詩樓館青紅百貨俱水邨山郭似姑蘇小  
人近市真堪羨翻作人間大隱圖

昌運宮在廣源闡之南三虎橋西里許初名混元靈應  
宮明正德六年司禮太監張永建有敕建碑又大學  
士李東陽副使劉效祖碑二 本朝乾隆三十四年  
敕修有御書并御製詩碑清漢各一

查慎行昌運宮詩老鶴巢古枝虛廊交冷翠淒涼  
前代塚傳是張常侍煌煌元老文苔蝕仆碑字賜  
域滿西山斯人或無愧



興勝庵在昌運宮西明萬歷中建土人目爲松林今松  
無復存矣

查慎行興勝庵看杏花詩幸是韶光處處同勝遊

隨意轉芳叢

先經摩訶菴不得入

別開香界松林外遙指烟

村杏社東黛色濃添三面綠日痕微減一分紅只  
須十步凌丹閣多少花頭在下風 及記當時載  
酒遊舊題幾壁拂塵留重隨客到僧猶識不待人  
言我欲愁牧笛聲中芳草路鞭絲影裏夕陽樓花  
開花謝年年事豈料傷春易白頭

宸垣識畧

卷十四

七

中營副將署在海淀

暢春園守備署在海淀莊

三笑菴在萬壽寺西過此爲麥莊橋相傳明代舊刹

本朝重加修葺有

御製碑并御製詩

廣仁宮碧霞元君廟名藍靛廠在麥莊橋之西長春橋

俗呼西頂有

聖祖御製碑又

今上御書聯額并御製詩碑



關聖廟在廣仁宮東乾隆二十一年  
敕修

自怡園在海淀大學士明珠別墅

查慎行過相國明公園亭詩名園多在苑東偏不  
數樊川及輞川綺陌東西雲作障畫橋南北草含  
烟鑿開邱壑藏魚鳥勾勒風光入管絃何似贊皇  
行樂地手栽花木記平泉 毬塲車埒互相通門  
徑寬閒五百弓但覺樓臺隨處湧不知風月與人  
同紫駝卧草平沙外白馬穿花細雨中一片近郊

宸垣識畧

卷十四

八

農牧地可容雞犬識新豐

巴溝村有巴溝橋東南與萬泉莊接壤其水自南而北  
匯入 暢春園爲丹稜沈卽 宮門前之南菱池也  
其源自萬泉莊來有

御製碑

高粱橋西北十里平地有泉四出瀦爲小溪凡數十  
處北爲北海淀南爲南海淀北海之水來自巴溝或  
云巴溝卽南海淀也有石梁一是曰西勾巴溝之旁  
有水從青龍橋河東南流入于淀南五里爲丹稜沈



又南爲陂五六出于巴溝達白石橋與高粱水合

長元按明王嘉謨薊邱集云沆水再瀦爲溪有村曰東雉水入地中出于巴溝自溝達于白石以入于高粱是丹稜沆之水未嘗明與巴溝通也且丹稜沆三字見自元碑未知所始故土人不知其名伏讀

御製碑云園前有水一溪俗稱菱角泡子疑卽所謂丹稜沆也其水由南而北不與巴溝通可證孫朱二書之誤

宸垣識畧

卷十四

九

明朱國祚西勾橋詩東雉村邊水西勾橋下流濯纓人不至處處浴沙鷗

王士禎竹枝詞西勾橋上月初升西勾橋下水澄澄綺石迴廊都不見遊人還問米家燈

暢春園卽明李武清侯清華園

詳苑圖

清華園明李戚畹別業臨丹稜沆圍廣十里正中滄海堂堂北亭置清雅二字明肅太后手書也園中牡丹多異種以綠蝴蝶爲最開時足稱花海西北水中起高樓五楹樓上復起一臺俯瞰玉泉諸勝



清華園前後重湖一望漾渺在都下爲名園第一若以水論江淮以北亦當第一也

明袁中道海淀集李園詩滿日塵沙塞路谿夢魂久已憶山棲誰知烟水青溪曲只在天都紫陌西鎮日浮舟穿柳澗有時騎馬出花畦到來賓主紛相失總是仙源路易迷

洪雅園卽明米萬鍾勺園今爲鄭親王邸第

勺園在北淀明水曹郎米仲昭別業又曰風烟里中有曰色空天曰太一葉曰松垞曰翠葆樹曰林於澁

宸垣識畧

卷十四

十

都人稱曰米家園仲昭繪園中景爲燈邱壑亭臺纖悉具備都人又稱爲米家燈

明王思任題勺園詩纔辭帝里入風烟處處亭臺鏡裏天夢到江南深樹底吳兒歌板放秋船

查嗣琛雜咏詩東雉西勾地較寬米園絕有好林巒只因身住風烟里畫個朝叅一笑看

泉宗廟在丹稜沈南萬泉莊乾隆三十二年建正殿供龍神像後爲樞光閣上祀真武下供龍王龍母像有御書聯額并御製碑御製詩



廟東所內院中正宇三間稍南爲曙光樓山後敞室爲挹源書屋右有六方亭南爲觀瀾亭北爲扇淳室東爲向綠軒北爲主善堂堂西爲秀舉樓 主善堂北爲湛虛樓 樞光閣右廊而西曰依綠軒軒南爲輝淵榭東接樂清館 榭之南建石坊二架以石橋橋外稍東曰津逮亭 樂清館之南爲碑亭西南宇曰愛景庭後爲集遠堂 館西爲苑之西罩門考按廟內外淙泉之處

皇上各錫嘉名立碣以志其在廟門之外者凡三南曰

宸垣識畧

卷十四

十一

大沙泉小沙泉北曰沸泉廟內東所廳宇對岸曰滂泉屑金泉曙光樓後曰冰壺泉金瀾泉規泉山後度紅橋曰露華泉鑑空泉印月泉觀瀾亭畔曰藕泉躍魚泉松風泉扇淳室後曰晴碧泉白榆泉向綠軒畔曰桃花泉主善堂之西曰琴脈泉秀舉樓之右曰杏泉澹泉再南曰瀏泉樞光閣東配殿南曰洗鉢泉西所依綠軒右曰浣花泉輝淵榭之南曰漱石泉橋畔曰乳花泉漪竹泉柳泉楓泉雲津泉樂清館之南方池曰月泉西曰貫珠泉凡二



十有八皆

御書勒石

長元按 懋勤殿底冊門外立碣五大沙泉小沙泉沸泉月泉巴溝門內立碣二十八有苻帶泉其餘同今門內訛苻帶泉爲月泉門外少月泉巴溝二碣未知孰誤

三教菴在萬泉莊有

御製萬泉莊碑

延壽菴在巴溝村

宸垣識畧

卷十四

三

永寧寺在 暢春園西北門內後殿供十六羅漢寺門外爲崇臺臺後爲船塢有

聖祖暨

今上御書聯額

聖化寺在 暢春園小西廠之南門外二里許門殿凡五層有

聖祖暨

今上御書聯額

山門外度東閘橋迤西爲北所內 正殿額曰青翠



霄漢西院正宇額曰和風霽月中虛靜齋宮門內額曰怡庭柯臨河額爲欣稼亭自北所東橋轉西宮門內正殿爲含淳堂後殿爲佛樓右臨池樓後爲得真齋西爲帶崑亭東爲羣翠軒爲仙楹樓東爲湛凝齋爲敷嘉室仙楹之東爲襟嵐書屋稍南循廊而西爲矚岩又南敞宇曰泉石且娛心

長元按泉宗廟聖化寺舊聞考俱入苑囿但在丹稜沈之南非若香山寺在靜宜內垣可比故以名勝例改入郊垌

宸垣識畧

卷十四

三

永通寺在南海淀前明舊刹也 本朝康熙間重修聖祖御書清梵寺額有

世祖御書又

今上頒賜藏經全部

龍翔寺在馬家口前明舊刹 本朝康熙間重修有

聖祖暨

世宗御書聯額

覺生寺在曾家莊雍正十一年建乾隆間移明永樂時華巖鐘懸于寺內有



世宗御製碑又

今上御書并御製詩勒碑陰

沈德潛覺生寺大鐘歌牙角鬚鬚蟠老龍色相古  
黝兼青紅旋蟲躩踞列衆獸旁羅鬼怪諸姦凶重  
逾萬石更萬石漢高廟器將母同金泥傳自明永  
樂遷都北地仍燕封廟社旣建鼎呂定次及梵宇  
成華鐘道衍監造役鳧氏數倍仙掌鎔金銅彌陀  
華嚴蒼全部沈學士度筆藏稜鋒懸之傑閣人雲  
表六僧舉杵齊撞春當年燕飛啄孺子南兵百萬

宸垣識畧

卷十四

四

爲沙蟲抄連瓜蔓凝碧血甌延赤族鋤羣忠憑仗  
佛力消黑業趙趙聲徹天門重恒河沙數至無筭  
火燄滅熄刀輪空從來王者貴不殺豈緣象教尊  
禪宗神孫更創萬壽寺大瑞勢力移其中熹宗以  
後委諸地龍卧沙草雲難從 熙朝郭西建寶刹  
重樓複殿棟宇隆錫名覺生代木鐸警醒憤憤憐  
愚蒙鐘從廢寺徙新構萬牛回首駟徒工鯨鏗鼉  
鳴整課誦響達長樂隨天風我來郊原訪林麓一  
徑委折趨靈宮諦咏古蹟夾雙皆偉觀一豁平生



胸因思雞鳴埭西北巨鐘蝕土眠蒿蓬摩抄永樂  
二年鑄兩地禱福邀天功一鐘淪棄聲久啞一鐘  
叩擊驚頑聾蒲牢亦等遇不遇何況士類分雌雄  
獨惜大鏞置佛地虛無祇伴金仙蹤 今皇崇道  
講經學鴻都觀禮來耆童始終條理藉法物曷不  
輦載歸辟廡於論於樂頌 聖德相和鼙鼓聲逢  
逢

藥王廟在小泥窪乾隆三十七年重修

紫竹林碧霞宮在陳府村係舊刹羽士居之 本朝康

宸垣識畧

卷十四

五

熙間重修

度紅橋而北爲

圓明園

詳苑園

中營都司署駐 圓明園

前湖在 圓明園前乾隆間所開有

御製詩碑

南海淀迤北是爲 暢春園紅橋河水從 暢春園

西北門五空闌流出垣外在 圓明園宮門之南迤

邇東注稍折而北流經 長春園大東門外石橋合



御園諸水趨清河會沙河以入白河

慧福寺在 圓明園宮門左舊名清芳菴雍正元年建  
世宗賜今額

善緣菴在 圓明園左係舊刹

泰山聖母廟在善緣菴右康熙年建

澄懷園在海淀大學士張廷玉 賜園繼大學士劉統  
勳居之燬于火後爲 內廷翰林公寓

沈德潛遊澄懷園詩名園水木互潑洄地近 離  
宮絕點埃虞褚並官親禁掖鄒枚分宅住樓臺荷

宸垣識畧

卷十四

六

風入座香難散鷗侶依人夢不猜行到苑牆遙指  
點此間合號小蓬萊

大樹菴在華家屯舊有前後兩菴康熙間重修

聖祖御書額曰勅建大樹菴

觀音菴在大樹菴西康熙年建

蕭家河橋在 圓明園西北門外舊有闌今仍其制其  
水由青龍橋來東北流繞 圓明園後約三里許至  
車房村合紅橋河

長春園

詳苑圖

大東門外大石橋有關帝廟西北里許地



名二河閘亦有關帝廟大北門前營有三聖菴皆  
本朝建立

法慧寺在 長春園東北門殿二層有  
御書額

圓明園守備署在掛甲屯西胡同

安河橋南有豐益倉有三官廟乾隆二十九年建其碑  
畧云左遶長河右列金山

長元按豐益倉雍正年建 圓明園所駐西四旗  
及健銳營兵精俱于此支領

宸垣識畧

卷十四

七

圓明園樹村守備在樹村南

泰山聖母廟在達官郵明天啟四年建 觀音菴乾隆  
五年建俗稱將軍廟以殿內觀音大士像左右有石  
像二刻爲將軍侍立之形也

大有莊在達官郵西南里許莊前爲 御道

昆明湖卽西湖景爲玉泉龍泉所瀦此地最窪受諸泉  
之委滙爲巨浸土名大泊湖環十里乾隆癸亥 命  
疏濬開拓周四十里西山泉脈隨地涌現因勢順導  
流注于湖其自西北來者尚有二源一出于十方普



覺寺旁之水源頭一出于碧雲寺內石泉又開洩水河二自靜明園土山外爲東北一帶洩水河其水東北合蕭家河諸水歸清河自四王府土山外爲西南一帶洩水河其水經小屯村折而南經雙槐樹之東又東南至八里莊匯于釣魚臺前湖內爲正陽廣寧廣渠三門城河之上流皆乾隆間開濬

賜名昆明湖堤上有廓如亭亭北爲崑崙石勒

御製詩其旁範銅爲牛背鐫

御製金牛銘又

宸垣識畧

卷十四

六

御製萬壽山昆明湖記勒石 清漪園

西湖方十餘里有山趾其崖曰甕山寺曰圓靜寺左田右湖又三里爲功德寺洪波衍其東幽林出其南路盡叢薄始達于野乃有玉泉出于山下歎薄轉激散爲谿池池上有亭宣宗駐蹕處也又一里爲華嚴寺有洞三其南爲呂公洞一竅深黑投以石有水聲莫有窮之者

水從高梁橋而西傍有極樂真覺諸寺臨之前廣源閘節之上麥莊橋越之過橋爲湖界以長堤湖在堤



南稻田豆場在堤北曰西堤者城西堤也堤行八九里龍王廟廟之旁黑龍潭又行一里堤盡右有村上青龍橋卽玉泉山下也

明王直西湖詩玉泉東滙浸平沙八月芙蓉尚有花曲島下通蛟女室晴波深映梵王家常時鳧雁聞清唳舊日魚龍識翠華堤下連雲秔稻熟江南風物未宜誇

明馬汝驥西湖詩珠林翠閣倚長湖倒映西山入畫圖若得輕舟泛明月風流還似剡溪無

宸垣識畧

卷十四

九

王士禎西隄詩隄外春流界稻田隄邊鷗鷺爭娟娟風烟里畔千條柳十里清陰到玉泉 萬樹垂楊掃綠苔桃花深映榷籬開遊人盡說西堤好須及清明上巳來

沈德潛西湖堤散步詩左帶平田右帶湖晴虹一路繞菰蒲波間柳影踈兼密雲際山容有忽無遺臭豐碑舊闌豎煎茶古寺老浮屠閒遊宛似蘇堤畔欲向橋邊問酒壺

大承天護聖寺元天歷二年建在西湖盡處近金山口



規制鉅麗明改爲功德寺 本朝乾隆間重修有  
御書額并御製碑

功德寺舊名護聖前有古臺三相傳元主游樂更衣  
處或曰此看花釣魚臺也寺極壯麗立穹碑二其一  
宣廟御製其一元舊物蒙古字有毘盧閣崇數仞凭  
闌而眺一寺之勝皆在目前

寺初興時板菴禪師能役木毬毬大如斗不脛而走  
逢人躍地如叩首狀入侯門戚里募金人目爲木毬  
使者所募金錢以建巨刹其毬至今尚存

宸垣識畧

卷十四

三

長元按元史至順二年築駐蹕臺于承天護聖寺  
東則寺內古臺乃駐蹕臺與看花釣魚爲三耳  
明程敏政功德寺詩東風幾日到郊坰岸草汀蒲  
已自青羈客乍來無暇日野人相見亦忘形湖當  
鷺嶺烟光重路入龍潭水氣腥聞說先皇曾駐蹕  
紅雲猶繞玉泉亭

查慎行廢功德寺詩瓦落空墻土盡崩雜耕猶剩  
兩三僧晨叅栢子留禪偈夜看松花照鬼燈駐蹕  
亭邊牛飼草釣魚臺畔鼠攀藤木毬斗大今安用



自古琳宮有廢興

查嗣琛雜咏詩刻絲秘像錐金柱虎口開時古殿  
崩事去木毬稽首懶更誰乞米救殘僧

明景帝陵在金山口今封樹如故有

御製詩碑

朱彝尊謁景皇陵詩重湖裂帛已流澌岸柳三眠  
又一時尚有寢園開夕照每逢人日撫殘碑童童  
獨樹棲禽少冉冉長途下馬誰回首昌平山近遠  
裕陵松栢總淒其

宸垣識畧

卷十四

五

甕山在京城西三十里玉泉之東西湖當其前金山拱  
其後乾隆十六年

賜名萬壽山山前爲

清漪園

詳苑圖

甕山在海淀西五里土色純盧其南岩若洞而圯者  
一樵人曰此少高仙室也人家傍山小具池亭桔槔  
鋤犁咸置垣下酷似江南風景

甕山相傳有老父鑿石甕上有華蟲雕刻文中物  
數十種悉爲老父携去置甕于山之西留識曰石甕  
徙貧帝里嘉靖初甕不知所在嗣是物力漸耗



朱彝尊甕山詩石甕久已徙青山仍舊名去都無  
一舍已覺旅塵清

查嗣琛雜咏詩少鬲仙家久結隣帝城佳氣有金  
銀誰移寶甕他山去從遣三街九市貧

大報恩延壽寺在甕山下明圓靜寺舊址 本朝乾隆  
十五年于其地復建門殿凡五層皆

御書額并御製碑又御製詩勒碑陰西爲羅漢堂倣杭  
州淨慈寺田字式建內分甲乙十道塑阿羅漢五百  
尊皆

宸垣識畧

卷十四

三

御書額

圓靜寺弘治七年助聖夫人羅氏建因岩而構甃爲  
石磴游者拾級而上山頂有屋曰雪洞俯視湖曲平  
田遠村綿亘無際

元丞相耶律楚材墓在萬壽山南麓數百武好山園之  
東乾隆十五年

命立祠宇有御製詩碑

耶律楚材墓前祠久廢諸石獸俱零落一翁仲立而  
未仆天啟七年夏夜有螢千百集翁仲首土人望見



譁曰石人眼光也質明共踣而碎之

甕山下耶律丞相祠崇禎中尚存公及夫人二石像  
端坐陌頭公像鬚分三縷其長過膝

明王嘉謨耶律丞相墓詩丞相遺邱湖水陰荒榛  
野草自蕭森亭前瀑布搖空穴雪後寒禽啁大林  
慘澹尙思戎馬日艱難深仗哲人心雲龍鵝鸛真  
餘事獨弔空山淚滿襟

王士禎詩石甕山頭歸片雲望湖亭上倚斜曛紙  
錢社酒棠梨道誰到湖邊耶律墳

宸垣識畧

卷十四

三

查嗣琛雜咏詩隨身短鍤埋何用誓墓殘碑枉瘞  
銘丞相頭顱曾出土莫教翁仲怨流螢

圓明園把總署在甕山東北

須彌靈境在萬壽山北長橋南後爲香岩宗印之閣閣  
東爲善現寺西爲雲會寺

萬壽山後溪河亦發源于玉泉自玉河東流經柳橋曲  
折東注其出水分爲三一由東北門西垣下閘口出  
並歸 圓明園西垣外河一由惠山園南流出垣下  
爲宮門前河又南流由東堤外河會馬廠諸水入



圓明園內爲昆明湖

宮門前河東西爲長堤其西南爲養水湖東堤之北爲文昌閣南爲廓如亭亭西爲長橋又南爲繡漪橋廓如亭西度長橋爲廣潤祠繡漪橋北湖中圓島上爲鳳凰墩西堤之北爲柳橋桑苧橋玉帶橋稍南爲鏡橋練橋界湖橋湖北岸爲蠶神廟北爲織染局後爲水村居自此西接玉泉

青龍橋在礮山北五里元明白浮堰之上流也其西通金山口其北斜界百望山有

宸垣識畧

卷十四

十四

御製詩其闡之製今仍其舊東半里許設城關有御書額

七里泊在礮莊源自昌平州東南流至宛平縣合高梁青龍橋跨其上

查慎行青龍橋詩  
窺山西北巴溝上指點平橋接  
礮莊自甃清渠成石碣盡迴流水入宮墻殘荷落  
瓣魚鱗活高柳飄絲鷺頂涼不礙蹇驢行  
蹇蹇有人緩轡正思鄉

慈恩寺在青龍橋側明萬歷中勅建寺東有塔院



○西方菴在青龍橋南里許東望據湖梵宇雖不雄偉而極精嚴稍南爲三元寺甚隘而頗饒水木之勝紅石山有妙應寺關帝廟皆明建。本朝重修妙應寺後有碣房全座并亭一碣房之下爲山神廟寶藏寺明正統間建。本朝重修

過金山口數里有谷頗幽邃上坡三里許度大壑又三里許是爲寶藏寺正統四年係西域僧道深建初名蒼雪菴勅賜今額

宸垣識畧

卷十四

三

畫眉山由金山口度嶺至冷泉村泰州務役產石黑色浮質而膩理入金宮爲眉石故名

黑龍潭在畫眉山有龍神廟祈禱雨澤甚爲靈應有世宗御製碑又

今上御製詩勒石

山上龍湫圍廣十畝水從石罅中出下溢田間潺潺有聲山北十里有溫泉

玉泉山在舊山北青龍橋西金章宗建行宮于此元明以來皆爲游幸之所。本朝康熙間修葺

聖祖賜名靜明園

詳苑圍



玉泉山以泉名泉出石罅瀦爲池廣三丈許水清而碧細石流沙綠蒸紫葍一一可辨池東跨小石梁水經橋下東流入西湖山頂有金行宮芙蓉殿故址相傳章宗嘗避暑于此

玉泉山土紋隱起作蒼龍鱗沙痕石隙隨地皆泉山陽有巨穴泉歛而上淙淙有聲或名之噴雪泉有

御書玉泉趵突四字爲燕京八景之一

碑在靜明園

元王惲游玉泉詩峰頭亂石鬪嗟呀水底浮光浸碧霞絕似蘇門山下路惜無修竹與梅花

宸垣識畧

卷十四

三

明劉大夏玉泉道中詩晚來聯騎踏晴沙風景蒼蒼一望遐幾處白雲前代寺數村流水野人家鶯啼別墅春猶在馬到西山日未斜回首不知歸路遠九重宮殿隔烟霞

王士禎玉泉詩蕭晨金山下濯纓玉泉水十畝清瑤流分明鏡相似金膏時掩映碧玉相傾委水荇隨風翻靡靡映清泚垂楊夾碕岸其下多芳芷流爲裂帛湖宛若昆明裏湖上多漁村網罟集沙尾宣宗昔遊幸龍舸茲山趾當年功德寺荒涼嘯山



鬼何況芙蓉殿遺蹟皆銷毀碧水自東流彌傷人  
代駛儻逐五湖舟去問鷗夷子

宋犖玉泉詩清泉噴薄散驪珠咫尺流爲裂帛湖  
常送寒淙穿大內新開水殿做三吳烟霞窟宅天  
留勝楊柳汀洲畫不殊淼淼恩波閒極目願同黃  
鵠一霑濡

龍王廟在玉泉山麓廟據泉上渟泓方廣數丈湧泉如  
珠名裂帛湖然山旁石縫皆迸流濺雪不特此湖也  
裂帛湖泉源仰射如珠串古榆蔭潭上極幽秀過趙家

宸垣識畧

卷十四

三七

堤水更深碧

王士禎裂帛湖詩裂帛湖光碧玉環人家終日映  
潺湲分明一幅蔡侯紙寫出湖南千萬山

朱彝尊詩裂帛湖流兩岸平柳陰風暖燕飛輕年  
光冷笑長安客開遍山桃不出城

查嗣瑮裂帛湖詩石迸珠光碎風磨鏡面平若教  
褒女聽應愛此泉聲

呂公洞在玉泉西二里觀音寺寺依山入門有洞深廣  
二尋亦曰觀音洞昔呂仙憇此去而洞名也



呂公岩下臨一潭廣丈餘山上有看花臺卷幔樓

查慎行呂公洞詩只道山窮水亦窮忽攀石磴與  
雲通芙蓉殿底三重閣楊柳橋南一面風老去文  
人多入道從來絕境必凌空知君欲傲長江簿佛

號曾呼禁苑中

山頂卽金章  
宗芙蓉殿址

○昭化寺在玉泉山麓元世祖建

○崇真觀在玉泉山下觀外小澗環流清淺可度前累  
石爲臺下甃方池池上有斗室曰靈淵齋

上華嚴寺下華嚴寺俱明正統間建其額英廟勅賜寺

宸垣識畧

卷十四

三

有二洞一在山腰一在殿後曰七真洞或云卽翠華  
洞洞中石壁鏤元耶律丞相一詞明大學士夏言和  
之亦鏤于壁

元耶律楚材鷓鴣天詞花界傾頽事已遷浩歌遙  
望意茫然江山王氣空千劫桃李春風又一年橫  
翠嶂架寒烟野花平碧怨啼鴉不知何限人間夢  
併觸沈思到酒邊

明夏言和詞人世滄桑有變遷靈岩玉洞自巋然  
朝衣幾共游山日佛界仍存刻石年嗟歲月惜風



風烟等閒花發又啼鴉只將彩筆題僧壁玉帶長  
留向日邊

○金山寺在華嚴寺右半里山有玉龍洞洞出泉發石  
爲暗渠引水伏流約五里入西湖名曰龍泉望湖亭  
建其上

明張治望湖亭詩望湖亭下水如天曾記宣皇賜  
幸年玉輦不來鳧雁冷一湖楊柳鎖寒烟

○玉泉山右西向名瓦窰頭有隆佑菴僅數廡垂柳名  
花楚楚可翫

宸垣識畧

卷十四

三五

香岩寺在華嚴寺東妙高峯下寺後有妙高塔山麓折  
而北爲羅漢洞上爲水月洞

敬一主人

諱國

香岩寺詩雨霽空山夕尋幽入杳

冥雲封千澗白露濯萬峯青飛鳥依簷宿流泉伏  
枕聽朦朧空翠裏孤月自亭亭

長元按香岩寺卽玉峰塔影爲靜明園十六景之  
一又苑囿門載玉泉上爲龍王廟南爲觀音洞真  
武廟呂祖洞洞旁爲雙關帝廟西南爲冠峯亭亭  
西爲迸珠泉稍北爲水月菴北爲聖緣寺寺北爲



仁育宮奉天齊又西宮門外迤北有妙喜寺香露寺普通寺妙雲寺皆在 禁苑左右爲近時所建者其沿革未詳因附識于此

○法雲寺在西山後妙高峯下有雙泉鳴于左右寺門內甃爲方塘殿倚石石根兩泉源出焉西泉出經茶竈繞中霤東泉出經香積厨繞外垣匯于方塘所謂香水已金章宗設八院游覽此其一院草際斷碑香水院三字尚存

朱彝尊香水院詩壞磴接雲根流泉來樹底宛轉入僧厨淙淙鳴不已

宸垣識畧

卷十四

三

淶水亭在玉泉山麓大學士明珠別墅子侍講成德嘗于此亭著大易集義粹言

朱彝尊臺城路詞一灣裂帛湖流遠沙堤恰環門徑岸劃青秧橋連皂莢慣得游驄相並林淵錦鏡愛壓水亭虛翠螺遙映幾日溫風藕花開遍鷺鷥頂不知何者是客醉眠無不可有底心性研粉長箋翻香小曲比似江南風景看來也勝只少片天斜樹頭帆影分我魚磯淺沙吟到暝




查慎行淶水亭與唐實君話舊詩鑑裏清光落檻  
前水風涼逼鷺鷥肩菰蒲放鴨空灘雨楊柳騎牛  
隔浦烟雙眼乍開疑入畫一尊相屬話歸田江湖  
詞客今星散冷落池亭近十年



宸垣識畧 卷十五卷十六

之

EM110  
934  
8





宸垣識畧卷十五

仁和吳長元太初氏輯

國史館藏

郊坳四

西山在府西三十里爲太行之首

西山諸蘭若白塔無慮數十與山隈青靄相間流泉  
滿道或注荒池或伏草逕或散漫塵沙間春夏之交  
晴雲碧樹花香鳥聲秋則亂葉飄丹冬則積雪凝素  
信足賞心而雪景尤奇

元許衡別西山詩大山如蹲龍小山如踞虎烟嵐  
宸垣識畧

卷十五

鬱蒼翠遠近互吞吐我來薊門居遨遊成樂土策  
杖望朝雲卷簾看暮雨佳意豁塵腥勝概入談塵  
使我鬱陶消使我癆瘵愈生平鄙吝心一洗出干  
古回首聲利人何殊坐圉圍遠役非素懷况有跋  
涉苦吟鞭裊東風遲遲如去魯芳菲二三月追遊  
盛梅塢歸來願無違一觴期對舉

明李東陽西山詩日日車塵馬足間夢魂連夜到  
西山近郊地在翻成遠出郭身來始是閒雲裏盪  
胸看縹緲溪邊洗耳聽潺湲秋風忽散城頭雨先



爲遊人一解顏 下馬溪頭散步行暑風稀紆入  
林清村殺野飯匆匆發碧水青山面而迎踏盡平  
隄憐綠草到來幽谷見雲生西湖勝事年年別幾  
日愁多不出城 半嶺香臺石磴斜懸空縹緲散  
天花新開塔寺雄西郭舊賜經幢出內家避暑亭  
前泉帶雨回龍殿下水明霞太平天子閒巡幸頭  
白山僧誦法華

陳元龍曉望西山詩春城景融融風日喜朗暢凌  
晨試憑眺使我心目曠鳳闕高嵯峨歷歷 皇居

壯西山峙其右勢若列屏嶂天青沆瀣合氣暖露  
華釀草樹鬱葱蒨巖嵐分背向朝霞淡猶明初旭  
靄未上或時紫嶙峋或時青滉漾或時見山腰瑩  
靜却塵埃或時露峯頂微茫翳雲浪名勝杳難窮  
變幻不可狀神工蓄雷雨岩穴含寶藏千秋衛  
帝京環拱屹相向臥遊致足樂時來一騁望

吳晟西山詩山瀉瓊池勝披圖按水經洞名疑小  
有泉品類中冷縹緲朝烟白微茫晚岫青涓涓通  
太液終古赴滄溟



宋至西山道中詩鶯花三月漾春暉杏子開殘桑  
葉肥廢寺尋來碑半仆斷橋行處柳成圍抽芒小  
麥翻新浪掠水輕漚鬪素衣望裏諸峯圖畫好吟  
鞭早喜謝塵鞿

中營遊擊署駐四王府

靜宜園千總署在四王府

普陀山在四王府東北州許有天仙菴普庵塔院皆明  
建 本朝重修

荷葉山在玉泉山西南平壤中有岡阜隱起俗以其形  
宸垣識畧

卷十五

三

名之疑卽孫承澤所稱聚寶山也

十方普覺寺俗稱臥佛寺唐時建在唐名兜率元名昭  
孝名洪慶明日永安殿前娑羅樹二來自西域相傳  
建寺時所植今大三圍矣後殿銅臥佛一明憲宗時  
造又小殿內香檀臥佛一唐貞觀年造已無 本朝  
世宗賜今名有御製碑又

今上御書聯額

臥佛寺名壽安因山得名寺以窳坡爲門有明胡濙  
碑西有泉注于池池上有石如碧玉



娑羅外國之交讓木也葉似栴皮如玉蘭色葱白最  
潔烏不棲蟲不生子能下氣花苞大如拳葉似枇杷  
凡二十餘葉相杳捧苞類桐花一簇三十餘朶經月  
方謝子如橡栗可療心疾

王士禎臥佛寺詩清晨越南磻畢景來東林石徑  
入幽闕稍聞鐘磬音禪房鴨脚古別院紗櫺陰春  
夕月復佳微雲滅遙岑山氣白蒼鬱天宇亦森沈  
道人淡相對松風灑衣襟夙懷清淨退因識妙明  
心寂寥無可說請君張玉琴

宸垣識畧

卷十五

四

宋肇自玉泉至臥佛寺詩西山之麓湖之涯玉泉  
亭榭開 天家訪古已入華嚴洞徘徊敢駐巾柴  
車耶律孤墳竟何在荒烟一抹官人斜樵夫導客  
遊臥佛蒼巖抱處雲林嘉其旁咫尺維退谷其巔  
古寺有五華尋幽無事相迫促入門且看山桃花  
紗櫺夾殿作虬舞油油新葉濃陰加披襟跂脚送  
落日斗大樹癭輿徒誇故人命酒余戒飲清泉一  
勺煎三椀牆隅小邱啓紺宇盤桓直欲凌丹霞微  
風不動萬籟靜何來聒耳紛鳴鼃方塘激灑鑿山



趾一泓不異樽罍窪黃昏待月坐精舍跣趺豈與  
維摩差夜闌耿耿增感觸繕性未熟同烝沙詩成  
題壁字欹側懸知他日無籠紗錢翊屬和意良厚  
我詩尚望攻其瑕參橫月落重呼酒倦僕相顧生  
咨嗟空階倚杖望碧漢迢遙不見織雲遮明朝結  
伴窮礪壑山靈知我不我遐晨鐘忽動掉頭去松  
梢肅肅盤飛鴉

朱彝尊臥佛寺詩路入晴雲北山欹臥佛前津梁  
疲已甚土木意能傳夜績林中磬春流枕外泉長

宸垣識畧

卷十五

五

安車馬客輪爾只高眠

原按壽安山卽五華山果遯洛納新題張文忠諫  
罷燈山藁詩自注至治間御史觀音保諫五華山  
事棄市公時爲中書叅議翊日上諫燈山疏可證  
也今之臥佛疑卽元昭孝寺當時鑿山開寺最稱  
巨刹五華廣慧其地甚隘必合臥佛而爲一爾臥  
佛銅像雖傳明成化時造而碑記未詳安知非冶  
銅五十萬斤所鑄耶

觀音堂在臥佛寺西有石盤方廣數丈高可三丈鑿石



磴以上堂外周以闌楯石盤下有小竇出泉淙淙琤琤聽之泠然

隆教寺在觀音堂右度橋而至泉從寺前過也

五華寺從隆教寺泝泉行三里上嶺卽寺門也再上半里有五華閣

王士禎五華寺詩退翁亭子蒼崖前五華古寺當其巔殘僧夜雪煨芋火童子開門尋澗泉石壁空青散雲錦金沙照曜浮清漣他時把酒蘿陰下風墮岩花烏帽偏

宸垣識畧

卷十五

六

廣泉寺在五華寺西嶺

王士禎懷嚴蓀友住廣泉寺詩不識廣泉寺泉源有路通羨君成獨往深夜伴支公澗水聲聞寂林花色相空九峯歸去客微尚想能同

宋榮廣泉寺詩山椒旭日暎春禽破寺何妨振策尋荒逕有人挑筍蕨殘碑無字紀遼金禪房疊石吳中手別院看花世外心雅愛僧雖能解事硬黃一幅索清吟

圓通寺在隆教寺西



太和庵在圓通寺右泉水源于此一方亭據其上傍泉  
多烏桺文杏

○普濟寺在太和庵西三里許寺前一嶺上有小圃中  
一石如鉢水冬夏不涸村民都取汲于此

○普福庵從臥佛寺入山一里許有石澗緣仄徑而上  
俗呼爲紅門山隙有亭兩泉合流于前一出巨石下  
一流細石間上有蹊望之若窮而隱隱有樓閣

水源頭兩山相夾小徑如線亂水淙淙深入數里有石  
洞三旁鑿龍頭水從龍口歎出又前數十武士臺突

宸垣識畧

卷十五

七

兀有石獸甚銳蹲踞臺下相傳爲金章宗清水院章  
宗有八院此其一也水分二支其一伏流地中至玉  
泉山涌出過石洞其澗最深處退谷在焉谷西越澗  
而過有長嶺嶺半爲金章宗看花臺有古松一株

湯右曾水源頭詩深山避犖确踏石畏硤錯定非  
善遊人濟勝兩芒屨我聞水源頭迢遞入榛薄居  
人導我前步步進還却下如臨深淵上如梯高閣  
水細流涓涓沙明石鑿鑿瑣碎隕繁星高閣張廣  
幕繡若藻采披劃然斧斤削溪迴路頻轉琤淙下



畧約再過乃得之源深流不涸得非滋山根元氣  
有橐籥或者百川水各各通海若昔聞此兩源今  
者瀉一壑其下有伏流湧出玉泉脚水清可以鑑  
泉甘可以勺小憩巖頭疲徐悟游賞樂歸途穿蒙  
茸草樹紛枝格櫻桃花萬樹春來想灼灼寒林饒  
脫葉絕澗有墮雀濺濺水漸遠仙徑迷采藥回首  
烟霞姿粗能舉其畧

退翁亭在退谷中亭前水可流觴東上則石門巋然曰  
烟霞窟

宸垣識畧

卷十五

八

宋肇遊退谷尋水盡頭詩如笠亭開退谷前四山  
積翠落層巔花圍曲檻宜呼酒木架荒崖任引泉  
蹋石尋源聞淅歷臨溪濯足愛淪漣蘿陰窈窕苔  
磯靜坐聽樵歌勝賞偏

朱彝尊退谷詩退翁愛退谷未老先抽簪行藥亂  
峯路築亭雙樹林閒中春酒榼靜裏山泉音滿目  
市朝貴何人期此心

廣應寺在臥佛寺西南里許寺有白松箕踞其下望見  
碧雲香山諸寺寺西爲木蘭陀山頂玉皇廟側有滿



井水可手掬西山頂之井廣泉寺與此爲二甘冽似中洽谷中淪茗取給二井

佟峪村在普覺寺西南里許有關聖廟廟西北里許爲萬華山有碧霞元君廟煤廠村有關聖廟村西有兩城關循關而西中有夾道以通人騎又西緣山行爲天寶山過街塔盤道矣夾道之南爲

靜宜園

詳苑圖

靜宜園守備署在香山買賣街

碧雲寺在香山元耶律楚材之裔阿利吉捨宅開山明宸垣識畧

卷十五

九

正德中內監于經拓之天啓中內璫魏忠賢修之奢侈逾甚本朝乾隆間重葺寺門東向內殿四層南爲羅漢堂後爲藏經閣有御書額并御製碑

寺北有涵碧齋後爲雲容水態爲洗心亭又後爲試泉悅性山房皆

臨幸憩息之所扁額皆御題

寺有元碑二一至順二年立一元統三年立

自洪光折而東取道松杉中二里許從槐徑入一谿



橫之跨以石梁爲碧雲寺壯麗與香山相伯仲歷數  
百級登佛殿殿前甃石爲池深丈許水引自寺後石  
罅出噴薄入小渠人以卓錫名之泉旁一柳有大瘿  
人呼癭柳柳左堂三楹萬歷御題水天一色前臨荷  
沼沼南修竹成林岩下一亭曰嘯雲水遶亭後折而  
注之寺僧導之過香積厨遶長廊出殿兩廡左右折  
復滙于殿前池池蓄金鯽千頭有石橋下達于溪

明莫如忠碧雲寺詩香臺何處覓倚杖躡層巔出  
樹凌飛磴穿階響暗泉洞陰扃若戶林靄碧于天

宸垣識畧

卷十五

十

到切歸依想無勞更問禪

施閨章碧雲寺詩香山東去晝冥冥碧殿丹楹倚  
翠屏老樹數圍全覆屋流泉百折故依亭碑傳中  
貴祠園地閣護先朝勅賜經亂後璇題漸零落檐  
前依舊萬峯青

王士禎碧雲寺詩入寺聞山雨羣峯方夕陽流泉  
自成響林壑坐生涼竹覆春前雪花寒却外香湯  
休何處是空望碧雲長

宋犖碧雲寺詩放眼來青嶂齋心入碧雲樓臺當



磴起鐘磬隔花聞  
初地惟流水空山又夕曛  
寄言猿鶴侶何日許爲羣

湯右曾早至碧雲寺詩  
羣山忽開豁烟破出秋曉  
溥露晞草根朝陽升霞表  
陰森槐徑入巖殿架縹緲  
縵入門瀉幽泉紆直闌  
檻繞廊深塵漠漠鐘遠聲  
杳杳詎知困登陟臨憩已  
木杪晚秋落桂子敗葉  
冷荷沼因虛起孤亭碎玉  
響風篠徘徊冲襟寫蕭  
散塵慮少萬籟同窅然遺  
跡絕飛鳥

香山寺爲 靜宜園二十八景之一

詳苑圖

宸垣識畧

卷十五

十一

金大定二十六年二月香山寺成世宗幸其寺賜名  
大永安寺寺址遼中丞阿里吉所捨殿前二碑載捨  
宅始末碑石光潤如玉白質紫章寺僧目爲鷹爪石  
又云寺卽金章宗之會景樓也

香山寺殿五重崇廣畧等斜廊平欄翼以軒閣世宗  
幸其寺曰西山一帶香山獨有翠色神宗題軒曰來  
青軒右轉而北爲無量殿轉而西曰流憩亭山多名  
蹟有葛稚川丹井金章宗祭星臺護駕松夢感泉碁  
盤石蟾蜍石香爐石寺始金大定正統中太監范宏



拓之費七十餘萬

寺亦名甘露石梁下有方池正統間遣中官以金魚數十投其中今巨者盈尺矣上金剛殿後有古椿六又上由畫廊登慈恩殿其右爲香鑪岡岡下有蟾蜍石二狀如蝦蟆石下二井相去丈許水深三四尺俯手可濯香鑪岡乃乳峯石時嘯雲霧類匡廬香爐峯故名又有夢感泉金章宗嘗至其地夢矢發泉涌且起掘地果得泉其後僧以泉淺濬之遂隱

香山門徑寬博喬木夾道流泉界之依山汗隆以爲

宸垣識畧

卷十五

十一

殿宇殿前古松二株虬龍詰曲左來青軒如衫袖忽開下臨絕壑玉泉諸峯按伏其前賓軒爲金章宗祭星臺其西南道上章宗經此有松密覆因呼爲護駕松西佛堂懸御書二扁一曰雪山青一曰西巖

王士禎香山寺月夜詩明月出東嶺諸峯方悄然殘雪尚在地掩映西齋前竹色旣閒靜松陰媚淪漣清暉一相照萬象皆澄鮮此時憇寂者宵分猶未眠

宋琬宿香山寺詩黛色西山好年年馬上看茱萸



逢九日樸被宿層巒拄杖松杉暝吹笙殿閣寒五

陵回首處霜葉萬楓丹 遺墨留宸翰

來青軒額明宣宗御

書危闌倚梵宮僧歸紅樹外鳥語白雲中孤磬斷

還續寒泉咽復通客從三峽至戰代說巴東

施閨章來青軒詩好是香山寺東軒舊蹟稀輕陰

疎雨散遠色萬峯歸宸翰留丹壁靈泉滿翠微先

朝游幸地只有暮雲飛

朱彝尊來青軒詩天書稠疊此山亭往事猶傳翠

輦經莫倚危闌頻北望十三陵樹幾青青

宸垣識畧

卷十五

十三

宋至宿來青軒詩初地跨山腹細路牛羊踐門荒

巾春流剝啄人來鮮捫蘿快夕遊跡跡藉苔蘚土

花蝕殘碣時代誰能辨想像 翠華留揮毫興不

淺僧徒止予宿風簾始一卷坐起揖纖阿酌酒西

山巘覽眺企向禽歌嘯緬稽阮聊息登頓疲漸覺

懷抱展夜闌風景佳露下清泣泣

查嗣瑮西巖詩病松龍攫拏瘦語蛇曲屈僧去殿

角穿斜陽照古佛

○靈應萬壽宮常山劉文正王以沈機大畧最爲世祖



親幸且通秘術用兵之際役使鬼神多著奇效乃作  
祠于宛平之西山以祀太乙六丁之神

元英宗延祐七年四月祭遁甲神于香山之陽今香  
山有金章宗祭星臺于史無所考或是元時祭遁甲  
神之地

元范梈靈應宮詩萬花如繡擁朱宮上界巖祠望  
碧空一十二時春百刻日長半在鳥啼中

查嗣琛祭星臺詩太乙祠星處荒臺石幾層至今  
正月夜兒女賽磁燈

宸垣識畧

卷十五

十四

○日涉園在西山麓

查慎行日涉園送春詩驚雷掣電夜窻明忽轉雲  
頭又放晴夢裡似曾聽雨過曉來不礙看山行紅  
衣匝地枝枝瘦翠幄支天葉葉清遊興有餘春向  
盡暫時經眼倍關情

洪光寺據西山頂寺磴凡九曲歷十八盤而上每磴松  
栢成行如列屏幃短垣繞門悉甃以石寬平可坐山  
之勝一覽而盡

洪光寺徑上指玉華寺再上指玉皇閣下指碧雲寺



弘法寺十有八盤而徑盡至寺門香山乃在其下明  
成化間太監鄭同建同朝鮮人寺內圓殿千佛各坐  
寶蓮面背相向皆極工巧自爲碑文書之又有姜立  
綱書碑

明鄧文欽洪光寺懷陳丈詩寺裏還藏寺山頭別  
起山磴盤千級上僧占一峯閒秀色杯前墮孤雲  
杖底還元龍負奇好惆悵不同攀

明朱正初洪光寺詩石磴千盤殿角寒到來松色  
滿闌干白雲飛去寺門閉留得斜陽向客看

宸垣識畧

卷十五

十五

王士禎由磴道上洪光寺詩磴道入雲端曲折松  
陰裏秋雨寂無人空山落松子 絕壑霾雲雪唯  
逢麋鹿羣雲中時梵放下界不相聞

宋犖雨中由磴道上弘光寺詩我遊得一奇維此  
招提徑紆迴十八盤老栢夾危磴霏霏小雨來蕭  
晨作輕暝樹色雜烟嵐到眼殊幽勝衣袂霑古香  
竚立發清興林隙望山門天風送孤磬 闕地自  
中使規模倣朝鮮毘盧繞千佛法像窮諸天旛幢  
盡奇麗照耀蒼崖巔胡爲名勝區僧徒散如烟影



堂弔山鬼松鼠窟几筵荒寒不可留亭午風凄然  
卻顧階除上游踪破苔錢

朱彝尊十八盤詩香山十八盤盤盤種松栢惟見  
獨行僧稀逢采樵客

長元按洪光寺今在 靜宜園名香岵室爲二十  
八景之一十八盤今名霞標磴詳見苑囿

玉華寺在洪光寺東寺後有池泉流涓涓不絕山房跨  
十餘楹稱玉華別院越礪折而西北有小院名慈壽  
庵

宸垣識畧

卷十五

六

明王嘉謨玉華寺詩層峯開淨域十丈控丹梯坐  
瞰平湖淺中分萬嶺低斜陽傳塔影飛瀑亂鶯啼  
自覺諸天近香花聚路蹊

長元按玉華寺今在 靜宜園外垣其南新闢小  
軒卽玉華岫也爲二十八景之一

宗鏡大昭之廟在 靜宜園北亦稱昭廟乾隆年建樓  
殿凡四層廟北度石橋爲正凝堂堂北爲暢風樓皆  
臨幸憩息之所

天寶山有茶棚庵山神廟皆雍正年建七聖廟係明舊



刹 本朝重修

狼兒澗在香山東四里許

明謝榛狼兒澗歌狼兒澗東扶杖行石工斧鑿無  
停聲太古棲身祇巢穴軒皇之後多有營漸傷元  
氣非今日三代相因棟宇成石工死石工生天地  
不老青山平

實勝寺卽表忠寺改建亦稱鮑家寺在演武廳西北有  
御製碑

鮑家寺卽延壽菴在香山下明嘉靖中建寺有古松

宸垣識畧

卷十五

七

十株陰覆石墀濃翠可愛其前田疇彌亘數里上有  
大瑄鮑忠墓

寺兩掖石樓屹立青槐百株交蔽修衢殿植果松四  
株枝葉婆娑覆陰無隙地

查嗣琛鮑家寺詩百株槐翳翳九株松颼颼晴疑  
滿山雨夏入三分秋

蔡湘鮑家寺白松詩岩下石門苔蘚重早春已發  
花茸茸晚風吹墮一黃鶴棲在月明何處松

○滕公寺卽靜妙庵在香山之麓石垣周遭若一縣郭



其中飛樓相望清渠激戶雜花滿楹

香山南爲門頭村村後爲萬安山卽靜宜園之西  
法海寺法華寺在萬安山二寺前後互相連屬相傳爲

弘教寺遺址 本朝順治十七年修建改今名有

御書聯額

長元按法海寺在宛平縣西四十里舊名龍泉寺

明正統中建傳爲弘教寺遺址者豈明改弘教爲  
龍泉歟

○弘教寺元世祖建寺有石橋魚池前有流泉亭有喬

宸垣識畧

卷十五

十六

松怪石佛像清古爲山中第一

明王穉登弘教寺詩先朝行殿作禪宮黃屋青山  
本是空聞道一人會駐蹕山僧不敢住當中 宣

皇在日寺新成萬乘親來寺裏行芳草也知無玉  
輦秋風秋雨滿堦生

○晏公祠在弘教寺旁明正德中晏常侍忠建過澗石  
橋有石門曰道統門石殿三楹像皆石上像三皇五  
帝三王左像周召孔孟諸聖賢右像周程張朱諸大  
儒壁五石龕一龕標一經名惟以藏其經殿外一石



亭亭壁列鐘簾千戚錢鏞弁裳之屬一如五經以便  
治是經者左龍馬馬毛旋五十五數具一如河圖右  
雒龜龜甲四十五數具一如雒書東堂三楹壁忠臣  
龍逢以下孝子曾閔以下右圖而左書其行事以告  
觀者石象渾朴不類漢以後及西域像法堂後累石  
爲洞洞壁標先儒格言及詠道詩詞今居守者一僧  
也仍於其私室設彼教像誦彼教文字焉

明姜應甲題晏公祠詩空山石祠堂落穆跨深壑  
肖像古聖賢高下坐淵穆殿墀列龜龍如出自河

洛煌煌先儒語所爲忠孝作性理二百卷題壁見  
大畧歷覽感我心人傳晏公鑿厥志在尼山高邈  
得所托媿哉彼檀施釁血塗丹雘

查嗣琛晏公祠詩諸宮貝闕影參差不種娑羅卽  
產芝不信中官尊道統此山猶有晏公祠

原按元史太定二年中書省言養給軍民必藉地  
利世祖建大宣文弘教寺寺賜永業當時已號虛  
費今遺蹟已無考觀晏公祠石像禮器制度渾朴  
不類明時匠人所鑿且元於儒釋初無所分疑祠



卽宣文弘教之遺址晏忠特從而修飾之者當再與博雅君子考之

長元按舊聞云石像禮器不類明時匠人所鑿則康熙間竹垞曾見之矣今考謂晏祠石室并廢不知毀于何時伏讀

御製詩集有題積書巖云境如西室秘岩阿亦有芸編插架羅之句葢石室近靜宜園或改名積書巖而外人遂莫之考歟

○由弘教寺下山度坑而西有廣仁寺今廢

宸垣識畧

卷十五

三

梵香寺卽新寺舊名永感庵在演武廳西南里許有御書聯額并御製碑二左國書蒙古右漢字梵書長齡寺在梵香寺西爲明延壽菴舊址

延壽菴在中峯下門外二松合抱門內石級左右列松四株入門復分立四株上爲天王殿內爲佛殿兩廡十三楹承之更多精舍石砌極工緻

○從延壽菴折而北又西爲小碧雲寺宣德中太監張某建寺額宣廟所賜也今之碧雲寺乃昔俞家菴因有兩寺故以小別之隔垣有翠華亭



寶諦寺在長齡寺西南乾隆十六年建有

御書聯額及御製詩

寶相寺在寶諦寺西乾隆二十七年建有

御書聯額及御製碑二左碑鐫

御寫文殊像并贊碑陰勒丁亥年詩右碑爲壬午年

御製文

長元按文殊像係從五臺山殊像寺圖歸命工依  
像裝塑

○香林室在寶相寺內

宸垣識畧

卷十五

三

西山別嶂忽開如兩袖之垂其左爲帝王廟翠巖寺曹  
家樓其右爲弘教寺而其中爲中峯在香山之後以  
其居諸峯之中故曰中峯內中峯庵有石樓可眺有  
亭高出半山圍牆十里悉以白石累砌

明朱國祚中峯晚望詩中官丙舍卽花宮松栢林  
前梵磬風試上精廬高處望樓臺金碧夕陽中

長元按中峯卽萬安山也在香山南麓內

翠巖寺在中峯之陰不甚宏敞而具山林之致有泉甚  
清可煮茗



明胡應麟宿翠岩寺詩亂峯遙策杖零露幾沾衣  
客到青霞館雲生白石扉寺寒山鳥下鐘定水螢  
飛爲愛西窗宿泉聲出翠微

施閏章翠岩寺詩乘輿入岩寺流泉谷口喧春催  
羣岫綠雨過衆花繁覽物隨蒼髯尋山當故園悠  
然崖際坐心賞更何言

中峯下南過龍泉禪林爲滕公寺循大道而南數里至  
萬佛閣過此卽杏子口道旁杏皆老榦多百餘年物  
也

宸垣識畧

卷十五

三

查嗣璫杏子口詩金碧四十二蒼茫一萬重亂雲  
遮不斷來去是晨鐘

門頭村去郊西八里許以其地爲西山門徑故名在  
靜宜園東南二里許

崇壽寺在寶相寺南一里許又西一里許有雪峯寺皆  
明舊刹 本朝重修

西禪寺在門頭村東小屯村明正德年建

查嗣璫小屯村詩萬頃綠楊烟波光暖接天分明  
兩堤水只少是湖船



靜宜園把總署在小屯村

下弘教寺循山趾而南有盧師山與平坡山並峙諸寺  
鱗次曰清涼曰證果曰平坡皆古刹也

盧師寺在盧師山故桑乾河道石子盈焉以神僧得名  
過寺里許秘魔崖是師晏坐處元泰定三年建顯宗  
神御殿于盧師寺賜額大天源延聖寺明宣德中曰  
大圓通寺正統十一年更名清涼寺

相傳師于隋仁壽中居崖數歲二童子來謁師曰大  
青小青願侍師不去時大旱所司徹禱雨童子白師

宸垣識畧

卷十五

三

爲注雨一方乃知大青小青爲龍崖下塑二童子侍  
師像崖上一栢產石面長尺不凋不榮是師所植

唐時覺禪師嘗以道力攝二龍于萬壽寺中池內常  
見蛇形宋因禱雨有應封大青應濟侯小青利澤侯  
明宣德中二青龍出現禱之有應于是加以封號春  
秋遣官致祭寺內古佛阿難迦葉二像乃唐天寶中  
遺製

明郭武雨中宿清涼寺詩遠來禪境宿深在濕雲  
層路險無人跡堂空有佛燈共聽青嶂雨對坐白



頭僧話久何曾睡聞鐘客又興

明謝榛夾山寺詩黎河路轉入烟霞爲訪蓮峯衲  
子家萬古山靈開白馬三秋石窟閉青蛇

山有大青小青

二曇雲不作空中雨祇樹還生象外花欲共虛堂

留此夜燈前仍復演三車

王士禎盧師山詩盧師夙昔經行地惆悵蒼崖古  
木風最憶深秋飛瀑下四山寒葉亂流中

宋肇盧師山歌塵迹卻掃尋名山渾如涸鮒投長  
川特訪盧師徑榛莽欣從法界相周旋惟師初自

江南至扁舟容與凌重淵舟所止處便趺坐卓錫  
闢地茲山巔至今古洞留短栢還看繞座開青蓮  
左右二龍爲弟子行雨想像騰蜿蜒始知是物具  
佛性豈有達士譏叅禪孤亭俯礪樹森立黃棟初  
發榆飄錢我來駐屐一長嘯鋪茵愛聽松風眠遠  
望麥畦作翠毳空天明滅飛鳥鳶人生有涯樂且  
樂奚取白髮恒憂煎况我少無適俗韻每於邱壑  
求安便竟須誅茅隨衲子挹泉嚼藥心陶然那能  
苦戀太倉米跼踖轅下嗟年年



朱彝尊盧師山詩盧師說法已千霜石上松猶四  
尺強我亦曾尋二龍子夕陰點筆在莓墻

原按徐伯昌所錄暨謝茂秦詩俱有大小青而一  
曰萬壽一曰夾山寺姑附于此以俟再考

長元按宋牧仲有夾山寺詩係在永平府境其詩  
云大青小青蜿蜒留尚畏春寒藏石罅自注寺有  
大小青二蛇則謝茂秦所咏疑卽其地又徐伯昌  
作萬壽寺或唐時改盧師爲萬壽未可知也

秘魔崖在山半大石嵌空幾二丈僧在其西南爲禪室  
宸垣識畧 卷十五 五  
又南入岩出東行百餘步有大石側立道左右爲池  
蓋大小青所蟄處視之不甚深然側入不可窮池上  
有雙栢舊有證果寺傳爲秘魔祖師所居

王士禎觀秘魔崖至龍潭詩山行逐藥若徑轉無  
人跡亭午踰高嶺逍遙隨所適古寺披荒榛乍到  
如有獲盧師晏坐處猶存澗邊石石上留孤松終  
古不盈尺地僻山鬼隣鳥下蒼苔積孤閣臨寒溪  
林壑莽蕭槭灌木紛相糾陰崖互崩圻何當秋雨  
時驚湍若朝夕來此十日眠濯足蛟龍宅



查慎行秘魔崖古栢詩連岡東北轉鬼物托幽秘  
瞰空飛一片石縫舒右臂老鴉銜栢子偶向駢母  
墜飛泉難仰流長此孿拳翠相傳閱千載僅可二  
尺計勒龕誘佛力此語吾所鄙猥蒙雨露恩竟負  
栽培意兒童斤斧脫大匠棟梁棄寧非干霄姿吁  
嗟守憔悴

善應寺從三义口度西嶺折而北有 本朝禮部尚書  
龔鼎孳碑寺中四松最奇門列天兵十狀極詭異廡  
下有五百羅漢

宸垣識畧

卷十五

三

明蔣山卿宿善應寺詩突兀開深殿欽峯抵細岑  
松門延晚色竹院閉秋陰寂定傳燈影清餘放梵  
音卻嗟千日酒空負百年心

昌化寺殿壁繪阿羅漢五百尊穿崖渡海神通游戲明  
吳偉小仙筆有

世宗御書額

明何景明夜歸昌化寺詩日落歸山剝松風處處  
聲幽深不易到昏黑夜多驚壑漸尋谿入峯廻絕  
嶺行茲游藉朋好奇絕冠平生



香界寺舊爲平坡寺在秘魔崖西名翠微山寺叔于唐  
明仁宗敕建賜名圓通 本朝康熙十七年修葺  
賜名聖感乾隆十四年易今名有

聖祖暨

今上御書額并御製碑

平坡山宣德中改名翠微山成化中駕嘗幸此嶺雖  
高而不覺其峻寺在山巔一目千里後有小天寧寺  
殿後藤胎大士七尺清古具丈夫相寺門金剛面正  
黑憲宗見而笑曰似火裡金剛一夕火起金剛燬焉

宸垣識畧

卷十五

七

明姚廣孝題平坡寺詩平坡杳杳挹西湖徑斷樵  
行敗葉鋪泉落石河深愈急雲歸沙樹遠疑無夜  
堂風靜紆帷幔曉井霜寒響轆轤那得餘生辭世  
網捲衣來此坐跏趺

王士禎翠微寺詩澗西翠微寺迢迢翠微裏蒼茫  
採樵路似有微鐘起山風冷吹烟斜日亂溪水紛  
紛飛鳥還行人去何已

宋肇翠微寺詩一徑穿林樾看山向翠微松門過  
微雨埵院得清暉絕壁蒼藤掛閒階碧篠圍老僧



辦粗糲知我憺忘歸

寶珠洞當山之翠微處地稍坦迤是日平坡入洞黝黑  
晝不見人旁出其上見若大蚌剖而倚石壁者始悟  
其中嵌空矣有

御製詩勒石壁

龍王堂在寶珠洞山右階下方池深五尺旁鑿龍口出  
水有

御製詩

大悲寺在龍王堂東舊名隱寂寺康熙五十一年

宸垣識畧

卷十五

五

賜今名有

今上御製詩

○下寶珠洞過龍王堂有獅雲庵

嘉禧寺自杏子口度小橋折而西爲嘉禧寺松檜夾徑  
里許方入寺門入門道榆柳中地無日影里許別爲  
山門方丈特壯麗

明朱國祚嘉禧寺詩山墻圍作化人城榆柳陰濃  
信客行始信精廬風日好秋深猶綠牡丹坪

○聖水寺下臨澗泉旁有一石樓極高峻下指村莊爲



福田寺

○洪福寺松蘿俱古度念佛橋卽寶珠洞

萬壽寺在馬鞍山唐武德中建曰慧聚明正統間改名萬壽有

聖祖暨

今上御書聯額寺有戒壇遼咸雍間僧法均始開明正統中勅如幻律師說戒寺中立壇焉有

聖祖御製戒壇碑又

今上御詩碑二又御製活動松詩碑

宸垣識畧

卷十五

五

登獅子岩凡十八轉始及戒壇壇在殿內以白石爲之凡三級周遭皆列戒神閣前古松四株翠枝穿結覆蓋一院出壇而南至波離殿殿前遼金碑各一皆波離尊者行實也寺後有太古觀音化陽龐涓孫臏五洞西又五里一峯最高秀遠望如駝峯如側方山子冠者極樂峯也自戒壇至西峯寺山間有泉最冽施閨章宿西山戒壇詩清境歷懸磴飛塔浮雲端桂旂時上下百靈集丹壇舉首見宸翰光怪生林巒入門二松石匝地雙龍盤攫拏廣庭隘曼拂青



天寒谿谷有崖洞迢遞穿巉岼不知客行疲但惜  
春風殘移觴未敢酌高望生清歡精廬坐山月誰  
解棲長安

翠雲庵在西山由磨石口而進

查慎行翠雲庵詩亂山中有崎嶇路時聽征車撼  
石聲行過翠雲塵乍少馬頭麥浪綠初成

仰山棲隱禪寺金大定間建命元冥顛公開山賜田設  
會度僧萬人泰和中主事僧奏請萬松老人住持

由磨石口沿渾河道三家店抵棗園是名仰山嶺繞

宸垣識畧

卷十五

三

嶺數里得桃源村昔人避兵焉度澗至仰山村曲折  
北上登其巔仰山寺也峯巒拱秀中頂如蓮花心旁  
有五峯曰獨秀翠微紫葢妙高紫微中多禪刹

金章宗詩碑金色界中兜率景碧蓮花裏梵王宮  
鶴驚清露三更月虎嘯疎林萬壑風

滴水巖過仰山村折而西上黃牛岡口益險隘自此而  
登左萬丈溪右千仞壁徑斷處架以木棧過張公洞  
有石垣聖屋而丹者是謂滴水巖矣

朱彝尊黃牛岡詩亂石侵花當奔沙擁樹根黃牛



岡上月橫笛過前村

從滴水巖至大雲寺山最高是西山萬峯之巔也

岫雲寺卽潭柘寺在羅喉嶺平原村去京城西北九十里晉曰嘉福寺唐名龍泉燕人諺曰先有潭柘後有幽州此寺之最古者 本朝康熙間

賜今名有

聖祖暨

今上御書額又御詩碑三并御書心經及心經塔圖寺內有倚松齋延清閣猗珩亭太古堂皆

宸垣識畧

卷十五

三

臨幸憇息之所

嶺西叢棘中一道仰天如線可五六里許頰山四合古柘絕壁復里許山開九峯寺在其間山故海眼佛殿基卽潭也唐華嚴師在山說法龍神施潭爲寺一夕大風雨潭成平地今潭徙而涓涓者不絕柘久枯高八九尺覆以瓦亭龍去而子猶存青色長五尺大如盃時出現

潭柘以一培塿當羣山心九峯展而立焉晉梁唐宋代有尊宿而唐華嚴師爲著殿壁猶是遼金前所繪



兩殿鴟工絕金元時故物也

殿中二蛇長五尺餘名大青小青藏紅篋中篋標護法龍王蛇無定止或自逸野中鳴鐘則至恒自篋穿爐足交蟠供桌上

施閏章潭柘寺詩良遊欣素侶越嶺駟幽暇眷茲雲外峯塵纓罕策駕緣階瀉碧泉古樹臥殘柘舊聞此海眼真僧奪龍舍靈蹟信有無蜿蜒見猶乍陽塢竹還青春渚梅未謝棲宿倘岩扉潺湲響清夜

宸垣識畧

卷十五

三

長元按有二蛇名大青小青藏于紅篋恐因盧師之蛇而傳會也縣志云龍去而子猶存青色長五尺大如盃時出現不云有二而在篋斯言近之

雀兒菴在潭柘後山五里金章宗幸此彈雀彈不虛發卽行幄爲菴曰雀兒

百花山在府西一百二十里山下有元女廟

小五臺山在百花山中花多目所未覩紅黃紫翠不可名狀一色者跗萼各殊有名天花者尤嬌艷可愛行里許進籬門過石洞殿上設文殊金像高一丈三尺



有塔云是文殊法身塔登菩薩頂是百花山頂也

長元按天花可作蔬食山僧收供 上方

聖祖嘗賜詞臣陳廷敬等俱有詩紀其事

瑞雲寺在百花山卽五代時李克用建亭故處俗稱百家寺有摩訶祖師法身摩訶煮石鑄明宣宗曾取視賜以龍袂歸寺有摩訶捧龍石龍逸祖師追捧之今龍迹宛然

燕山從史家營緣石澗而上甚危險巨石巉峻仰視欲墜石塘以山頂泉出其下故名踰二嶺路始平廣

宸垣識畧

卷十五

三

西湖山在府西一百里下有溪潭

百望山南阻西湖北通燕平背而去者百里猶見其峯故曰百望山陽有祠高十五丈登之可望京師

漆園聚在百望山北四十里園南有雅思山幽晦多霧山陷而爲坎有池曰露池

湯泉在北望西北六十里有陁曰十八盤山有湯泉云是遼后浴處西一舍筆架鷹揚高峙南北有湖每春夏之交山水增流則湖益清可鑒曰合抱河

宸垣識畧卷十五



宸垣識畧卷十六

仁和吳長元太初氏輯

識餘

遼景宗開泰五年駐蹕南京幸內果園宴京民聚觀求進士得七十二人命賦詩第其工拙以張昱等一十四人爲太子拔書韓亦士等五十八人爲崇文館拔書郎

興宗重熙五年詔修南京宮闕府署九月獵黃花山獲熊三十六冬十月幸南京御元和殿以日射三十六宸垣識畧

卷十六

熊賦幸燕詩試進士于廷

遼曲宴宋使酒一行感栗起歌酒三行手伎入酒四行琵琶獨彈然後食入雜劇進繼以吹笙彈箏歌擊架樂角觥王介甫詩涿州沙上飲盤桓看舞春風小契丹蓋紀其事也

遼主得其臣所獻黃菊賦題其後云昨日得卿黃菊賦細剪金英題作句袖中猶覺有餘香冷落西風吹不去元張冑繼孟孺括其辭寄蝶戀花云昨日得卿黃菊賦細剪金英題作多情句冷落西風吹不去袖中



猶有餘香度玉砌雕闌木葉鳴疎雨江惣白頭心更  
苦素琴猶寫幽蘭譜繼夢手書于卷

金章宗宮中絕句五雲金碧拱朝霞樓閣崢嶸帝子家  
三十六宮簾盡捲春風無處不楊花

道陵中秋賞月瑞光樓召趙沨文孺對御賦詩以清字  
爲韻沨詩云秋氣平分月正明蕊珠宮闕對蓬瀛已  
驅急雨消殘暑不遣微雲點太清簾外輕風飄桂子  
夜深涼露滴金莖聖朝不奏霓裳曲四海謳歌卽樂  
聲道陵讀至落句大加賞異手酌金鍾以賜且字之

宸垣識畧

卷十六

二

曰文孺此鍾賜汝作酒直士林榮之

大定十三年四月上御睿思殿命歌者歌女直詞顧謂  
皇太子諸王曰朕思先朝所行之事未嘗暫忘故時  
聽此詞亦欲令汝輩知之

金大定十三年八月於憫忠寺策試女直進士寺舊有  
雙塔進士入院之夜半聞東塔上有聲如音樂西達  
于宮考試官侍御史完顏蒲涅等曰文路始開而有  
此得賢之祥也

披雲樓在京城南舊有題額是金章宗手書上有遠樹



影雖風雨晦冥皆見

南宋肅王樞與沈元用同使金館于燕山惻忠寺暇日無聊同行寺中偶有一唐人碑辭皆偶麗凡三千餘言元用素強記卽朗誦一再肅王不視且聽且行若不經意元用歸欲矜其敏取紙追書之不能記者闕之凡十四字書畢肅王視之卽取筆盡補其缺無遺者又改元用謬誤四五處置筆他語畧無矜色元用不覺爲之駭服

金張伯玉許州人美髯齊于腹入太學有聲性豪邁嘗宸垣識畧

卷十六

三

從李屏山遊與飲燕市有詩云日日飲燕市人人識張鬚西山晚來好飲酒不下驢又云昨日上高樓西山翡翠堆今日上高樓西山如死灰想見屏山老療飢西山隈餐盡西山色高樓空崔嵬

金人王鬱飛伯少居釣魚臺潛心述作未嘗輕求人知李欽叔過釣魚臺得其所著賦及碑大驚徧薦于諸公自此出遊四方後爲亂兵所殺

元世祖思創業艱難移大漠莎草植于大內丹墀之前示子孫無忘草地謂之誓儉草



宋宣和殿所藏殷玉鉞長三尺餘一段美玉文藻精甚  
三代之寶也後歸金入元每大朝會則一人執之立  
陛下酒海之前名曰劈正斧所以正人不正之意  
興龍笙在大明殿下或曰西域之所獻而天子加損益  
焉其制爲管九十列爲十五行每行縱列六管其管  
下植于匱中而匱後鼓之以鞞自匱足至管端約高  
五尺仍鏤版鳳形繪以金采以圍管之三面約廣三  
尺加文飾焉凡大朝會則列諸軒陛之間與衆樂並  
奏每用樂工二人一以按管一以鼓鞞以達氣出聲  
以叶衆音而樂之奏成矣

宸垣識畧

卷十六

四

長元按西洋天主堂內有編簫二座中各有二十  
二層每層百管合三千餘管凡風雨波濤謳吟戰  
鬪與百鳥之聲皆可摸倣則興龍笙之來自西域  
無疑又郭守敬所製燈漏想亦得于西法以元太  
祖曾通道葱嶺以西也

郭守敬于世祖時進七寶燈漏今大明殿每朝會張設  
之其中鐘鼓皆應時自鳴

世皇建都之時問于太保劉秉忠定大內方向秉忠以



麗正門外第三橋南一樹爲向以對上制可遂封爲  
獨樹將軍賜以金牌每元會聖節及元宵三夕于樹  
身懸掛諸色花燈于上高低照耀遠望若火龍

世祖以帝師八思巴之言于大明殿御座上置白傘蓋  
一頂用素緞泥金書梵字于其上謂鎮伏邪魔護安  
國利自後每歲二月十五日于大殿啓建白傘蓋佛  
事與衆祓除不祥

李宮人善琵琶至元十九年以良家子入宮得幸比之  
王昭君至大中入事興聖宮緣有足疾乃得賜歸侍

宸垣識畧

卷十六

五

母給內俸如故王士熙詩一入深宮歲月長承恩會  
得侍昭陽檀槽按得新翻曲五色雲中落鳳皇

仁宗嘗命管夫人書千字文勅玉工磨玉軸送秘書監  
裝池收藏又命子昂書六體爲六卷子雍亦命書一  
卷且曰今後世知我朝有善書婦人且一家皆能書  
也

至治間燕人史驟兒善琵琶蒙上愛幸上使酒無敢諫  
者一日御紫檀殿飲驟兒歌殿前歡曲有酒神仙之  
句上怒叱左右殺之後悔曰驟兒以酒諷我也



奎章閣有靈壁石奇絕名世御書其上曰奎章立玉薩  
都拉感興詩奎章三月文書靜花落春深鎖閣門玉  
座不移天步遠石碑空有御書存

鼇峯者國史院庭中石名諸老名宿賦詩者蓋數百篇  
玉堂無本伯寧御史家具之馬祖常詩視草堂深  
白晝遲瀛洲仙子到來時閣鈴不響文書靜相對鼇  
峯日賦詩

官中制五雲車車有五箱以火樹爲檻式烏稜爲輪轆  
頂懸明珠張翠羽蓋中箱爲帝座外四箱爲妃嬪座  
宸垣識畧

卷十六

六

每晦夜遊幸苑中御此以行不用燈燭

至正二年七月丁亥帝御慈仁殿拂郎國進天馬庚寅  
自龍光殿勅周朗貌以爲圖壬辰圖成翰林學士承  
旨夔夔傳旨命揭傒斯爲贊丁鶴年題弗郎天馬圖  
詩春明立仗氣如山顧盼俄空十二閑一去瓊池消  
息斷西風吹影落人間

順帝以宮女三聖奴妙樂奴文殊奴等一十六人按舞  
名十六天魔首垂髮數辨戴象牙佛冠身披瓔珞大  
紅銷金長短裙金雜襖雲肩合袖天衣綬帶鞵鞞各



執加巴刺般之器內一人執鈴杵奏樂又宮女一十  
一人練總髻勒帕常服或用唐帽窄衫所奏樂用龍  
笛頭管小鼓箏纂琵琶笙胡琴響板拍拍以宦者長  
安迭不花管領遇宮中讚佛則按舞奏樂官官受秘  
密戒者得入餘不得預楊維禎詩十六天魔教已成  
背番蓮掌苦嫌生夜深不管排場歇尚向燈前蹋影  
行楊子器詩練總髻髻紫頭繩金繡雲肩翠玉纓學  
舞天魔纔擺隊長安又領接番僧

都人呼飛放泊爲南海子積水潭爲西海子按海子之

宸垣識畧

卷十六

七

名見于唐季王鎔爲鎮帥有海子園嘗館李匡威于  
此北人凡水之積者輒目爲海如寶坻之七里海昌  
平北之四海冶是也元時運船直至積水潭王元章  
詩燕山三月風和柔海子酒船如畫樓想見舟楫之  
盛自徐武寧改築北平城後運河海子截而爲二城  
內積土日高雖有舟楫橋梁不能渡矣

元許有壬飲海子舟中江城子詞柳梢烟重滴春嬌傍  
天橋住蘭橈吹暖香雲何處一聲簫天上廣寒宮闕  
近金晃朗翠岵堯誰家花外酒旗高故相招儘飄搖



我政悠然雲水永今朝休道斜街風物好纔此去便  
塵囂

元宋褰海子岸望海潮詞山含烟素波明霞綺西風太  
夜池頭馬似游龍車如流水歸人何暇夷猶叢薄擁  
金溝更蕭蕭宮樹調弄新秋十里烟波幾雙鷗鷺兩  
兩漁舟暮雲樓閣深幽政砧杵丁東絃管啁啾澹澹  
星河熒熒燈火一時清景難酬馬上試冥搜填入者  
卿譜摸寫風流明日重來柳下携酒教名謳

元張翥清明日海子風入松詞尋春春在鳳池東羅帕

宸垣識畧

卷十六

八

玉花驄美人半鞦垂鞭袖游塵滿目斷雲空淺碧湖  
波雲漲淡黃官柳烟蒙相如多病賦難工宿酒更頻  
中歸來自按新聲譜憑誰解唱與東風一夜小窻疎  
雨杏花明日應紅

長元按今德勝門外河元時在城中南通積水潭  
以入大內東經濟化門外歸通州故舟船貨物得  
直達城內而積水潭近中心閣正闔闐之所讀三  
詞可想見繁華之盛矣

張怡雲大都名妓也居海子上能詩詞善諧笑名重京



師趙松雪商正叔高房山爲寫怡雲圖以贈姚牧菴  
閻靜軒每于其家小酌嘗佐貴人行酒姚偶言暮秋  
時三字閻命怡雲續而歌之張應聲作小婦孩兒且  
歌且笑曰暮秋時菊殘猶有傲霜枝西風却了黃花  
事貴人曰且止遂不成章又有寄姚征衣詞云欲寄  
君衣君不還不寄君衣君又寒寄與不寄間妾心千  
萬難人多傳之

危素爲翰林學士居鐘樓街會稽王山農晁遊大都常  
見其文而不相識一日危騎而過山農所與之坐不

宸垣識畧

卷十六

九

問其姓名徐曰君非鐘樓街住耶危曰然不出他語  
而罷人問之山農曰吾觀其文有詭氣目其人舉止  
亦然料知必危太樸也

虞文靖謂許文正歿後國子監始立官府刻印章蓋文  
正爲祭酒時尚在舊學所謂王宣撫宅也今國學彝  
倫堂前樹傳是文正手植恐未必然

崇文閣元延祐六年建吳澄撰碑卽今國子監彝倫堂  
址也

國子監肄業侯日影到堂後梨樹散學虞集有國子監



後圃賞梨花樂府序

新安吳楞香苑爲大司成時于太學啟聖祠土中獲元題名碑三一爲正泰國子貢試名記蒙古色目

別部落降

元者謂漢人皆有正副榜一爲至正十一年進士題之色目

名記蒙古色目列三甲狀元爲朶列圖漢人南人列三甲狀元爲文允中皆無榜眼探花一爲至正丙午國子中選題名記蒙古賜正六品色目賜從六品漢人賜正七品亦皆有正副榜可以考元人科甲之制

長元按元至正戊子王宗哲元舉鄉試省試殿試

宸垣識畧

卷十六

十

皆中第一稱之曰三元

漁陽鮮于伯機於廢圃中得怪松一株移植所居之傍名之曰離叟

燕文季讀書不求官治生不務富稍有贏餘卽購求古器書畫仙露寺僧寶藏商鼎有年不惜百金易而得之王秋澗憚爲作商鼎歌云兩耳高撐足拱三六乳附觚何的歷饜饜繞腹雜雷紋紫翠英英悵猶濕細觀欵識商父丁崑玉南金非所惜

三休道人稅居燕城之南榜其菴曰貧樂見重于耶律



楚材

廉右丞園名花幾萬本號爲京城第一時營繕東宮工部請曰牡丹名品惟相公家乞移植數本太子知出廉公家矣公曰若出特命雖先業一無所靳我早事聖主備位宰相未嘗曲丐恩澤方爾病退顧以花求媚耶請者愧止

許有壬廉園木蘭花慢詞渺西風天地拂吟袖出重城正秋滿閒園松枯石潤竹瘦霜清扁舟采菱歌斷但一泓寒碧畫橋平放眼奇觀臺上太行飛入簾櫳主

宸垣識畧

卷十六

十一

人聲利一毫輕愛客見高情便芟剝驪珠蓮分水爾酒注金餅風流故家文獻况登高作賦有諸甥清露

堂前好月多情照我題名

諸甥謂貫酸齋

海雲寺元時有千葉杏二株名芙蓉杏傳起岩在京師築清晏堂以此花寘餅中錢塘張叔夏見之爲填三姝媚詞芙蓉城畔侶乍卸却单衣茜羅重護傍水開時細看來渾似阮郎前度記得小樓聽一夜江南春雨夢醒簫聲流水青蘋舊遊何許誰剪層芳深貯便洗盡長安半面塵土絕似桃根帶笑痕來伴柳枝嬌



舞莫是孤村試與問酒家何處曾醉梢頭雙果園林  
未暑

甄氏訪山亭在城西陳觀詩雨後西山翡翠堆結亭直  
欲近巖隈從今記取溪頭路一日須來一百回

王惲題張右丞遂初園水調歌詞園林足佳勝鐘鼓樂  
時康去天尺五韋杜此日漢金張誰似主人好客暫  
趁金華少暇樽俎共徜徉三館盡英雋簪履玉生光  
眺東臺登北榭燕南堂露冷玉簪零亂竹靜有深香  
醉聽新聲金縷愛仰東山雅量清賞與何長高詠遂

宸垣識畧

卷十六

十一

初賦松柏鬱蒼蒼

白雲平章求仙于燕京西山頂一月適出滕玉霄訪之  
不值因戲題于壁曰西風短褐吹黃埃何不從我遊  
蓬萊振衣長嘯下山去後夜月明騎鶴來竟不留名  
白雲公疑呂仙過之朝野輻輳寵賚山積後知爲玉  
霄題白雲公戒以勿泄厚祝之

釋有南北宗道自東華少君授漢鍾離權權授唐呂岳  
亦分爲二宗一授遼道士劉操操授宋張伯端伯端  
授石泰泰授薛道光道光授陳杓杓授白玉蟾玉蟾



授彭耜此南宗也一授金王嘉嘉授七弟子丘處機  
謂處端劉處元王處一郝大通馬鈺鈺妻孫不二謂  
之七真此北宗也七真之迹皆在東海嶗山而丘處  
機爲元太祖所聘弟子十八人從游漠北居燕之長  
春宮今都城西南白雲觀也

鍾了髻年百有十四寓白雲觀其人短而鬢髮半白問  
何以壽曰不娶不多飲不怒不識數日

潭柘寺有元妙嚴公主拜髻雙趺隱然幾透髻背相傳  
妙嚴爲元世祖女削髮居此日禮觀音不輟遂留此

宸垣識畧

卷十六

十三

蹟明萬歷壬辰孝定皇太后欲經懿覽貯以花梨木  
匣迎入大內後復送歸寺 國朝曹仁虎詩早謝椒  
塗習唄音琉璃地上足跌深生塵不學凌波步入石  
偏符面壁心合向花龕供拂拭未隨薜砌付消沈九  
蓮異代同禪契長護芳蹤到梵林

奉天門常朝御座後內官持一小扇金黃絹包裹之聞  
之故老云非扇也其名卓影辟邪永樂間外國所進  
正統中在朝每宴享廷中陳五獸近陛之東西二獸東  
麒麟身似鹿灰色微有文頸特長殆將二丈望之如



植竿其首亦大概如羊頗醜非所云鷹身鳳肩有許  
文彩也西騶虞亦與傳記所稱不同

長元按西河詩話云康熙二十八年春餘地縣民  
家黃牛產麟火光穴地鳴聲如風琴不乳數日而  
斃予于會城觀之牛首眉有虬紋雙瞳露處白碧  
色脣紅下齒正方兩牙隱頷間自背脇以下三膺  
青鱗如鯉然甲毛片片張翕以漸而殺喉下三腹  
薄紅色蛇斷脛毛亦然然不紅鹿蹄深碧有光尾  
柢猶帶細鱗末拖叢毛真神物也與正統中所陳

宸垣識畧

卷十六

十四

麒麟迥異附錄于此以廣見聞

文淵閣芍藥係宣德年植舊嘗有花景泰增植後未嘗  
一開天順改元徐有貞許彬薛瑄李賢同時入爲學  
士居中一本遂開四花其一久而不落旣而三人皆  
去惟賢獨留明年春忽各萌芽左二右三中則甚多  
而彭時呂原林文劉定之李紹倪謙黃諫錢溥相繼  
同升學士凡八人賢約開時共賞夏四月盛開八花  
遂設宴賞之時賢有玉帶之賜諸學士各賜大紅織  
衣且賜宴因名純白者曰玉帶白深紅者曰官錦紅



淡紅者曰醉仙顏惟諫以足疾不赴明日復開一花  
衆謂諫足以當之賢賦詩十章閣院官寮咸和彙成  
日玉堂賞花詩集賦詩者四十人李賢序之彭時作  
後序考宣德八年本院諸寮有文淵閣賞雪詩詞林  
紀事多有題咏不獨賞花而已

江夏吳偉畫山水人物入神品憲宗召至闕下待詔仁  
智殿有時大醉蓬首垢面曳破阜履踉蹌行中官扶  
掖以見上大笑令作松泉圖偉跪翻墨汁信手塗抹  
而風雲慘淡生屏面問上歎曰真仙筆也

宸垣識畧

卷十六

十五

司禮監每年進宮兔毫筆共二萬九千九百餘枝弘治  
中吳興筆工造筆進御有細刻小標記云筆匠施阿  
牛孝宗鄙其名易名曰施文用

西內海子中有斗牛卽虬螭之類遇陰雨作雲霧常蜿  
蜒道旁及金鰲玉竦坊之上時世宗齋居西內宮女  
過見驚仆官監以聞上曰此宜處山後何爲在此駭  
人是夜聞跋浪跳擲之聲旦視之湖水破裂一道已  
徙去

殿試次日詞林詣兵科一飯觀唐人十八學士圖相傳



爲故事畫皆立像上署銜名有于志寧贊未有沈括  
跋問所從來則嘉靖間蒲州監生魏希古條陳兵事  
兼進此卷疏既下并此卷俱發兵科遂留至今惜楮  
剝落其畫法與近時所傳全不同當是真蹟

積翠坊下有圓殿中大松偃蓋青葱萬歷年已枯死封  
之官都督踰年復生

萬歷甲辰厚載門外皇城一帶墻下忽影出城郭山川  
樹木人物諸相有鐵騎數百臨城城上皆樹旗幟與  
畫圖無異移時乃滅

宸垣識畧

卷十六

六

兔兒山卽旋磨臺天啓乙丑重陽車駕臨幸鐘鼓司邱  
印執板唱洛陽橋記攢眉黛鎖不開一闋次年復如  
之宮人相顧以其近不祥也陳悰詩美人眉黛月同  
彎侍駕登高薄暮還共訝洛陽橋下曲年年聲繞兔  
兒山

思陵在游藝堂一日忽命中官問詞臣曰今市肆交易  
止言買東西而不及南北何也詞臣猝無以對輔臣  
周延儒曰南方火北方水昏暮叩人之門戶求水火  
無勿與者此不待交易故惟言買東西中官以其入



奏上善之

長元按民生日用所需俱資于木而以金易之乃以少制多也故止言買東西

暖閣在乾清宮後凡九間中一間置牀三張于房下卽以天橋上左一間之上間置牀三張于上又以天橋下左二間之下間置牀三張于下又以天橋上左三間之上間置牀三張于上又以天橋下左四間之下間置牀三張于下右四間亦如之天橋卽人家樓梯也以凡九間有上有下上下共置牀二十七張天子隨

宸垣識畧

卷十六

十七

時居寢制度殊異

大內每雪後卽于京營內撥三千名入內廷掃雪輪番出入每歲俱然亦有游閒年少代充其役以觀禁掖宮殿者又南京舊制有揀花舍人額設五百名蓋當年供宗廟薦新及玉食糖糧之用今廢久矣五百揀花三千掃雪亦兩都佳話也

朝制選將軍直殿所司有木架高八尺選者立其身與之齊擔五百觔輓行殿庭一匝爲合格

宮人有罪罰提鈴每夜自乾清門至日精門月華門仍



還乾清宮前方止高唱天下太平四字聲緩而長與鈴聲相應

永樂大典計二萬二千八百七十卷一萬一千九十五本目錄六十卷湖廣王洪編纂號名四方文學之士累十餘年而就

京師翰林院衙門左右各積有飛沙高三四尺並榘榘若短墻然微風一動則岔起出入者厭之世廟中掌院某嘗令除去官僚罷謫幾空沙還積如故或以爲形勢宜爾

宸垣識畧

卷十六

六

明舊制御史乘驢宣德間改騎馬

元時太醫院程試科目每三年一試期以八月中選者來春二月赴大都省試其法考較醫經辨驗藥味合試經書則素問難經聖濟錄本草千金翼方也元重其選故名醫特多明試醫士不過論一篇歌訣一首而已人多不以爲意此唐文恪歎京師無良醫也

北京工部廳前有鐵軌相傳爲石季倫家舊物庫中有玳瑁簾橫數尺其長倍之四旁縫以錦繡又有玳瑁席經緯相錯若莞與蒲不知何代物



棋盤街翫月最曠楊升菴彈琵琶飲酒于此

崔子鍾好劇飲嘗至五鼓踏月西長安街席地坐李文正以元相朝天偶過早遙望之曰非子鍾耶崔便趨至輿旁拱曰吾師得少住乎李曰佳便脫衣行觴火城漸繁始分手別

成化丁酉六月九日京師大雨雨中往往得錢王文恪鏊有詩紀事云蒼天似憫斯人困故向雲中撒與錢錢若了時民又困何如只賜與豐年

嘉靖六年六月十九日夜京城雨電交作次早東江米

宸垣識畧

卷十六

十九

巷大街南李學等家房上拾有古錢八十四文一一壁立瓦隴中御史張璠具奏錢進入庫

正德間朝廷開設酒館酒望云本店發賣四時荷花高酒猶南人言蓮花白酒也又有二扁一云天下第一酒館一云四時應饑食店

正德中樂長臧賢甚被寵遇曾給一品服色相傳教坊司門曾改方向形家相之曰此當出玉帶數條聞者笑之未幾上有所幸伶兒入內不便詔盡宮之使入爲鐘鼓司後皆賜玉 國朝查嗣瑛雜咏詩粉子勾



闌各擅長承恩別院侍君王終憐不及伶兒寵賜玉  
新來滿教坊

燕山倡伎皆以子爲名若香子花子之類無寒暑必繫  
棉裙其良家仕族女子皆髡首許嫁留髮冬日以括  
萸塗面但加傅而不沐至春暖方滌去久不爲風日  
所侵故潔白如玉也

萬歷間京師伎女以王雪簫爲最薛素素才技過之素  
素行五能書作黃庭小楷尤工蘭竹下筆迅掃各具  
意態又善馳馬挾彈能以兩彈丸先後相擊使前彈

宸垣識畧

卷十六

二十

碎于空中東院伎也 國朝查嗣琛雜詠詩西院琵琶撥未休雪簫東院起梳頭春風暖入肌膚滑初點  
胭脂洗括萸

京師各門課錢俱有小內使經筵收納囊樸騎驢例須  
有課車則計囊樸多寡以爲算至于菜茹入城鄉民  
亦于髡邊插錢一文以憑小內使徑往摘取彼此不  
相問也

翰林編修李宗易于時雍坊居第後闢園廣數畝繚以  
周垣正北爲舍三楹藏經史圖籍南建亭名曰午風



望之若舉蓋然羅侍讀景鳴隸書其上環植桃李有小池叢竹引井水自渠而入

綠雨樓陸文裕深舊邸在正陽宣武二門之間東曰素軒北曰潛室其中爲書窟

長元按綠雨樓以小樓倚槐樹命名見文集中

張公海棠二株在鐘鼓樓東中貴張公宅中元時遺物叢本數十圍修幹直上高數丈下以朱闌障之參差敷蔭猶垂數畝近日易主不知幾矣

米氏萬鍾嗜石成癖宦遊四方所積惟石而已最奇者

宸垣識畧

卷十六

五

有五一靈壁石高四尺有奇延袤坡陀勢如大山四面如畫家皴法岩腹近山脚特起一小方臺凝厚而削臺面刻伯原二字小篆絕佳伯原元杜本字也一靈壁石非方非圓渾樸天成週遭望之皆如屏幃有脉兩道作殷紅色一脉潤如小指一細如縷絲自頂上凹處垂下如湫瀑之射朝日高可八寸許圍徑尺其聲鏗亮色純黑凝潤如膏俱磬山產也一英德石高四寸長七寸如雙虬盤臥玲瓏透漏千蹊萬徑穿孔鈎連一兖州石大如拳灰褐色巉崑渾雅堅緻有



聲或曰出嶧山深谷中一仇池石大亦如拳聲如響  
磬峯巒洞壑奇巧殊絕公刻其底曰小武英五石各  
具形勝皆數百年物

古雲山秀米太僕萬鍾之居也太僕好奇石蓄置其中  
其最著者爲非非石數峯孤聳儼然小九子峯也又  
一黃石高四尺通體玲瓏光潤如玉一青石高七尺  
形如片雲欲墮後刻元符元年二月丙申米芾題又  
有泗濱浮玉四篆字太僕常以所蓄石令閩人吳文  
仲繪爲一卷董思白李本寧爲之跋尾

宸垣識畧

卷十六

三

米太僕勺園在海淀與李戚畹清華園相隣葉公向高  
曰李園不酸米園不俗米有小印曰海淀漁長

元時杏花齊化門外最繁東嶽廟石臺羣公賦詩張宴  
傳爲盛事果邏洛納新詩云上東門外杏花開千樹  
紅雲遶石臺最憶奎章虞閣老白頭騎馬看花來至  
明則城東花事衰西郊漸盛萬歷後摩訶菴杏花多  
至千餘株吾鄉朱太傅養醇詩云摩訶菴外袖吟鞭  
繁杏春開十里田曾與村翁舊相識看花不費酒家  
錢承平之日翰苑風流後先一致也



京師瞽者李近樓籍錦衣千戶善琵琶能左右手彈新聲古曲無不絕妙平生羈愁哀怨及人已胸中事皆于鳴絃鐵撥發之

京師有姚少師畫像面大方肥紅袍玉帶髻頂上戴唐帽今崇國寺畫像猶是僧服姿容瀟灑雙睛如電光之燦像贊云看破芭蕉拄杖子等閒徹骨露風流有時搖動龜毛拂直得虛空笑點頭蓋本色衲子語畧獨菴老人題獨菴少師自號也

天順甲辰會試場屋災舉人吳野持硯斃于鐘下硯爲宸垣識畧

卷十六

三

野所愛上鏤其名火後以硯故知爲野也詔葬諸燼骨刻石塚上曰天下英才吳野等之墓先是陝西有雷澤者與一仙女有夙緣仙女引澤至一所見一紅榜無澤名賀焉問之曰久自知第一名乃吳野也又指一榜示澤曰君與貴溪鄭節聯名後禮闈災澤與節踰墻免果聯名中式與節道其詳則火榜狀元之說信前定矣

嚴嵩誕日諸翰林稱壽爭作恭求近時菊花滿堂陸平泉獨退處後同列問曰何更退爲荅曰此處怕見陶



淵明

都中不斷聖教序本闖人王衍相摹刻一通于齊化門  
獄廟頗欲亂真惟領袖也之也字回筆不從上出

嘉靖中陶仲文邵真人以祈禱用事請拆毀寺院沙汰  
僧尼焚佛骨于大通橋下

崇禎壬申四月二十一日大通橋下水聲如雷有白物  
類犬擁波而流至下流十里小聖窩而伏

西郭外萬壽寺近年勅建大內出一鐘爲成祖時少師  
姚廣孝監鑄重八萬七千斤徑丈有四尺長丈五尺

宸垣識畧

卷十六

十四

銅質甚古內外刻華嚴經一部華亭沈度所書鑄時  
年月日時皆丁未今徙置之日爲六月十六日亦四  
丁未相符事亦奇矣

長元按永樂元年癸未在位二十二年甲辰中間  
並無丁未所謂鑄時年月日時皆丁未殆宣德二  
年告成非永樂也其徙置之日四丁未相符考丁  
未爲萬歷三十五年去建寺時已三十載彼時所  
見當屬不誣

許氏說文謂象三歲一乳而段氏酉陽雜俎則謂象孕



五歲始生程氏客滇偶筆則云孕十有二載乃生其說各異程氏又言象必擇人跡不到處交感鄭氏赤雅則言象交于水卷樹葉蓋之見人則羞必起而逐之今京師洗象觀者且千人相傳洗時必交于水殆不然也

明末孫丕揚掌銓衡創選人掣籤之法當時戲改銓部爲籤部常熟顧大韶作竹籤傳譏之

明高中丞名衡字平仲崇禎辛未進士觀政京師製羅衣寄內自畫花卉其上凡二十六種作三十二叢花

宸垣識畧

卷十六

三五

葉隙處題詩凡八首 本朝張杞園作畫衣記王阮亭題記後云畿幅冰綃貌折枝淡勻麝墨與胭脂笑

他拊馬張京兆玉鏡窻前祇畫眉

高後官至巡撫夫婦同殉沂水之難

陳指揮鐸善嘲諤居京師作月令記二月下曰是月也壁虱出溝中臭氣上騰妓鞞化爲鞵最善名狀鞞化爲鞵更可笑也

明制冬至日賜諸臣甜食一盒凡七種一松子海哩噉鄭以偉曰噉字諸字書不載今亦不識海哩噉爲何物也



過崇國寺番僧舍觀曼殊諸大士變相藍面猪首肥而矮遍身帶人頭有十手駢生者所執皆兵刃形狀可駭僧言烏斯藏所供多此像因談彼國風俗及道里險遠之狀大率烏斯藏諸國以中國最下茶爲國寶市物皆用之黃白金反滯不得行國無稻所食皆麥菽數十里一君如中國都邑然僻陋儉苦之鄉也明時番僧有數等曰大慈法王曰西天佛子曰大國師曰國師曰禪師曰都綱曰喇嘛皆光祿寺支待酒饌廩餼不等

宸垣識畧

卷十六

三

西山滑石根名之曰不灰木以之爲粗布及器皿不畏火今西山有之

京師北三山大石窩水中產白石如玉專以供大內及陵寢堦砌闌楣之用柔而易琢鏤爲龍鳳芝草之形採盡復生昔人謂愚父所藏燕石當卽此耶

義王孫可望爲四川張獻忠裨將獻忠沒後可望降本朝受封來京 賜第長安門外王阮亭竹枝詞云都人夾道看龍旗戰士投戈盡錦衣更道縣官新賜第東華門外義王歸是也



順治己亥京師慈仁寺市有鬻故書者賣一敝刺大書  
客氏拜三字寶應朱國楨克生以三錢得之賦客氏  
行友人笑曰使當天啟時此一紙勝詔旨遠矣

鹿邑張太室字松麓言順治庚子年客京師長椿寺見  
一老僧深目長頸略似世人圖畫壽星之狀問張鄉  
貫因曰去夏邑幾何對曰百四十里僧曰彭嵩羅侍  
御亡恙耶張訝曰此百年前人也又問其子成立否  
曰壽過八秩考終久矣僧歔歔久之又曰昔侍御與  
貧道爲方外交其公子方在襁褓寄籍釋氏爲我弟

宸垣識畧

卷十六

七

子曾幾何時皆成古人因携手入小院中指堦前牡  
丹曰此彭公手贈物植此百餘年矣張云牡丹高六  
七尺大十五圍曩見河南段凝之氏六十年牡丹不  
及其半信百年物也因問其年僧曰忘之矣張又曰  
于京師骨董店中遇張翁者蘇州人自言與雍邱孟  
調之曾大父遊歷歷能道其生平游獵處孟氏兄弟  
嚴事之如曾大父行亦百五六十歲人也

施愚山在刑曹暇則與同舍郎及詞英數公相倡和爲  
古文歌詩稱燕臺七子張譙明許菊溪趙錦帆嚴顯



亭丁飛濤陳肩倩暨愚山而七也

周櫟園雪夜坐念室中獄事正急鐵衣周羅戶外方與  
黃山吳冠五共爲詩漏下數十刻不止嘗對臥薄板  
上已解衣臥忽聯句成兩人擁敗絮從口吻中濕不  
律露臂爭書薄板躍起短燭撲滅一笑而止

馮益都萬柳堂始創時隄上募人植柳凡植數株者卽  
可稱地主李笠翁句云祇恨隄寬柳尚稀募人植此  
棲黃鸝但種一株培寸土便稱業主管芳菲此令一  
下植者衆芳塍漸覺青無縫十萬纖腰細有情三千

宸垣識畧

卷十六

三六

粉黛渾無用蓋紀其實也

丁葯園居法曹詩名滿京師吏人竊其牘換鵝炙竈下  
養思染指不獲訟于庭葯園復賜吏人鵝炙時方  
冊立西宮以爛典禮調入東省兼主客重譯使至問  
主客爲誰廉知公持紫貂銀鼠美玉象犀從吏人易  
公詩歸國長安縉紳以爲榮

高念東侍郎致政歸未行移寓宣武門外松筠菴益都  
相國過之流連竟日高贈詩云戶倚雙藤禪宇開無  
人知是相公來相看一笑忘朝市風味依然兩秀才



馮和云隱几僧寮戶不開天親無着憶從來而今老去渾忘却祇識維摩是辨才王阮亭詩云二老前身二大士相逢半日畫鑪灰他年古寺經行地記取寒山拾得來

康熙戊申年京師正陽門外挑澹御河得玉印如升篆文人不能識禮部出榜訪問並原印印其後數十日無辨之者少宰孫北海家居聞之曰此元順帝祈雨時所刻龍神印也各門俱有之蓋雨後卽埋地下耳因取一書送禮部上刻印文注釋甚詳一時歎爲博物

宸垣識畧

卷十六

三

物

王阮亭云京師外城西南隅聖安寺殿有商喜畫壁康熙庚申冬高念東侍郎暨予與施愚山宋牧仲諸人共爲聯句五十韻按明書畫史商喜善畫山水人物畫虎得勇猛之勢今大西天經廠殿壁龍神及大軸文殊普賢變相亦喜筆喜宣德中授錦衣衛牧仲云內官誤也

曹顧菴學士在京師觀女伶賦高陽臺一闋云鶯舌新調鴉鬟猶鞞湘裙欲整還拖懶散心情朝來愁畫雙



蛾風約繡簾搖檠燭對菱花倦眼生波儘嬌慙動人  
些子元不爭多魂銷一曲清歌却似曾相識無可如  
何影好難描空勞石墨三螺燈前小立紅妝換笑還  
嗔喚弟稱哥暗相憐細腰無力又着蠻靴未知女伶  
何人而學士猶有白傅情懷也

康熙丙辰五月初一日京師大風晝晦有人騎驢過正  
陽門御風行空中至崇文門始墜地人驢俱亡恙又  
有人在西山皇姑寺前比風息身已在京城內此事  
之罕見者

宸垣識畧

卷十六

三

海昌陳文簡公夫人徐燦字湘蘋有燕京元夜詞云華  
燈看罷移香屨正御陌遊塵絕素裳粉袂玉爲容人  
月都無分別丹樓雲淡金門霜冷纖手摩娑怯三橋  
宛轉凌波躡歛翠黛低回說年年長向鳳城遊曾望  
蕊珠宮闕星橋雲爛火城日近踏遍天街月

金碧園趙侍郎玉麟京邸趙滇南人寓碧雞金馬意也  
王阮亭詩雨歇涼生烟景昏高臺留客共開樽誰將  
漢苑丹青樹種向幽人金碧園六詔祇今無斥堠五  
陵隨地足邱樊素心晨夕經過數便擬柴桑處士村



胡勵齋博綜羣書尤精天官家言日月薄蝕星辰躔度  
推測毫髮無遺居京師與監中西洋專家反覆辨論  
著有中星譜周天現界圖步天歌行世

劉公誠性曠達嘗置酒慈仁寺松下遇遊人至不論識  
與不識必牽挽使飲有不能勝者必強灌之至醉嘔  
乃已

京師有某相國堂聯云放開肚皮喫飯立定脚跟做人  
或譏首句不佳徐野君曰彼小人常戚戚者震雷常  
在七箸間那能放開肚皮喫飯耶

宸垣識畧

卷十六

乙閣楊覺山給事築于寓居之旁葉暎榴題詩云長安  
廛舍填城郭尺壤寸椽不可拓卜宅豈容無樓臺胸  
中要自有邱壑先生朝回挂笏看北隅一樹當籬落  
土僅容根枝出簷縱橫偃屈誰拘縛閒裏經營忽會  
心繪圖召匠謀工作諺云借地不借天飛甍峻宇盤  
空廓關山宮闕羅目前劔佩圖書欣有托拂席揮毫  
寫諫書精誠呼吸通冥漠肇錫佳名只紀年丁卯橋  
頭事如昨君不見官街甲第營千區何似柳梢營乙

閣



田山薑領東曹節慎庫自橫街移居粉房巷督奴子搬家具作詩題新寓壁上有東野家具少于車墻腳殘立山薑花之句漁洋見而和之次日徧傳都下和者百人後官黔中見一孝廉亦有和篇詢其由云自江左傳誦不知原唱爲誰因語其故共嗟賞久之

長元按粉房巷未知何地陳其年詩序云鹽甯醬甌頻憂觸于宣武街前豚柵雞棲幾轉徙于崇文門外則非粉坊街可知一詩而傳萬里亦佳話也

康熙間考取博學鴻詞五十人同授翰林官訖有問閭

宸垣識畧

卷十六

三

百詩此中人物云何閻曰若吳任臣之博覽徐嘉炎之強記可稱二妙若李因篤之杜撰故實汪琬之私造典禮恐亦未必有三焉一時流傳以爲口實

吳慶百應薦入京止竹林寺毛季蓮嘗偕叔大可過吳寓輒據柳牀自吟所爲宴集及登臨諸作大聲撼四壁吳顧大可曰君家阿咸正復不減將不使卿單行孫豹人應 召入都初以老病辭不許旣將還籍復有年老授銜之命吏部集驗於庭孫獨臥不往旋受敦促乃徐入逡巡主爵者望見其鬚眉皆白引之使前



曰君老矣孫直對曰未也我年四十時卽若此且我前以老求免試公必以爲壯今我不欲以老得官公又以我爲老何也衆皆目笑其愚孫固自若

丁野鶴克內廷教習于米市築室與王覺斯傅掌雷薛行屋張坦公諸前輩賦詩其中王敬齋額曰陸舫後官椒邱廣文忽念京師舊遊策長耳驢冒風雪日馳三四百里至華嚴寺陸舫中召諸貴游山人琴師劍客雜坐耐飲笑謔怒罵筆墨淋漓興盡策驢而返

謝書也好施數致數千金都緣手盡復假貨以費京師

宸垣識畧

卷十六

三

謂之窮孟嘗

倒喇金元戲劇名也似俗而雅錢塘陸次雲賦滿庭芳詞云左抱琵琶右持琥珀胡琴中倚秦箏冰絃忽奏玉指一時鳴唱到繁音入破龜茲曲盡作邊聲傾耳際忽悲忽喜忽又恨難平無人矜舞態雙甌分頂頂上然燈更口噙湘竹擊節堪聽旋復迴風滾雪搖絳蠟故使人驚衰艷極色飛心賦四座不勝情

長元按朱竹垞查初白俱有觀倒喇詩茫不知爲何技讀此詞有如目擊洵乎詩難狀而詞易工也



徐華隱云此等題極宜留詠以補風俗通之所未  
載今都中此技無有矣

內閣北垣下有老楮一株歲久成陰相國澤州公機務  
之暇時一憇焉泰州禹之鼎繪成楮窻圖公自題二  
詩于上杳慎行和之云洵知黃閣異人間獨樹能高  
便不頽蕭灑坐看移日影婆娑行愛繞苔斑堂餐撒  
後仍開卷 賜杖携來正押班爲報官居如邸第太  
平機務有餘閒

徐雷發少刻菊莊樂府朝鮮貢使仇元吉見之以金餅  
宸垣識畧

卷十六

十四

購去貽詩曰中朝携得菊莊詞讀罷烟霞照海湄北  
宇風流何處所一聲鐵笛起相思可爲玉堂佳話

毛西河姬人曼珠張姓小字阿錢豐臺賣花翁女也幼  
甚慧能效百鳥音工針黹稍長白晢而妍縮髮作連  
環名百環髻毛以冷宦在京益都相公助貲作合新  
婚之夕陳檢討其年更名曼珠于歸後學書度曲不  
半載而能最愛歌梁司農祝家園詞旣而得奇疾漸  
就羸弱年二十四而歿西河作別誌書軼士大夫爭  
以詞挽弔其病中嘗繪小影名留視圖諸公俱有題



咏云

康熙中仁和吳陳琰寶崖以國子生 內廷供奉凡與京官往來名刺書眷同學某而無弟與晚稱謂都人呼爲吳同學

張晴峯性曠達嘗爲水部郎貧不能給一日貸錢舉火過慈仁寺竟倒囊購書以歸陶然自適

趙洞門在京爲御史大夫車馬輻輳望塵者接踵于道及罷歸出國門送者纔三數人尋 召還前去者復來如初時吳蘭次獨落落然不以欣戚改觀趙每目

宸垣識畧

卷十六

三五

送之顧謂子友沂曰他日吾百年後終當賴此人力未幾友沂早世越亦以痛子歿于京邸兩孫孤立蘭次哀而振之撫其幼者如子字以愛女一時咸歎趙爲知人

汪鈍翁居京師日頗自患懶放兼以此規王西樵王荦爾曰軟紅塵裏車馬喧闐若無吾輩一二孤寂者點綴其間便成缺陷

陳小憐郟城人年十四讀書知大義粗通綱目遭兵亂落狹斜居京師外城西河沿姿慧不凡傾動士大夫



而小憐不一當意錢塘范徵君性華老成人也年五十餘館于京師小憐于席上一見遂心許焉至范所語曰吾見君之酷似吾故夫也相與定盟然後去范以貧窶不能脫小憐于籍爲有勢者所奪范作詩自傷云只愁世少黃衫客李益終爲薄倖人繪憐小影囑友人題之查慎行詩云小像沈香手自熏前期如夢却疑真五湖忍負閒風月爲少扁舟共載人杜于皇爲之作傳

李尚書容齋居京師有優人新婚戲爲賀新郎詞云夫

宸垣識畧

卷十六

美

子門楣異却贏來嬌羞事業風流經濟一向喬粧身請妾此舉差強人意指山海香盟粉誓笑煞逢場花燭假喜今嘗花燭真滋味貪美酒恣尤殢箇儂休作男兒覷料無非鉛華侶伴裙簪班輩正自難分姑與嫂謾道燕如兄弟恐還是趙家姊妹兒女溫存原自慣願卿卿憐婦如憐婿今何夕三生會此詞一出盛傳都下

紅泉館杭葦浦寓廬有紅泉館對雪用東坡聚星堂禁體韻詩可與綠雨樓作偶



錢塘王文莊乾隆乙丑一甲第三人及第通籍三十一年蒙 恩賞福字二十四幅乙未冬重加裝潢懸

賜第之東顏曰二十四福堂次年春卒

賜策在護國寺街

聽月樓未詳所在相傳梁家園向東小樓卽是也毛西河有題家司百聽月樓詩金梯不必問孀娥夜靜猶聞水調歌穿榻碎投千片玉當窻寒瀉萬重波榆含星影拋錢細桂入秋來落子多自是凌雲遺構在不須烏鵲更填河

康熙間西域貢獅子二形如圖畫後口外打圍遇兩罷

宸垣識畧

卷十六

七

人不能勝 名獅子獲得之老獅力盡而斃小獅繼亦逸去其羆皮實之以草置 雍和宮殿庭懸牌于腰間一重一千三百餘觔一重八百餘觔

太常寺署中有蝴蝶一色黃大如茶盃吏人欲見之呼曰老道則飛至掌中有欲害之心卽飛去相傳自明嘉靖至今約二百餘年物也

長元按乾隆戊申冬

上齋宿 郊壇詢太常寺卿乃以盒盛進有

御製太常仙蝶詩俾仍歸寺內



壺蘆器出于康熙年間奉宸苑取架瓠而規模之及熟遂成器皿盤盃盆盒惟所命蓋其樸可尚而巧亦非人力之所能爲有

御製詩

御園十種蒲桃十種者一伏地公領孫二伏地黑蒲桃三伏地瑪瑙蒲桃四哈密公領孫五瑣瑣蒲桃六哈密綠蒲桃七哈密紅蒲桃八哈密黑蒲桃九哈密白蒲桃十馬乳蒲桃康熙中查慎行有 恩賜御園十種蒲桃恭紀詩

宸垣識畧

卷十六

三六

景山內垣西北隅有連房百餘間爲蘇州梨園供奉所居俗稱蘇州巷總門內有廟三楹祀翼宿前有亭爲度曲之所其子弟亦延師受業出入由景山西門南花園今改名南府爲梨園子弟所居稱南府學生其出入關防甚嚴

呂氏古藤花在西猪市大街北昔屋爲呂氏所居幾易主矣藤本大如盃盤拏屈曲根上刻大德四年字不知何人手也花色深紫其爲數百年物無疑

米石棄置良鄉縣多年 本朝乾隆間 命運至昆明



湖之樂壽堂名之曰青芝岫有

御製詩按春明夢餘錄云米萬鍾旣得異石于大房東  
牲載書以告甬東薛岡見之復代石報米書二書當  
時傳誦以爲韻事

蘋婆果朱竹垞云燕地蘋婆果味雖平淡夜置枕邊微  
有香氣佛書所謂蘋婆華言相思也按詩蔽芾甘棠  
毛傳甘棠杜也鄭康成註北人謂之杜梨南人謂之  
棠梨爾雅杜赤棠郭璞曰今之杜梨也樊光曰赤者  
爲杜白者爲棠陸璣曰赤棠與白杜同但子有赤白

宸垣識畧

卷十六

三九

美惡子白色爲白棠甘棠也少酢滑美赤棠子澁而  
酢無味通志甘棠通之棠梨又有沙棠廣志云如棠  
味如李無核竊疑今之蘋婆果卽詩所云甘棠而俗  
呼沙果卽沙棠呼櫝子者乃赤棠也其曰棠梨者以  
花似棠實似梨合而稱之爾

毛西河帝京踏燈詞毬場花貌打三郎重戴朱竿學教  
坊何處大鰲山最美三條火巷在廊房 勾闌缺處  
接燈棚五色番花四角擎踏斷麻鞋歸不得永安門  
外老田更 放夜金吾首戴翎紅纓白馬駕朱軒月



明只覺天星少散作車盤兩面釘 夜涼蟬鬢貼金  
貂漏滴銅餅水漸消忽聽盒中千礮發襄陽城破在  
中宵 一道燈輪去復迴瓜囊鏤作八仙臺走橋婦  
女呼教住好讓秧歌打過來 靈祐宮聯祈穀壇螭  
糊紅紙坐坊官露珠滴盡壇前樹綵剪蓮花頗耐寒  
查嗣琛雜咏詩蟾蜍多畫小青旗東面風來習習吹一  
口春含蘆腹冷櫻桃先破淡胭脂 排日金銀換鐸  
針葫蘆燈景蟒更新城中又學宮中樣一尺盤龍半  
額顰 探春花早試新年寒共盆梅欲鬪妍四十九

宸垣識畧

卷十六

四

丸爭得偶玉除煎餅更熏天 六街燈月影鱗鱗踏  
遍長橋摸鎖頻畧遣金吾弛夜禁九門猶有放偷人  
火樹星毬影萬層累成雞卵結成冰街南街北遊  
難遍不看黃河九曲燈 家家門畫引龍灰鮮研桃  
花玉作堆倚檻紅粧嬌不避侍郎簫鼓進香回 傳  
杯走馬氣憑陵木兔爭看射兩朋貴買頭綱茶十片  
來聽銅盃試春冰 纔食不落兼烏飯游女西山結  
伴多別有紅粧花作隊攏鞭騎馬上秋坡 毬場射  
柳馬如飛艾葉催裝七事衣傳是民間兒女節要青



纔罷送青歸 五生盆內麥新抽  
海馬羚羊供未收 百七十楹針線殿  
同披鵲補祝牽牛 搗衣聲急如  
刁斗月射橫河淡不流  
殺氣先教刑白犬 年年移帳  
厭中秋 秋隄白兔長霜毫  
割肉分肝飲血豪 南客  
不知邊味美 菊花惟換吉祥糕  
學畫消寒九九圖 紅窻費盡好  
工夫 朝朝和墨番番數算到  
花朝得了 無 四六烏薪一尺長  
騰前分賜小紅筐 綵裝別進  
將軍炭莫假衣冠 近御牀  
結束誰家好 細娘額痕  
猶帶昔時黃 畫眉不用齋堂墨  
學得遼西拜佛粧

宸垣識畧

卷十六

四二

喧涼占斷屏幃福 晴雨淹留酒色天  
鍛磨齋前重懺

悔油窻花戶過新年

油窻卽今亮窻以琉璃片繪畫人物花卉

尤西堂偶見二首夾路騎驢女似雲  
避風半掩碧紗幘

盡知愛惜加窮袴 懶着金泥簇蝶裙  
炊無曲突臥

無牀砌得磚 鑪近坑旁少婦日高猶懶起  
擁衾側臥

煮羹湯

查慎行新年詞 萬歲山前百戲陳  
內城排日作新春 金錢多少纏頭費  
半出朝元會裏人 綺羅珠翠極鮮

新襦袴誰憐 雪裏貧一樣 井平好時節  
兩宮春帖進



詞臣 杏黃韁配紫貂鞍 天子親祠祈穀壇前隊  
不教傳警蹕萬人齊傍馬頭看 纔了歌場便賣燈  
三條五劇一層層東華舊市名空在靈祐宮前另結  
棚 雀翎風細遞傳呼三日 君恩有賜醮飛放泊  
前騎馬入文官班次執金吾 巧裁幡勝試新羅畫  
綵描金作鬧蛾從此剪刀閒一月閨中針線歲前多  
添得樓中幾日忙簇新裙帕紫姑裝一年休咎憑  
伊卜拍手齊歌馬糞薊 繭紙輕敲作鼓聲啣環絡  
索鐵錚錚踏歌連臂同兒戲何限年光付送迎

宸垣識畧

卷十六

四二

魏之琇咏物詩衣冠燄燄踞當塗入夜兒童雜笑呼一

片熱腸心更赤知君銜號判龍圖

火判官

卯君家世

本蟾宮幻列衣冠氣象雄却笑團圞好時節素娥翻

自怨秋風

月兎翁

街鼓夔夔接踵來擔頭窮市滿城

開大誰何籍知消息風味居然御史臺

圓扁子

栽竹

成形腰鼓如兩端條革弄徐徐當風急轉如流水山

寺聞鐘韻有餘

放空鐘

皎似冰壺徹底清微微呼吸

類調笙兒童更愛新翻樣畫角暗鳴作楚聲

響壺蘆

采暈續紛卓影圓微名恰是古千千懸知小閣湘簾



裏女伴相招賭勝便

錦陀羅

巴菰噓吸氣如蘭慕地

輕雷隔指彈烟滅灰飛供一笑休將戲事等閒看兒州

炮 風勁幽燕自昔聞春來百幻盡凌雲青天碧海

魚龍戲鐵鷁空傳散楚軍

風箏

長元按風俗物產二書所載畧同今錄近人雜咏  
四十首可以括其大概矣



宸垣識畧

卷十六

四

宸垣識畧卷十六